


**TRINUM  
PERFECTISSIMU  
M. SEU TRIA  
SPIRITUALIA  
OPUSCULA, ...**

---

Albertus : Magnus santo  
(santo)









31.3.A.1  
**TRINUM  
PERFECTISSIMUM.**

Seu

**Tria Spiritualia Opuscula, au-  
rea, & incomparabilia, utilissima,  
lectûque dignissima**

**B. ALBERTI DOCTORIS  
MAGNI,**



**Ex Ordine Prædicatorum,  
Episcopi Ratisbonensis.  
PRIMUM.**

**De Conditione Creaturæ rationalis, & quæ  
illi sunt, ad Deum, ad seipsam, aliásque crea-  
turas agnoscendas necessaria.**

**SECUNDUM.**

**Enchiridion de veris, perfectisque Virtutibus,  
& Praxi earundem.**

**TERTIUM.**

**De adhærendo Deo, omni Christiano homi-  
ni apprimè necessarium.**

**Lege & Releges.**

*Editio, tertia correctior.*

---

**AUGUSTÆ VINDELICORUM,**  
**Impensis Franc. Josephi Eisenbarth, Sen. Bibliop.**  
**Anno M. DCC. XXXIII.**



PERILLUSTRI, AC GENEROSO  
DOMINO DOMINO


JOANNI  
JACOBO  
HOLZAPFEL

Ab Herxheim & Kötzt,  
Sacrae Cæsareæ, & Regiæ  
Catholicæ Majestatis


CAROLI VI  
Consiliario actuali.

Inclytæ Reipublicæ Augu-  
stanæ Duûm Viro Præ-  
fecto & Prætori  
Imperiali.





## DEDICATIO.

 Magnos Magna  
decent, quidni &  
Tibi Perillustri  
& gratioſo Do-  
mino hujatis Civitatis Im-  
perialis Auguſtanæ Duûm-  
Viro, hoc [ eſto, mole par-  
vum ] virtute, & contento  
Ma-

DEDICATIO.

Magnum Opusculum , imò  
& ab ipsomet Autore Suo  
B. ALBERTO MAGNO  
celeberrimum , debetur  
summòpere ? Cùm ergò  
juxtà Sapientiæ divinæ testi-  
monium Flamina , unde  
exeunt , redeant , optimo  
Jure prælens Scientiæ infu-  
sæ Rîvulus ex Tuo secretiori  
Librorum Thesauro nobis  
communicatus , & veluti  
quotidianum Spirituale Va-  
de-Mecum commendatum  
ad tuum gratiosum finem  
rediturum fas erat ; sed non  
sine

DEDICATIO.

sine fœnore spiritali, tam novæ & tertiæ Editionis, quàm multiplicis animarum fructificationis : ausim enim omnibus hoc incomparabile Opusculum benè ruminantibus promittere illud Sapient. 7. v. 14. Infinitus enim est Thesaurus hominibus, quô qui usi sunt, participes facti sunt amicitiae Dei. Patêre ergò, Perillustris, ac gratiose Domine Domine Mœccenas, ut Tibi hoc jam antè  
tuum

DEDICATIO.

tuum, tam acceptum offeramus Munus, debitò tot titulis nostræ gratitudinis, quò se se continuando Amori tuo, Favore, & Patrocinio deviniciat, & commendet humillimè, & impensissimè

12. Martii 1733.

Conventus Augustanus  
Frr: Prædicatorum.



# Approbatio Ordinarii.

**P**raesens Opusculum, Trinum Perfectissimum Jure aureum & incomparabile intitulatum, utpotè magis celesti & infusâ, quàm humanâ scientiâ elucubratum, cùm jam inter præciara B. Authoris Alberti Magni approbata opera reperiatur, nullâ novâ Censurâ indiget, sed potius ob tertiam Editionem Recommendatione, ut omnium manibus, tanquam Manuale teratur; ausim promittere assiduis ejusdem lectoribus illud magnificum Encomium. Sapient. 7. v. 14. *Infinitus enim Thesaurus est hominibus, quò qui usi sunt, participes facti sunt amicitia DEI.*

Imprimatur H. S.

Ex Vicariatu Augustæ die 3. Martii 1733.  
Gerardus Guilielmus à Dolberg  
Vicarius Generalis,

Franciscus Josephus à Handl,  
SS. Theol. Licent. Rev. &  
Seren. Princip. & Episcopi  
August. Consil. Eccl. Major  
Pœnit. & Lib. Censor, ac  
Infig. Eccl. ad S. Mauris.  
Can. Parochus,



# DE ALBERTI MAGNI VITA,

Et præsente ejus opere.



ALBERTUS MAGNUS, hoc enim cognomentum ob multijugam eruditionem raramque sapientiam apud omnes invenit, & primis sui sæculi Theologis ac Philosophis extitit, neque solum admirabilis doctrinæ laude, sed & singulari vitæ Sanctimonia longè latèque excelluit. Ac natione quidem Germanus fuit, provinciâ Suevus, patriâ Lauingenensis, professione vitæ Dominicanus, & dignitate demùm

A

non

## VITA

non modò Clariss. Theologus, sed & Antistes Ratisbonensis eximius sub Rudolpho Imperatore. Cæterùm relicto Episcopatu, ad vitam redijt monasticam, ut sibi sacrisque studiis & DEO imprimis toto vacaret pectore. Quaj in re cum aliorum plurium verè piorum Præsulum, tum maximi apud Græcos Theologi Gregorii Nazianzeni exemplum voluit æmulari. Primùm verò Parisius, ac deinde Colonia, ubi sepulchrum ejus adhuc visitur, cum summa sui nominis celebritate Theologicam Cathedram tenuit, & inter alios per celebrem illum D. THOMAM Aquinatem habuit auditorem. Porro, cum senex esset octogenarius, vitam Admodùm Religiosam, morte sancto viro digna conclusit, multaque præstantis doctrinæ suæ monumenta reliquit, post quem non surrexit vir similis, sic enim Trithemius palàm prædicat, qui in omnibus litteris, scientiis & rebus tam doctus, eruditus & expertus esset. Quid multa? fuit ille & Patriæ & Ordinis decus insigne, nulli inter Germanos vel Theologo, vel Philosopho secundus.

QUOD ad sequens hujus Auctoris opusculum attinet, sive argumenti præstantiam,

tiam, five methodum & felicitatem in tractatione servatam consideres, non potest illud sapienti ac pio lectori non esse gratum atquè frugiferum. Quid enim virtute ipsa honestius, quid nobilius, pretiosius, salutaris, quid ad benè beatèque vivendum efficacius, & homini tota vita convenientius queat excogitari? Beatus qui virtutes colit, ut sanctissimi Diaconi Ephræm verbis utamur, & qui tanquam ager fertilis uberes vitæ fructus fert in Domino. Feret autem, qui hunc libellum amaverit, & crebrò sumpserit in manus, ita ut singulis saltem diebus, vel hebdomadis in eo virtutem unam consideret, simulque exercitandam sibi proponat ac deligat. Utenim veteres dictitabant: Virtus in actione consistit, & si Areopagitæ credimus, praxis potissima pars est Christianismi.

FATENDUM est interim, styli elegantiam & sermonis nitorem in hoc libello negligi, quòd Auctor, sicut in scriptis aliis, ita hîc etiam pro sui sæculi more non tam verborum, quàm rerum rationem haberet. Paulum Apostolum imitatus, qui de seipso dixit: Imperitus sermone, sed non scientiâ. Prætereà, quàm hoc opus rele-


geretur, & cum aliis exemplaribus confer-  
reretur, mirum, quanta codicum varietas,  
quàm crebra verborum transpositio, qua-  
lisque perturbatio apparuerit sententiarum,  
quæ passim & è sacris litteris, & ex Patrum  
testimoniis producantur. Nequerarò se  
offerebant verba duriora, imò tam obscu-  
ra loca, quæ vix intelligi possent, hoc  
præsertim sæculo.

Quare non potuimus  
non aliquem subire laborem, ut quæ in  
hoc libello multos poterant aut impedire  
aut offendere, paulò commodiori dictione  
alicubi explicarentur, sed retentâ ubique  
Auctoris sententiâ.

Placuit autem vete-  
ribus hunc libellum nunquam satis lauda-  
tum specioso titulo cohonestare, quoniam  
Paradisum animæ illum appellârunt, rati,  
quod res est, in eo, velut amænissimo  
prato, lectori ita esse versandum, ut inde  
& odoriferos piæ doctrinæ flores & salu-  
tares animi fructus stantium virtutum

Insignia depromeret.





De  
**Hominis Natura, & quæ illi**  
 sint ad DEUM, seipsum, & alias crea-  
 turas cognoscendas necessaria.

**P R O L O G U S.**

*Quàm sit necessarium, nosse, quæ in hoc scribun-  
 tur opusculo.*

**H**Uc quæso Lector, huc oculos animum-  
 que converte: de rebus enim magnis  
 loquuturus sum. Hic doceberis,  
 quam debeas de te nosse scientiam. Hic  
 discēs, quicumque homo rationalis es, quid ip-  
 se sis? quid tibi? quid DEO? quid proximo de-  
 beas? Hic discēs tuum laudare opificem, di-  
 ligere, & honorare, metuere, revereri; teip-  
 sum autem despiciere, & proprium amorem,  
 laudem, favoremque acriter aspernari. Hic  
 discēs omnem de DEO, & de Homine verita-  
 tem, & quæ tibi necessaria sunt ad omnem per-  
 fectionem, ut apprehendas veram vitam. Hic  
 Hic discēs, quicquid in sacra Scriptura diffusè  
 præcipitur, & discusso ignorantia nubilo, luce  
 clariùs cuncta pateſcent. Hic discēs omnes,  
 quæ de DEO, deque Homine formari pote-  
 runt,

runt, dissolvere quæstiones. Hic agnoscas omnes errores, sectas, & opiniones Philosophorum, Paganorum, Hæreticorum: & quicquid sanæ fidei contrarium est, facile deprehendes. Hic tibi, quicquid sparsim in sacris doctorum libris disputatum est, collectum oppan-  
ditur. Hic discas, à quo, & propter quid factus sis? quod bonum, quodve sit malum tuum? quid obligaris, cui, & propter quid obligatus sis? Hic discas agnoscere ruinam, corruptionem, cladem, miseriam & damnationem generis humani, & unde hæc mala omnia pullularint? Hic discas, quid homo in prima conditione fuerit, unde ceciderit, quo i-  
erit, in quos latrones inciderit, quas plagas suscep-  
perit, & quàm longè à prima perfectione ex-  
ulârit, & quibus tandem remediis, & cujus mi-  
seratione reparatus sit? Hic discas omnem humilitatem, obedientiam, benignitatem, ju-  
stitiam, charitatem, veritatem. Hic asperna-  
beris omnem arrogantiam, superbiam, in-  
vidiam, & quicquid virtutis est & gratiæ conse-  
quêris. Hæc tibi magis cognitu sunt neces-  
saria, quàm si nosse siderum cursus, herbarum  
vires, & quicquid aut Poëta aut Rhetor in-  
struit, aut Philosophus. Vana est enim om-  
nis industria, quæ non innititur scientiæ DEI.  
Hæc scientia argumenta affert solidissima, qui-  
bus potest contradicere nemo: arguit enim per  
ea, quæ sunt cunctis certissima, ut sunt homo,  
cæteræque creaturæ, atque ideo hæc scientia  
non alios testes exigit, præter hominem, qui  
hæc

hæc norit. Necte scandalizet rogo, quòd à rebus infimis, & humilibus exordium sumit, hæc enim humilia ad summa te fastigia sublevabunt.


Quantò nempe in imo fœderis fundamentum, tantò celliora culmina poteris sublimare.

Nam principia hujus artis res sunt, quæ & palpari, & cerni possunt, quæ quantò sunt viliora, tantò sunt firmiora ad id, quod probare contendimus.

Scripturas sacras facile quis impia interpretatione subruere potest: sed nemo est tam execrandi dogmatis hæreticus, qui naturæ librum falsificare possit, in quo manifestis obrutibus omnia propolantur.

Pronus igitur, mi suavissime Lector, istuc accesseris animi tui lucra maxima reportaturus. Nunquàm te liber iste dimittat, donec in gemitum lachrymasque solvaris, & scelerum tuorum te pœniteat.

Quia si tam dura præcordia possederis, ut ingemiscere ac dolere non possis, jam acriter pertimesce; quia cor durum malè habebit in novissimis.





# Isagoge, seu introductio in hunc Librum.

RÆMUNDUS.

**U**Nde nunc venis, mi Dominice? & quor-  
sum sub hoc diluculo maturas iter? **DO-**  
**MINICUS.** Huc ad te propero, te  
quæro, te desidero, mi Ræmunde suavissime.  
**RÆM.** Gratissimus mihi hospes advenisti: ne-  
que enim inter mortales quispiam est, quem ju-  
cundius exceperim. Sed quæso te, quid an-  
te ortum solis ocius surrexisti? rem certè gran-  
dem aliquam meditaris. **DOM.** Hesternæ se-  
ro, cum essem in Gymnasio Tolozano, post  
varias quæstiones explicitas, audiui illic à nar-  
rantibus, iis diebus, quibus pro communi uti-  
litate absens fui, mirabilem te omnibus coram  
disputationem habuisse, quâ sanctiorem, uti-  
lioremve nemo se unquam asserit audiisse, tan-  
tæque fuisse virtutis, ut non illum ullatenus ar-  
bitrentur hominem, neque spem habere salutis,  
qui eâ non fuerit à vitiis ad justitiam permuta-  
tus. **RÆM.** Multum mihi homines tribuunt,  
sed ipsi viderint, qua id faciant ratione,  
ego fructum ingenii mei domino dicavi.  
**DOMINICUS.** Justissime id facis. Sed  
obsecro te. ( hâc enim causâ tam manè in tuum  
hunc agrum festinus descendi, ) ut mihi, quæ  
illic à te disputata sunt, scriptis coram exhibeas.  
**RÆM.** Scripta est fateor disputatio illa, sed heu  
mi Dominice! Aurelius Sulpitius amicus noster  
jam fermè mensis est, librum illum, ut sibi de-  
scri-

scriberet, asportavit. Quid igitur tibi nunc faciam? DOM. Nuncquid tu me vacuum patieris abire? nunquid ideo sine doctrina es, aut industriam omnem perdidisti, quia liber ille à te dimissus est? RÆM. Sed quid tibi vis faciam? DOM. Certè ut videam, aperi mihi lumen ingenii tui, & illam Sapiëntiam, quâ librum illum DEI munere condidisti, rursum quæso mihi clemens aperias. Nihil tibi obfuerit, imò proderit multum, si rem tam salutiferam etiam septies resumpseris. Præstare etiam debes hoc amico tuo, quem tua dignatione semper ex animo charum habuisti, & in petitione tam necessaria non fatigari. RÆM. En! pareo libens votis tuis, & trium dierum disputationi me promptum exhibeo. Dum igitur materiam à fundamentis exordior, tu diligenter aspicio, & sapienter interrogato. DOM. Faciam quod hortaris. RÆM. Animus humanus, circa inquisitionem veritatis occupatus, nunquam antè quiescit, donec ad ultimum venerit certitudinis gradum. Virtus autem certitudinis ex firmitate testimoniorum, seu testium generatur, qui quanto fuerint magis manifesti, lucidi, propinqui, tanto certiores fidem, credulitatemque constituunt. Verum, quia nulla res est magis nota, propinqua, intrinseca alteri, quàm ipsa sibi, ideo quicquid per propriam ipsius rei naturam ostendimus, id solidissimum, id verissimum est. Et idcirco omne, quod de homine monstraturi nunc sumus, per ipsius hominis naturam, maximam dictis nostris fidem

facient. Sed quoniam homo longissimè exiit à semetipso, nec jam habitat in nativa domo, ac per hoc nec sui meminit, nec se cognoscit, nec quàm sit nobilis & ingenua creatura intelligit, idèò omninò necessarium est, ut per res inferiores, quæ extrà cognoscit, ad sui cognitionem revocetur. Ut ergo ad se possit ascendere, scala trium graduum opus habet; quos dum scandere, hoc est agnoscere incipit, incipit & agnoscere semetipsum, id enim summopère est illi necessarium. Hujus verò scalæ gradus adeò solidi sunt, & robusti, ut scandens titubare non possit, aut cadere. Volens igitur homo ad seipsum introire, primò consideret rerum creaturarum ordinem inter se. Secundò compareret hominem ad cæteras res penès convenientiam & differentiam earundem. Tertio per hanc comparisonem ascendat homo ad seipsum, & à seipso ad omnium Conditorum DEUM. Tu igitur, mi Dominice, si cupis in his, quæ dicturus sum, proficere, hanc scalam diligenter aspice. DOM. En! præparo tibi cordis oculos, tu mihi hanc scalam ocus expone.

---

Scala naturæ, per quam homo scandit ad semetipsum.

## CAPUT I. RÆMUNDUS.

**D**isputationis igitur nostræ hoc sit exordium. Entium quædam sunt, quæ habent esse tantum; sunt quæ habent esse, & Vivere: sunt

sunt quæ habent Esse, Vivere, & Sentire; Sunt postremò; quæ habent Essè, Vivere, Sentire, & Intelligere.

Hæc est scala naturæ, quæ omne in se Ens manifestè complectitur. DOM.

Video scalam istam, sed quorsum per eam me jubes ascendere? RÆM. Dicam tibi, sed ex-

pecta parumper, donec hos scalæ gradus quaternos in suas partes brevi sermone distinxero.

DOMIN. En sisto pedem, tu verò progredere.

RÆM. Earum rerum, quæ habent esse tantum, multiformis differentia est.

Nam etsi in hoc uno conveniant, quòd habeant esse, recipiunt tamen hoc esse, ista quidem clarius, ista verò obscurius. Inter elementa enim aqua dignior est terrâ, & ignis supra aquam & aërem multò præclarior.

Iste gradus complectitur cuncta, quæ generantur in visceribus terræ, ut sunt mineralia, & metalla omnia, argentum vivum, plumbum, ferrum, cuprum, stannum, argentum & aurum.

Quid autem horum sit altero præstantius, facile est advertere. In hoc gradu est Lasurium, quod aurum pretio superat, sulphur, salpetra, salgemma, & cuncti lapides pretiosi, ut sunt carbunculus, hyacinthus, smaragdus, ametistus, topasius, corallus. Hi omnes magni sunt pretii, magnæ pulchritudinis, & virtutis.

In hoc prætereà gradu sunt omnes cœli, omnia corpora cœlestia, omnes sphæræ, sidera, & septena planetarum lumina. Artificialia quoque ad istum referuntur gradum, quæ etsi inter se de nobilitate compugnent, in hoc tamen cuncta conveniunt, quòd esse tantum

ha-

habent, & non Vivere. DOM. Cùm voluptate te capio disputantem, verùm ad secundum gradum proficiscere. RÆM. In secundo gradu sunt illa omnia, quæ solùm habent esse, & vivere, cujusmodi sunt omnes plantæ, arbores & herbæ. Hæ nempè vitam suam oculis nostris insinuant, dum videmus eas sursum, deorsum, antè & retrò, ad dexteram sinistramque moveri. Attrahunt è terra succum, unde se nutriunt, alimentum, crescunt, augmentantur, & flores, frondes, fructus seminaque producant. Habent enim intra se virtutem quandam, quâ facillè ista perficiant. Sub isto gradu innumerabiles ponuntur arborum & herbarum species, quarum inter se fructus, sapor, odores, virtutes, coloresque longissimè separantur. Omnibus una vivendi ratio: sed nobilitas dignitasque non una. DOM. Si fuerit quispiam, qui dignetur advertere, facillè quæ dicis aspiciet. RÆM. Porrò in tertio gradu animantia cuncta recipimus, quibus esse, & vivere, & sentire indultum est. Ad sensum enim Visus requiritur, & Auditus, Gustus, Odoratus & Tactus. Ad istum gradum referuntur cuncta, quæ moventur in terris, vel in aquis, vel quæ in liquido aëre pervolitant. Considera nunc rogo, quanta sit inter quadrupedes, pisces, volucresque distantia? Nam sicut genus à genere, ita & à speciebus species separantur. In animalibus autem tres gradus invenies. Sunt enim quædam, quæ habent sensum tactûs, sed nèque auditum habent

bent ; neque memoriam , ut sunt conchylia & minuta animalia , arborum & herbarum affixa radicibus , & iste primus est atque infimus gradus. Hæc animalia, quia memoriam non habent , ideò nullam habent prudentiam , nec se de loco ad locum possunt promovere. Quædam verò sensum habent tactûs, & memoriam, sed auditu privantur, ut sunt formicæ, & hujusce generis animantia, quibus memoria est, & providentia & motus localis ; congregant enim in cibum frumentorum grana, ne hyemis tempore fame pereant &c. Et hæc animalia sunt primis nobiliora, cùm illa sint plantis propinquissima. Quædam præterea sunt , quæ habent sensum tactûs, memoriam, & auditum , ut perfecta quæque animalia, cujusmodi est canis, bos, leo , capra &c. Et iste tertius animalium gradus, qui ideò est duobus primis nobilior , quia à plantis est multò distantior, Nunc si libet hos , quos tibi naturæ gradus constitui, ociùs ascende, & in quod sublime te culmen promoverim faciliè deprehendes. DOM. Ecce, ut jussisti, conscendi, & quartum hujus scalæ gradum, quem tu nondum prosequutus es, celeri calco pede. Nam in quarto gradu me ipsum hoc est hominem constituo , cui præter vivere & sentire , subest etiam intelligere , discernere , velle , & nolle liberè ; solo enim libero arbitrio ascendit homo supra cætera animantia , qui potest judicare, ratiocinari, & susceptibilis fieri experientiæ , artis, scientiæ, atque doctrinæ. Hoc modo completa

pleta cum suis gradibus naturæ scala constituitur. RÆM. Rectè tu quidem. Nunc verò in summum hujus scalæ cacumen constitutus, oculos quæso undique circumfer, & intentissimo corde considera, quam habeat homo cum rebus se inferioribus convenientiam, & quam teneat discrepantiam. DOM. En! facio quod hortaris; tu tamen, quò respiciendum, ostendito.

Quomodo homini cum rebus inferioribus  
conveniat.

## C A P U T II. R Æ M U N D U S.

**S**I vigilantì oculo consideres, quam convenientiam habet homo cum rebus trium inferiorum graduum, naturam, & dignitatem hominis perspicuè cognosces, & supra hominem DEUM hominis conditorem intelliges, videbisque Dominum innixum scalæ, & ad ipsum poteris festinus ascendere. Dico ergò breviter, homini convenire cum rebus inferiorum graduum; quia habet esse cum elementis, vivere cum plantis, sentire cum animalibus, completitur enim in se homo omnes perfectiones inferiorum entium: Nam & vivit, & nutritur, & conservatur ab elementis. Convenit etiam ei cum rebus secundi gradus, nam sicut arbores & herbæ vivunt, nutriuntur, crescunt, & gignunt, sic & homo. Pari modo cum rebus tertii gradus, cum quibus & sentit, videt, audit, sapit, odoratur, & tangit. DOM. Facile hanc ego convenientiam animadverto: hoc

hoc tamen ad magnam redundat hominis dignitatem, quòd eas perfectiones, quas res habent inferiores divisim, homo possidet conjunctim. Omnia enim in se continet, quæ in rerum natura bona sunt, nec aliquid potest sibi perfectionis adjungi. Sed rogo te, ut ex hac rerum omnium convenientia DEUM mihi ad oculus demonstres. RÆM. Facile (ut credo) mihi concedis, res horum quatuor graduum suas essentias, suas etiam perfectiones à semetipsis nullatenus possidere. DOMIN. Admitto equidem; nullæ etenim res seipsas aut producere possunt, aut perfectionis aliquid tribuere. RÆM. Fatearis ergò necesse est, unum esse supremum opificem, qui & hominem ipsum, & cuncta, quæ sub homine sunt, potenti manu constituit. Omnia enim ab ipso producta, omnia commensurata & limitata sunt, omnia in numero, pondere & mensura confecta. Unus conditor princeps, qui producta omnia ordinavit, unus, qui unumquodque in suo gradu constituit, unus, qui hos gradus stabilivit, & certis vallavit limitibus. Hic talis ac tantus conditor DEUS est, sublimis, potens, terribilis, & non æstimabitur alius ad illum. Si me juncto pede secutus es, DEUM suprà hominem invenisti, ad DEUM per hos gradus ascendisti, & quomodo huic scalæ innixus sit, luce clarius aspexisti. DOM. Aspexi fateor, & tuæ doctissimæ demonstrationi gratias habeo. RÆM. Est tamen & aliud quiddam, quod ex hac scala poteris intueri. DOM. Quòdnam illud quæso? RÆM. Rerum



rum omnium unum tantum esse conditorem , & gubernatorem DEUM , quod quidem ex his , quæ jam diximus , facile demonstratur. Licet enim in his quatuor gradibus sint plures , & innumerabiles res inter se admodum diversæ non est tamen nisi unus ordo inter eas , & ad unum aliquid referuntur. Ascendunt enim de gradu ad gradum , & ad id , quod dignius , cuncta continent. Videmus enim , quoniam elementa plantas subintrant , & nutriunt , & fructiferas reddunt , fructus verò , fruges & herbæ intrant animalia , & ea nutriunt , Carnes animalium hominem cibant , & ad incrementa perducunt. Corpora quoque cœlestia , ut sol & luna , continue influunt in ista inferiora , & ministrant eis vigorem , & calorem & lumen. Quia ergo unus est omnium ordo , unus est etiam omnium ordinator , unus est artifex , qui tam diversa uno ordine sociavit. DOM. Libens assentior : Nam & elementorum contrariæ qualitates nunquam possent uno ordine ad invicem pacifice sociari , nisi esset unus solus Moderator , qui omnia ordinaret. Video præterea innumerabiles rerum naturas ad unam solam tendere naturam specificam hominis , ut eam in esse conservent. Currunt ergo omnia ad unitatem , & bonitatem , ad fortitudinem , & conservationem. Ex his colligo , humanam naturam tendere debere ad unam solam naturam , sibi superiorem , & dominantem , cui debet ministrare , colere , inhaerere. Una ergo & sola est supra hominem natura , quam DEUM & domina-

mina.

minatorem & rerum principem nominamus. RÆM. Probè me intelligis. Sed hunc rerum omnium principem DEUM, non unum esse specie, sed unum numero, necesse est, ut agnoveris. DOM. Vehementer assentior. Decet enim eam naturam, quæ suprà hominem est, non solum unam esse, imò magis una quàm sit humana natura. Sed in humana natura reperitur unitas specifica: ergò divina natura est individuo una, aliter non esset magis una, quàm sit humana natura. Restat igitur hoc inferendum, Quòd sicut omnes naturæ trium graduum inferiorum cum humanâ naturâ colligantur, ita humana natura (quæ est una sola specie) colligata est cuidam superiori naturæ, quæ tota est una numero. Et sic mundus totus in unum collectus finitur & consummatur in summa ac simplici unitate, quâ nulla potest major æstimari. Non est igitur nisi unus solus DEUS & in simplici individuo, unum numero. RÆM. Luculenta assertio tua; efficacior tamen erit, si affirmes, non solum unum DEUM esse. Sed & impossibile esse, plures esse DEOS. Quod tali ostendit ratione? Si enim essent plures, aut essent inter se contrarii aut amici? Si contrarii, nulla ratione rerum ordo ad unitatem congrueret, nec diu pacificus perduraret; si verò inter se fuerint amici, aut sunt sibi mutuò necessarii, aut unus sufficit sibi? Si dixeris eos sibi necessarios, ut alterius ope alter indigeat, tunc per se quisque est impotens, imbecillis, inscius, ignarus, & sic nulla poterit esse rerum creatio, nec

B

mo.

moderatio, sed nec conservatio quidem. Si verò unus per omnia sibi sufficit, superfluum est alterum ponere. Sed nec rerum natura id ullatenus admittit. Non enim opus est gemino sole, neque ut homo duo capita habeat, cum unum sibi sufficiat. DOM. Concipio rationem. RÆM. Concipias etiam necesse est, hunc DEUM actu esse infinitum. Si enim humana natura est infinita possibilitate, quia quantum ad se attinet, multiplicabilis est in infinitum: mare enim existente & foeminâ, nihil obstat quin tertius generetur, Ignis quoque si apponas combustibile, crescere potest in infinitum. Si ergo hæc sunt possibilitate infinita, sequitur quod natura divina (quæ facta non est, & est omnium maxima) erit actu infinita: quia inter actum & potentiam nullum est dare medium. Et quia natura non potest multiplicari per individua, relinquitur, quod in uno individuo est actu penitus infinita. DOM. Mirabile ex hac nostra disputatione de DEO lumen concipio. RÆM. Majora videbis, cum tibi cœpero demonstrare ex his quatuor præfatis gradibus DEUM habere esse, vivere, sentire, & intelligere. DOM. Oro ut mihi ocius ista demonstres,

DEUS quomodo habeat esse, vivere, sentire  
& intelligere.

### CAPUT III.

RÆMUNDUS.

CUM certissima ratione constet, DEUM  
cuncta creasse, & esse, vivere, sentire, &  
in-

intelligere humanæ contulisse naturæ, qui ergò hæc aliis beneficia manu concessit, multò magis in semetipso & vivit, & sentit & intelligit. Non enim hæc aliis conferre posset, si in se vacuus esset. Et hæc quidem in genere raptim dicta sint: nunc specialius, quomodò DEUS esse habeat, insinuemus. Esse DEI nec habet exordium à nihilo, nec ab alio, nec ab ipso met DEO. DOM. Tria hæc quæ nunc enumerasti, da operam, rogo, ut expressius manifestes. RÆM. Dixi DEUM non accepisse esse suum à nihilo, nec ab alio quoquam, nec à seipso. Non à nihilo, quia non ens nihil producit, nihil constituit. Non etiam ab alio quolibet superiore, vel priore, quia tunc verè DEUS creaturà esset, non creator, factura non factor. Non etiam habet suum esse à semetipso, ita ut sibiipso tribuerit esse quod habet, quia tunc aliquando esse, non habuisset, quod absurdum est dicere. Non refragaris puto. DOM. Credo vera esse quæ dicis. RÆM. Considera nunc præclaram esse DEI conditionem. Unde quia DEUS esse suum recepit ab aliquo, nec à seipso, ideò non recipit multitudinem, conjunctionem, compositionem, diversitatem, sed est simplicissimum, purissimum, indivisibile, & summè unum. DEUS præterea est, suammet esse, & totum esse, à quo non esse longissimè separatur. Omnia nempe quæ præter DEUM habent esse, habent non esse sibi conjunctum: DEUS verò in infinitum à se abigit non esse, & ante se, & post se, & ideò DEUS est ens inter-

minatum, infinitum, æternum, sine principio, sine fine. Et quia esse DEI excludit à se omne non esse, idcirco continet in se quicquid pertinet ad esse. Atque ideò infinitos gradus & rationes & modos essendi intra se complectitur. Sicuti si esset aliquis numerus actu infinitus, hæc infinitas numerorum species in se veraciter contineret. DOM. Intellego optimè cuncta quæ loqueris, quia nisi Dominus DEUS noster infinitos essendi modos intra se concluderet, posset augeri, & crescere in his, quæ non haberet: nec esset completus, nec perfectus DEUS, essetque non ens sibi conjunctum, quod impium est asserere. Relinquitur ergò, quòd DEUS est ens actu altissimum, completissimum, perfectissimum, & maximum. Est præterea immutabilissimum, quia si mutaretur; haberet non esse loci ad quem. Et ideò est in omni loco, in omni tempore, non habens præteritum, neque futurum, sed tantum esse præsens id est nihil novi acquirere potest, nec possidere quicquam. Est igitur DEUS fons & mare essendi infinitum, hinc mensura sine termino, sine fundo. RÆM. Puto te etiam intelligere, ut quoniam divina essentia excludit à se omne non esse, ideò non posse esse plura entia infinita. Si enim duæ essent infinitæ substantiæ, esse unius non esset in altero, & sic neuter DEUS esset perfectus, & infinitus, cum uterque haberet sibi conjunctum non esse alterius. Præterea, quia DEUS abjicit à se omne non esse, ideò habilitas, impotentia, ignorantia longissimè ab eo removen-  
tur.

tur. Tenemus ergò, DEUM summæ esse virtutis, potestatis, sapientiæ, & majestatis, cui uni soli creandarum rerum potentia tribuatur. DOM. Habent hæc, quæ dixisti, ex præcedentibus consequentiam, unum tamen abs te interrogo: DEUS quia abigit à se omne non esse; ideò necessariò intra se continet omne esse. Sequitur ergò, quòd DEUS habet in se esse terræ, esse aquæ, esse aëris & ignis, esse quoque asini, bovis, leonis. Sed nunquid DEUS terra est, aut aër, aut ignis, aut asinus, aut leo? Quis sanæ mentis ista dixerit? RÆM. Facile respondeo. Duplex autem est esse terræ, aëris, ignis, omniumque rerum conditarum: Unum, quod in se habent, & in natura propria, quam videmus. Aliud quod in suo habent conditore, quod videre non possumus. Res ergò creatæ juxta esse, quod habent in sua natura nullatenus sunt in DEO: quia esse DEI tale esse habere non potest, cùm sit ipse incompositus, indivisibilis, immutabilis, æternus. Omnia autem creata de se sunt corruptibilia, composita, mutabilia, finita &c. taliter ergò non sunt in DEO. Sed quoniam DEUS habet in se omne esse, ideò omnes res creatæ sunt in DEO, ut in suo Creatore, Moderatore, Conservatore. Cape manifestum exemplum: Domus, quam tu fabricasti habet duplex esse: Unum, quod extrà videmus in propria natura, Aliud, quod non videmus, in mente artificis. Ita & de rebus creatis intellige. DOM. Sed si DEUS abjicit omne non esse, ideò nullum



lum esse potest extra DEUM haberi, sed creaturæ habent ( ut certum est ) esse reale extra DEUM: ergo vel tale esse est etiam in DEO, vel DEUS non habet omne esse. RÆM. Fortiter me premis: Primum dico, separa mihi ab omni re creata omne compositum, omne corruptibile, omne finitum, mutabile, caducum, divisibile, & breviter omne, quod sonat imperfectionem, atque indigentiam: Quod dum feceris, vide si non tunc omnia creata sunt in DEO, imò ipse DEUS. Habet ergo DEUS omne esse reale rerum intra se, seclusa tamen à rebus omni imperfectione, quæ DEO perfectissimo admisceri non potest. Dico secundò: Omnia entia esse in DEO secundum triplicem causæ respectum. Exempli gratiâ, Domus fabricata respicit primò suum artificem, ut causam efficientem, secundò ut causam exemplarem; propter similitudinem, quam in suo gerit opifice: tertio ut causam finalem, propter quam domus ipsa sumpsit originem. Pari modo de rebus creatis, & suo conditore cogita, in quo sunt, ut in sua causa efficiente, formali & finali: non materiali, quia Mundus ex nihilo, agente DEO, constitutus est. Est etiam Mundus in DEO, ut in suo gubernatore, provisoro, conservatore, propagatore. DOM. Adjutus sum responsis tuis, at quoniam in rerum productionem incidimus, oro te, ut quomodo à DEO Mundus procreatus sit, breviter edisseras. RÆM. Faciam quod præcaris. Primò ~~no~~veris, Mundum per modum artis à magno DEO, non natura, neque

que ex necessitate productum. Nam ex quo DEUS habet arbitrium liberum, ideo omnia producit intellectu & voluntate. Et quia mundi productio est artificialis; ideo non est de natura sui opificis. Præterea sicut artifex producit domum juxta similitudinem, quam gestat in mente: ita & DEUS pulchrum, pulcherrimus ipse Mundum mente continuit, & simili imagine extrâ in esse constituit. Et sicut artifex ante productionem habet intellectu formam & similitudinem rei producendæ, alias eam producere non posset: Ita DEUS nunquam extrâ se Mundum formaret, nisi ipsam ideam mundi prius in mente sua teneret. At quoniam DEUS hanc Mundi similitudinem non potuit aliundè ab aliquo extrinseco recipere, ideo ab æterno eam in suo retinuit intellectu: ac perinde Mundus est in DEO æternus, atque idipsum quod DEUS. Verùm quia esse DEI est multò præclariùs, digniùs, ac nobiliùs, quàm esse Mundi extrâ producti de nihilo: ideo dignius & illustrius esse habet Mundus in DEO, quam in semetipso. Præterea sicut artifex ipse potest innumeras domos producere per domum, quam gestat in mente: ita & DEUS, si vellet, infinitos adhuc Mundos formaret ex Mundi imagine quam retinet in corde. Et sicuti artifex meliori quàm potest industrîâ, & juxta condignam exigentiam domum producit, ita & DEUS Mundum, quem condidit, summâ & condignâ perfectione donavit. Verùm in hoc fallit exemplum artificis, & conditoris. Nam, quoniam artifex



solam ponit formam in materia, nec tamen facit ipsam materiam: ideo non necesse est, ut semper cum sua domo permaneat; potest enim domus persistere ipso ruente. At non ita est inter creaturam & plastem suum: DEUS enim non solum ponit formam in materia, sed & ipsam materiam de nihilo producit. Idcirco Mundus necessariam habet continuam præsentiam DEI, nec posset ad momentum unum persistere, sed per præceptum iret in nihilum, si suam illi DEUS subtrahat manum. Portat igitur DEUS robustissima manu sua Mundum universum, illum creans, illum moderans, conservans, & ad finem debitum cuncta perducens. At quoniam hic cellissimus conditor continuè Mundum conservat, & manu retinet, ne ruat in nihilum: ideo clarè relinquitur, quod etiam continuè Mundum creat, sicut sol sine intermissione suos in æther radios format. Nisi enim incessanter sol à se radios diffunderet, radiorum claritas contabesceret. Ita & Mundus repente deficeret, si non continuè à DEO crearetur, & servaretur. DOM. Ex his, quæ doctè nunc perorasti, hæresis Peripateticorum Philosophorum facile convellitur, qui Mundum garriunt ab æterno fuisse; quod si verum esset, nunquam potuisset à DEO creari, nec egeret gubernatione, conservatione, directione. Est ergo (ut tu asseris) in tempore, & de nihilo à DEO productus, non necessitate, sed sola DEI voluntate, dulcedine, bonitate, liberalitate. Dum ergo respicimus ad Mundum, quem in tanta majestate

jestate de nihilo formavit, apprehendimus Dominum DEUM nostrum fortissimum, omnipotentissimum, æternum, infinitum, immutabilem, ac summè unum, immensæ majestatis, gloriæ, ac celsitudinis, qui de non esse universa constituit, retinet, & moderatur. Hinc vehementer exulto, dum hujus admirandi opificis in me facturam considero, & cùm de nihilo sim ab eo formatus, principalior tamen & dignior pars sum Universi, sub ipso rerum omnium caput & dominus. Gaudeo igitur, & Ræmundè gratias maximas habeo, qui me in id perduxisti, ut noverim me habere tam nobilem, tam sublinem, tam beneficum Creatorem, qui me, cùm non essem, nobiliter creavit, creatum verò conservat, regit, & dirigit. At nunc, undè paululùm digressi sumus, ociùs revertamur.

Sicut DEUS habet esse, ita habet, & vivere, sentire, & intelligere.

## C A P U T I V.

### RÆMUNDUS.

**A** Nimadvertisti? quàm fructuosus tibi fuerit excursus noster: verùm, ut hortaris, sicut paulò antè de esse DEI diximus, ita nunc quomodo DEUS vivere habeat, differemus. Sicuti per esse Mundi, quod cernimus, arguimus aliud esse quod non cernimus: sic per ea, quæ videmus in Mundo vivere, DEUM vivere manifestè colligimus. Nunquàm enim Mundus

B §

vive-

viveret, nisi DEUS antè vixisset. Præterea cum DEUS necessario habeat esse, habeatque, quicquid convenit cum esse, cum esse DEI separaret à se omne non esse, ideo necessario habet, & vivere, quia vivere convenit cum esse. Vivere enim ipsum esse nobilitat, & illustrius reddit, ut videmus ad oculum in creaturis. Si enim DEUS haberet esse sine vita, sensu, & intellectu: tunc esse DEI non includeret omne esse, quia vita, sensus, & intellectus sunt res reales, quæ ab infinito esse separari non possunt. Et ideo manifestè colligitur, ut quia habet esse, habet necessario & vivere, & sentire, & intelligere. DOM. Nihil verius: sed quia ens simplicissimum, & summè unum, sine compositione, sine divisione, ideo vivere DEI est omnino idem, quod suum esse, nec sentire, aut intelligere quicquam aliud sunt in DEO, quàm vivere. Et quia DEUS est suum esse, & esse DEI idem est quòd DEUS, ita DEUS ex sua vita, suis sensus, suis item intellectus. Et quemadmodum DEUS excludit à se omne non esse, omne scilicet non esse negativum, & non esse privativum, ita excludit omne non vivere, non sentire, non intelligere. Et ideo ab æterno & in æternum DEUS vivit sine principio, sine fine. Ideo solus habet immortalitatem, quia suæ perpetuæ vitæ non potest adscribi permutatio, nulla fieri additio, nulla ablatio. Et quia DEUS est sua vita; ideo est tota vita, nec est quicquam aliud, quàm ipsamet vita. Hinc sequitur, quòd omne creatum vivit in DEO, & ideo

ideò DEO omnia vivunt, nec aliquid in DEO moritur. RÆM. Pulchrè admodum intelligis dictum nostri Evangelistæ. Quod factum est in ipso vita erat. Nam ex quo omnia vivunt in DEO, creaturæ omnes quæ nunc vivunt, etiam antequàm in se viverent in DEO vivebant. Verùm nunc de ipso sentire pauca dicamus. Sicuti enim sensum in animantibus esse videmus, ita DEUM quoque (qui sensum illum largitus est) sentire cognoscimus. Prætereà si DEUS habet omne esse, habet & sentire, quia sentire est esse, & valdè nobile esse; ideò necessariò est in DEO, alioquin non excluderet à se omne non esse. Et sicuti DEUS est suum esse, & suum vivere, ita est suum sentire; quia vivere, & sentire non faciunt in DEO ullam distantiam. Relinquitur ergò quia DEUS audit, videt, odorat, sentit, & tangit. Non tamen eo modo, quo id animantibus convenit, sed invisibiliter, spiritualiter, realiter tamen. Ex his verò, quæ nunc de esse, Vivere, & DEI sentire diximus, puto te optimè comprehendere, quid de suo intelligere dicere debeamus. DOM. Comprehendo planè; necessariò enim sequitur, ut qui homini intellectum tribuit, cùm is sit inter DEI munera nobilissimus, ipse quoque intellectum habeat oportet. Et quia intelligere est esse, imò præstantissimum esse, ideò si DEUS habet omne esse, habet & intelligere. Prætereà sicut esse DEI est incommutabile, nec præteritum recipiens, nec futurum, sed præsens solum, ita intellectus DEI non incurrit ab uno in aliud, sed sunt ei ab æter-

æterno præsentia omnia. Et sicut non eget DEUS aliquo ad essendum: ita nullo indiget ad intelligendum. Quia verò esse DEI est infinitum, & continuè suum esse intelligit, ideò semper intelligit infinitum. Et quia in suo esse totus est Mundus, & quicquid adhuc esse potest: intelligens ergò suum esse, totum mundum simul intelligit, & quicquid potest esse. Et sicut in DEO sunt omnia simul, ita simul omnia intelligit, videt & cognoscit per suum esse, tanquàm per speculum universale, quod est omnium rerum communis idea. At verò quoniam tantum est suum intelligere quantum est suum esse, ideò cum summa voluptate intelligit se habere æternum esse, æternum vivere: se esse immortalem, omnipotentissimum, perfectissimum, & id verissimè se esse, quod in veritate est. Et quia esse atque intelligere in DEO idem sunt, ideò & se intelligere intelligit, & sapere cognoscit. Præterea quia DEUS habet in se omne esse, & omnes essendi gradus: intelligens ergò suum esse, intelligit simul infinitos existentiae gradus: atque ideò actu intelligit totum esse Mundi, & omnes species, naturas omnes, & individua omnia, & quicquid unquam aut fuit, aut est, aut futurum est, aut esse potest. Uno ergo intelligentiæ obtutu terribilis ille majestatis oculus videt, numeratque totam arenam maris, aquarum & pluviarum guttas, omnes partes terræ, & quæ in terra, aut in visceribus terræ, aut in undis & fluminibus generantur, omnes itidem stellas cæli, virtutes & cursus earum, omnes dies sæculi, &  
ho-

horas, & momenta dierum, herbas, & herbarum vires, arbores omnes, fructus & frondes, semina & grana omnia, hominum quoque, daemonum & angelorum cogitationes, intentiones, desideria, opera, & verba singulorum, omnia videt, omnia novit, omnia discutit, & quicquid abditissimum est, clarissime comprehendit.

Omnia enim nuda & aperta sunt oculis ejus. Ex his manifestissime lucet, DEI intelligentiam, DEI notitiam infinitam esse, innumerabilem, incomprehensibilem. RÆM. Cum ingenti gaudio te hæc audio differentem. Optime comprehendis, incomprehensibilem esse DEI essentiam, vitam, sensum, atque intellectum, quæ quia in DEO unum sunt, qui unum ponit, omnia ponit, & qui unum tollit, omnia tollit. Qui enim dicit DEUM non intelligere, negat & DEUM esse. Et quia ens verum & bonum convertuntur, qui negat DEUM esse, negat DEUM & bonum & verum & justum esse. Sed patere quæso, ut paulò longius te protraham. DOM. Patior quod vis. RÆM. Videsne igitur ex his, quæ jam diximus, manifestè sequi, ut consequenter dicamus, DEUM iucorporeum esse, & liberum habere arbitrium? DOM. Per rimas (ut ajunt) hæc utcunque video, oro tamen ut palàm mihi ista demonstres. RÆM. Diximus suprà, idem esse in DEO intelligere, sentire, vivere & esse, sed intelligere est spirituale, ergò & sentire & vivere & esse in DEO penitus est spirituale. Est ergò DEUS naturâ spiritualis, incompositus, impartibilis, simplicissimus. Hinc  
se-

quitur, quòd DEUS est incorporeus, impalpabilis, invisibilis, nec aliquo sensu corporeo perceptibilis. DOM. Hic pulchrè eliditur hæresis Antromorphitana, quæ asserit DEUM habere humani corporis effigiem, hominemque juxta hanc membrorum suorum descriptionem ad suam imaginem condidisse, hunc errorum nequissimus impostor Mahometus in suo Alchorano, & Judæi in suo libro, quem Thalmud vocitant, longissimis fabulis prosequuntur. Nos verò qui scimus, quoniam Spiritus est DEUS, ipsum in Spiritu adoramus. Hinc DEUS optimus maximus homini intellectum contulit, à quo solo potest cognosci, diligi, revereri. Horum gratiâ homo post mortem accipit DEUM pro munere, invisibilem, immensurabilem, incapabilem &c. intellectus enim humanus adeò nobilis est, ut non possit caducis, & visibilibus bonis munerari, & ideò bona intellectus sunt spiritualia, æterna, infinita, semper permanentia. Nunc de secundo, videlicet, quòd DEUS habeat liberum arbitrium ocius exequere.

DEUM habere voluntatem, & liberum arbitrium.

## C A P U T V.

RÆMUNDUS.

CUM homini liberum communicavit arbitrium DEUS, manifestum est, quod & ipse liberum arbitrium habeat, nam nemo dat, quod non habet, Præterea si DEUS habet esse intellectuale, habet etiam & velle, quia intel-

intellectus sine voluntate esse non potest. Et sicut DEUS habet esse primum, ita voluntas ejus est prima voluntas, nec sequitur ullam aliam voluntatem: idcirco quicquid DEUS vult, sua id vult propria voluntate, & quia in DEO esse, & velle idem sunt, ideo quæcunque de DEI supra diximus, de sua voluntate dicere tenemur, quod videlicet est immutabilis, invariabilis, æterna, completissima, plenissima, omnipotentissima. Et sicut DEUS intelligit se primò; & suum esse, ita vult primò seipsum, & suam plenissimam perfectionem, & quemadmodum habet, ita & cupit sibi ipsi omne bonum, omne gaudium, omne solatium. Est ergo in continua, jugique lætitia; & habet æternum gaudium intra semetipsum. Præterea, cum voluntas in DEO idem sit quod intellectus, cujus prima operatio est intelligere verba, sensumque verborum. Secunda, discutere per rationem, an res intellecta vera, an falsa sit, justa vel injusta. Tertia operatio, quod verum & justum est approbare; rejicere autem quod falsum est. Quia ergo voluntas, & intellectus in DEO unum sunt, non potest sua voluntas ab intellectu discordiam facere, ideo DEUS nihil potest velle contra rationem, nec contra justum judicium intellectus. Idcirco divinæ operationes justæ sunt, rationabiles, ordinatæ, sanctæ & veræ: & voluntas ejus semper est rectissima, justissima, ordinatissima, & prima regula, quæ obliquari, & in transversum duci non potest, nec à veritate ullatenus declinare, cum sit ipsamet veritas, Quæ  
et si



mala aliqua, atque injusta fieri permittat, nunquam tamen ea inordinata relinquit, sed ea semper dirigit in bonum finem. DOM. Hinc manifestè colligitur, nunquam debere hominem murmurare contra voluntatem DEI, sed æquo animo perferre, quicquid in illum divina censura decreverit. Et ideò voluntas, quæ ab hac divina & prima voluntate discordat, tortuosa est, inordinata, injusta, pœnis digna atque suppliciis. RÆM. Verum asseris, sed nunc sequeremur quæso, & ex cognitione liberi arbitrii de DEO tuo stupenda, magnificaque cognoscas. Ex quò enim in DEO est liberum arbitrium, atque æternum: ideò divina liberras est prima, æterna, summa, plenissima, quæ à nullo unquam aut deprimi possit, aut violari. Hinc sequitur, quòd habet omnia quæ summæ competunt libertati. Et ideò DEUS quicquid vult, est; & quicquid non vult, non est, & eo modo, quo vult, & sicut vult, est. Est ergò talis, tantusque qualis, quantusque vult esse: alioquin sua voluntas esset restricta, & impedita, nec in summa consisteret arce libertatis. DOM. Omnino necesse est ita fateri: Idcirco consequens est, DEUM esse omnipotentem, summè bonum, summè benignum, summè justum, misericordem, omnia scientem, omnia, quæ vult de nihilo procreantem. Nam talem se, ac tantum esse vult, atque desiderat. Est ergò summus dominus, summus Imperator, solus bonus & potens Rex, cui subest, cum voluerit posse, cujus virtuti nemo resistit, cujus sapientiam nemo fallit, cujus dul-

dulcedini se nemo subducit. RÆM. Magnificè tu quidem; nam plena libertas arguit DEUM omnipotentem, cum summa sapientia, & summè sapientem cum summa potentia. Cùm enim in DEO hæc unum sint, tantùm potest, quantùm intelligit, & tantùm intelligit, quantùm sufficit: Alioquin unum atque idem numero esset seipso majus & minus. Verùm licet esse, vivere, intelligere, velle, &c. omnia in DEO unum sint, aliqua tamen proprietate magis uni tribuuntur, quam alteri. Nam, quia DEUS vivit, ideò est immortalis, impassibilis, incommutabilis; Et quia intelligit, ideò est summæ sapientiæ, summæ industriæ, omnia regens, omnia prospiciens. Quia verò omnia potest, ideò omnia, quæ vult producit, destruit, & rursus construit, & omnem altitudinem se extollentem comprimit, & extinguit. At quoniam DEUS benevolam voluntatem habet, ideò est bonus, mitis, benignus, præstabilis super malitia, justus, sanctus, rectus & verus. Hæc satis ex his, quæ suprâ diximus, elucescunt. At nunc paululùm sublimius oculos attolamus, & qui jam per esse Mundi ad DEI esse conscendimus, cognovimusque, hunc Mundum de nihilo, & ex tempore à DEO productum, indagemus quæso adjutore DEO, ut per hanc manifestam productionem aliam invenire possimus, multò istâ meliorem, digniorem, sublimiorem. DOM. Non erit in eo judicio grave, hanc productionem, licet admodum occultam, invenire, si tamen mentis aciem acriter intendimus. Nam hæc de nihilo mundi productio

ductio pandit nobis excellentiam, potentiam, sapientiam, & bonitatem magni DEI. Sed multò nobilior, altior, & melior sine ulla comparatione esset illa productio de sua infinita & altissima essentia, quàm ea, quæ de nihilo est, tantòque præstantior, quantum distat divinum atque æternum esse à nihilo. Videmus ad oculum, hominem producere domum, non in quantum homo est, sed in quantum artifex est, & hanc domum non de sua facit natura, sed materia aliena. Producit quoque de sua natura hominem similem sibi, in quantum homo est, viventem, rationisque capacem, ad imaginem, & similitudinem suam. Sed multò præclarius, magisque radicalis, & conveniens est homini, in quantum homo est, sibi similem in natura producere, quàm more artificis domum extrà se de aliena substantia formare. Hoc exemplo duplicem in DEO productionem esse monstramus, unam, quâ ut artifex Mundum de nihilo creavit, aliam, quâ tanquam DEUS de sua substantia filium edidit.

Deum de sua natura produxisse Deum, rationibus aliquantis ostenditur.

## C A P U T V I.

### RÆMUNDUS.

**S**olidum satis fundamentum posuisti, nunc superest, ut aliquantis rationibus probem, DEUM de sua substantia DEUM produxisse. Si DEUS voluit aliquid producere de nihilo multò amplius voluit aliquid producere de semet-

metipso. Si voluit, ergò & potuit : alioquin non est omnipotens. Nunc ergò, quia complacuit sibi Mundum de non ente producere, multò magis omplacuit sibi de sua propria natura filium generare. Istud cogimur dicere, ne illi aut impotentiam, aut tristitiam ascribamus. In summa enim tristitia, & impotentia DEUS erit, si generare filium voluit, & non potuit. Præterea, quantò creaturæ a DEO productæ magis sunt illi similes, tantò eas magis diligit, atque complectitur. Summè ergo illum diligit, quem de sua natura sibi similem generavit. Ut ergò sit in DEO summus complacentiæ & amoris gradus, necessè est ponere alium de sua essentia productum, in quo sibi summè complaceat. DOM. Satis hæc ratio prægnans est, nam si DEUS gaudet societate alterius de non esse producti, & delitiæ ejus sunt, esse cum filiis hominum, multò jucundiùs in societate filii sibi omninò simillimi, gratulabitur. Verùm tu quod cœpisti proseguere. RÆM. DEUS est realissimè infinitus, immensæ virtutis atque vigoris: nam summa natura est summè activa ergò necessariò sequitur, quòd sit in eo productio infiniti. Sed productio Mundi, non est nisi productio unius puncti, respectu infiniti DEI, & quia etiam impossibile est, quòd infinitum in actu possit produci de nihilo, aliàs essent duo Dii contrarii actu infiniti, necessè est ergò, quòd DEUS producat rem actu infinitam de sua substantia infinita. DOM Facile ego ista concessero, nam quoniam in DEO reperitur produ-

C 2

ctio,

ctio, necesse est, quòd in eo sit summa, atque infinita productio, quâ nullâ possit major intelligi. Et hæc est productio suæ imaginis, & suæ prolis. RÆM. Videmus præterea, quòd quælibet res creata suam naturaliter, & incessanter producit imaginem, ut patet in speculo, in quo quælibet res objecta suam imprimit similitudinem, Sol quoque generat radium, & ignis calorem. Si ergò hanc generationem DEUS aliis à se tribuit creaturis, multò magis ipse de semetipso suam continuè generabit imaginem, sibi omninò simillimam intelligentiâ, & sapientiâ, & potentiâ, & dulcedinè, & bonitate. DOM. Optimè deducis, si enim de nihilo creat DEUS res temporales, quæ vivunt, sentiunt, & intelligunt: multò magis producet de sua natura sobolem viventem, intelligentem, sapientem, sibi penitus conformem, & tanquàm splendoris radium de suo lumine prodeuntem. RÆM. Possent quidem hæ rationes sufficere, libet tamen aliquantò robustiùs incumbere. Cùm nihil suavius, melius, & amabilius sit summa jucunditate ne ergò hanc DEO denegemus, necesse est, in eo ponere infinitam jucunditatem, sed summa atque immensa jucunditas non potest esse sine societate alterius summè sibi similis, atque conformis, in qua sit verus amor, vera jucunditas, summa suavitas. Habet ergò Deus apud se alium à se productum, sibi omninò simillimum, in quo, sicut in proprio filio defectatur, exultat, gratulatur. Præterea, cum naturale sit DEO, & summè proprium.

Tri-

Tribuere atque largiri, sicut clarè patet in rerum omnium creatione, habet enim quælibet res tantum muneris divini, quantum ipsa recipere potuit. Videmus quoque, quòd unáquæqueres id, quod accepit, alii festinet impartiri, nam corpora cœlestia continuò influunt in hæc inferiora, elementa quoque omnibus corporalibus rebus se permiscet, arbores etiam & herbæ rebus sensibilibus suos fructus ultrò communicant; hinc ostenditur, quòd summa ingenuitas est, aliquid largiri. At quoniam Deus est omnium nobilissimus, ideò largiri illi convenit in summo gradu, estque sibi summè naturale, & maximè conveniens. Sed tribuere, & esse in Deo unum sunt, ideò sicut suum esse est infinitum, sic & sua largitio est infinita, & sicut necesse est Deum esse, ita & necesse est, Deum largiri. Hinc sequitur, oportere Deum dare totum quod habet, alioquin non esset infinitus largitor. Verùm, ne ista largitio sit in Deo vacua, necessariò sequitur, ut si est infinitus aliquis largitor, sit & infinitus acceptor, qui totum in se recipiat, quod alter tribuere potest. Erit ergò iste acceptor suo Largitori per omnia æqualis, æque nobilis, æquè sublimis, æquè perfectus, infinitus, æternus &c. At quoniam major est & perfectior actualis largitio, quàm potentialis, & intrinseca, quàm extrinseca, substantialis quàm accidentalis, & de propria natura quàm de nihilo producta, ideò necesse est, quòd ab æterno fuerit in Deo ista largitio, & ista productio substantialis, naturalis, & actualis,

æquè nobiliss. ut est ipse producens. DOM. Efficacissima hæc ratio est, nam largitio, quæ fit à Deo ipsis creaturis, penè nihil est, si ad suam immensam munificentiam conferatur. Maximum verò, quod Deus dare potuit, est, quòd tribuerit totam suam substantiam alteri personæ.

Et nisi id fecerit, cùm sit ipse indivisibilis, & simplicis naturæ, nihil de proprio tribuit, nec dat quod optimum habet: imò totum sibi retinet, & sic convincitur esse avarissimus, & tenacissimus, quod omninò longissimum est à tam liberali & munifica natura.

Quòd in simplicissima, atq; indivisibili Unitate summa sit Trinitas personarum.

## C A P U T VII.

R Æ M U N D U S.

**H**Is itaque præmissis, nunc facile erit, in uno & simplici Deo personarum ostendere Trinitatem. Suprà monstratum est, quòd esse Dei est infinitum impartibile, & summè simplex, & ideò non potest una pars dari, & altera retineri, sed necesse est, ut dum communicatur, ex integro communicetur. Quando ergò Deus suum esse alteri largitur, totum datur, & totum retinetur, & sic persona tribuens, & persona recipiens habent idem atque indivisibile esse, unam naturam, unam numero substantiam, & in nullo differunt, nisi quòd unus est largiens, alter recipiens, iste habens esse divinum à semetipso, ille ab alio, iste producens, ille productus, iste

ge.

generans, ille generatus. At quoniam Largitor non est Receptor, nec e converso, ideo in essentia divina invenimus duos realiter distinctos, unus generans, alter generatus, unus Pater, alter Filius. DOM. Delitescat nunc Sabellius impurus hæreticus, qui dicat, Patrem & Filium solo inter se nomine discrepare, nec in re, sed in voce solam facere distantiam, posteaque eum, qui Pater est, Filius esse, & qui Filius, Pater. Sed progredere quæso. RÆM. Quia igitur totum esse divinum tribuitur alteri, & nihil penitus retinetur, quin id communicetur Filio à Patre, ideo inter Patrem & Filium est summa coæqualitas, summa consubstantialitas, summa coæternitas, potestas eadem, eademque majestas. DOM. En! hinc funestissimus Arrius vehementer eliditur, qui dicit, Filium suo Patre minorem, nec genitum esse à Patre, sed ante mundi creationem à Deo conditum, factumque. Sed assertio tua verissima est, quia ubi inter Patrem & Filium est una substantia, non potest unus altero prior esse duratione. Nam licet unus oriatur ab altero, tamen similiter sunt ab æterno. Ex quo enim divinæ naturæ est largiri, ideo ab æterno fuit ipsa elargiens, & ab æterno recipiens, sed largiens Pater, & recipiens Filius. Sed præstolor mihi (quam pollicitus es) demonstrari in Deo Trinitatem. RÆM. En solvo promissum. In omni natura intelligibili & spiritali, invenitur & intellectus & voluntas, Intellectus est naturalis, & naturaliter operatur, & ex necessitate. Voluntas autem



libera est, & ideò liberè agit. Est ergò duplex in natura spiritali productio, una necessaria & naturalis, quæ fit per modum intellectûs, alia libera & voluntaria, quæ fit per modum voluntatis. Prima productio in Deo est naturalis & necessaria, Deus enim intelligendo seipsum & suam essentiam, producit necessariò suam imaginem, sicut Sol radium, & largitur suæ imagini, hoc est suæ soboli totam suam substantiam; Et quia ista productio est per modum naturæ, ideò vocatur generatio. Et quia fit per modum intellectûs, & ideò productus vocatur Verbum Patris, imago & sapientia Patris. Quia verò quilibet per se subsistit, ideò uterque Persona nuncupatur. Porro quod à voluntate produci-  
tur, amor est, & quia est una voluntas patris & filii, ideò à Patre & Filio amor procedit, qui est Spiritus sanctus. Habes ergo in Deo tres personas, Patrem & Filium & Spiritum sanctum. DOM. Habeo, fateor, sed Spiritus sanctus quomodo in Trinitate persona sit, paulò quæso evidentius ostende. RÆM. Faciam breviter: Diximus suprà, Patrem esse largientem, & Filium recipientem, sed ubi est Largitor & Receptor, oportet, quòd aliud inde procedat. quòd scilicet nec sit dare, nec recipere, videlicet amor, qui procedit, à dante in recipientem, & à recipiente in dantem. Et sic est ibi amoris processio, quæ est tertia res, & tertia persona, quæ neque Pater est, neque Filius, sed amborum Spiritus. Hic autem amor, necessariò à Patre, Filioque procedit, quia Pater non potest non amare suam  
ima-

imaginem, suum Filium à se productum, nec Filius non potest non amare Patrem, qui cum genuit. Ista autem productio fit à duobus simul, quia Pater non erat prior Filio, sed ab æterno sunt simul, & ideò non prius procedit amor à Patre in Filium, quàm Filii in Patrem, neque sunt duæ productiones amoris, qui non est nisi una voluntas Patris & Filii, à quibus amor iste procedit. DOM. Hinc evidenter destruitur hæresis moderna Græcorum, qui asserunt à solo Patre procedere Spiritum sanctum, quasi & Filius Patrem non amet, à quo tantoperè se intelligit amari. Sed perge, quò cœpisti. RÆM. Sicut ergò hæ tres personæ habent eandem numero essentiam, sive substantiam, ita sunt inter se per omnia æquales, quippè quibus est una Divinitas, æqualis Gloria, coæterna Majestas. Sed Pater generans, Filius genitus, Spiritus sanctus amborum nexus, amor amborum, & amborum charitas. DOM. Egregiè nunc confusus hinc Arrius abscedit, qui impia voce ausus est dicere, Spiritum sanctum creaturam esse, & servum esse Patris & Filii, nam reverà necesse est, quòd amor, qui à Patre Filioque procedit, sit infinitus, quia Pater amat Filium, quantum potest, & conversò, & quia Pater potest in infinitum amare, & filius similiter, igitur amor (qui est Spiritus sanctus) est infinitus, omnipotens, æternus, omnium Rector & Dominus, & Patri & Filio coæqualis. RÆM. Vidisti certè, in quæ sublimia animum porreximus. Ex comparatione enim hominis ad res inferiores

trium graduum, penes convenientiam generalem repente in Dei cognitionem pervenimus, quem nunc scimus & esse, & vivere, & sentire, & intelligere, quem etiam videmus & in simplici essentia unum esse, & trinum in personis. Nunc superest, ut comparemus hominem ad res se inferiores penes convenientiam magis specialem & ex hac comparatione aliud quoddam mirabile lumen illuxerit nobis, quô & nos ipsos, & Dei gloriam contemplemur. DOM. Fiat obsecro, quod dicis, libens animum accommodo, expertus fructum disputationum nostrarum.

Comparatio hominis ad res inferiores trium graduum penes convenientiam specialem.

## C A P U T VIII

### R Æ M U N D U S.

**C**ONvenit itaque homo cum rebus sibi subiectis generali convenientia, ut suprâ diximus, quia habet esse cum inanimatis, vivere cum plantis, sentire cum animalibus. Nunc paulò specialius hominem aliis conferamus. Primò convenit cum rebus primi gradûs, quæ tantum esse habent, & non vivere. Convenit enim cum elementis, & corporibus cœlestibus, nam sicut illa inter se ordinata sunt, nobiliora enim & digniora altiore obtinent locum, & minùs digna inferiorem, ideò enim cœlum sursum, & terra deorsum, & aqua præminet terræ, aer verò & ignis, sicut his meliores, ita & altiores sunt; ita pariformiter in corpore humano caput, quod

quod est inter exteriora membra nobilissimum, inpreum retinet locum, & membra minùs digna, ut sunt Pedes & Tibiæ, terræ propinquiora sunt. Et sicut superiora corpora influunt & regunt ista inferiora, ita caput influit & regit minora membra. Et quamadmodum Sol medius planetarum tribuit lumen, & influit vitam, residensque in medio, sursum tribuit & deorsum, ita cor humanum, quod omnibus membris vitam influit & calorem, collocatur in medio, & sua munera distribuit superius & inferius. DOM. Præclara concinnis concordiaque. RÆM. Cum rebus verò secundi gradûs majori adhuc concordia homo sociatur. Nam sicut granum, de quo seu arbor, seu planta nascitur, materiam, augmentumque recipit à terra, ut inde radix, truncus, ramique procedant, ita granum illud, de quo homo pullulat, à sanguine menstruo in ventre matris augmentum recipit, unde membra omnia generentur. Et sicut ex uno parvo seminis grano tot diversa procedunt, radix, truncus, cortex, frondes, folia, fructus, & semina, ita ex uno modico patris tui grano omnia corporis tui interiora & exteriora membra prodierunt. DOM. Hinc evidenter aspicio opus me esse magni Dei, qui hoc modicum granum Patris mei in tot diversa & mirabilia membra protulit, esseque unum atque eundem opificem, qui & arborum corpora distinxit, & hominum. Nam cum corpus humanum formetur in matris utero, ipsa aut nesciente, aut dormiente, aut etiam plerumque nolente, luce clariùs apparet, quòd  
in

in formatione humani corporis infinita potentia, sapientia, & benignitas creatoris penitus operata sit, qui super omnia alia corpora illud nobilius condidit, distinxit, & organizavit. RÆM. Jam non erit difficile monstrare convenientiam cum rebus tertii gradûs, Nam quemadmodum animalia coitu generantur maris & foeminæ, & in utero matris horum membra formantur, ita & homo per coitum gignitur, & in ventre suæ parentis coagulatur, formatur, & alitur. Animalia caput habent, oculos, aures, &c. & quinque decorantur corporis sensibus, pariformiter & homo. Illa comedunt, digerunt, egerunt, sic & homo. Illa in terram, de qua sumpta sunt, per mortem revertuntur, ita & homo, cum pulvis sit, in pulverem revertetur. DOM. Datâ hâc convenientiâ audire nunc abs te cupio, quòd inde lumen debeam speculari. RÆM. Hæc convenientia rerum omnium inter se, ostendit, quòd unus atque idem sit artifex, unus Deus & Domius omnium, unus Ordinator & Rector hominis, animalium, plantarum, & elementorum. Arguunt enim unum consilium, unam providentiam, unam bonitatem. Non enim esset tanta rerum inter se concordia & similitudo, si duo essent opifices, duo Moderatores. Unus est ergò Dominus, qui & homini intellectum contulit, atque plantarum atque arborum opera moderatur. Eadem quoque omnium rerum materia unum monstrat artificem summè potentem, summè sapientem, qui de una eadèmq; materia tot innume-

rabilésque rerum formas producere potuit, voluit, struxit, & fecit. Illud quoque non mediocriter mirandum, quòd de vili, infima, terrestrique materia tam nobile humanum corpus plasmare voluerit, quod capax esset animæ rationalis, & summi artificis imaginis. Si enim hoc tale corpus ex lapidibus pretiosis, aut certè ex aliqua cœlesti materia condidisset, non esset tanta admiratione dignum. Nunc verò cùm ex vili luto illud suscitaverit, satis suam potentiam & sapientiam egregius Conditor ostendit. Hinc potes etiam intelligere, quòd si te ex tam contemptibili massa formare potuit, poterit quoque si voluerit multò te sublimiùs attollere, & in statum multò nobiliorem sublevare, & corruptibilem pulverem tuum immortalem reddere. DOM. Capio lumen, idque non parvum; unde & datori luminum, & tibi maximas habeo gratias. RÆM. Vidisti itaque, quanta cognovimus ex comparatione hominis ad sua inferiora penès convenientiam; nunc reliquum est, ut hominem conferamus ad res cæteras penès differentiam, & multò ampliora de homine & hominis conditore cognosces, quàm hætenùs cognovisti. Verùm, quia jam prandii hora est, & fame illia contabescunt, vox quoque jam à sermonis virtute succumbit, oro ut sapientem disputationem, donec stomachus confortetur, differri patiaris. DOM. Potior libens; sumpto enim cibo fortiùs instabimus, nam tritum apud Rhetores proverbium est: Benè inflatas tibias meliùs resonare solere,

SE.



S E C U N D U S  
**DIALOGUS.**  
 De Beneficiis Dei, & homi-  
 nis obligatione.

Comparatio hominis ad res inferiores  
 penès differentiam generalem.

C A P U T I X.

R Æ M U N D U S.

**R**Oboratis nunc paululùm viribus, compare-  
 mus, si placet, hominem ad inferiores gra-  
 dus rerum penès differentiam, primò juxta dif-  
 ferentiam generalem, secundò, juxta differen-  
 tiam specialem, & grandia quædam & sublimia,  
 quæ nondum vidimus, intuebimur. Res enim,  
 trium inferiorum Graduum multum ab invicem  
 separantur, & in ipsis sunt distincta genera, &  
 species inter se plurimum differentes. Sed ho-  
 mo maxima nobilitate & dignitate distat à cæte-  
 ris, non quia aut existit, aut vivit, aut sentit,  
 sed quia intelligit. Habet enim homo Liberum  
 arbitrium, per quod potest cognoscere, intelli-  
 gere, discernere, & velle, & nolle. Ista inge-  
 nua dignitate homo præeminet universis subter  
 se creaturis, quia illæ omnes operantur ex ne-  
 cessitate, homo autem ex intelligibili, & libera  
 voluntate. Illæ suas operationes non intelli-  
 gunt, homo, quod operatur, & intelligit, &  
 dili-

diligit. DOM. Pater amplissima differentia, sed quis inde nascitur fructus? RÆM. Magnus certè, atque sublimis. Nam cùm homo habet intellectum, potest intelligere verba, sermones, sententias, potest discernere, quid verum, quid falsum, potest etiam quod verum, & bonum est eligere, quod autem falsum est reprobare potest; præterea se rebus quæ sub se sunt comparare, & se multò nobiliorem cognoscere, potest etiam de una cognitione ad aliam, & de minore ad majorem conscendere, potest quoque intelligere, se intellectum non à se, sed à suo opifice recepisse. Verùm quia creatura non potest ascendere ultra suum creatorem, ideò homo suo intellectu, & cogitatu nequaquam potest Deum transcendere, à quo accepit, & Vivere, & Intelligere, & Desiderare. Hinc sequitur, quòd non potest homo præstantius aliquid, aut meliùs vel cogitare, vel desiderare suo maximo & optimo Creatore: Alioquin major erit homo cogitando, quàm Deus existendo, essetque aliquid majus in creatura, quàm in creatore, quod impium est dicere. DOM. Verè impium, nunquam enim creator hoc suæ tribueret creaturæ, ut posset aliquid se melius, se dignius, aut intelligere, aut cupere, quia & hoc naturæ repugnat, & imbecillem, & impotentem, atque ignobilem argueret Creatorem. Si enim posset homo aliquid meliùs æstimare, aut cupere, quàm suus est Conditor, tunc certè non esset nec optimus, nec maximus Deus. Verùm, quia & huiusmodi cogitatio, & affectio potest ascendere  
in



in infinitum, ideò, qui hanc capacitatem homini tribuit DEUS, necesse est, ut sit & ipse infinitus RÆM. Optimè confiteris; ex intellectu ergò, & cogitatu humano evidenter omnia approbamus de DEO, quæ illi possunt cum summa veritate & veneratione tribui, & ascribi. Capesce igitur, & intellige hanc, quam tibi nunc affero, regulam in humano corde fundatam; DEUS est, quò nihil majus cogitari potest, vel DEUS est, quod omnium maximum cogitari potest. DQMINIC. Capió regulam, mirabile, jucundumque lumen, & quod nos vehementer inflammet, ex hac regula hausturi sumus. Cùm enim DEUS est, quicquid maximum homo cogitare potest, ergò necessario Deus est perfectissimus, optimus, dignissimus, nobilissimus, altissimus, omnipotentissimus, & prudentissimus. Hæc enim homo de DEO maximo cogitari potest, & illi cùm summa veritate attribuere.

Practica hujus regulæ ad probandum omnia perfectissima de Deo.

## C A P U T X.

### R Æ M U N D U S.

**P**Ropinquiùs hanc regulam explanemus. Cùm igitur Deus est optimum, & præstantissimum, quod homo cogitare potest, ideò necessario Deus est omne illud, quod melius est esse, quàm non esse. Hinc cognoscimus, quòd Deus non potest cogitari, non esse, sed habet perfectissimum esse. Et quia homo potest cogi-

gitare, quòd Deus est suum esse, nec acceperit esse ab alio, nec à nihilo, nee à seipso: igitur Deus est suum esse. Homo potest cogitare, Deum esse æternum, immensum, infinitum: ideò necessariò Deus est æternus, immensus, infinitus: aliàs Deus esset humana cognitione minor, quòd nefas est dicere. Homo potest cogitare, Deum esse summam essentiam per se subsistentem, nullius egentem ope, omnia ex nihilo creantem, omnia moderantem, igitur talis est Deus. Homo potest cogitare, Deum non solùm justum esse, aut veracem, aut viventem, aut beatum, aut bonum, sed esse ipsam justitiam, veritatem, vitam, beatitudinem, & bonitatem: talis igitur est Deus. Homo potest cogitare, simplicem esse Deum, incompositum, insolubilem, hoc enim magis congruit divinæ naturæ, quàm putare, eum compositum esse, aut in partes divisibilem. Est ergò Deus simplicis naturæ, & insolubilis, atque ideò incorruptibilis. Homo potest Deum cogitare incircumscriptum, nec loco contineri, nec tempore; hoc enim est præstantissimum. In nullo ergò loco, vel tempore coarctatur Deus, sed est simul & semel in omni loco, & tempore, nec inclusus, nec exclusus. Homo potest cogitare, Deum posse plura in infinitum facere, & cognoscere, quàm possit mens creata concipere, ergò sic est, ut homo cogitavit: alioquin Deus non esset id maximum, quod homo cogitare potest. DOM. Cùm maxima te audio voluptate. Hinc luce clariùs intueor, per humanam cogitationem infinitas  
D. poss

posse Deo tribui dignissimas proprietates. Quòd videlicet Deus est in infinitum bonus, pius, benignus, fortis, jucundus, beatus, beneficus, honorabilis, gloriosus, & quòd hæc omnia in tanta habeat perfectione, quâ non potest altera præstantior æstimari. Et quia homo cogitat Deum justum, & bonum, ideò tribuit illi odium omnis peccati, omnis malitiæ . & nequitiae. Hinc sequitur, quòd Deus odit in infinitum omne vitium superbiæ, luxuriæ, omnem dolum, fraudem, simulationem. Econtrà, quia summè bonus est, ideò homo æstimat, Deum in immensum diligere omnem virtutem, charitatem, mundiciam, humilitatem, timorem, obedientiam, verecundiam. Verùm tu, quæ-  
 307, ultra progredere. RÆM. Homo præterea potest cogitare in Deo esse infinitam productionem, nec debere esse sterilem eum, qui tantam rebus creatis attulit fecunditatem. Habet ergò Deus filium, quem naturaliter producit per intellectum, habet & Spiritum sanctum, quem liberè à se procedere facit per arbitrium. Certè nunc vidisti, quàm sublimia, & summè dignissima de suo factore humana cogitatio concludere potest, & sibi in veritate tribuere. Quod nisi fecerit, perversus est homo, impius, superbus, & sui conditoris acerrimus inimicus. DOM. Verùm dicis, sed rogo te, nunquid ideò istas dignitates Deus habet, quia humana cogitatio eas æstimat Deum habere? Nunquid mea cogitatio divitem Deum facit, ut inops atque egenus sit, cum eas illi nolim tribuere? RÆM. Impium

pium est ita credere. Deus enim, qui ab æterno omnium bonorum pulchriorumque ditissimus possessor fuit, nihil à sua potest recipere creatura. Sed nos, qui cæci, & ignorantes sumus, non possumus prima fronte mentis obtutum in Dei lumen infigere; sed à nostro, quòd in nobis est, lumine illud nitimur æstimare. Nam quia homo, cùm sit imago Dei, potest in infinitum ascendere cogitando, optando, volendo; ideò omnino dignissimum arbitramur ut hominis Creator unum gradum suprà hominem ascendat, habeátque veraciter existendo, quid quid illi homo tribuit cogitando, ne sit Deus humana cogitatione aut minor, aut deterior. DOM. Fecisti satis quæstiunculæ meæ.

Homo per secundam intellectûs operationem omnia vel affirmat, vel negat, quæ illi, inquantum homo est, sunt necessaria.

## CAPUT XI.

RÆMUNDUS.

**D**Iximus suprà, tres esse operationes intellectûs. Prima est, intelligere verba, sensumque verborum, per hanc homo multum differt à brutis, ut jam patuit. Secunda operatio est, discutere quid verum, quid falsum, quid bonum, quid malum, per hanc multò amplius à bestiis distat. Tertia operatio est, quod bonum est, prudenter eligere, & aspernari acriter quod malum est, & per hanc à brutis homo longissimè separatur, ut in subditis patebit. Per secundam ergò operationem intellectûs

D 2

discer-

discernit homo inter verum falsum, & per tertiam operationem eligit ex his, quod sibi utile judicat, honestum, & necessarium. Ad hoc enim contulit homini intellectum Deus optimus, ut illò utatur in bonum suum, & applicet ad suam utilitatem, & salutarem necessitatem. DOM. Equidem assentior ego. Debet enim homo imitari cæteras se inferiores creaturas, quæ sui Conditoris munera sibi ipsis applicant in sui conversationem, & in suam necessitatem. Res enim primi gradûs ad hoc laborant, ut id permaneant, quod sunt, res secundi & tertii gradûs, ut semper vivant, & sentiant, etsi non in individuo, saltem in specie. Debet ergo etiam homo suum sic dirigere intellectum, & voluntatem, ut inde commodum, bonum, gaudium, spem in consolationem, & pacem consequatur. Hæc dico, nondum tamen intelliges, quorsum me pertracturus sis. RÆM. Ad stupendum prorsus, & suavissimum lumen, quod omnes animi tui medullas vehementer afficiat. Cum enim homo (ut asseris) tenetur de jure naturæ affirmare, & credere, & pro se eam partem recipere, quæ illum inducat ad majorem perfectionem, dignitatem, & necessariam salutem, & nisi id fecerit, abutitur suo intellectu in suam perniciem, in damnum & omnimodam desperationem suam. Cum igitur tu homo sis, & habeas intellectum, quem jam edoctus es, in tuam perfectionem dirigere, quære nunc abs te aliquos veræ lucis articulos, tu quæso cautè prospexeris, quomodo mihi verè respondeas. Quid dicis?

**dicis? credisne Deum esse? DOM.** Credo utique: tu enim docuisti me id credere debere, quod homini maximè commodum, & salutariferum est. Dùm ergò credo Deum esse, qui est infinitum bonum, maximum mihi gaudium pario, spem, consolationem, fiduciam. Nam inde intellectus meus nobilitatur, dignificatur, augmentatur, & particeps efficitur ejus, in quem credit excellentiæ & gloriæ. **RAEM.** Optimè respondisti. Credisne Deum unum esse, an plures Deos? **DOM.** Ut mihi bonum velint, tantùm est unus Deus. Si enim plures essent Dii, essent plures voluntates, & sic quilibet vellet hominem in suam redigere servitutem, quod esset homini perniciosum, molestissimum, afflictissimum. Unus est ergo Deus. **RAEM.** Potésne credere, Deum habere filium? **DOM.** Utique possum. Inde arguo Deum secundum, communicatum, beneficum, & id est homini maximè jucundum, & fructiferum, quòd habeat Deum communicabilem, liberalem. **RAEM.** Credis Deum summè potentem, summè sapientem, summè benignum? **DOM.** Certè summè necessarium est homini, talem habere Deum, cujus potentiâ procreetur, cujus sapientiâ gubernetur, cujus bonitate promoveatur. Libenter igitur talem intelligo esse Deum. **RAEM.** In bonum tuum tuo uteris intellectu. Credis etiam Deum cælum, terram, maria, & cuncta, quæ in eis sunt; de nihilo formasse? **DOM.** Imò & hominem ipsum libentiùs credo ex nihilo, quàm ex aliquo creatum. Hinc mihi

hi oritur confidentia & securitas major, certus enim sum, ut qui me potuit ex nihilo creare, poterit etiam post mortem resuscitare, & in majorem gloriam attollere. RÆM. Credis Deum pro homine hominem factum? DOM. Innumerales olim fuerint, & adhuc sunt, qui hoc non credunt, ego autem libenter id credo, quo humanæ naturæ maxima est dignitas attributa. Ex quo enim humanitas est Deitati unita, summa perfectio, summa dignitas, summa exaltatio est inde homini collata. Idcirco hostes sunt humanæ naturæ, qui Deum nolunt credere incarnatum. Credo etiam Deum, hominem de Spiritu sancto conceptum, & de integerrima & optima virginæ natum. Hoc modo enim humana natura multò ampliùs nobilitatur, & attollitur. RÆM. Magnificè. Quid dicis de mortuorum resurrectione? DOM. Credo mortuos suscitandos: Hoc enim pacto homo redditur immortalis, incorruptibilis, & constituit eum dum hîc vivit in maximo gaudio in amplissima consolatione & spe dum videt, quòd non unus est interitus hominum & jumentorum. RÆM. Credis ergò animam hominis immortalem? DOM. Credo utique, hinc enim nascitur ingens exultatio, & spei magnitudo. Qui autem, dicunt, animam esse mortalem, bestię sunt, & rationis lumine privati, quia putant hominem nihil habere jumento ampliùs. RÆM. Est nè futurum universale judicium? DOM. Credo futurum, in quo omnes homines recipiant operum suorum æternam mercedem, ut qui

qui bona fecerunt, vadant in vitam æternam, hinc animantur iusti. Qui verò mala egerunt, mergantur in ignem æternum, hinc terrentur reprobi. Qui ponit scelerum impunitatem, qui tollit ultorem operum malorum, hominem præcipitem reddit in omnem nequitiam, & brutis animantibus pejorem constituit, dum non nisi carnalia & lubrica sine fræno timoris consecratur. RÆM. Hinc jam clarissimè comprehendis, fidem Christianam, in qua hi omnes articuli, quos nunc tetigimus continentur, in bonum hominis constitutum esse, & præsens illi gaudium cumulare, & futurum. Nam hæc fides humanam naturam complet, exaltat, dignificat. Igitur qui hanc fidem affirmat, nullo modo argui debet aut objurgari, neque à Deo, neque ab homine, neque ab angelo, quia id credit, quod est Deo optimo consentaneum, & humanæ naturæ salutiferum complementum. Qui verò non credit, erraticus incedit, & devius, cæcus, miser, impius, scelestus, & æternæ morti jam proximus. DOM. Non me capio præ gaudio, dum animadverto, me ex tua directione atque industria in mirabilem scientiam promoveri. Obsecro te igitur, ut ad reliqua, quæ dicturus es, me ocius intromittas.





Hominis ad res inferiores comparatio penès  
liberum arbitrium , per quod illi de seipso ,  
operibúsque suis , ac de Deo , vera oritur  
cognitio.

## C A P U T XII.

### R Æ M U N D U S.

**F**Aciam quod precaris , quæso te , intentus  
respice , nam stupenda videbis. Tertia  
operatio intellectûs ( si meministi ) est , quod ve-  
rum & bonum est eligere , atque sectari , asper-  
nari autem & fugere quod malum est. Hoc per-  
tinet ad liberum arbitrium hominis , per quod  
summoperè distat à bestiis. Bestiæ enim , &  
quæ infrà hominem sunt , omnia operantur  
opera sua ex necessitate naturæ , ex impetu ,  
nec intelligunt se agere , nec domini sunt ope-  
rationum suarum. Homo autem propter liber-  
tatem arbitrii spontè & liberè agit , & est ope-  
rum suorum dominus , quia cùm vult , & quæ  
vult agit , cùm non vult , dimittit. Hinc se-  
quitur , quòd operatio hominis de sua natura  
in genua & nobilis est valdè , & admodum di-  
gnissima. Hominis enim opera sua sunt , &  
illi veraciter imputantur , & indè accipit laudem ,  
honorem , meritum & præmium , si bona sunt ,  
benè fiant , vel vituperium , ignominiam , de-  
meritum & tormentum , si mala sunt , & malè  
fiant. Ad omne opus hominis sequitur vel me-  
ritum , vel demeritum , eò quòd opus ejus est  
vel bonum , vel malum. Si bonum , habet me-  
ritum , vel si malum habet demeritum. Sed  
post

post meritum sequitur præmium, post demeritum sequitur tormentum. Ex quo enim homo operatur cum libertate, cum ratione, cum voluntate, quod res se inferiores non faciunt, ideò opera sua illum honorant, ornant, nobilitant, vel infamant, maculant, degenerem faciunt. Videmus quippe ad oculum, quòd omnes res trium primorum graduum operantur opera sua ad honorem sui Conditoris, & ad utilitatem hominis, in summa quæ prævalent bonitate & perfectione. At quoniam homo est pars Universi dignissima, ideò summopere tenetur bene & laudabiliter operari, alioquin solus ipse destruit ordinem creaturarum, & lædit ac destruit semetipsum, dulcem perturbat harmoniam, & consonantiam, Universi. DOM. Vera sunt omnia quæ tu loquêris, sed expecto, quorsum hæc properent. RÆMUND.

Nunc animadvertes. Quia igitur ad opera hominis sequitur meritum, vel demeritum, eò quod sunt bona vel mala, ideò post meritum debetur homini summa gloria, post demeritum amarissima pœna. Verùm quia homo non potest munerare semetipsum, vel punire, ideò necessario sequitur, quòd sit aliquis supra hominem, qui possit illum punire & affligere, si deliquerit, vel si rectè egerit, coronare. Alioquin opera hominis, propter quem omnia alia operantur, frustra essent & inania, essetque homo ipse extrà ordinem Universi, quod absurdissimum est dicere. DOM. Planè absurdissimum. Nam videmus, quod rebus visi-

bilibus respondet oculus, rebus audibilibus auris, tangibilibus tactus, intelligibilibus intellectus. Multò magis igitur rebus præmiabilibus (ut sunt humana opera) respondet præmiator aliquis, & æquissimus Judex, qui possit punire nequitiam, & justitiam præmiare. RÆM. Ecce, jam tu ipse intelligis, quòd ex libero arbitrio hominis necesse sit esse aliquem supra hominem, qui possit ipsi juxta quod meruit restituere. Deus igitur est supra hominem, hominis Præmiator. Præterea, qui male agit, habet culpam, sed ubi est culpa, illic alicui committitur injuria. Qui ergo ligatus est in culpa, est etiam obligatus propter offensam in pœna, & tot fiunt obligationes, quot homo multiplicat offensiones. Relinquitur ergò, quòd est aliquis supra hominem, cui propter culpam homo manet astrictus. Præterea cùm offensa, seu culpa non possit remitti, nisi per veniam aut pœnarum solutionem, & quia homo non potest sibi ipsi dare veniam, nec sibi ipsi solvere, quod commertuit, clarissimè liquet, Deum supra hominem esse, qui possit roganti culpam donare, vel obstinato pœnam infligere. DOM. Satis jam doceor, ex libero arbitrio hominis oportere concludere, Deum esse. Ideò optimum est argumentum: homo potest peccare, ergo Deus est punitor, homo potest quæ justa sunt operari: ergo Deus præmiator est.

Deus

Deus præmiator, aut punitor est infinitæ, sapientiæ, potentiæ, justitiæ, & misericordiæ. unusque tantum est præmiator, ac ultor Deus.

## CAPUT XIII.

## RÆMUNDUS.

**A**Gnovisti igitur ex libero arbitrio hominis, Deum esse, agnosce nunc hunc ipsum Deum ex eodem arbitrio esse infinitæ sapientiæ, potentiæ, justitiæ. DOM. Quomodo est infinitæ sapientiæ? RÆM. Deus cum sit, aut severus ultor, aut æquus munerator humanorum operum, ideò necesse est, quod omnium actiones mortalium ab ipso examinentur, discutiantur, & staterâ justissimâ appendantur. Verum, quia opera hominum secundum majus & minus merentur aut præmium, aut tormentum, ideò egent majori vel minori discussione, & cognitione. Ideò necesse est, quod judex iste videat, cognoscat, & ad unguem discernat omnium opera hominum, & justissimâ æquitatis librâ ea ponderet, & judicet. Habeat ergo, necesse est, plenissimam cognitionem, non solum operum hominum, sed & cogitationum, desideriorum, & intentionum; & nihil illum lateat, quid dicto, quid signo, quid cachinno, quid oculo, quid nutu, quid plausu, quid denique minutissimo cogitatu commissum sit, nisi enim profundissimo intuitu Deus omnia scrutaretur, non posset veram in judicio proferre sententiam. Nihil ergo debet negligere, nihil par-

parvifacere, nihil diffimulare, nihil in oblivionem mittere. Sed cogita nunc, rogo, quantum esset cognoscere & meminisse omnes voluntates, affectiones, intentiones, sermones, & actiones unius tantum hominis à die suæ discretionis, usque in diem mortis suæ; si unius, multò, amplius duorum, trium, quatuor, centum, & mille millium, imò penè hominum infinitorum. Quis quæso non stupeat nunc ad immensam Dei sapientiam, quæ tot hominum & qui fuerunt, & qui sunt, & qui post futuri sunt, desideria, verba atque opera uno circumspeditionis oculo cognoscit, memoratur, decernit. DOM. O terribilem majestatis oculum! multò lucidiorem super solem circumspicientem omnes vias hominum. Nunc ex libero hominis arbitrio clarè arguitur: Deus Judex sapientissimus, prudentissimus, infallibilis, profundissimæ circumspeditionis & agnitionis. At nunc ostende, obsecro, quomodo liberum arbitrium hominis arguit Deum infinitæ Potentiæ. RÆM. Frustrà esset, Deum omnia hominum opera cognoscere, nisi etiam ea posset & præmiare, & debitè punire. At quoniam is, qui vel honoratur, vel contemnitur ab homine operante, & infinitæ majestatis, ideò ipsa opera quæ etiam sunt penè infinita, requirunt vel infinitam coronam, vel immensam miseriam, Sed nullus potest in immensum affligere, vel præmiare, nisi qui fuerit infinitus, & quia id Deus efficaciter potest, ideò solus, sicut novit hominum facta discutere, ita novit & muna-

nera-

nerare. DOM. Intelligo summam Potentiam. RÆM. Intellige etiam ex libero arbitrio summam Dei Justitiam. Nihil prodesset, Deum opera hominum & cognoscere, & præmiare posse, nisi etiam habeat & velle. Habeat igitur necesse est optimam Voluntatem, & rectissimam justitiam tribuere unicuique secundum opera sua. Non erit ergo acceptor personarum, sed parvum æquè judicabit, & magnum, nec contemnet personam pauperis, nec honorabit, vultum potentis. Est enim justitia Dei inflexibilis, invariabilis, inconvertibilis, immutabilis, alioquin ordo pulcherrimus universi deperiret, quod nullatenus fieri potest. Hinc etiam satis animadvertis, Deum quòque esse benignissimum, qui innumeris hominum sceleribus quotidie offensus non se ulciscitur, non indignatur, sed poenitentiam præstolans, judicium suspendit, minas remittit. Intelligis quoque non nisi unum oportere esse præmiatorem aut vindicem. Nam cum liberum arbitrium est in omnibus hominibus unius naturæ, quod est radix & origo retributionis aut meriti, aut demeriti; ideò unum tantum judicem requirit, qui illud possit & discutere, & prout meruit munerare. DOM. Non mediocriter ex hominis arbitrio illuminatus in Dei cognitionem apprimè profeci.



Sicut ex natura liberi arbitrii cognoscitur, quid de Deo sentiendum sit: ita & per liberum arbitrium cognosci possunt, quæ hominis sunt.

#### RÆMUNDUS.

**S**icut agnovisti agnovisti ex natura liberi arbitrii quid de Deo sentire debeas, ita nunc quid de his quæ circa hominem geruntur debes agnoscere. Quinque enim per ordinem breviter ponemus, quæ ex natura liberi arbitrii hominem scire oporteat. Primum, quòd remuneratio quæ sit homini à summo iudice propter opera liberi arbitrii est spiritualis, & æterna, non corporalis aut temporalis. Nam liberum arbitrium, propter quod homo dicitur homo, est spirituale, invisibile, & intellectuale, & quia in libero arbitrio subiectatur omnis culpa hominis, vel meritum, ideò principalis remuneratio hominis est invisibilis, & spiritualis, ut remuneratio radici respondeat, & origini. DOM. Satis assentior, nam corporalia, quantumlibet sint præstantia, non sunt tamen digna liberi arbitrii opera munere. Plus dico: tota corporalis machina Mundi non potest ex æquo præmiare minimum opus voluntatis humanæ. Adeò enim nobilis res est, liberum arbitrium, ut solo æterno præmio compensetur. RÆM. Hinc optimè intelligis, quòd præcipuum hominis bonum, vel malum est remuneratio voluntatis, & intellectus. Omnes igitur thesauri, & divitiæ hominis, in quantum homo

mo est, sunt invisibiles, & spirituales, & regnum ejus, quod præstolatur, est intellectuale, æternum, insolubile. Nam quoniam liberum arbitrium non est vel locale, vel temporale, ideò bonum hominis nec loco clauditur, nec tempore mensuratur. Non ergò bonum hominis est commune cum bestiis, quod Epicurus (qui summum bonum in voluptate posuit) videtur asserere. Secundum, quòd natura liberi arbitrii elucescit est, quam legem homo approbare debet atque sectari, & quam aspernari atque contemnere. Ex quo enim remuneratio liberi arbitrii non est corporalis, sed spiritualis, ut jam patuit, hinc sequitur, quòd ieges & sectæ quæ finalem hominis beatitudinem in rebus corporeis, & sensibilibus constituunt, falsæ sint, & deceptoræ, caducæ, futiles, miserabiles. DOM. Hinc verissimè liquet, impostor nequissimus, Mahumetus quam vanissimam suo populo legem condiderit, cujus promissa corporalia sunt, & visibilia bona. Promittit enim paradisum terrestrem, epulas pingues, vina falerna, sericas vestes, fœminas molles. RÆM. Meritò hic hominum deceptor in Apocalypsi bestia nuncupatur, qui & bestialiter vixit, & sua promissa communia cum pecudibus instituit. Porro Lex CHRISTI JESU quæ Dei visionem in præmio promittit, hæc sanctissima est, verissima, & saluberrima, cujus institutor verus fuisse dignoscitur sanctus, perfectus, veram hominis beatitudinem, & intelligens, & requirens. Tertium, quod ex

na.



natura liberi arbitrii cognosci potest, & mora pœnarum, aut præmiorum. Nam quia totum bonum, aut malum hominis est habere vel culpam, vel meritum, unde pœna sequitur aut corona: ideò quanto plura merita habuerit homo, tanto majora habebit & præmia. Non debet igitur statim, dum bonum aliquod opus fecerit finali retributione munerari, quia tunc amplius mereri non posset. Sed debet expectari, donec merita omnia consummentur, & unum pro omnibus recipere præmium. Rursum, dum homo commisit mortalem culpam, non debet repente finali animadversione puniri; aliàs esset totaliter condemnatus, & perditus, nec posset amplius ad gratiam reparari. Verùm, quia homo propter liberum arbitrium est convertibilis de malo in bonum, & potest culpam humiliter recognoscere, & per pœnitudinem revocare, Ideò expectandus est, an velit ab errore ad justitiam reverti. DOM. Hanc expectationem ( ut arbitror ) requirit natura liberi arbitrii, non quidem ex suo merito, cùm vindictam meruerit, sed sicut dixisti, quia convertibilis est, & in melius permutari potest, & ideò judex humanorum operum clemens debet esse, & longanimus, & non statim prosilire in vindictam, quia melius est hominem salvare, quàm perdere. RÆM. Quartò, agnosce, ex libero arbitrio, duas esse civitates longissimè inter se distantes. Licet enim arbitrium sit in cunctis mortalibus ejusdem naturæ, tamen quia tendit per duas vias sibi mutuè valde contrarias, una est

est via culpæ & demeriti, alia via virtutis & meriti. Et quia istæ viæ ducunt ambulantes in eis ad contrarias mansiones, idcirco duas necesse est ponere civitates, in quibus contrarii inter se populi longissimè ab invicem perpetuò separentur. ut sicut inter se voluntate & merito maxime discordant, & tali discordia, quâ nulla potest esse major, ita etiam remotissimè ab invicem separentur seperatione, quâ nulla potest esse longinquior. Ideò Deus, qui munerator est actuum humanorum, hos duos populos ita discernit, ut unum elevet suprâ omnes cœlos, alterum deprimat in abyssos. Et quia centrum terræ, quæ civitas futura est reproporum, & circumferentia ultimi cœli, quæ civitas est hominum iustorum, extremâ inter se distantia separentur, congruè juxta naturam utriusque populi hæc habitacula dispensantur. Sunt igitur hæc duæ civitates perpetuæ, insolubiles, invariabiles, inexpugnabiles. Quarum una est opulentissima, quietissima, jucundissima, lucidissima, pulcherrima, verum, & totum hominis bonum in se retinens, atque complectens, in qua requiescunt innumera-biles iusti, & sedent in pulchritudine pacis, & in requie opulenta. Altera verò civitas, quæ malorum gentem retinet, densissimis tenebris horret, inopiæ, ignominie, calamitatis, & extremæ miseriæ plena, omne malum hominis cumulatifima fertilitate complectens. DOM. Diversitas voluntatum & operum, quam in hominibus experimur, has contrarias civitates manifestè constituit. Sed væ illis! & septies væ, quibus

E

pro-

propter impiam nequitiae culpam sinistra hæc, & tenebrosa civitas forte obvenit. RÆM. Hinc jam quintum quod dicere decrevi facile intelliges, quod videlicet liberum arbitrium est immortale. Ex quo in libero arbitrio subjicitur vel virtus, vel vitium, & omne liberum arbitrium est vel virtuosum, vel vitiosum? sed virtus non expellitur, nisi per suum contrarium, quod est vitium, nec vitium ejici potest, nisi succedente virtute. At quoniam post mortem vitium, quod hîc non expellitur, perpetuò manet, non enim pœna vitium destruit, sed consumat, & perficit, ideò manente vitio, manet & liberum arbitrium, in quo est vitium. Sed culpa, & etiam culpæ pœna est perennis post mortem: ergo, & liberum arbitrium est perenne, atque insolubile. DOM. Et anima quoque, in qua ipsum continetur arbitrium, perennis permanet, & insolubilis. Satis jam per liberum arbitrium tuâ industriâ illuminatus sum; nunc ad reliqua, quæ insinuanda sunt ocius accede.

Homo differt à rebus se inferioribus penes cognoscere se habere.

## C A P U T XV.

### R Æ M U N D U S.

**D**iximus suprâ, quomodô homo differt à rebus trium graduum in generali: nunc specialibus differentiam hominis à cæteris assignemus. Differt quidem homo ab aliis rebus, quia aliquid habet; quod non habent cæteræ; sed maxime

ximè differt, quia & habet, & se habere cognoscit. Hoc postremum nullis rebus inferioribus est commune. Habent enim res trium graduum & miram pulchritudinem, virtutem, utilitatem, varietatem, sed hæc cum habeant, non se cognoscunt habere. Solus autem homo id, quod habet intelligit, & à quo habet. Intelligit etiam quid cæteræ res habent, & à quo receperunt quod habent. Tu quæso diligenter adverte, & ex hac differentia stupenda cognosces. DOM. Si centum mihi aures adessent, omnes tuis sermonibus admoverem: Non solum enim mihi ingenium illuminas, sed & affectum acriter inflammas, RÆM. Istud melius postremò fateberis. Nunc verò pro hac differentia quatuor gradus considera. Primus: Homo cognoscit se habere, quod habet, & etiam quod cæteræ res habent. Secundus: Homo cognoscit non à se ipso habere, quod habet, & cæteras res scit non ab ipso, nec à seipsis accepisse; quod habent, sed ab alio superiore. Tertius: Homo potest quærere, invenire, & cognoscere illum à quo & ipse, & cæteræ res acceperunt, quod habent. Quartus: Homo potest illum tenere, completi, regratiari, & perpetuò inhærere illi, & commorari cum eo inseparabili dilectione. Ecce! his quatuor privilegiis differt homo à cæteris se inferioribus creaturis. DOM. Modò videbis. Cum enim solus homo cognoscit se habere quod habet, & à quo habet, & quid cæteræ res habent, & propter quid habent, hinc jam suam cognoscit dignitatem, intelligit, quanti cum suis

E 2 con-

Conditor æstimârit, qui cum præ cæteris nobilem, & capacem rationis condidit, cæterisque omnibus quasi principem antetulit, & cuncta suis pedibus subtravit. Hæc homo cognoscens, si gratus est, gaudet, tripudiat, gloriatur, & factorem suum diligit, veneratur, honorat pro his, quæ accepit, & quæ res cæteræ pro ipso acceperunt.

DOM. Quantum intelligo, tu cupis ostendere, hominem obligari DEO, & pro his, quæ accepit in semetipso, & pro rerum commodo creatarum. RÆM. Planè id cupio.

Non enim debet homo nec stolidus, nec ingratus esse omnium Conditori, sed immensas agere gratias pro innumeris beneficiis, quæ in se, & in subjecta sibi creatura suscepit. Nam ex quo

DEUS soli dedit homini cognoscere, quid in se, quid in aliis accepit, inde obligat eum gratum debere esse, & pro suis bonis, & pro alienis.

Præsertim cum ea bona, quæ in cætera creatura sunt, magis homini necessaria, aut commoda sunt, quàm sibi. Nam si voles diligenter inspicere, Deus omnes res inferiores non propter se-

ipsas, sed propter hominem instituit. Condita enim sunt omnia, vel propter hominis necessitatem, vel utilitatem, vel solatium, vel doctrinam, vel gaudium.

At nunc, quia sunt omnia propter hominem, ideò omnia solus accepit homo, & cuncta faciunt unum corpus cum homine, & unum regnum, cujus & ipse caput, & Rex est.

Hinc tenetur solus suo largitori gratias agere, obsequi, inhærere, diligere, collaudare.

DOM. Nunc ipsam obligationem hominis ma-

ni-

manifestè concipio. Nam ex quo creaturæ nihil pro se, sed pro solo homine acceperunt, ideò solus homo quicquid usquàm in universo est noscitur accepisse. Omnia ergo in tribus concludi possunt, scilicet in largitore, in munere, & in accipiente. Sed ubi est munus dantis, ibi est & beneficium accipientis, atque inde necessariò ad accipientem naturalis oritur obligatio ad suum largitorem, præsertim si ipse largitor munera sua liberè, voluntariè, & nulla necessitate distribuit, & si is qui accipit ipsis muneribus carere non possit. RÆM. Rectè tu quidem. Sed nunc intue, an homo DEI muneribus carere possit? Ut paululùm de ipsis donis, quæ in se ipso homo accepit taceamus, exteriora creaturarum munera cogitemus. Nam quia homo animam habet, & corpus, & ideò omnis creatura est ad bonum animæ hominis, vel ad bonum corporis ejus. Et primò animadvertè, quomodo omnia serviunt corpori vel ad necessitatem, vel oblectationem, vel ad commodum, vel ad jutorium. Nonnè homo indiget necessariò quatuor Clementis, ex quibus & constituitur, nutritur, conservatur? Nonne homo indiget sole, luna, sideribus, plantis, frugibus, arboribus, piscium, & animalium carnibus? Cogitè horum omnium absentiam, & vide si sine his homo posset in vita durare. DOM. Agnosco beneficium. RÆM. Si beneficium agnosceis, agnosce & beneficii largitorem. Nam omnis creatura tibi clamat: Accipe, & redde: Accipe beneficium, redde debitum. Cælum dicit:

Ministro tibi lumina , & virtutes syderum , & planetarum , temporum vices , & varietates , hinc tollo fastidium , ingero delectamentum. Aër dicit : Communico tibi flatum vitalem , & omne genus volucrum tibi in cibum , & solacium mitto. Aqua dicit : Ego te porto , sordes diluo , terras , tuas plantas , atque arbores irrigo , & fructiferas reddo , & varios pisces tuis faucibus administro. Terra dicit : Ego te porto , te nutrio , pane , vino , oleo , frugibus , pomis , & animantibus mensas tuas repleo. Mundus totus magnis tibi vocibus clamat : Vide , quomodò te meus Conditor amavit , qui propter te me tibi servire compellit , quia factus sum propter te , ut tu servias illi , qui tenet me propter te , & te propter se. Si sentis beneficium , redde debitum. DOM. Satis nunc ostendisti , quomodò creaturæ serviunt humanis corporibus , at nunc ostende , quomodò serviunt , & animabus.

Animæ humanæ omnia serviunt.

## C A P U T XVI.

### R Æ M U N D U S.

**E**X magnitudine , ex pulchritudine , ex dulcedine & bonitate creaturarum facile mens humana cognoscit , quàm magnus , quàm pulcher , quàm dulcis , quàm bonus harum Creator existat. Invisibilis enim Deus per ea , quæ facta sunt , intellectu conspicitur , sempiterna quoque virtus ejus , serenitas , & majestas. Præterea dum homo considerat , quòd , quicquid in creatu-

turis aut pulchrum, aut serenum, aut virtuosum est, non id ipsis propter se, sed propter hominem esse collatum, ingenti gaudio cor ejus perfunditur, & in laudem resolvitur optimi Conditoris. Præterea dum videt homo omnes alias creaturas in suum obsequium deputari, suam recogitat dignitatem, nobilitatem stupet, miratur excellentiam. Hinc intelligit, se diligi à suo Conditore, & magnipendi, qui se talem fecit, & longissime omnibus antetulit. Hoc gaudio, hoc fructu homo privaretur, si solus sine cæteris conditus esset creaturis. Præterea dum se homo comparat ad alia animantia, quibus & Vivere, & Sentire collatum est, tunc suam facile cognoscit ingenuam excellentiam, quod sensum à cœlesti demissum traxerit arce, cujus egent prona, & terram spectantia. Mundi principio indulsit communis Conditor illis tantum animas, nobis animum quoque & nunc rationis capacem, immortalem, invisibilem. Præterea res inferiores sunt humanæ menti ad maximam doctrinam. Docent enim te bruta animalia, quod finale & verum bonum tuum non sit in rebus visibilibus, & corporeis oblectamentis, non in cibis, & potibus, & actibus venereis, quia hæc bona communia sunt & bestiis. Alia erga bona præstolaris spiritualia, immortalia, sempiterna. Certè nunc vidisti, quantum res creatæ etiam conferant humanæ menti. DOM. Vidi fateor, & obligationis magnitudinem non satis sufficio cogitare. RÆM. Amplius expavesces, dum tibi hanc obligationem luce clariorem monstra-



**vero.** Radix obligationis oritur ex parte muneris accepti. Et quia ipsa munera multa, & magna, & nobilia sunt, ideò & obligatio magna fit, & copiosa nimis. Verum, ut melius agnoscas, quanta fiat obligatio pro qualibet creaturâ, tripliciter quamlibet per se creaturam considerâ: videlicet, quantum valeat in seipsa, & quantum una plus valeat alterâ, & quantum ipsa homini præstet, & accommodet. Et quia omnis creatura quicquid habet muneris, pro homine accipit, ideò non ipsa, sed homo pro ea Creatori astringitur. Et quantò ipsa creatura est nobilior, etiam etsi minùs sit homini necessaria, tantò pro eo magis ipse obligatur. Multum debes DEO tuo pro terra, quæ te sustinet, non solum, quia est, sed quia etiam tibi necessaria est. Amplius tamen debes pro aqua, quantò ipsa est terrâ nobilior, & clarior. Multò amplius pro aëre, pro igne, pro sole, pro sideribus, pro plantis, pro animantibus, pro his omnibus maximas & multiplices debes agere gratias. Primò, pro omnibus perfectionibus, quas à suo opifice receperunt. Secundò, pro utilitate, & necessitate quam tibi impartiant. Tertiò, pro dignitate & gloria, quâ cunctis præemines creaturis, quæ quamvis magnam ingenuitatem habeant, multò tamen te inferiores sunt. Et quia non cognoscunt se habere quod habent, ideò nesciunt quid suo opifici debeant. Verum quia homo id solum agnoscit, & quotidie perfruitur earum beneficio, ideò homo tenetur agere grâtiâs Creatori, & eam illi benevolentiam rependere, quam  
fin-

singulæ pro se creaturæ tenentur, quia ipse solus  
 id novit, & potest. Ut autem melius me capias,  
 hoc recipe exemplum. Si tu esses solus sapiens  
 in civitate tua, & cæteri omnes aut fatui essent,  
 aut pueri, & Rex Hispaniarum conferret toti ci-  
 vitati magnum aliquod beneficium. quod in sin-  
 gulis distribui necesse sit: nonne tu, qui solus  
 præ cæteris es sapiens, teneris agere gratias regi  
 largitori, ne ingratitude populi provocatus,  
 minas inferat civitati? Quod si non feceris, &  
 teipsum, qui dignus es, & reliquos omnes mise-  
 rabiliiter perdis. At nunc cognosce in summa  
 magnitudinem obligationis tuæ, considera di-  
 ligenter multitudinem, diversitatem, utilitatem,  
 necessitatem, nobilitatem, & bonitatem omni-  
 um rerum trium graduum. Vide, quàm innume-  
 rabiles, quàm nobiles sint res primi gradûs. Vi-  
 de nobiliorem gloriam rerum secundi gradûs:  
 Vide quoq; ingentem pulchritudinem, & multi-  
 tudinem rerum tertii gradûs: Vide præterea  
 omnium simul numerum sine numero, mensu-  
 ram sine mensura. & ex infinita multitudine, &  
 perfectione earum, infinitam intellige hominis  
 obligationem. Quid nunc animi habes? DOM.  
 Video heu! miserum hominem his beneficiis non  
 tam levare, quàm opprimere. RÆM. Opprimi-  
 tur planè, si gratus non fuerit, & benevolus.  
 DOM. Et quomodò poterit gratias agere tan-  
 tas, tam immensas?

Homo obligatus est Deo pro his etiam, quæ accepit in seipso.

## C A P U T X V I I.

### RÆMUNDUS.

**A**Udies hæc postea. Interim quæso diligenter adverte, quantum astringeris DEO pro his, quæ accepisti in te ipso naturalibus bonis, quæ sine comparatione sunt cæteris omnibus præstantiora. Accepisti enim esse, & vivere, sentire, & intelligere, & corpus & animam. Si debitor es pro mundo, multò amplius pro te ipso, & tanto amplius, quantò tu mundo es melior, nobilior, præstantior. Mundus enim totus propter hominem factus est, cujus & commodis servit, & necessitatibus. DOM. Hinc facilè intelligo, hominem secundum animam immortalem esse, atque perpetuum: cùm video tam nobiles, tam pretiosas, & etiam immortales aliquas creaturas in obsequium hominis incurvari. Et quia is, qui servit, semper est suo domino minor, ideò, si creaturæ nobiles atque immortales serviunt homini, necesse est, quod sit homo multò nobilior, multò immortalior. Verùm tu quod cœpisti proseguere. RÆM. Obligatur itaque homo pro illo esse, quod accepit, quòd quidem esse immensum plus valet, quàm esse omnium creaturarum. Non autem tantum accepit esse, sed etiam formosum, & pulchrum, & artificiosum, cujus pulchritudinem Sol, & sydera obstupescunt; obligatur

secundò pro sua vita, quæ est multò præstantior, quàm omnium aliarum vita, omnia enim propter hominem vivunt, ipse autem non econverso, obligatur præterea pro eo quòd habet & sensum, & intellectum, & liberum arbitrium, rem utique grandissimam, dignissimam, singularissimam. Plus enim ponderat liberum arbitrium quàm esse, vivere, & sentire omnium rerum, nam propter hoc omnia sunt còdita, omnia instituta. Habes ecce principem, & imperatorem totius creatæ naturæ, & vides decentissimam omnium rerum servitutem. Nam esse, vivere, & sentire, quæ sunt in creaturis, sunt propter esse, vivere, & sentire hominis. Hominis verò esse, vivere & sentire suo servit libero arbitrio. Omnia ergò, quæ sunt in homine continuè laborant, ut sedeat rex liberum arbitrium, quod immortale est, atque divinum. Unde sicut omnia creata trium graduum habent nobilius esse, vivere, & sentire in ipso homine, quàm in seipsis; habent enim esse humanum in homine, & per hominem junguntur libero arbitrio, ideò omnia creata respiciunt ad illud esse nobile, quod habent in homine, quod & appetunt perpetuò conservare. Omnia ergò ordinantur ad hominem gradatim ascendendo, homo verò sine medio propter ipsum ordinatur Arbitrium. Super omnia itaque sedet, imperat, & dominatur liberum arbitrium, nec habet aliquod creatum supra se, sed solus Creator Deus illi præsidet, illud moderatur, & continet. Est ergo liberum arbitrium nobilissim

ma

tibi oculum redderet excussum, aut dentem, aut aurem, semper illum maximo favore diligeres. Hinc pensa, quantum abste diligere debet factor tuus, qui non unum tantum, sed universa tibi membra compegit, distribuit, ordinavit. DOM. Satis intellego plus me debere optimo Creatori pro meo corpore, quam pro omnibus, quæ extra me sunt innumeris beneficiis. RÆM. Si tantum debes pro corpore, quod caducum est, atque mortale, quantum putas pro nobilissima, & semper victura anima te quoque debere? Infudit enim pulchro corpori tuo animam pulcherrimam, & nobilissimam Deus, quæ possit ipsum & sua organa complere, vivificare, movere, dirigere, moderari. Sicuti enim corpus habet multa membra, & organa admodum distincta, ita & anima ornata est & dotata variis virtutibus, potestatibus, & officiis naturalibus, quibus corporis organa moveantur, & in suas actiones destinantur. Videmus, quod in uno quoque regno sunt inferiora officia, ut officia Agricolarum, Mercatorum, Opificum: Sunt, & media officia, & multo his digniora, ut Militum, Judicum, Comitum, & Baronum, sunt quoque, & dignissima officia, ut Consul, & Senatorum, qui regi consulunt, & assistunt. Pari modo in regno animæ humanæ sunt infinitæ virtutes, ut est nutritio, augmentatio, generatio, quæ se habent instar colonorum, mercatorum, & opificum, qui sustinent, & laborant pro toto regno. Istæ res virtutes continentur sub una potestate generali, quæ  
virtus

virtus Vegetativa nuncupatur. Et habent secum alias adhuc quatuor virtutes, scilicet virtus Appetitiva, cujus officium est cibum desideranter attrahere, virtus Retentiva, cujus est cibum retinere, virtus Digestiva, cujus est cibum coquere, & virtus Expulsiva, cujus est superflua rejicere, & bonum chylum in omnia membra transmittere. Sunt secundò altiores hic virtutes & potestates in anima, ut est potentia, quâ videmus, audimus, olfacimus, tangimus, gustamus. Visus apprehendit omnes colores, figuras, lucis & radiorum pulchritudines: Auditus omnes sonos, & voces, & harmonias, sanorumque & vocum differentes consonantias. Olfactus omnes odores, quorum non est numerus. Similiter de tactu gustuque dicendum est. Inter has tamen sensitivas potentias est quædam dignitas. Nam visus melior est auditu, quia remotius solemus videre, quàm audire, & audire quàm odorare, gustus autem, & tactus sunt cæteris segniores, eò quod objectum volunt habere conjunctum. Sunt quoque tertio præter has occultiores, & nobiliores virtutes, quæ habent organa interiora in cerebro, ut sunt sensus communis. Imaginativa, Fantastica, Estimativa, Memorativa. Quarto post istas est in anima virtus Motiva de loco ad locum, quam à capite Phisici dicunt procedere. Per hanc anima dilatat, extendit, constringit, erigit, attrahit sua membra. Quanto post istum statum virtutum & officiorum, quæ habent cum organis corporeis con-

conjunctionem, & cum carne operantur, sequitur in regno animæ alius quidem status virtutum & potestatum omnium nobilissimus, quibus competit omne moderamen virtutum præcedentium. Sunt enim in anima duæ altissimæ potestates, quæ habent distinctas inter se operationes, ab organo corporeo penitus separatas, quæ sunt intellectus, & voluntas. Intellectus consulit, judicat, discernit: voluntas tanquam imperialis majestas præcipit, imperat, & ad executionem consulta demandat. Præter has virtutes naturales, quibus anima decorata est, potest insuper de novo ornati & vestiri moralibus & gratuitis bonis, & per gratiam sui creatoris, & industriam propriæ sollicitudinis. DOM. Animadverti acri ingenio cuncta, quæ de animæ officiis ostendisti, & video hominem multò amplius, quàm prius suo opifici debicorem fieri. Munera enim istâ, quæ in anima homo suscepit, inæstimabilem illi conferunt dignitatem.

De magnitudine obligationis, ex parte dantis, & recipientis.

## C A P U T X V I I I

### R Æ M U N D U S.

**S**atis nunc audisti, ni fallor, quantum Deo astringeris ex parte innumerabilis muneris, audietiam, quid debeas ex parte largientis Dei, & ex parte hominis recipientis. DOM. Undique me niteris complicitum retinere, ut nuf-

nusquam mihi diffugium pateat. RÆM. Utinam tanta tibi beneficiorum vincula possim injicere, ut in reliquum non possis à tuo muneratore divelli. Verum nunc respice diligenter voluntatem, affectum, & liberalem munificentiam Domini Dei tui, & copiosissimum te intelliges debitorem. Duo in genere sunt munera Creatoris, unum visibile & manifestum, aliud invisibile & occultum. Donum manifestum est Mundus, & quicquid in se retinet minor mundus, scilicet homo. Donum occultum est amor dantis, qui est invisibilis. Primum tamen donum, quod homini contulit Deus, est suus amor, qui radix est, & fundamentum omnium donorum. Nam hæc extrema dona multa & magna signa sunt maximi & ardentissimi ad nos amoris Dei. Cogita nunc, quæso, ex magnitudine omnium donorum infinitam amoris magnitudinem, & quia Deus totum Mundum condidit propter hominem, ideò primò dilexit hominem, & omnia alia in aliis creaturis non dilexit, nisi hominem, quem super omnes exaltavit, ornavit, nobilitavit. Verum quia amor Dei excedit in infinitum omnia dona creata, ideò Deus cum dedit homini suum amorem, dedit ei munus infinitum, inapretiabile, inæstimabile. Certè vidisti obligationem omnium maximam. Quia igitur amor Dei ad hominem est purissimus, ardentissimus, summè liberalis, & merè gratuitus ideò sine ulla comparatione plus est obligatus homo pro amore Dei quam



quàm pro universis extra susceptis. Hæc enim omnia etsi multa sint, tamen finita sunt. At amor Dei & funditus infinitus. DOM. Libens suscipio hominem sic amari, sed obligationis magnitudinem expavesco, RÆM. Diximus obligationem ex parte largientis, nunc etiam intellige ex parte recipientis. Largitor omnium bonorum Deus munera sua homini contulit ex libera & gratuita bonitate, sed homo ea recipit ex mera necessitate. Velit enim aut nolit, necesse habet sibi assumere dona Dei, sine quibus nec monumentum poterit permanere. Nunquid ea tu poteris refutare? nunquid potes dicere Deo, non opus habeo sole tuo, non opus aëre, aquâ, terrâ, munera tua alteri largire, ego amplius non recipio? si vides ergo inevitabilem hominis necessitatem, agnosco & obligationem, Agnosce, quantum debeas amico optimo & fidelissimo, qui te continuo in esse conservat, qui tuis necessitatibus & commodis sua dona ministrat. DOM. Agnosco obligationem infallibilem, indelebilem, perpetuam, immortalem, & chartam insolubilem digito Dei in qualibet creatura conscriptam, quam dum lego, non possum maximum me debitorem non agnoscere. Sed quousque animam meam defatigas, & non dicis mihi, quid pro tantis beneficiis refundere debeam Creatori? Erubesco ingratus inveniri, sed quomodo satis gratus efficiar, nondum intelligo.

Homo quid tribuere teneatur pro acceptis  
Beneficiis.

## C A P U T XIX.

RÆMUNDUS.

**E**Ccè jam incipiam satisfacere votis tuis. Sed dicito mihi, credis etiam hominem habere aliquid tale, quod possit Deo retribuere in recompensam condignam tantorum bonorum? DOM. Credo equidem, nunquam enim æquifmus Deus (qui hominem perdere non vult) tantis eum beneficiis cumulasset, nisi nosset penes homines residere aliquid, quo suam possit solvere obligationem. Alioquin in suam ultimam ruinam hæc illi essent munera collata, quod de optimo Largitore nefas est credere. RÆM. Ita quæso sic senti de Domino in bonitate. Habet ergò aliquid homo, quod reddere possit & debeat, ne suspicetur ingratus. Non hoc erit Mundus iste, quia non est proprium hominis bonum, non ipsum hominis corpus, quia per violentiam ab eo auferri potest, omnia enim quæ extra animam hominis sunt, sua non sunt, quia caduca & mortalia sunt. Verùm quia recompensatio debet correspondere amor largientis, amor autem largientis est immortalis, spiritalis, invisibilis, ita quod homo retribuit suo datori, debet esse immortale, spirituale, invisibile, syncerum, purum, & in sua potestate integrè constitutum. Hoc autem est liberum arbitrium, non autem intellectus liberi arbitrii, sed voluntas, quæ sola est libera,

&c

& spontanea ; & sui ipsius imperiosa domina , quæ sicut à nullo cogi , aut impediri potest , ita nec ullatenus auferri. Hæc autem voluntas donum in se possidet merè liberum & spontaneum , scilicet amorem , qui à voluntate procedit ortu spontaneo. Hunc amorem voluntas liberali munere Deo dare potest pro beneficiis acceptis , nec quicquam ampliùs ab homine Deus ipse reponit. Nihil aliud habet homo in se verè proprium , quàm amorem , qui est totus thesaurus hominis , honorabilis , pretiosus , liberalis , perpetuus , & clarissimus Creatori. Invenimus igitur rem , quam maximè quærebat. Qualis tibi quæso videtur ? DOM. Res optima , præstantissima , & quod primum est , homini facillima. Nunc bono animo efficiar , habeo enim , unde retribuam domino pro omnibus quæ retribuit mihi , diligam . amabo , amplexabor , RÆM. Omnino æquissimum respondere , & liberalissimo , sincerissimoque amatori Deo liberale , sincerumque reddere amoris obsequium. Amor enim per se placet & propter se , & præ cæteris acceptus est Deo , jucundus , dulcis , amabilis. Licet enim Deus sit omnium verorum & pulchrorum bonorum ditissimus possessor , nec ulla re egeat , vult tamen ab homine munera amoris accipere , quæ semper exposcit , quæ & ambit & diligit. Amor quippe solus est , per quem potest homo correspondere suo amatori. Si Deus te arguit , aut irascitur , aut minatur , tu illi justè nec irasci , nec minari potes. Sed si te amaverit , tu justè illum

redamare potes, non tamen ex æquo, cum amor Dei sit infinitus, tuus verò parvus est, & mensuram habet. Debet tamen esse mundissimus, integerrimus, syncerissimus, plenissimus, sanctissimus. Abominatur enim Deus caducum, permixtum, corruptumque amorem, qui suo purissimo amorì respondere non potest. Nihil istàc tuà veritate verius. RÆM. Cognoscis nunc, quia amorem tuum abs te exigit Amator Deus, audi consequenter formam, quomodo amare te oporteat; hanc amoris formam & à Creatore & à creaturis potes addiscere. Creator tuus præ cæteris creaturis magis te diligit, ita & tu præ cæteris tuum dilige Creatorem. Item Creator tuus omnia alia propter te diligit, & tu omnia dilige propter Creatorem. Item Creator omnes suas Creaturas in tuum transmittit obsequium, tu verò quicquid habes optimum, in illius famulatum expende. Item Creator tuus te diligit infinito & perpetuo amore, ita & tu illum semper dilige ex toto corde tuo, ex tota anima tua, & tota mente tua. Habes formam amoris de Creatore, nunc eandem formam recipe à creaturis. Creaturæ impendunt tibi suum beneficium & obsequium de optimo, quod habent, & totum quod possident, ita & tu quod in te optimum habes, scilicet amorem, tuo tribue Creatori. Creaturæ totis viribus tibi deserviunt, tu quoque quicquid virium habes in amore tuo tribue Creatori. Creaturæ continuè, & sine intermissione, die ac nocte, sereno vel turbulento tempore tibi obsequun-

quantur, ita & tu omni tempore, in prosperis & in adversis, tuum dilige Creatorem. Creaturæ soli tibi serviunt, & nulli alteri, ita & tu solum tuum dilige Creatorem, & neminem dilige, nisi propter ipsum. Creaturæ tibi serviunt secundum propriam naturam, & modum suum, ita & tu debes obsequi Deo tuo secundum modum naturæ tuæ, & libertate, & bonâ, spontaneâque voluntate. Creaturæ dant tibi sua munera in summa, quæ prævalent perfectione. Arbores enim & vites exhibent tibi suos fructus maturos, bonos, dulces, oblectabiles, non enim acciperes ab eis fructus amaros, virides, acerbos, corruptos, ita & tu quoque da operam, ut Deo tribuas amorem maturum, dulcem, amabilem, bonum, integrum, perfectum. Postremò, creaturæ non tibi serviunt cum dolo, cum fraude, cum pigritia, ignavia, socordia, sed simplici, & prompta intentione, ita pariformiter servi Deo tuo, ut non ambules in vanitate, & festinet in dolo pes tuus. **DOMA.** Acriter me incendit institutio tua, & amoris formam nunc abs te digestam studebo pro viribus æmulari; nam ut video, nulla relinquitur homini excusatio, quin suum debeat amare factorem. Amor enim cum filius sit liberæ voluntatis, à nullo impediri potest, quin omni momento suum possit opus implere. In amando quoque nullus labor, nullus dolor, nec tristitia, nec tædium, nec fastidium, amor enim omnes labores reddit suaves, amabiles, voluptuosos. Hinc jam manifestè lucet summa erga hominem

F 3

dul-

dulcedo & benignitas Conditoris, qui datis tantis beneficiis hominem non obligavit ad rem pœnosam, & laboriosam, & fætigabilem, sed ad id quod maximè est appetibile, & delectabile.

Debitum amoris, quod homo reddit Creatori, ad hominis meritum & commodum revertitur.

## C A P U T X X.

### RÆMUNDUS.

**S**icut lucet benignitas magna Creatoris, eò quòd obligaverit sibi hominem ad amorem, rem maximè delectabilem, ita omnem excedit benignitatis mensuram, quod ipsam amoris obligationem ad solam convertit utilitatem. Licet enim Deus nostrum ambiat amorem, & vehementer exposcat, hoc tamen facit, ut inde homoditetur, proficiat, nobilitetur. Videmus enim, quòd obsequium creaturarum in magnam vertitur hominis utilitatem, ita & obsequium amoris, quod homo exhibet Deo, cum Deo prodesse non possit, (ipse enim bonorum nostrorum non eget) ut homini prosit necesse est. DOM. Non debet igitur homo ociosus esse, sed sicut creaturarum recipit utilitatem, ita & ipse opificem diligendo suis etiam debet commodis indulgere. RÆM. Debet utique, duplex enim necessitas homini incumbit, indiget enim esse, & ut perseveret in esse. Secundo indiget, ut habeat fructuosum atque optimum esse. A servitio

vitio creaturarum, quæ naturaliter, & ex necessitate serviunt homini, homo recipit esse, & durat in esse, sed à servitio amoris, quod homo exhibet Deo, (qui liberè ac voluntariè agit, atque ideò meritoriè) homo recipit fructuosum atque optimum esse. Creaturæ serviunt tibi, ut esse habeas, tu verò Deo obsequeris, ut optimè habeas. Sed quia præstantius est optimè esse, quàm esse solum, ideò obsequium hominis est sibi multò melius, quàm quod accipit à creaturis. Verùm, quemadmodum creaturarum servitus est homini continuò necessaria, ita & necessarium est homini servire Deo, si velit utiliter permanere. DOM. Vehementer assentior. Nam sicut necesse est homini corporaliter mori, si suum illi creaturæ obsequium denegarint, ita & spiritualiter eum mori necesse est, si Deo suo servire contempserit. Qui ergo non servit Deo, verè mortuus est, nec quicquam proficit homini obsequium creaturæ, nisi ipse serviat Creatori. Hoc enim secundo obsequio cessante, primum frustra impenditur. Perdunt enim suam utilitatem creaturæ, quæ propter hominem institutæ sunt, si homo suo factori obsequi contempserit, & talis homo, quantum in se est, cassat, & frustat totum Universum. RÆM. Hinc manifestè intelligis, oportere hominem per amorem domino deservire, ut dum ipse diligenti obsequio Deo colligatur, aliz etiam creaturæ omnes homini serviendo, homini copulantur, & per hominem Deo. Obligatio itaque amoris omnia complet, omnia consum-

mat, & totum Deo alligat Universum. Vide nunc mirabilem dulcēque circuitum. Ab amore Creatoris omnia processerunt, & per hominis amorem ad Deum omnia consummantur. Et sic apparet palam, quod homo Deum diligens est Mediator quidam inter Creatorem, & ipsas res conditas, quia per ipsum cum Deo redeunt, & ad Deum. Quod si homo Deo per amorem non adhæserit, sicut ipse inordinatus est, & dissolutus, ita ipse in poenam suam omnia disjungit, dissolvit, diffibulat, nec Creatori utilis, nec dignus creaturâ. DOM. In mirabilem me lucem Ræmunde extulisti, & in ardentissimam flammam, unde tibi maximas habeo gratias. Arbitror enim jam tandem te de amore ultimam sententiam posuisse. RÆM. Revera non posui, multa enim & magna de amore adhuc locuturus sum, & quæ stupere te faciant vehementer. DOM. Oro te, obsecrans O dilectissime! comple desiderium meum, & quod reliquum est ocius ediscito.

Homo obligatur amare etiam omnem creaturam, & præcipue Dei imaginem.

## C A P U T XXI.

RÆMUNDUS.

**U**Num adhuc nunc dicam, cætera alteri Dialogo conservabo. Sicut homo obligatur primò suum diligere Creatorem, ita post ipsum omnes debet diligere creaturas, non inquantum



tum sibi utiles, aut necessariae sunt, sed quia Dei amatoris sui creaturae sunt, & quia non omnes creaturae sunt aequales, sed una est altera praestantior, & illa omnium praestantissima & dignissima, quae Dei in se imaginem, & similitudinem repraesentat, ideo praeter ceteris homo debet sui Creatoris imaginem, id est, hominem amare, colere, venerari. Cum enim quilibet homo ita contineat in se sui Creatoris imaginem, sicut cera formam signaculi, cui imprimitur, ideo obligatur quisque diligere alterum sicut seipsum, sive amicus sit ille, sive inimicus, sive profuerit, sive etiam obfuerit. Semper enim homo imago Dei est, semper maximi Conditoris nobilissimum plasma est. DOM. Hinc ego palam excipio, oportere unumquemque hominem diligere alterum sicut suam ipsius imaginem, sicut suam ipsius naturam, & ideo quilibet teneatur aestimare, & appretiate alterum sicut semetipsum. Tenetur quoque omne bonum, quod sibi quisque cupit, in quantum Dei imago est, hoc etiam alteri cupere, alteri impetrari, alteri, si potest, etiam conferre. Debet igitur esse inter omnes homines una aeterni foederis compaginato, una pax, una concordia, unum velle, unum nolle. RÆM. Justissimum est, quod tu loqueris, ex quo enim haec obligatio, quâ homo tenetur amare hominem, originem ducit ex obligatione, quâ homo astringitur diligere Creatorem, ideo sicut ista est rectissima, & in Jure naturae fundata, & est prima justitia, ita & altera est secunda justitia, recta,

sancta, & in Jure naturæ radicata. Accipe nunc formam hujus obligationis à Creatore, & à creaturis. Primum Creator omnibus hominibus indifferenter suam partitus est imaginem, & suam similitudinem, tu quoque omnibus communicabilem te præbe, & liberalem. Creator sine acceptione personarum omnes homines in quantum sunt suæ imagines, communi diligit amore, ita & tu quoque omnem hominem dilige. Creator æquali pietate omni homini sua beneficia indulget, & solem suum oriri jubet super bonos & malos, & pluit super justos & reprobos, & tu quoque omni petenti te tribue, & quicquid habes libenter impertiti stude. Secundò accipe hanc formam & à creaturis. Creaturæ, quæ homini jussu Creatoris inserviunt, non magis uni obsequuntur homini, quàm alteri, non plus pro uno laborant, quàm pro altero, neque amplius majorem respiciunt, quàm minorem, nec nobilem, quàm ruralem: Elementa, plantæ, arbores, animalia non plus serviunt Regi, quàm militi, nec plus servo, quàm Domino. Sicut ergò creaturæ homini obsequuntur, in quantum Dei imago est, & æquales inter se reputant omnes homines, ita & tu quoque æqualiter Dei imaginem in quolibet homine venerare, nec æstimes naturali conditione alterum alteri præferendum. DOM. Non solum ex his, quæ dicis, colligo formam amoris, verum etiam quantæ sit majestatis, dignitatis, gloriæ, & excellentiæ imago Dei, luce clariùs intueor, cui suus Creator tantam impendit sol-

sollicitudinem, quàm honorat, diligit, veneratur, cui etiam creaturæ multæ nobiles & sublimes invigilant, servinnt, obsequuntur. Satis hinc patet, quantum debet honorare homo hominem, quando illum & Deus maximus, & universus orbis veneratur. **RÆM.** Nolo etiam te lateat, quòd hæc obligatio amoris redundat & revertitur in solam hominis utilitatem, in suum commodum & meritum. Licet enim amor tuus, quo proximum diligis, plerumque illi aut utilis est, aut jucundus, tibi tamen semper est meritorius. Dum enim homo primò Deum diligit, ac tum proximum, imaginem Dei, inde sibi colligit omne bonum suum, omne meritum, omne gaudium, laudem, salutem, & gloriam, & quandò adjecerit plures propter Deum homines diligere, tantò ditescit amplius, tantò fit & nobilior, & seipso quotidie major. Multa adhuc de natura amoris, de ejus viribus, & proprietatibus differenda sunt, sed vides, quia jam Sol hesperias se mergit in undas, nox quoque suas umbras jam minitans, & cibum nos & somnum capere adhortatur; in crastinum igitur, quæ de amore supersunt reservemus. **DOM.** Licet à tuo sermone invitissimus ipse divellar, pareo tamen votis tuis, ut paululùm viribus recollectis, novus in crastinum disputator advenias.





T E R T I U S  
**DIALOGUS.**  
 De Amore, & viribus ejus,  
 conditionibus, & fructibus,

Amoris conditiones, ac proprietates.

C A P U T XXII.  
 DOMINCUS.

**T**Otam penè noctem insomnem habui, ita  
 eram tua sponsione sollicitus. Optabam  
 crebrò diem fieri, & mollem, desidémque Au-  
 roram arguebam, quòd Titani mariti croceum  
 nollet cubile deferere. Ocurro autem nunc ti-  
 bi festinus, & alacer audire quæ pollicitus es.  
 Scio enim stupenda te, atque admodum utilia  
 de Amore dicturum. RÆM. Amo mi Domi-  
 nice, ardens desiderium tuum, quod & me  
 quoque acriorem reddit, & magis spontaneum.  
 Meministine suprà me dixisse, nihil nos habe-  
 re in nostra potestate, & quod verè sit nostrum,  
 præter solum Amorem? DOM. Memini equi-  
 dem. Nam amor noster (ut ipse dixisti) est to-  
 tum bonum nostrum, unicus & pretiosissimus  
 noster thesaurus, & cunctæ divitiæ nostræ.  
 Cætera quippe omnia & fortunæ, & corporis  
 bona.

bona, nec vera, nec nostra sunt. RÆM. Si ergò Amor est illud unicum, quod habemus, hinc sequitur, quòd Amor bonus est totum bonum nostrum, Amor malus atque perversus est omne malum nostrum. Nam si nihil est verè nostrum nisi Amor, si Amor malus fuerit, quicquid habemus malum est, si bonus, bonum est. Sequitur quoque si Amor noster bonus fuerit, nos etiam boni sumus, si malus, mali. Solus igitur Amor hominis, hominem facit vel bonum, vel malum. Præterea cùm nihil possideamus vere nisi Amorem, ideò quando dedimus alicui nostrum Amorem, totum, quod habebamus dedimus, nec quicquam reliquum habemus, quod tribuamus. Hinc etiam sequitur, quòd si perdiderimus Amorem nostrum, omnes nostras divitias perdidimus, tunc autem perdidimus, si illi nostrum Amorem contulerimus, cui omninò dare non debuimus. Præterea, si bonum omne nostrum est Amor bonus, & malus Amor nostrum malum, sequitur pulchrè, quòd virtus nihil sit aliud, quàm Amor bonus, & vitium Amor malus. Cujus ergò Amor bonus est, hic vir bonus est, cujus verò Amor reprobus fuerit, hic Vitiosus, & reprobus censendus est. DOM. Præsentio dulcem fragrantiam sermonis tui, & in mirabilem me cogitationem cupis erigere, ut dum cognovero omne bonum nostrum in Amore constitutum, habueròque de Amore veram scientiam, habeam etiam & de toto hominis bono maloque scientiam. Quam qui ignorat, cæcus est, & manu tentans, & se & omnia nescit. RÆM.

**RÆM.** Hinc jam Amoris proprietates attingemus. Quarum prima est, quòd Amor virtutem habet uniendi, convertendi, transformandi. Hæc est Amoris inseparabilis conditio, ideò Amor unit amantem cum re amata, & in se transformat. Secunda conditio est, quia Amor de sua natuar est donum liberale, sponte enim alteri se tribuit, cogi enim non potest, nec dari, nec auferri se invito. Hinc sequitur, quòd Amor est verè illius, cui datur, & transit in veram possessionem rei amatae, & ideò res amata in suo retinet dominio Amorem, qui sibi ultrò donatus est. Tertia conditio, quòd Amor quocunque vadit, semper secum pertrahit voluntatem, quæ habet plenum in homine imperium, & ideo etiam secum portat totum hominem, & ideò, quando Amor alteri se tribuit, totam tribuit voluntatem, & totum hominem, qui etiam convertuntur in rem amatam. Quarta conditio, quod ista conversio amantis in rem amatam non est violenta, non coacta, non laboriosa, sed spontanea, liberalis, dulcis, delectabilis, & ideò voluntas, quæ jungitur rei amatae non potest ab ea separari per aliquam violentiam, sed spontè, merè, & liberè. Quinta conditio, quòd Amor licet mutet voluntatem in rem amatam, tamen Amor semper permanet liberalis Amor, & suam retinet naturam. Voluntas quoque licet permutetur in rem amatam, cujus & naturam induit, & formam, tamen semper permanet voluntas, nec ideò destruitur, quia mutatur. Sexta conditio, quod

Amor

Amortalis efficitur, qualis est res, quæ amatur, & talis fit ipsa voluntas, qualis & Amor. Res enim primò principaliter amata nomen, naturam, & formam Amori tribuit, & voluntati. Hinc sequitur, quòd si voluntas terram amet, terrealuteaque sit, & Amor dicitur terrenus, si amat res mortuas, caducas, superfluas, i voluntas nuncupatur mortua, superflua, caduca, si amat homines, humana dicitur, si Deum, divina. Ex isto liquet, quod homo potest per Amorem, quem gerit sponte mutari in rem multò se meliorem, vel multò se viliorem. Septima, quod Amor ex sua natura semper se erigit ad amandum id, quod est se præstantius, nobilius, & dignius. Hoc patet in naturis aliarum rerum, quæ semper se ad meliora & perfectiora sustollunt, nam elementa mutantur in plantas, plantæ nutriunt animalia, quorum caro comesta in carnem formatur humanam. Ita ergo & voluntas nostra, & amor noster, ut non degeneret à rebus sub se creatis, debet semper id amare, quod est suprâ se, & amando in id converti, quod est multò se nobilius, præclarius, excellentius. Verùm quia, nihil est suprâ voluntatem nostram, quod sit ipsâ melius, & perfectius, quàm ipse summus & æternus Deus, ideò voluntas meritò tribuere debet Amorem suum maximo Deo, & in illum, ut præstantissimum converti & conformari. DOM. Meritò id quidem. Nam cùm turpissimum sit voluntatem (quæ regina est in regno animæ) se inflectere subter se ad lutea, caduca, vilia, spurca,

ca, & contemptibilia, idcirco debet se snrsùm erigere, Deum intueri, Deum amare, Deum complecti, & in ipsum transformari, qui est summum, æternum, nobilissimum, & optimum Bonum. RÆM. Gaudeo, te sapere quæ dico, sed nunc consequenter ausculta. Octava conditio est, quòd Amor, ex quo est res nobilissima, dignissima, & liberalissima, quæ mutat ipsam voluntatem in rem amatam, & ponit eam sub imperio rei amatae, ideò valde injustum & incongruum est, quòd res inferior, vilior ipsa voluntate, dominium arripiat super eam, eamque possideat. Præterea cùm Amor sit spiritualis, & intellectualis naturæ, & ideò etiam omni re corporali multò præstantior, idcirco nulla res corporalis est nostro Amore aliquatenus digna. Non debemus ergò amare nec mancipia, nec animalia, nec sydera, nec elementa, nec aurum, nec argentum, nec quicquam quod potest aliquo sensu apprehendi. Præterea cùm indignum, atque injustum sit, quod res æqualis dominetur æquali, & quia omnis voluntas creata, inquantum creata est, alteri æqualis, ideò nulla creata voluntas est digna nostro Amore, nec debet nostræ dominari voluntati. Solus igitur Deus dignus est, qui à nobis ametur, qui nos possideat, qui nos in se convertat. Nona conditio, quòd Amor hoc habet à natura, quòd semper capit & requirit Amorem, ideò nulla res debet amari, nisi quæ possit Amorem refundere, & uberius, quàm acceperit. Nulla igitur res, quæ est nostra vo-

lun-



luntate inferior, debet principaliter amari, non elementa, non animantia, non aliqua corporalia, quia Amorem reddere non possunt. DOM. Nihil verius, nam Amor, qui rebus inferioribus, & ratione carentibus attribuitur, maxima damna consequitur. Fit enim degener, fragilis, corporalis. At si versatur circa res humanas, fit humanus, nec fit se melior, nec perfectior. Deus igitur, qui Amorem refundere potest, & multo quam noster præstantiorem, primò a nobis amari debet, cujus est Amor infinitus, increatus, æternus.

Amor tantum se dilatat vel amplificat, quantum se amplificat res primò amata.

## C A P U T XXIII.

### RÆMUNDUS.

**D**ixi suprà, quòd Amor mutat voluntatem in rem principaliter, & primò amatam, transit enim totaliter in ejus dominium, & cum ea unitur & complicatur, & idcirco non potest ascendere suprà eam, sed ad quæcunque se extendit res primò amata, ad hæc omnia se Amor extendit. Hinc sequitur, quod res primò amata quantum fuerit communis, & universalis, tantum & ipse Amor universalis fiet, atque communis. Si res amata fuerit aut particularis, aut privata, Amor erit & particularis, & singularis. Sequitur quoque res primò amata sicut est una, ita generatur & unus Amor in voluntate,  
G qui

qui est ejusdem cum ipsa naturæ. Et sicut non possunt esse plures res primò amata, ita non potest nisi unus esse Amor in voluntate. DOM. Hinc ego colligo, quòd res quæ primò diligitur, fundat, ædificat, & confirmat primum Amorem in voluntate, qui caput fit, & origo omnium aliarum affectionum, quæ pullulant à voluntate. RÆM. Prudenter ergò intelligis, quòd à re primò dilecta generantur in voluntate unus primus Amor, à quo tanquam à radice surgit quædam arbor in anima, quæ per tot ramos se multiplicat, quot sunt res, quæ colligantur cum re, quæ primò diligitur. Verbi gratiâ, ab uno seminis grano surgit arbor cum innumeris ramis, frondibus, floribus, ac fructibus. Quale semen, talis & arbor, & omnia quæ ab arbore procedunt; qualis fons, tales sunt fontis rivuli. Hinc intellige, si Amor tuus fuerit bonus, justus, ordinatus, omnes alii Amores, qui inde procedunt, boni erunt, justi, ordinati. Si malus fuerit & corruptus, reliqui mali sunt, & corrupti. Ex isto consequenter animadvertis, quòd necessariò omne illud amatur, quòd conjunctum est cum re primò amata, & necessariò odio habetur, quicquid adversetur rei primò amata, Idcirco primus Amor, quia solidissimè jungitur cum re amata, nulla ratione avelli, aut destrui potest, nisi venerit alia res primò amata, quæ sit ipsa fortior, validiorque. Quando igitur res primò amata est ipse Deus, qui est sumus, virtus, summa fortitudo, summa nobilitas, vera æternitas,

&

& æterna veritas, fit Amor noster fortissimus, nobilissimus, verus, æternus. Et ab hoc Amore pullulant infiniti Amores, eò quod est communissimus, & universalissimus & per cuncta protensus: qui ergò principaliter Deum amat, amat cum Deo, & propter Deum, omnes creaturas, & fit Amor ejus amplissimus, & vehementer expansus. Si pateris, dicam tibi duo exempla, unde breviter, & eleganter ista cognosces. DOM. Libenter te audio, prosequere. RÆM. In Matrimonio vir principatur, mulier subjicitur. Item mulier non potest habere nisi unum maritum, nec potest à marito, quamdiu vivit, separari. Pari modo voluntas subjicitur rei amatae, nec potest habere, nisi unam rem principaliter amatam, nec ab ea potest quamdiu ipsa duraverit separari. Aliud exemplum, quò melius cuncta cognoscas. Demus aliquem hominem pauperem, & genere obscurum, qui habeat sex filias penitus æquales naturâ, industriâ, ignobilitate, vilitate, quarum una nubat rustico, altera civi, tertia militi, quarta duci, quinta Regi, sexta orbis Imperatori. Licet enim omnes hæc sex filiae ejusdem sint & generis, & paupertatis, propter viros tamen, quibus nupserunt, una sit alterâ præstantior, nobilior, sublimior. Pari modo intellige de voluntate, quæ vel ascendit, vel descendit juxta rei amatae vel dignitatem, vel ignominiam. Item sicut videmus, quòd sponsa sponso suo copulata, novum quendam concipit Amorem, qui est primus Amor, virtute cujus amat omnes, qui ha-

bent cum sponso societatem, vel amicitiam, vel parentelam. Hos enim omnes antè non amabat, sed propter Amorem viri nunc singulos amat. Quòd si vir moriatur, & mulier accipiat alium virum, tunc Amor primus, & omnes alii qui inde originem traxerunt, destruitur, & generatur in voluntate mulieris novus Amor, qui etiam radix efficitur aliorum Amorum. Prætereà quando mulier virum accipit bonum, divitem, fortem, nobilem, prudentem, tunc ipsa permanet in pace, in requie, in exultatione, in securitate, in affluentia, in omnium rerum copia, quòd si nupserit viro pauperi, caduco, misero, ignobili, sordido, contemptibili, ipsa efficietur inops, fragilis, ignobilis, sordida, contemptibilis, plena cladibus, angustiis, & miseriis. Hæc cuncta, quæ de Matrimonio diximus, applica ad voluntatem, & ad rem primò dilectam, & utrobique optimam invenies consonantiam. DOM. Capió egregiam similitudinem, satis enim ex his, quæ nunc dixisti, apparet, quòd dum voluntas nostra principaliter Deum amat, tunc sit sublimis, nobilis, segura, pacifica, quieta, robusta, plena gaudiis atque divitiis, talis est enim ille, quem diligit, quòd si amaverit creaturam, cum omnis creatura sit fragilis, mobilis, fluens, indigens, insufficiens, tunc ipsa præ inopia tribulatur, contristatur, nunquam segura, nunquam pacifica, nunquam firma. Sed quæso te, ex quo de re primò amata jam sæpe nume-

ro loquuti sumus, quot sunt, aut esse possunt res principaliter amatae?

Duas tantum esse res principaliter amatas, & de inimicitia earum adinvicem.

## C A P U T XXIV.

R A E M U N D U S.

**D**Uae tantum sunt res principaliter à voluntate dilectae, nec possunt esse plures, sicut nec duo Rectores vel Pontifices unius Ecclesiae. Hæc duæ sunt vel Deus Creator, vel creatura. Porro inter creaturas omnes illa res erit primò dilecta ab ipsa voluntate, quæ illi est magis amica, atque propinqua. Verum quia ipsa voluntas potest reflectere suum amorem ad semetipsam, ideo inter creaturas maximè amabit seipsam, ut amicam sibi, & ut propinquam. Quando igitur Amor Dei in voluntate non est primus, tunc ipsius voluntatis Amor primus efficitur. Et sic homo quando Deum non amat, amat seipsum, & suam voluntatem. & ipsa voluntas se amando in semetipsam convertitur, & facit seipsam suum proprium fundamentum extra Deum. Et quia principaliter solam se amat, ideo cætera, quæ secundariò amat, omnia propter se amat, & in omnibus non nisi se amat, & quicquid vult, propria vult voluntate, quia nullam aliam sequitur voluntatem. Hæc autem talis scelestissima impiissimæque voluntas se solam diligens, se complectens, rapit violenta manu Deo Conditori suum honorem, suam, co-

men, prima rectitudo, prima justitia, prima amicitia, prima fortitudo, prima quies, prima tranquillitas, prima consolatio, prima lætitia, prima virtus, prima veritas, prima vita, & omnium bonorum operum, & cogitationum principium, ita Amor sui ipsius est primum malum, à quo oritur in homine omne malum, prima cæcitas, primæ tenebræ, prima obliquitas, prima injustitia, prima discordia, prima imbecillitas, prima turbatio, prima desolatio, prima tristitia, prima rixa, prima nequitia, prima falsitas. prima mortalitas & omnium malorum operum & affectionum infaustum principium. Amor Dei facit voluntatem hominis justam, sanctam, humilem, benignam, sed Amor sui facit eam injustam, irreligiosam, superbam, turgidam, protervam. Amor Dei facit voluntatem quietam, dulcem, amicabilem, sed Amor sui reddit eam turbidam, amaram, litigiosam, odibilem. Amor Dei facit voluntatem largissimam, amplissimam, capacissimam, sed Amor sui facit eam angustam, coarctatam, constrictam. Amor Dei reddit voluntatem summè liberam, nulli creaturæ subiectam, sed Amor sui subjicit voluntatem omni creaturæ, & famulam constituit, servam, atque captivam. Amor Dei facit eam immobilem, firmam, & perpetua virtute vigentem, sed Amor sui, cum circa creaturam versetur, quæ vana est, fluida, mobilis, & caduca, reddit voluntatem instabilem, fluctuantem, & omni vanitati subiectam. Amor Dei facit voluntatem unitissi-

G 4

mam,

nam, atque ideò fortissimam, sed Amor sui facit eam divisibilem, fragilem, Amor Dei facit voluntatem divitem, opulentam, optimis refertam dapibus, sed Amor sui eam vacuum dimittit, elurientem, inanem, & omnibus egentem bonis. Amor Dei facit voluntatem habitare in sua Patria, in suo regno, in sua Domo; sed Amor sui facit eam exulem, advenam, peregrinam, & profugam super terram. Amor Dei facit voluntatem pulcherrimam, & miro decore formosam, Amor sui facit eam horridam, tetram, squalidam, & turpissima contagione foedatam; postremò, Amor Dei clarissimo lumine irradiat voluntatem, & hominis intellectum, ut noverit homo seipsum, & Deum, & omnia bona, sed Amor sui, qui tenebrosus est, densissima caligine cor hominis ob nubilat, ut nec Deum, nec se, nec omnia sciat. DOM. Reverà præstantissimus sermo tuus, & in his præcordiis reponendus. Utinam mortalis homo hæc animadverteret, desineretque in injuriam summi Dei se tam nequiter admare. RÆM. Unum adhuc restat, quo Dei Amor maximè commendatur, & Amor sui meritò condemnatur. Amor enim Dei cum sit universalis, potest esse unus, atque consimilis in multis, imò in infinitis hominibus, quod dum fuerit, tunc necessario pax magna, & vera perpetuæque concordia illo Amore durante inter homines perseverat, sunt enim inter se uniti, quieti, pacifici, læti, jucundi, & de alternis bonis invicem gratulabundi. Sed quando quis-

quisque primò diligit seipsum Amore privato, tunc proprium quærit honorem, suum commodum, suam voluptatem, suam dignitatem, atque impugnat honorem alium, ut defendat suum, & odit, atque execratur, & persequitur omne bonum vel corporis, vel animæ, quod videt in alio, dummodò illud repugnet bono suo. Ex isto privato Amore emergit omne malum, quod contra se homines crudeliter admittunt. Inde bella, seditiones, sectæ, inimiciæ, invidiæ, æmulationes, contentiones, animositates, iræ, rixæ, contumeliæ, rapinæ, stupra, adulteria, incendia, & mille malorum genera.

DOM. Terribile auditu est, quod loqueris. RÆM. Atque multò terribilius perpetratu, nam si voles cordis oculis intueri, videbis, quòd ab Amore proprio, tanquam à vipera quadam virulenta, septem mortalia peccata nascantur, sub quibus omne vitiorum germen continetur. Homo enim, qui seipsum nequiter diligit, diligit corpus suum, odit animam suam, & ideò propriam excellentiam, quæ est animæ, & propriam delectationem, quæ est carnis. Et propter ista duo aut conservanda, aut augenda, maximam contrahit amicitiam cum rebus externis, cum divitiis, & pecuniis. Pecuniæ enim hominis honorem augent, & voluptatem. Quærit etiam scientias, officia, dignitates, quæ suum promoveant honorem. Nascuntur igitur repente ex Amore privato quatuor corruptissima mala, scilicet, Superbia, Avaritia, Gula, Luxuria.



Deinde, cui inest Amor honoris & voluptatis, necesse est, ut odio habeat, & persequatur omne id, quod potest suum, vel honorem, vel voluptatem destruere, ideò concipit gravem iram, quæ est Amor vindictæ, & invidiam, quâ dolet de alieno bono, inquantum est suo contrarium, vel gaudet de alieno malo, prout inde recipit adjumentum. Et quia voluptas corporis torpore, atque otio pascitur, & labores fugitat, & exercitia, inde Accidia emergit, & negligentia portus omnium vitiorum. DOM. Adeò acerbo animo in privatum Amorem hætenus invexisti, ut adjutore Deo illum à me velim penitus abigere, & in solo Conditoris Amore vires, animumque locare.

Fructus, qui ex his duobus Amoribus nascitur, & de proprietatibus Gaudii.

## C A P U T XXV.

### RÆMUNDUS.

**U**T libentiùs faciliùsque possis efficere, quæ nunc spondes, necesse est tibi diligenter advertere, qui sint fructus, qui nascuntur ex Amore divino, & Amore proprio. Certissimum enim est, quòd sicut de plantis atque arboribus expectatur fructus, ita de qualibet alia re inquirimus quem faciat fructum, quam afferat utilitatem? Quia igitur in nostra voluntate tanquam in agro quodam possunt plantari duo principales Amores, scilicet Amor Dei, & Amor

Amor sui, ideò summoperè considerandum est, quem fructum afferat Amor Dei, & quem Amor sui. Et sicut non possunt esse nisi duo Amores primi, ita non sunt etiam nisi duo fructus ultimi, qui inter se sunt omninò contrarii, sicut & Amores primi. Verùm quia ex omni opere, quod agit homo, non permanet secum finaliter nisi Gaudium vel Tristitia, hoc enim est totum lucrum quod defert de laboribus suis, ideò Gaudium vel Tristitia finales sunt fructus omnium operum humanorum. Nam quicquid homo molitur, quicquid operatur, ad hoc respicit, ut gaudeat, jucundetur, exultet. Cùm autem gaudium adeptus fuerit, nihil aliud quærât, nihil aliud concupiscit, quia nulla potest re alia satiari. Et quia Tristitia Gaudio contraria est, ideò omnis homo fugit, Tristitiam, & Gaudium amplexatur. Veruntamen quia verum gaudium est verus fructus hominis bonus, & vera tristitia fructus verè malus, ideò necesse est, quòd à diversis, & contrariis seminibus oriantur. Verùm igitur gaudium oritur ab Amore Dei, & vera mœstitudo ab Amore nascitur sui. Et quia Deus est immortalis, immensus, summè pulcher, summæ potentiae, bonitatis, & sapientiae, ita Gaudium de Amore Dei & immortale, immensum, pulcherri-  
mum, potentissimum, fructuosissimum, & optimum. DOM. Si Gaudium hominis est immortale, ergò est voluntas hominis, & per consequens anima hominis est immortalis, quod Epicureorum grex maximè diffitetur. Sed nunc  
ut

ut cœpisti proseguere. *RÆM.* Audisti itaque, quia Gaudium est verus fructus Amoris Dei, nunc proprietates hujus Gaudii desideranter adverte. Prima Gaudij proprietas est, quod est ejusdem naturæ ac conditionis, qualis est res primò dilecta, & qualis est primus Amor. Hinc sequitur, quod sicut Amor Dei est semen justum, purum, sanctum, syncerum, immaculatum, atque optimum, ita & Gaudium, quod est ejus fructus, sanctissimus est, & verus, rectus, ordinatus, immaculatus, pulcher, divinus. Hoc autem tale Gaudium includit veram læticiam, jucunditatem, oblectationem, hilaritatem, tranquillitatem, delicias, jubilationes, suavitates, satietates, & mille bona. Secunda conditio, quòd sicut fructus arborum & plantarum vivificat, nutrit, & sustentat, ita & Gaudium dat vitam homini atque inde nutritur, & sustentatur cor ejus. Nam sicut Tristitia mors hominis est, ita Gaudium cor hominis confirmat, vivificat, & oblectat. Tertia conditio, quod Gaudium affert homini totum complementum finalis boni sui, nam plenum hominis Gaudium est hominis ultima perfectio, ultima beatitudo, quam cum habuerit, nihil valet ultra appetere, nihil amplius concupiscere, sicut infra statim patebit. Quarta conditio, quòd sicut Amor Dei est intra nos, ita & Gaudium intra nos est, nec est necesse in rebus externis, in auro scilicet, vel argento, non in gemmis, aut margaritis, non in officiis, aut præfecturis gaudium quærere. Sicuti enim

enim Amor portatur in sola hominis voluntate, ita & gaudium, atque idcirco totum hominis bonum in sola est hominis voluntate. DOM. Errant igitur, qui externa, & caduca fortunæ bona, hominis bona arbitrantur, quique & ea quotidie quærunt, diligunt, amplexantur. RÆM. Quantum hi errent, sicut ex præcedentibus, ita & sequentibus luculenter intelliges. Prius tamen quod cœpimus explicemus. Quinta conditio, quod quantum Amor dilatatur, & crescit; ita & crescit, & multiplicatur Gaudium. Ideo sicut Amor Dei se extendit ad omnes creaturas, in quantum Dei sunt, & præcipue ad hominem, qui est viva imago, & similitudo Dei; sic & Gaudium se dilatat ad omnes creaturas, & principaliter ad Imaginem Creatoris, qui est homo. Hinc sequitur, quod unusquisque homo Deum amans, præter Gaudium, quod concipit de Deo, habet adhuc infinita gaudia de creaturis, & maxime de quolibet homine, qui est proxima imago maximi Creatoris. DOM. Palam nunc video, quod de Amore Dei etiam in hac vita homo colligit inæstimabilem fructum. Nam ex quo semper est in amore recto, bono, & suavi, ita est in Gaudio recto, dulci, & optimo secum in corde suam habens vitam, suas divitias, suas voluptates. Nihil itaque extra quærît, nihil concupiscit, nulli invidet, nulli irascitur, nulli contrariatur, sed est plenus suo bono, suo scilicet Gaudio, quod est optima vita cordis. Hoc autem Gaudium potest con-

continuè augeri, & multiplicari; quando Dei imago per homines multiplicatur, ut quot sunt homines, tot Gaudia; & quia numerus hominum potest crescere in infinitum, ita & cumulus Gaudiorum. Beati ergo, qui Deum diligunt, quoniam fructum lætitiæ copiosissimum consequentur.

De ultimo Gaudio, quod post mortem erit:  
de Amore Dei, & salute proximi.

## C A P U T XXVI.

R Æ M U N D U S.

**D**iximus paulò ante de Gaudio, quod nascitur de Amore Dei in hac vita, nunc dicemus de Gaudio, quod erit Deo, & proximo, post hanc vitam. Cùm enim Gaudium sit fructus Amoris, necesse est, quòd veniat in tanta plenitudine, ut ultra crescere non possit. Dignum profectò est, ut sicut voluntas hìc inhæsit Deo per Amorem, ita illic inhæreat per Amoris fruitionem. Verùm cùm ex clara Dei visione fit Amor ferventior, nam ex quo Deus est summè pulcher, summè dulcis, summè benignus, bonus, nobilis, & omnium Gaudiorum divitiarumque plenissimus, ideò quantò perfectius videbitur, tantò ardentius amabitur, & tantò copiosius in ipso anima jucundabitur. Videbimus enim Deum maximum, & optimum facie ad faciem, clara, certa, & perfectissima visione, & tunc mirabitur, & dilatabitur, & jucundabitur cor nostrum. DOM. Sed quæso

so te, quomodò audebimus tantam à Deo sperare gloriam? RÆM. Solo Amore. Nisi enim Deus, quem hîc in fide anima dilexit, ostendat seipsum manifesta visione, non compleret nec meritum, nec Jus Amoris. Amor enim verus omnia aperit, omnia secreta revelat, hoc Amoris natura requirit. Amor ergo noster nobis Deum ostendit, Deum facit videre, amplecti, venerari, & ipsi inhærere, & jugiter delectari. Veruntamen quoniam Deus est infiniti decoris, suavitatis, mansuetudinis, humilioris, sapientiæ, Majestatis, & perfectionis, ideò anima illic Deum non amabit propter dõna, quæ contulit, hic enim Amor mercenarius, & impurus est, sed ideò, quia Deus verè ex seipso, & ex sua immensa bonitate plenissimè amabilis, & amplexibilis est. Et ex tali Amore nascitur perfectissimum Gaudium, atque purissimum. Hoc autem Gaudium, quia nemo poterit auferre, ideò erit certissimum, firmissimum & summè securum. Et hoc quidem erit Gaudium de Deo. Nunc superest, ut aliquid de Gaudio, quod ex proximorum felicitate capiemus, breviter, differamus. In illo regno unusquisque tantum amat alterum, quantum seipsum, & ideò tantum gaudet de bono alterius, quantum gaudet de suo. Et quoniam illic erunt innumerabiles, quos omnes ut nos ipsos diligemus, hinc sequitur, quòd æqualiter de illorum felicitate, ut de nostra gaudebimus. Non modò ergò Gaudium nostrum duplicabitur, aut triplicabitur, sed in  
mille

mille jubilos, imò infinitos excreſcet ſupra menſuram Gaudiorum, quæ de propria beatitudine ſinguli obtinebimus. Cùm igitur nemo illic ſit, qui ſuæ felicitatis Gaudium ad liquidum concipere poſſit, vide nunc, quomodo capiat in aliis tantorum gloriam Gaudiorum. Præterea cùm illic quilibet plus immenſum Deum amet, quàm ſeipſum, & omnes alios ſecum, inde ſequitur, quòd ſine comparatione plus gaudebit de felicitate Dei, quàm de ſua, & omnium aliorum ſecum. Certè nunc vidifti magnitudinem, & multitudinem Gaudiorum poſt hanc vitam. Quid nunc animi habes? DOM. Optimi nunc certè animi ſum. Sed de corporibus noſtris quid obſecro futurum reris? RÆM. Noli hinc aliquatenus trepidare. Ipſa enim anima, quæ in cœlis Deum amat, amat & corpus ſuum, vult ergo, ut reparetur, & ſibi reſtituatur, ut totus homo in integrum vivat, & feliciter vivat. Quia ergò anima vult, ut corpus reparetur, in eo & reparabitur, quia voluntatem ſe amantium Deus faciet, & deprecationem eorum exaudiet. Ut igitur animæ Gaudium compleatur, recipiet ſuum corpus, non quale nunc eſt grave, paſſibile, mortale, ſed pulchrum, decorum, formoſum, inſtar ſolis lucidum, immortale, impaſſibile, agile, ſubtile, ſpirituale, & animæ operationibus maximè conforme. Præterea, cùm anima amet omnes creaturas, in quantum Dei ſunt, ut de ſuo Amore amplius gaudeat, idè totus Mundus debet in melius renovari, & veſtẽ induere jucunditatis, & perpetuæ

tuz pulchritudinis. Nam sicut totus homo in anima, & corpore ad sublimiorem, & nobiliorrem statum reformatur, ita & totus mundus, qui propter hominem factus est, quasi de regis sui, hoc est hominis felicitate congratulans, novis incorruptionis vestibus induetur. DOM. Meritò id quidem: Sicut enim omnia profluunt ex Amore, Amor autem generat de se Gaudium, qui est fructus ejus, ita ex consequenti sunt in gaudio omnia, sicque disponuntur, ut ex ipsis sequatur Gaudium maximum, quod est fructus omnium. Sed quid tibi nunc subito contigit, rogo, quòd facies tua tristibus rugis obfuscat? Acerbum nescio, quid nunc loquuturus es.

Fructus, qui nascitur ex Amore sui & proprietates ejus.

## C A P U T XXVII.

R A M U N D U S.

**V**erum, dicis: Nam de fructu amarissimo, qui de amore sui nascitur, dicturus, acerbìtatem ejus solo odoratu præsentiens, olfactus mihi omnis & gustus amaricatus est, credo & te quoq; eadem passurum. Amor sui etiam de se Gaudium generat, qui enim id fuerit adeptus, quod amabat, aut certissimè se adepturum sperat, necesse est ut gaudeat. Cùm enim quis amat suam excellentiam, suam laudem, suam corporis voluptatem, amat quoq;, omnia externa

H

bo-



bona. quæ vota sua promovent, & perficiunt. Et quia hæc omnia adipisci possunt, ideò potest in hac vita homo gaudere, gestire, tripudiare. Verùm, quia hæc omnia amitti possunt, destrui derelinqui, & homo id odit, quod potest hæc sua bona destruere, ideò ex tali Gaudio nascitur amara tristitia, anxietas, invidentia, sollicitudo supervacua. DOM. Hinc intelligo, tale Gaudium miserum esse, superfluum, caducum, falsum, sophisticum, quod intus abscondit inexpressibilem calamitatem, & cladem. RÆM. Melius istud intelliges, dum hujus Gaudii proprietates clarius intraspexeris. Prima hujus Gaudii conditio est, quod sicut Amor proprius est inordinatus, injustus, falsus, tortuosus, corruptus, & immundus, ita est & Gaudium, quod ex ipso generatur. Item sicut Amor sui est omnium pessimus, nequissimus, malignissimus, prima mors, prima cæcitas, prima calamitas, & omnium malorum, mendaciorumque fontalis origo, ita est & Gaudium, quod emergit ab ipso. Præterea sicut amor sui est edirectò contra Deum, & in Deum acriter rebellis, auferrens, quantum, in se est, Deo suam coronam, & gloriam, ita & istud Gaudium inimicatur Deo, sitq; homo multò amplius contrarius Deo, turpiter contra eum gestiendo, quàm nequitur amando. Hoc enim Gaudium contemptum gignit, injuriam omnium maximam. Nihil tam improbum, tam pervisum, quam lætari hominem cum malè fecerit, & exultare in rebus pessimis. Grande enim malum, amare aliquid contra Deum:

Deum, sed longè gravissimum, lætari, exultare, gestire, complacere. Hoc enim venenum mortiferum est, & insanabile, & æternæ damnationi proximum. DOM. Fœtorem, acerbitatémque hujus pessimi fructus etiam nunc ipse percipio, unde & nares, atq; ora ocyùs obfirmo. RÆM. Expecta quæso parumper, & multò amariora cognosces. Sed ut perfectius id fiat, duo hæc Gaudia, scilicet quod est de Amore Dei, & quod nascitur de amore sui, contra se colliocemus, ut magis cognita elucescant. Primum Gaudium oritur de justitia, de veritate, & bonitate, de æternitate, de pulchriorum omnium radice; sed secundum Gaudium nascitur de injustitia, de falsitate, de vanitate, & de malorum omnium scaturigine. Primum Gaudium oritur ex Deo, & est secundum Deum, alterum oritur ex diabolo, & est contra Deum. Primum consolidat, reficit, satiat, unit hominem cum Deo, augetque & multiplicat amicitiam Dei, secundum dividit, elongat à Deo & hominem Dei inimicum constituit. Primum est secundum hominis naturam, & secundum ordinem universi, sed alterum est contra hominis naturam, & contra ordinem universi. Primum potest haberi de amore Dei grãtis, sine labore, sine expensis, sine aliorum adminiculis, sed secundum non habetur, nisi cum labore, cum anxietate, cum mœrore, cum odio, cum aliorum damno & multis rerum temporalium expensis. Primum facit hominem benignum, mansuetum modestum, suavem, mitem, & humilem, se-

cundum verò immisericordem, immitem, crudelem, turgidum, inflatum, superbum. Primum gaudium auget, conservat, multiplicat unitatem, pacem, concordiam, amicitiam inter homines, secundum multiplicat offensiones, inimicitias, sectas, discordias, rixas inter homines & omnem malum. Primum gaudium est vitale, salutiferum, desiderabile, gloriosum, honestum, secundum mortiferum est, ignominiosum, aspernabile, inglorium, inhonestum. Et breviter, ut omnia in summa referam, primum Gaudium auget amorem omnis boni, & illuminat, lætificatque intellectum. Secundum sentina est omnium malorum, & omnium vitiorum nequissimum desiderium, animum hominis tenebrosa caligine vehementer obscurans. DOM. Utinam totus terrarum orbis exaudiret has voces tuas! Credo desineret nequiter se amare, se vanis speciebus & gaudiis attollere, solum Creatorem in reliquum amantes, in ipso solo sperantes, gaudentes, exultantes.

Quisnam fructus post hanc vitam ex Amore sui nascatur.

## C A P U T XXVIII.

RÆMUNDUS.

**O**Peræ pretium erit, nunc advertere quem fructum pariat amor sui post hanc vitam. Sicut suprà patuit, Amor Dei gignit post hanc vitam æternum & infinitum gaudium, ita Amor sui, qui Dei amori contrarius est, gignit post mor-

mortem, æternam infinitamque trîstítiam. Ca-  
rentia enim immensi gaudii immensam mœsti-  
tudinem coarguit, & omnis mali præsentiam.  
Duobus enim modis contingit aliquem vehe-  
menter trîstari. Primò, quando ea re carere com-  
pelitur, quâ maximè delectatur, & quæ sibi est  
plurimum necessaria. Secundò, quando id  
semper cogitur possidere, quod summè odit &  
aspernatur, & quod suæ naturæ vehementissi-  
mè contrariatur. Et tunc excedit omnem  
mensuram miseræ, quando hoc malum, quod  
homo cogitur retinere, suæ est insitum volunta-  
ti. Nunc pauca de primo. Post hanc vitam  
anima nihil habebit eorum, quæ hîc vitiosè di-  
lexit, non laudem, non gloriam, non volupta-  
tem, non aurum, non argentum, non famam,  
non scientiam &c. Et quia anima erit exuta carne  
tenebrosa, ideò clarissimè seipsam cogitabit, se  
cognoscet, & intelliget, ad quid creata fuerat,  
& quantum erat bonum habitura, quod & per-  
didit & quare perdidit, cognoscetque, quòd  
ipsa suo vitio infinitum bonum perdidit, quod  
in æternum recuperare non poterit. Et licet  
immenso desiderii æstu hoc bonum appetat,  
cùm illo carere nequeat, intelliget tamen, se id  
nunquam accipere posse, & ideò suprâ quàm  
credi potest, dolebit, anxietur, contristabitur.  
DOM. Revera, incomparabilis miseria, & trîsti-  
tia inæstimabilis, summo bono vehementer ege-  
re, illud votis omnibus exposcere, desiderare,  
nec tamen aliquando acquirere posse. RÆM.  
Secunda trîstitia est, quando anima id semper  
H 3 co-

cogitur retinere, quod omnium maximè odit, atque aspernatur. Post hanc vitam (ut dixi) anima plenissimè se cognoscet, & ideò videbit se, suàmque voluntatem Deo inimicam, tortuosam, sibi ipsi contrariam, inordinatissimam, turpissimam, perversissimam. Hæc itaque in se considerans, se vehementer odio habebit, aspernabitur, & execrabitur. Hunc enim malorum suorum foetorem turpissimum, continuum geret in naribus suis, nec à se poterit expellere in æternum. In tantum enim seipsam, & suam deformitatem odio habebit, ut cupiat penitus non esse, non natam fuisse, Deum vindicem funditus interire, Angelos omnes & Beatos secum in tartara demergi, & omnem creaturam in nihilum redigi &c. Verum, quia hæc fieri non poterunt, ideò intolerabili mœrore perfusa, amarissima confusione tabescet, frendens, indignans, & blasphemans. DOM. Meritò hæc illi miseræ contingunt, ut quia prius amavit seipsam, & omnia alia propter se; ita postea incipiat primum odisse seipsam ut deinceps omnia alia odio habeat propter se. Ut sicut prius non gaudebat nisi de se, & propter se, ita postmodum non tristetur, nisi de se, & propter se. Et sicut prius omnia sibi propter se placuerunt, ita omnia postmodum sibi propter se displiceant. Et quæ antea se fecerat ut DEUM, se primum amando, sibi & honorem & gloriamtribuendo, ita tandem sit sub se vilissimè dejecta, contemptibilis, ignominiosa, ingloria. Sed ne te impediam, quod cœpisti, prosequere. RÆM. Ani-

ma

nc transiens ad infernum, secum defert similitudines, & imagines operum suorum, quæ fuerunt contra DEUM, contra justitiam, contra veritatem, atque ideò erant deformia, mendaxia, falsa, abominata. Cum igitur hæc opera sua continuò ante oculos suos habeat, & perpetuò habeat, ideò erit in continua perpetuaque mœstitia, & omnis ejus recordatio, omnis visio, omne suum nolle & suum velle, & aliquid in ipsa est, erit illi summè acerbum, nimè amarum, infinitæ causa mœstitiæ & angustia. DOM. Hinc manifestè colligimus, quod anima humana hîc vivens contra DEUM male operans, thesaurizat sibi iram in die iræ, aggregat sibi æternam miseriam, angustiam, mœstitiam, & condit, constituitque sibi ipsi suam cœnam, suam gehennam, suam flammam. RÆM. Optimè colligis: verum ut hujus mœstoris ac mœstitudinis possis efficacius magnitudinem agnoscere, duo tibi exempla subjiciam. Primum est, Omnis homo, quantumlibet malus, abhorret omnem turpitudinem in rebus suis, & quantò res illa sibi fuerit propinquior, tantò magis odit illic inesse turpitudinem. Odit enim turpitudinem suæ domûs, suæ conjugis, suæ sobolis, maximè autem sui corporis. Ita & anima post hanc vitam suam turpitudinem aspiciens, vehementer aspernabitur, nec ulla ratione poterit sustinere. Videbit enim tantquam in libro omnia sua mala conscripta, quæ contra justitiam gessit & pietatem, & ei sine termino displicebunt. Non tamen ideò, quia

DEUM offenderit, sed quia de sua natura deformia sunt, & omni odio dignissima. Secundum exemplum: Anima sentit corporis dolores, passionem, infirmitates, & de his plurimum contristatur: ergò multò amplius in inferno suam ipsius sentiet infirmitatem, suam sceditatem, corruptionem, perversitatem, malignitatem, & impietatem: & immenso mærore atque perturbatione percussa cassos erumpet in gemitus, & suas clades querulabitur. DOM. O! omnium infelicissimam animam, quæ propter momentaneum, nescio quid gaudii in tam immensas mœstitudines eligit destinari.

DEUS Creator, & omnes creaturæ, opus quoque ipsum, animam miseram persequuntur.

## C A P U T XXIX.

RÆMUNDUS.

**N**ON solùm quidem animam condemnatam suæ nequitiae persequuntur, sed etiam à Creatore, & à creaturis, & ab ipsis sui corporis membris dolores maximos sustinebit. Primò à Creatore: Nam, ex quo ipsa superba DEUM despexit, & seipsam ut DEUM amavit, coluit, & exaltavit, seque pro Deo ab aliis amari, & honorari voluit. Deinde, quia se inimicam Dei capitalem suam illi gloriam auferendo constituit. Tertiò, quia in suo honore, & voluptate maximè gavisa sit. Quartò, quia innumeris Dei beneficiis ingrata extitit, & ipsis ta-  
men

usa beneficiis, authorem tantorum munc-  
contempsit. Quintò, quia Deum omnium  
gnissimum, dulcissimum, optimum, à  
mente nequiter excludens, & ipsum deor-  
deprimens se super illum erexit. Sextò,  
ad suam voluntatem statuens, Dei Creato-  
voluntatem rejecit. Septimò, quòd Creato-  
sui imaginem nobilissimam, & pulcherri-  
m tam foedis, & nequissimis maculis deni-  
avit. Octavò, quòd infinitam offensam, &  
gratitudinem infinitè contempto Deo incur-  
re non pertimuit. Quia igitur contra Deum  
ta mala commisit, idcirco infinita tormen-  
promeruit, & toties hæc ipsa tormenta cu-  
ulavit, & auxit, quoties auxit offensam,  
tque injuriam. Si enim, qui criminis læsæ Ma-  
estatis reus est, capite truncatur, quæ supplicia,  
quæ tormenta animæ debentur, quæ summam  
Majestatem, & immensam Dei potentiam con-  
tempnit, & repulit? Meruit igitur iram Dei,  
vindictamque perpetuam. Deus igitur cum  
sit omnipotens, poterit, & cum sapiens, sciet,  
& cum sit justus, volet animæ contemptri-  
ci & inimicæ suæ pœnam pro reatu infligere  
sempiternam. DOM. Hinc clarè patet,  
quòd præter tristitiam perpetuam, quam sibi  
fecit, suam amando voluntatem, habet etiam  
aliam tristitiæ miseriam, per justitiam Dei sibi  
inflictam, quam promeruit Deum contemnen-  
do, & rebellando. Sed dic mihi obsecro,  
qualem pro contemptu suo Deus pœnam animæ  
peccatrici irrogabit? RÆM. Pœnam infer-

H s

ni,



ni, pœnam ignis perpetui. Quia enim omnium rerum Creatorem contempsit, ideò sub omni creatura projicietur in locum infimum, & à cœlo remotissimum, in medio terræ, in loco tenebroso, horrido, profundo, infernali, & acerbissimo. Illuc in suum contemptum omnium rerum corporalium fæces descendent, in quibus ipsa immergetur, & ab ipsis vilissimis fæcibus pascetur. Et quia justum est, quòd omnis delectatio per tristitam contrariam puniatur, & quia inter omnes creaturas ignis est maxime afflictivus, ideò ipsa maligna delectatio corporalibus flammis, quæ semper ardeant, & in æternum non possint nec extingui, nec minui, semper torquebitur. Huic igni ardentissimo anima inseparabili unione colligabitur, qui eam semper adurat, nec consummat aliquando.

DOM. Quomodo potest anima, cum sit spiritualis naturæ, ab igne corporeo tormentari? quomodo potest agere id, quod corporeum est in animam spiritualement? RÆM. Non nè aquæ baptismatis operantur in anima, agente invisibili verbo, dum corpus tingunt, & cor abluunt? Quòd si alium liquorem, puta vinum, aut oleum adhibueris, nihil tale continget. Sicut igitur aqua mediante verbo animam purificat, ita operante Deo ignis gehennæ animam cruciat, & contristat. Et meritò id quidem, nam sicut ipsa cum spiritualis naturæ, potuit, & voluit in rebus corporalibus delectari, ita etiam poterit, licet nolit, ab ipsis per justitiam puniri, atque affligi.

DOM. Capió quod

Id tu dicis. RÆM. Habet ergò quomodò nam impium Deus Creator persequitur. di nunc secundò, quomodò eam persequuntur & creaturæ. Quia enim amando suam voluntatem, & suam laudem Deum opem nequiter contempsit, ideò etiam contempnomnes creaturas, & se illis inimicam constituit, & maximam illis injuriam intulit, quòd is suprà Creatorem amaverit, & ipsis in delectum Dei turpiter abusa sit, idcirco armabitur omnis creatura ad ulciscendum, & pugnavit pro Deo orbis terrarum contra animam insensatam. A nulla ergo creatura aliquid recipiet aut solatii, aut auxilii, sed sicut antè in omnibus est delectata, ita in omnibus sit afflicta, imò etiam maximè à semetipsa. Erit enim sibi armata, molesta, odiosa, quæ priùs tantum se amaverat, tantum extulerat. DOM. O omnium miserrimam! cui & Creator, & creatura omnis, & ipsa sibi ipsi molestiam inferent molestitudinem, & angorem. Sed nunquid & suum corpus ipsa recipiet ad tormentum? RÆM. Imò verò recipiet, & ad maximum tormentum, & hoc est tertium, quod animam persequetur. Nollet enim corpus, in quo se semper novit arsuram, recipere, sed quia hîc egit contra voluntatem sui Conditoris, ideò illic & Conditor aget penitus contra voluntatem suæ contemptricis, & restituet ei suum corpus, in quo, & cum quo DEUM despexit, & sibi ipsi complacuit. Sed, quale putas corpus recipiet? Certè omnino tale, quale ipsa maximè nolit. Accipiet  
er-

ergo corpus caducum, fragile, passibile, sed ut contristetur magis, ideo erit immortale. Erit quoque obscurum, obscœnum, tenebrosum, tardum, grave, spissum, horridum, deformissimum. Si summam eorum, quæ in hac disputatione disserui meminisse volueris, facile existis duobus Amoris duas invenies esse civitates, quæ utrique Amori respondeant, & utrique convenient Amatori. DOM. Has quidem civitates licet aliquantulum viderim, cupio tamen eas mihi apertius ostendi. RÆM. Duo primi Amores, Amor scilicet Dei, & Amor sui, cum sint inter se plurimum contrarii, duas inter se contrarias gentes instituunt, quæ quia capitales ad invicem sunt inimici, ideo necesse est, duas esse contrarias civitates longissimè à se distantes, quæ in æternum has gentes ab invicem separent, & secludant. Omnes enim homines, qui seipsos amant (quia unius naturæ sunt) in unam harum claudentur civitatum, qui verò Deum amant, levabuntur in alteram: Amantes seipsos tanquam Dei hostes remotissimè à Deo projicientur: Amatores autem Dei cum ipso propinquissimè locabuntur. Illi in infimo præcipitati in inferno jacebunt: isti suprà omnes cœlos sublati in altissimis conregnabunt. Illi subter omnem creaturam projecti delitescunt, isti suprà omnem creaturam erecti alacres subsilient. Illi sicut habuerunt amorem strictissimum, ita & arctissimum habebunt locum, isti quia habuerunt amplissimum Amorem, ita & latissima cœlorum regna possidebunt. Illi quia ha-

runt Amorem terrestrem, & gravem (nimis est amore proprio ponderosius) (ideò naturæ descendit; isti quia habuerunt em Dei, qui levis est, & facilis, ideò ad na loca conscendent, ut sint levia sur- & ponderosa deorsum. DOM. Facile has duas civitates intueor, quarum una odii, altera mœroris; una dilectionis, al- dii, & rancoris. Una vitæ perpetuæ, mortis sempiternæ. Una, in qua recipian- nici, altera, in qua præcipitentur inimici. bonorum omnium, altera malorum. palatium regnantium, altera carcer præ- atorum. Una, in qua superfluit bonum, altera, in qua redundat omne malum.

homo obligatur ad Amorem, ita etiam ad Odium: & de Odii pro- prietatibus.

## C A P U T X X X.

### R Æ M U N D U S.

set, quidem nunc meritò hujus Dialogi finis, nisi congruum foret, ut sicut de Amore, ita : Odio etiam pauca dicamus. Uno enim o, alterum clariùs elucescet. Nam sicut ntas humana Amorem habet, ita habet & um. Amor tamen primum obtinet locum, um verò secundum. Quòd si volueris hu- Odii virtutes, & proprietates agnoscere, moris proprietatibus eas facile deprehen- des.

des. Quarum prima est. Sicut homo obligatur ad amandum Deum ex toto corde, ex tota anima, & ex tota virtute, studiosè, fortiter, indefinenter, ita homo obligatur de jure naturæ ad odiendum, quicquid est contra divinum honorem, ex toto corde, mente, & virtute. Secunda conditio, sicut homo tenetur amare omnem creaturam, in quantum Dei factura est, ita nullam potest odisse, sed sicut primò amat omnium rerum Factorem, ita secundò omnes debet amare Facturas. Tertia proprietas. Sicut homo tenetur primò amare Deum, ita debet primò odisse quicquid est contra Deum, debet ergò odisse principaliter propriam voluntatem, proprium amorem, honorem, gloriam, laudem, & voluptatem. Quarta conditio, sicut homo tenetur primo amare Deum, & omnia quæ Dei sunt, ita tenetur abominari propriam voluntatem, & omnia, quæ eam propinquius comitantur, avaritiam, invidiam, iram, invidiam, luxuriam &c. ex quibus omne malorum germen emergit. Nam, sicut ex uno Amore multi Amores, ita ex uno Odio multa Odia generantur. Quinta. Sicut ex propria voluntate nascitur Dei contemptus, Dei offensa, Dei gravis injuria, ideò tenetur odisse tota virtute Dei offensam, & Dei injuriam. Sexta. Sicut homo obligatur immediate post Deum amare suam imaginem vivam, ita & debet odisse omne id, quod potest hanc imaginem deformare, denigrare, destruere, qualia sunt vitia, peccata, delicta. Ex isto sequitur, quod sicut homo

te.

tenetur diligere omnem alium hominem sicut se-  
ipsum, ita omne malum alterius & incommodum  
debet execrari sicut suum. Septima est, quod  
sicut Amor unit amantem cum amato, ita O-  
dium dividit odientem à re, quam habet odio.  
Et sicut omnis unitio, vel conjunctio fit per  
Amorem, ita per Odium fit omnis separatio,  
atque divisio. Octava. Sicut Amor induit  
amantem re amata, & in se transformat, ita  
Odium expoliat voluntatem à forma rei exosæ,  
& longius à se projectat. Nona. Sicut Amor  
non potest cogi, nec violentari, nec restringi,  
sed pergit liberè, quocunque pergit, ita & O-  
dium cogi non potest, nec coarctari. Decima.  
Sicut tantum se extendit Amor, quantum &  
res primò amata, ita etiam tantum se Odium  
extendit, quantum se extendit res principaliter  
exosa. DOM. Notatu dignissimæ hæ sunt  
Odi proprietates, & intimis visceribus collo-  
candæ.

*Duo esse prima Odia, sicut duo primi  
Amores, & de Odiorum fructibus.*

## C A P U T X X X I.

### R E M U N D U S.

¶ *U*nc de duobus Odiis & Odiorum fructi-  
bus pauca dicamus. Sicut sunt duo pri-  
Amores, Amor scilicet Dei, & Amor sui,  
duo sunt Odia prima, Odium Dei, & Odium  
Et sicut duo isti Amores sunt inter se con-  
tra-

trarii, & capitales inimici, ita hæc duo Odia maximè contrariantur. Sed Amor Dei, & Odium sui optimè conveniunt, & fiunt homini in salutem, ita & Amor sui, & Odium Dei invicem copulantur, & fiunt homini in perditionem. Et ideo, qui recedit ab Amore sui, necesse est, ut pergat in Amorem Dei, & qui recedit ab Amore Dei, pergit periturus in Amorem sui. Similiter, qui recedit ab Odio sui, vadit miser in Odium Dei, & qui recedit ab Odio Dei, pergit feliciter ad Odium sui. Sed in isto progressu hanc intellige differentiam, quam etiam in aqua reperies. Aqua per se currit ad frigiditatem, sed violenter inducitur ad calorem. ita voluntas humana per se vadit ad Amorem sui, & illic sine adminiculo commoratur, sed ad Amorem Dei currere non potest, nec illic persistere, nisi ejus adjutorio pertrahatur.


DOM. Hoc postremum humilitatem redolet, & instruit ad timorem. Qui enim Dei adjutorio destituitur in sui ipsius Amorem relapsus, ad Dei gratiam nec venire poterit, nec etiam si venerit, permanere. Sed nunc de Odiorum fructibus, quod pollicitus es, exequere. RÆM. Odiorum fructus ex amorum fructibus, quos suprà longo sermone differui, poteris intueri. Nam sicut Amor Dei est optimus, ordinatus, justus, sanctus, & sic de cæteris, ita Odium Dei è diverso est pessimum, inordinatum, injustum, impium, & sic de aliis conditionibus appositis, & sicut Odium propriæ voluntatis est bonum, sanctum, meritorium, ita

nor furi malus est, factilegus, & perditif-

Quia igitur ex bono Amore oritur O-  
ponum; & ex malo malum, ideo con-  
ter dicimus, illos fructus nasci ex bono  
, qui nascuntur ex Amore bono, & illos  
lo Odio generari, qui generantur ex  
e perverso. Certè nunc audisti, quæ te  
lore, deque Odio scire oporteat: puto non  
am me tibi hodie disputationem texuisse.

1. Imò verò gratissimam, nec potest quic-  
sanctius, salubriusve dici, quàm quod  
die dixisse gratulor. RÆM. Non minus  
er auditorus es, nec minus utiliter, quæ  
neridiem sumpto prandio loquuturus sum,  
m quia ad cibum nos nunc & fames ipsa,  
qus invitat, paululùm ab studio animum  
temus.

DOM. Licet optimo me nunc  
qui mentem nutrit, saginaveris, nec  
gnoperè carnalis me mensa delectet,  
libens tamen tecum ad prandium  
comitabor.



I

QUAR:





Q U A R T U S  
**DIALOGUS.**  
 Quomodo debeamus Deum  
 timere, adorare, laudare, honorare.

*Alia quædam debita, ultrà Amorem, quæ homo tenetur reddere Creatori suo.*

C A P U T XXXII.

R Æ M U N D U S.

**R** Esumptis jam à mensa paululùm viribus, dignissimum duxi tibi nunc demonstrare alia quædam debita, præter debitum amoris, quæ meritò obligatur homo suo reddere Creatori. Tu quæso diligenter ausculta.  
**DOM.** Non necesse habes addere calcar equo sponte currenti: Tu tantùm ne fatigêris rogo.  
**RÆM.** Cùm igitur homo sit dignissimum opus maximi Creatoris sui, ideò quidquid ab illo in se accepit, quidquid etiam potest, totum obligatur restituere, & refundere in obsequium artificis sui. Opus enim seu factura intellectualis, qualis est homo ex parte animæ, tenetur non solum Amare factorem suum, sed etiam Timere, laudare, honorare, glorificare, adorare, supplicare,

re, orare, deprecari, credere, confidere, magnificare, benedicere, & pro acceptis beneficiis gratias agere, gaudere, & exultare.

**Q**uid enim debet creatura aliud Amare, quàm dominum Creatorem suum? Quem alium debet ipsa factura vel timere, vel laudare, vel magnificare, vel supplicare, vel adorare, vel deprecari, quàm ipsum optimum, & unicum factorem suum, à quo accepit imaginem Dei vivam, intelligentem, amantem, memorantem? à quo est homo supra cæteras res nobilius conditus, ferventius amatus, omnibus præpositus, ad suam amicitiam vocitatus, & cum illo in æternum regnaturus.

**DOM.** Revera is tantus opifex, tam munificus, tam summè benignus. meritò est ab homine diligendus, metuendus, honorandus, & pro immensis acceptis beneficiis jugiter collaudandus.

**RÆM.** Hinc jam pulchrè ex his proprietatibus, quas in se homo accepit, potest agnoscere, quas suus Conditor in se habeat proprietates, & quid illi jugiter teneatur offerre. Nihil medium inter DEUM & hominem, ideò inter eos est proportionalis, correspondentia, & idcirco ex conditionibus quas in se habet homo, in quantum homo, potest arguere conditiones, quas in se retinet Deus. Sequitur ergò, quòd sicut homo potest amare, cognoscere, timere, deprecari; ita Deus est amandus, cognoscendus, timendus, deprecandus. Homo potest laudare, benedicere, admirari, & gratias pro beneficiis agere: ergò Deus est laudandus, benedicendus, admirandus, & regratiandus.

Homo potest credere, sperare, confidere: ergo Deo est credendum, in ipso sperandum, & confidendum. Homo semper quærit veritatem, diligit bonitatem, amplectitur fidelitatem: ergo Deus est verax, & bonus, & fidelis. Homo potest in immensum concupiscere: ideo Deus potest in infinitum concupita tribuere. Homo potest benefacere, & beneficia multa mereri: ergo Deus potest ipsum remunerare, & beneficia copiosa largiri. Homo potest peccare, potest cadere, potest reus existere: ergo Deus potest peccantem punire, lapsum erigere, reum justè torquere. Homo potest post reatum veniam petere, ideo Deus potest ut misericors veniam donare. DOM. Verba tua lucent & ardent. Lucent, ut Deum videam, ardent, ut Deum diligant. Atque ex hoc tuo principio magna conjicio te dicturum.

Unumquodque debitum habet per se propriam rationem specialem, quare debeat

DEO dari,

## C A P U T XXXIII.

R Æ M U N D U S.

**L**icet ratione obligationis Amoris homo teneatur etiam Deum timere, honorare, laudare, &c. tamen unumquodque istorum debetur Deo propria & speciali ratione: Alia est enim ratio, quare debet Amari, alia quare Time-ri, & alia, quare Honorari. Ideò enim Deus debet principaliter Amari, quia ipse est summè  
&

gulariter bonus, dulcis, suavis, munificus, is, pius, atque præstabilis. Debet etiam nitum Amari, quia in infinitum bonus est, is, & semper bonus. Secundò. Deus demeri, quia Deus est dominus omnipotens, us, fortis, terribilis, qui potestatem habet is & animam perdere in gehennam ignis. a ipse est infinitus, & primus, & solus, & dominus, ideò est in infinitum, & principium, & solus, & veraciter metuendus. Tertius Deus est Honorandus, eò quòd est summum omnium rerum principium. Et quia est primum, & immensum, & solum, & verum principium, ideò est primò, & solus, & verè honorandus. Quartò Deus est Laudandus & Glorificandus, quia est omnium rerum creator admirabilis. Et quia ipse summus est, altissimus, & sapientissimus, & primus, & solus, & ex, ideo summè, & sapienter, & singulariter laudandus est, & glorificandus, & admirandus.

Quintò, Deus etiam Credendus est, verax est. Et quia ipse est summa, & infinita prima veritas, ideò summa, & maxima est et credulitas adhiberi. Sextò, in Deo quod sperandum est, quia potest, & novit, & curare, liberare, redimere, consolari, salvari. Et quia solus, & summè, & semper omnia sperandum est, ideò summè, & singulariter, & semper pro sperandum est, & confidendum. Postremo per singula discurre, sed puto competenter pauca sufficere. DOM. Saluberrima sunt verba, quæ loqueris, & quæ maximè conde-

cet hominem, qui summi Conditoris plasma nobilissimum est, agnoscere. Huic enim soli competit dominum Deum suum amare, timere, honorare, revereri, à quo & ipse prius amatus, sublimatus, ditatus, & mille beneficiis nobilitatus est.

De duplici Timore, & eorum conditionibus & fructibus.

## C A P U T XXXIV.

R Æ M U N D U S.

**N**unc superest, ut in speciali de Timore, deque Honore aliqua disseramus. Et primò de Timore. Cum enim Amor sit principale debitum, ad quod obligatur homo, ideò ad ipsum sequuntur omnia alia debita, nec quicquam potest donum vel debitum appellari, nisi ratione Amoris. Et ideò, si non amaveris Deum, dignè timere, nec honorare poteris. Nam sine Amore Timor acerbus est, & pœnam habet, & honor adulationem redolet, non venerationem. Nota ergo differentiam Amoris & Timoris. Amor enim donum liberale est, & cum summa exultatione Deo tribuitur, sed Timor, si solus fuerit, cum fatigatione Deo donatur, & sine fructu. Si verò jungatur Amori, tunc spontaneus fit, & à servitute manumissus, & omnem mœrorem convertit in Gaudium. Alia differentia Timoris & Amoris est. Nam Amor Dei multiplicatur in infinitum, sed Timor Dei non se extendit, nisi ad

um solum. Qui enim unum Deum Cre-  
 diligit, multa per illum & propter illum  
 , sed qui Deum solum metuit, nihil præ-  
 m vel cum illo metuit. Et sic Amor se ex-  
 ad omnia, ad quæ res amata, sed Timor  
 a. Optima tamen est mistura Amoris  
 Timore, quia Timor unit & complicat  
 em fortius cum amantissimo Conditore.  
 ue Timor & Amor sunt quasi duæ catenæ,  
 colligant ipsam hominis voluntatem cum  
 & sese mutuò fortificant. DOM. Intus  
 quod dicis. Ex quo enim creatura ratio-  
 facta est de nihilo, & Deus Conditor infini-  
 majestatis, ideò debet creatura cum timo-  
 rigere, & amando timere, ut fiat sermo, qui  
 us est: Exultate Domino cum tremore.  
 4. Optimè sapis, at nunc Timorem ipsum  
 amus. Sicut est Amor Dei & Amor sui,  
 t & Timor, qui nascitur de amore sui. Ho-  
 Timorum ista est differentia. Nam pri-  
 Timor sanctus est, justus, bonus, & secun-  
 naturam ordinatus, habetque omnes  
 litiones amoris Dei. Sed Timor secundus  
 is est, impius, injustus, inordinatus, qualis  
 ius amor, de quo nascitur. Secunda diffe-  
 ia est, quia Timor Dei non multiplicatur,  
 temper unus & solus est. Qui enim Deum  
 et, nihil aliud timet, sed Timor sui multipli-  
 in infinitum, & multò amplius, quàm suus  
 or, quia ex uno amore malo, nascuntur infi-  
 timores. At quoniam Timor poenam ha-  
 , ideò quilibet horum poenam confert, tri-

stitiam, & miseriam. DOM. Hinc planè intelligo, quanta sit amoris proprii virulenta nequitia, quantumque noceat se habentem, qui tot timores pessimos de se producit. RÆM. Rectè tu intelligis. Nam qui primò amat seipsum, timet, se perdere, timet destrui & corrumpi, ideò omnia illa timet, quæ se perdere possunt, & corrumpere. Ideòque timet mortem, pestem, ægrotationem. Timet terram, aquam, aërem, ignem. Timet famem, sitim, & cuncta, quæ illi possunt præripere vitam. Præterea, quia, amat suum honorem, suam laudem, suam voluptatem, ideò timet perdere famam, gloriam, excellentiam. Timet ignominiam, diffamiam, probra, vituperia. Timet quoque tormenta, frigora, calores, paupertates, penurias, angustias. Et quia omnia diligit propter se, ideò timet perdere amicos, filios, uxorem, domos, agros, pecunias, mancipia, animalia. DOM. Nunquàm tanta timeret, nisi unum aliquid nimis nequiter amaret, quod caducum est, & fragile, & miserum, quòdque labi potest, destrui, auferri. RÆM. Hinc igitur tertiam nunc considera horum Timorum differentiam. Nam Timor de amore Dei solidus est, vegetus, robustus, quia suus Amor hoc diligit, quod minui non potest, neque corrumpi, sed timor de amore sui fragilis est, caducus, & instabilis, quia res omnes, quas suus amor amplectitur, concidere possunt, atque perire. Quarta differentia: quia Timor Dei fecit eum, qui se possidet (quia solum Deum metuit) & sui ipsius, & omnium  
sub

rerum dominum, & omnia illum timent, cuncta sunt pedibus ejus, cœlum, terra, mare quæ in eis sunt omnia. Sed Timor de se sui reddit eum, qui se possidet omnium servum, miserabilem, trepidum, fluctuantem, mutabundum. Hinc sequitur quinta sententia, quòd Timor bonus est secundum naturam hominis, in quantum homo est, & secundum Deum, & secundum ordinem Universi. Timor malus est contra Deum, & contra naturam hominis, qui est à Deo omnium Dominus constitutus, & contra naturam Universi, quod debet servire homini, non Domino. DOM. Cuncta quæ dicis verissima & vehementer hominem permovent fugerem hunc pessimum, & solum Deum timore diligere, & diligendo timere. RÆM. His differentiis utriusque timoris satis amen proprietates possunt intelligi, nec opus est certius explicare. Porro si volueris horum timorum fructus agnoscere, vide suprâ, qui sunt fructus Amoris Dei, & qui fructus Amoris proprii sicut illic agnoveris, ita & istos agnosce. etiam scito, quòd, sicut hic duobus Amoris duo opponuntur Odia, sicut antè dixi, ita istis duobus Timoribus, duo obijciuntur contemptus, & quicquid illic de Odiis agnosceris, hoc & de contemptibus debere intellige. Ad alia festinans superfluis inire non debeo. DOM. Te supporto, inter, nam satis recenter memini, quid de his Odiis suprâ differueris. Perge continere.

I 5 De



De honore , & quòd omnia Deus fecit  
propter suum honorem, & hominis  
utilitatem,

## C A P U T XXXV.

R E M U N D U S .

**S**icut homo debet Domino Deo Timorem,  
ita & honorem. Sed antequàm de obliga-  
tione Honoris aliquid loquamur, primò de ip-  
so Dei Honore pauca dicenda sunt , ut dum  
cognoveris Honoris , & reverentiæ proprieta-  
tes , agnoscas & Honoris obligationes. Hujus  
igitur narrationis hoc fit initium. Omne quod  
Dominus Deus operatus est in rerum creatione,  
totum propter suum Honorem id operatus est,  
vel propter hominis Utilitatem. Deus enim  
cùm sit omnium bonorum , & pulchrorum di-  
tissimus Possessor , & copiosissimè plenus seipso,  
ideò intra se crescere non potest. Non  
ergo accipit à rebus aliquam Utilitatem , sed  
solum intrinsecum Honorem. Homo verò cum  
sit creatura de nihilo facta , semper indigens,  
& de se ad nihilum vergens, idcirco crescere po-  
test interius in bonitate , in veritate, in omni  
perfectiōe, & ideò ei debetur Utilitas seu com-  
modum, sed honor nequaquàm. Deus igitur,  
qui omnia operatur principaliter propter seip-  
sum , & quia intus crescere non potest , ideò  
omnia operatur extra se propter suum hono-  
rem. Et cùm sit summè bonus, ideò omnia  
operatur propter creaturarum Utilitatem. Ve-  
rùm

nia inter creaturas quatuor graduum hon-  
nagis ab illo dilectus, & nobilitatus, est  
imagine & similitudine longè propin-  
quidcirco omnia, operatur Deus ad suum  
ecus Honorem, & hominis intrinsecus  
item. Hoc scire te convenit, quòd quan-  
tus est in infinitum omni creatura sublimior,  
n infinitum distant Honor Dei, & Utilitas  
ræ. DOM. Hinc palàm intelligo, quòd  
omnia operetur propter suum Honorem,  
aturæ commoditatem, multò tamen prin-  
is suum intendit Honorèm, quàm Utili-  
creaturæ. Verùm, quia Utilitas semper  
ata est cum Honore, ideò quantò amplius  
respicit Honorem, tantò & amplius  
ræ considerat Utilitatem. Et sicut  
potest facere DEUS contra suum Ho-  
n, ita nec contra creaturæ commodi-  
i. Hinc autem commoditatem ma-  
participat homo, propter quem omnes  
urarum Utilitates à bono Deo conditæ  
& institutæ. RÆM. Sanè intelligis.  
unc ego non indignum judico, ponere  
as considerationes, quæ oriuntur ex hoc,  
d Deus omnia operatur ad suum honorem.  
considerationes pulchræ sunt, & notatu di-  
limæ. Prima est, nam quoniam Deus om-  
id suum operatur honorem, & cùm ipse sit  
ma potestas, sapientia, bonitas, hinc se-  
ur, quòd omnia operatur secundum Ho-  
em suæ summæ potentiae bonitatis, & sa-  
pitæ. Quicunque igitur non aspiciit ex re-  
rum

rum creatione Dei Honorem, & gloriam, vero lumine cæcatus est, nec potest quicquam de Dei operibus intelligere. Secunda consideratio oritur ex prima, nam, ex quo Deus omnia operatur ad Honorem suæ bonitatis, ideò semper utilitas includitur in Honore, & per consequens omnia operatur ad hominis Utilitatem. Tertia consideratio, nam quoniam Deus omnia operatur ad Honorem suæ potestatis, ideò opera sua in summa virtute, & summa potentia operatus est. Et quia omnia operatur ad Honorem suæ sapientiæ, ideò opera sua summè sapienter, ordinatissimè, proportionabilissimè, & congruentissimè operatus est. Quia verò ad Honorem suæ bonitatis operatur, ideò omnia optimè, liberalissimè, benevolentissimè, & utilissimè operatus est. DOM. Hinc sequitur, quòd in divinis operibus nihil potest esse improporcionatum, incongruum, inutile, infirmum, superfluum, diminutum, ordinatum. RÆM. Rectè tu quidem. Quarta consideratio est, quòd quia Dominus Deus operatur omnia ad suum Honorem & gloriam, hinc sequitur, quòd quantò Honor major, & gloriosior fuerit, tantò magis Deo competit, & quantò opera ejus sunt magis ardua, sublimia, mirabilia, subtilia, difficilia, tantò magis pertinent ad Honorem suæ potentiae, sapientiæ, & providentiæ, & quantò fuerint magis utilia, communia, suavia, dulcia, jucunda, doctrinalia, tantò pertinent magis ad Dei dulcissimam bonitatem. Idcirco competit Deo, ut  
suus

honor servetur, tam potenter operari om-  
nit non possit potentius cogitari, tam sa-  
r, tamque utiliter, ut non possit æstima-  
entius quicquàm, vel utilius. DOM.  
liquidè patet, quòd omnia Dei Creatoris  
sunt tam alta, nobilia, incomprehensi-  
subtilia, & perfectà, ut nequeant æsti-  
neliora. Et licet unum opus sit altero per-  
s, unumquodque tamen est in suo genere  
tissimum, summè sublime, & impenetra-  
Sed sequere, quòd cœpisti. RÆM.

a consideratio est. Ex quo enim Deus  
ad suum maximum operatur Honorem,  
equitur, quod quicquid magis pertinet ad  
honorem, illud sine periculo homo asserere  
est, & confiteri. Et ideò magis oportet  
e mundum à Deo productum esse de ni-  
quàm ex nihilo, quàm ex aliquo, & de  
inchoasse, quam ab æterno fuisse. Hæc  
nagis redolent Dei potestatem, & bonita-

Sexta, quòd ex quo Deus omnia creat  
ui Honorem, ita etiam omnia complet,  
summat, & ideò omnia Dei opera finien-  
& terminabantur in summo Honore suæ  
tatis, & Bonitatis. Verum quia non esse  
us Honor ejus, nisi etiam duraret in æter-

& ideò ut honor ejus perpetuò perseve-  
recesse est, ut ejus opera permaneant in-  
um. Septima consideratio, nam ex quo  
onor est perpetuus, ideò requirit perpe-  
honorantem. Et quia sola creatura ra-  
is novit, & potest Deum honorare, &  
laug

laudare, ideò oportet eam perpetuo permanere, ut Deum in æternum glorificet, honoret. DOM. Præclara sunt omnia, & exultatione plena, quæ de Dei Honore persequeris. Verum hoc postremum est exultantius audiendum, ubi se homo ad hoc conditum, & mansurum agnoscat, ut suum maximum, & optimum Creatorem magnificet, laudet, honoret in æternum. RÆM. Octava conditio, quòd quia Deus omnia creavit ad suum Honorem & hominis Utilitatem, ideò Deus vult crescere exterius, & vult ut homo crescat interius. Tunc enim Deus extra se crescit, quando sua notitia, sua gloria, sua fama in homine crescit. Et quantò illa notitia per plures homines multiplicatur, tantò magis Deus multiplicatur. Et quasi totiens Deus de novo nascitur, quotiens sua notitia in homine generatur. At quando Deus exterius crescit in notitia hominum, tunc certè homines interius de Deo crescunt, èstque unum idèmq; incrementum, quo Deus crescit exterius, & homines interius. Hoc autem notitiæ incrementum nascitur in homine per cognitionem creaturarum, quam qui ignoraverit, necesse est ut nec Deus in illo, nec ipse crescat in Deo. DOM. Sed quæso te, per quem modum Deus crescit in homine, & homo in Deo? RÆM. Rationalis homo intellectum habet, & voluntatem, & ideò potest Deus crescere in hominis intellectu, & in hominis voluntate. Tunc Deus crescit in hominis intellectu, quando ejus notitia, & sapientia, & prudentia, &

ustria in homine crescit. Tunc vero crescit involuntate, quando ejus Amor, spes, confidentia, laus, & gloria in se crescit. Et quando sic Deus crescit in me, tunc etiam homo crescit in Deo, ut modis Deus crescit exterius in homine, modis homo interius crescit in Deo. DOM. à magna unitas, magna propinquitas, mater Deum, & hominem colligatio, nihilominus Dei ad hominem pia dignatio, & velit exterius crescere in homine, & in homine amari, laudari, honorari, ut honore, laude, atque honore homo interesseret, & sese perficeret. RÆM. Nox & ultima consideratio est, quòd ex quo vult per sua opera honorari, ideò omnia quæ ipse facit, vel omnia bona opera, sunt ad omni creatura, debent referri ad honorem Dei. Si ergo Deus per se operetur, er creaturam soli Deo Honor, & Gloriam. DOM. Justè id quidem. Verùm quia hominis bona, quæ ex bona voluntate dunt, cum sint meritoria, nunquid præstarebunt? nonnè ipsis etiam laus debetur, & Gloria? RÆM. Præmio quoniam non carebunt, sed ut dixi, soli Deo Honor & Gloria. Nam Honor & Gloria, quia assecuta sunt, illi tribuuntur, & quia Deus se omnium bonorum plenissimus possidet, ideò sibi soli extrinsecus Honor ascribitur est. Sed quia homo ut creatura creatus habet, & perfici interius, ideò interna illi

illi utilitas tribuenda est pro bonis suis operibus, non gloria, aut magnificentia, Quando igitur Deus per se immediatè operatur sine creatura, tunc talis operatio solam extrinsecam laudem meretur. Sed quando Deus operatur per creaturam rationalem, tunc debentur duo præmia, unum exterius, Deo scilicet Honor, & unum interius, homini scilicet Utilitas. DOM. Ex isto manifestè colligitur, quòd homo, qui contempto Deo propriam quærit gloriam, laudem, duo maxima mala committit. Facit enim Deo summam injuriam, & sibi ipsi pessimum detrimentum. Primò facit Deo injuriam, quia Honor, qui Deo debetur, est præstantior, dignior, & melior, quam totum universum, ideò, qui furatur Deo suum Donorem, plus eripit, quàm si raperet totum mundum. Et ista gravis injuria non potest per omnes creaturas reparari. Secundò facit sibi ipsi maximum detrimentum, quia homo, cùm sit creatura fragilis, egena, & vacua, egeatque intrinsecus bonitate, & perfectione compleri, igitur si quærat Honorem, & gloriam exterius, tunc intra se vanitate repletur, & penitus vacua derelinquitur omni bonitate & veritate. Et ita in tali inanissimo homine nulla est soliditas, nulla firmitas, nulla bonitas, nulla demum perfectio. Nihil igitur sibi profuit, dum forinsecus erexit, imò obfuit vehementer, quia quantò magis exteriori gloria est dilatatus, tantò est interiori paupertate compressus. Verùm tu  
ulteriùs proficiscere,

Deus

sicut propter suum Honorem, ita & propter suum Nomen omnia operatur.

## C A P U T XXXVI.

### RÆMUNDUS.

Uàm sit imperium, & perversum, hominem ambire suam gloriam, & famam, iam, statim dicemus in subditis. Nunc pauca de Dei Nomine, sicut antè de Honoribus differamus. Quicquid potest de novo fieri, vel est Res, vel Nomen rei. Sed quia est maximus, cum ens sit infinitum, non sibi novam rem acquirere, quia plenus est bono, ergo quicquid de novo recipit, sona, & solum nomen est. Tunc igitur extra se de novo crescit, & major quomodò efficitur, quando sua Fama, & suum nomen per corda hominum dilatatur. Nomen Deus acquirit ex operibus, quæ forinsecus fiunt. Quæ quidem opera, quia potenter, sapienter, & dulciter facta sunt, ideo à contentibus ea Deus acquirit nomen, quod omnipotens, & sapiens, & clemens appellatur. Merendo igitur novum Nomen, acquirit novam Famam, novum honorem, novam gloriam. Et sic Deus qui in sua essentia crescere potest, crescit in Nomine, in laude, in re, & hoc in hominum cordibus, qui Dei opera comprehendunt. Ex quibus clarissimè patet, quòd Deus solus Nomen habere meretur gloriosum, honorificum, famosum, formidabile.



midatum, magnificum, & per omnia sæcula benedictum. DOM. Hinc veraciter datur intelligi, Deum omnia operari propter suum Nomen, ut illud videlicet impleatur omni vero Honore, vera laude, fama, gloria, & magnificentia. Quando igitur omnia Deus operatur propter suum Nomen, omnia etiam operatur propter suum Honorem. RÆM. Meritò id sequitur, quia unum, & idem est, operari propter suum Nomen, & propter suum Honorem. Nolo tamen te ignorare, quod sicut operatur omnia propter suum Nomen Deus, ita etiam operatur omnia propter hominis Utilitatem. Et quantò Nomen Dei nobilius est, & præstantius, quàm omnes creaturæ, tantò Nomen Dei plus valet homini, & est illi fructuosius, quàm omnes creaturæ. Ideò enim creaturæ institutæ sunt, ut Dei Nomen homini innotescat, quod dum fuerit in corde hominis receptum, generat in eo omnem Utilitatem. Quæ Utilitas tunc maximè perficitur, cùm homo cœperit amare, timere, honorare, revereri, & magnificare Deum suum. Ut igitur Nomen Dei veram operetur hominis Utilitatem, necesse est, ut Deus operetur opera amoris, opera timoris, opera fidelitatis, confidentiæ, honoris, laudis, & gloriæ. Operatur igitur Deus opera omnipotentiae, & vocitatur omnipotens. Operatur opera magni timoris, & reverentiæ, ab omnibus pertimescitur. Operatur opera Majestatis, & gloriæ, & Dominus appellatur. opera summæ justitiæ, & ut justus Judex formidatus

habetur. Operatur opera summæ dulcē & bonitatis, & ut dulcissimus, & optimatur. Operatur opera maximæ sapientie, & ut sic sapientissimus nuncupatur. Et matim omnia concludam, idcirco omnia Deus operatur ad hunc finem referuntur, ninetur omnipotens, sapiens, justus, bonus, fidelis, pius, sanctus, amicus, adiutor, salvator, protector, ut hoc generetur in hominibus vera notitia, & Dei, & per consequens vera utilitas, veritas, & perfecta omnium bonorum contentio.

DOM. Ex hoc ipso quod loquutum nos imbuisset in cognitionem Nominis, quod ex multis, operibus relictum unum maximum efficitur, gloriosum, laudabile, efficax, & per omnium corda magnificans.

Licet enim ab æterno Deus sit omnipotens, sapiens, justus, & bonus, non tamen esset manifestum nobis, nisi eas res fuisset us exterior, quibus tale Nomen, & tantam in nostris cordibus condidisset. Hæc igitur nominis Dei corda sunt hominum.

Et quanto Dei notitia ex operibus per hominum multiplicatur, tanto, & multiplicatur Nomen Dei. RÆM. Bene, atque recte Dei Nomen intelligis. Unum tamen te convenit, quod diversimode, & per diversos gradus Dei Nomen in homine generatur, nemini Dei quadruplici gradu distinguuntur ut supra patuit in scala quadruplicis creaturæ.

Cognoscit enim homo Nomen Dei per

quæ habent esse tantum, sed magis per ea, quæ habent esse, & vivere, multo tamen amplius per ea, quæ habent esse, vivere, & sentire, & intelligere. Nomen ergo Dei maximè innotescit homini per ipsummet hominem. Et hæc est ultima, maxima, firmissima, & certissima Dei Nominis cognitio. Nullum enim est opus Dei magis propinquum hominis, quàm ipse sibi. Igitur, dum homo cognoscit seipsum, in quantum Dei opus est, tunc vehementer Dei Nomen agnoscit, & extollit, magnificat, & honorat. Verùm quia diversimodè Deus circa hominem operatur, ideò ab homine multipliciter nuncupatur. Aliquando homo Deum Pium vocitat, & Misericordem, aliquando Justum, & Veracem, aliquando Fidum, Propitium, Protectorem, juxta id, quò sentit circa se Deum operari. DOM. Multis igitur modis potest Dei Nomen homo magnificare, extollere, honorare, & ex consequenti ipsum Deum, qui tam magnifica in omni creatura, & præcipuè in homine diversimodè operatur. Nunc superesse arbitror, ut de obligatione honoris differere incipiamus.

De obligatione hominis erga Honorem, & Laudem, & Nomen Dei.

## C A P U T XXXVII.

R Æ M U N D U S.

**S**Equitur enim profectò, quòd quia Deus omnia operatur propter suum Honorem & Glo-

m, idcirco homo qui novit & potest honorare, merito præ cæteris creaturis re tenetur. Tenetur enim & obligatur liciter. Primò, ex quo solus potest operari, ideò astringitur omnia sua operari ad Honorem, & Gloriam, & nomen. Secundò obligatur, velle, & operam dare. Dei Nomen fiat, crescat, & continuè licetur. Tertiò obligatur, non solum, ut fiat, & perficiatur Honor Dei, sed conari, ut fiat optimo, & perfectissimo, quod id ipse operari, & velle potest. Quarta obligatur, non solum ut ab ipso, sed ab omnibus rebus, præcipuè hominibus Honor & Gloria Dei maximè crescat, ampleatur. DOM. Certè, nisi homo id velit, & pro viribus effecerit, non agit ut gloria Dei, nec ut sensatus homo, sed conationem, & mentem Dei, tanquam hostem, & amens, & inimicus. RÆM. Quarta obligatur ponere seipsum, & dare vi- corpus, & animam, & quicquid habet, potest, ad laudem, & Honorem Dei. Quinta, quia ad Honorem Dei sequitur Utilitas hominis, ideò quoties homo quærit Dei Honorem, suam tunc operatur Utilitatem. Quando homo pro Dei Honore ponit vitam, tunc facit sibi ipsi commoditatem maximum lucrum, summum compendium. Sexta. Nihil igitur perdit, qui pro Dei Honore quicquid tribuit, quia omnia illi in centuplum restituit Deus. RÆM. Ita est planè.

Sextò obligatur homo credere verbis Dei, & honorare quicquid loquitur, ut pollicetur, aut jubet aut vetat. aut comminatur. Septimò obligatur de Dei operibus omnibus semper in bonitate sentire, & omnia in optimam partem interpretari. Octavò obligatur corde & ore bona de Deo dicere, & magnificè omnia extollere, & linguâ palam prædicare, quæ suum respiciunt Honorem, suum Nomen, suam gloriam, suam famam. Et quantò magis ad Dei pertinent Honorem, tantò debent amplius prædicari. DOM. Verissima sunt, & saluberrima, & necessaria cuncta, quæ loqueris. Utinam hæc in cordibus hominum convalescant, ut Deum rerum omnium Conditorum corde, ore, & opere semper honorificent, & exaltent. RÆM. Unum semper è duobus necesse est, ut si homo faciat. Aut enim suis operibus Deum vel honorat, vel vituperanter contemnit. Ad hoc enim Deus optimus hominem condidit, ut suis operibus se honoraret, & extolleret, quæ si mala, & reproba fuerint, Deum maximè inhonorant, vituperant, blasphemant. Et quia ex amore honor, timor, laus, spes, confidentia, obedientia, & omne bonorum germen erumpit, sequitur, quòd qui Deum non amat, nec etiam honorat, nec timet, nec laudat, nec illi fidit, nec obedit. Talis igitur homo corde & opere Deum despicit, Deum inhonorat, Deo rebellat. DOM. Ex isto licet intueri, quòd quia honor Dei, & Dei contemptus maximè opponuntur, ideò sicut nullam majus bonum po-

est facere homo, quàm Deum veraciter honorare, ita nullum gravius malum, quàm in nequiter inhonorando contemnere. **M.** Verùm id quidem, nam qui Deum inorat, & Deo, & sibi ipsi, & omni creaturæ maximam injuriam & contumeliam facit. itemnit revera omnes creaturas, id est, non honorat, quia Dei sunt, qui rerum despiciatorem. Et sic in Dei contemptu includitur infinitæ injuriæ, infinitæ superbiæ, inæ superbiæ, infinitæ nequitiae. Sicut igitur ex uno Honore Dei multiplicantur Honores infiniti, ita ex nno contemptu Dei infiniti contemptus generantur. **DOM.** Væ igitur gravissimo illi, qui Deum contemnens præferit inhonorare,

ior proprius Dei Honori contrarius est,  
& capitalis inimicus.

## C A P U T XXXVIII.

### R Æ M U N D U S.

**I**n his quæ nunc diximus, aliquantulum lucet, quàm sit verè perversum, Deum honorare atque contemnere. Grave igitur catum est, quando homo suis operibus Deum inhonorat, sed omnium gravissimum, quando per sua opera se vult ab aliis honorari, dari, & extolli, propriam quæritans famam gloriam. Nam hoc modo studet, laborat & periturus est directo contra Deum, & contra suam

gloriam, & honorem. Et talis operarius subdolos & perversus, eò quòd agit contra intentionem & ordinationem Dei efficitur manifestus, & capitalis inimicus illius, suum honorem. & famam, & gloriam illi violenter eripiens, & sibi ipsi fallaciter ascribens. Qui enim suam, non Dei gloriam quærit, seipsum Deum constituit, de se idolum facit, quòd vult ab aliis honorari, & prædicari, & ita per suam arrogantem impiamque superbiam bellum, rixam, & discordiam gravem in suum suscitatur Creatorem. DOM. O bellum inerme, funestum, & inglorium, de quo nullam ipse victoriam reportabit, sed stragem, confusionem ignominiam. RÆM. Nihil verius. Sed ut apertius agnoscas, quàm inexpricabile malum sit, hominem suum quærere honorem, audi paucis quæ dico. DOM. Audio. RÆM. Homo certe dum omnia agit propter suam famam & gloriam, occupat cor suum principaliter circa proprium honorem, quem cogitat, quem quærit, quem semper desiderat. Et ita seipsum in suo corde Deum statuens, sese honorat, se laudat, se diligit, se amplexatur. Qui igitur meritò deberet cor suum occupare circa Honorem Dei, & Deum, in suo corde recipere, è contrario cor suum occupat ad laudem propriam, & illic seipsum collocat, & ut Deum adorat. DOM. O injuriam maximam! RÆM. Est & alia injuria major. Non enim sufficit ei occupare cor suum circa proprium honorem, sed vult, quòd corda aliorum hominum, qui vasa sunt Honoris Dei,

rentur & impleantur de suo honore, de sua & gloria. Cupit enim hic talis superbissi-

ut omnes homines contempto Deo suumorem, suam æstimationem, suam laudem, ut, prædicent, magnificent. Vult enim er crescere, & multiplicari, & imaginem æ, & sapientiæ, & pulchritudinis suæ ( licet corruptibilis & fictilis ) imprimi, & dilatari corda hominum, ut semper de illo cogitent, illum ament, illum loquantur, & prædi-

Vult igitur totum mundum, quantum adinet, circa suum honorem continuè occu-

Itaque vult Deum expellere de regno suo, homo & habitaculo suo. Hinc meritò effi-

homo Dei hostis, Dei maximus inimicus.

*A.* Præter hæc mala, sunt & alia non minusanda. Primùm est, qui quærit proprium

orem, totum mundum cupit reducere ad se-

n, & sic pervertit ordinem universi, quia

turas intorquet ad alium finem, quam eas

naverat Deus. Vult enim ipse, ut Deus, a-

turis honorem recipere, & se ab omnibus

erari, & sic homo huiusmodi & totus per-

us in semetipso, Deum omniaque contur-

Secundùm malum; quia homo, qui quæ-

roprium honorem, facit sibi ipsi maximum

num, & detrimentum, & incommodum.

t enim dum honoratur Deus, tunc crescit,

proficit homo, ita dum honorem sibi attri-

, in summa egestate remaneat necesse est.

tium, non qui suum quærit honorem, de-

it, quantum in se est, Deum factorem suum,



& ex consequenti elongat se in infinitum à Deo, tantumque distat à Deo, quantum distat sua intentio à Deo. Et quia totum bonum hominis Deus est, ideò quantum magis longinquat à Deo, tantum magis recedit à bono suo. Quartum: dum homo elongatur in infinitum à bono suo, necesse est propinquet maximo malo suo, cadatque in tam profundum malum, quantum Deus est altum bonum. Cadit ergo in immane præcipitium omnium calamitatum, & in abyssum malorum omnium. Quintum: Homo quærendo suum honorem, facit Deo infinitam injuriam & offensam, ideò promeretur pœnam perpetuam & infinitam. Sextum malum: Homo qui quærit suum honorem, excæcat semetipsum: Honorem enim injustus tenebræ sunt, quæ cordis oculos adeò obnubilant, & obscurant, & ab omni vera luce alienos reddunt, ut homo nec Deum, nec semetipsum, nec totum Universum possit agnoscere. Positus enim extra Deum, extra lucem, extra veritatem, nullum bonum, nullum malum potest discernere, nec inter verum & falsum, nec inter dulce & amarum ponere rationem. Septimum: Homo qui quærit suum honorem, totum fundamentum suum collocat in mendacio, in errore, & vanitate, in deceptione, in malo, & in nihilo. Honor enim proprius mendacium, & error, & nihil est. Quærens igitur proprium honorem, servum se facit vanitatis, mendacii, & nihili, & seipsum, qui inter creaturas omnium est nobilissimus, expendit ad errorem, atque stultitiam,

&

ientiam. Octavum malum, cùm omnis  
r sit extra eum, qui honoratur, hinc fe-  
r, quòd homo ad suum honorem operans,  
am multiplicare gestiens, ædificat extra se  
vanissimam, quæ stare non potest, & ita  
rsu vacuum remanet, & omni solido bo-  
rivatus. Nonum: Homo suum ambiens ho-  
m perdit tempus suum, perdit laborem,  
um, & conatum suum, tenditque ad im-  
bile, quia suus honor nunquam poterit  
ci, nunquam impleri. Sed solus Dei Ho-  
cui resistere nemo potest cùm sit omni-po-  
) hinc perficietur, hinc consummabitur, hinc  
u tenebitur in sæcula sæculorum. DOM.  
postremum maximè deberet hominem aver-  
ab ambitione proprii honoris, quando nec  
i, quantum voler poterit acquirere, nec ut-  
que adeptum poterit retinere. RÆM. De-  
um & maximum malum est, quòd sicut ho-  
verus & confusio opponuntur, ita laus &  
perium, gloria & opprobrium. Et sicut  
or non potest mutari nisi in confusionem,  
aus & gloria non nisi in vituperium & op-  
probrium. Et quia nullus honor verus est,  
Honor Dei, cui etiam & laus vera est, &  
ia vera, idcirco homo qui honorat, laudat,  
glorificat Deum, nunquam illum sequetur  
fusio, nunquam vituperium, nunquam op-  
probrium. Sed si quærat suum honorem, suam  
lem, & gloriam, oportet ut perveniat ad  
nam confusionem, perpetuum vituperium,  
pprobrium sempiternum, quod non dele-  
bitur.

bitur. DOM. Meritò id sequitur, nam ex quo honor proprius hominis est perversus, inordinatus, falsus, tortuosus, caducus, miser, injustus, mendax, vanus, erroneus, ideò permanere non potest, sed concidet, tabescet, deficiet, & sequetur illum summa ignominia, quando revelabitur confusio nuditatis ejus, & pudenda ejus in suam faciem retorquebuntur. Eant nunc proprii honoris quæsitores, & ad breve tempus in suis laudibus, ut perpetua confusione contristentur.

Homo obligatur ex parte Honoris Dei,  
credere omnibus verbis ejus, & ea  
honorare.

## C A P U T XXXIX.

R Æ M U N D U S.

**Q**Uoniam quidem, ut suprà declaratum est, quòd Deo Honor attribui debet in summo gradu, si igitur homo honorat Deum. necesse est ut & verba Dei honoret, & credat cum omni reverentia Deo loquenti. Quando enim credit homo verbis Dei, tunc reputat eum veracem, justum, & sanctum, sine fraude, sine mendacio, sine dolo, atque ita honorat Deum, credens sine aliquo testimonio, sine aliqua probatione simplici verbo Dei, solum quia ipse dieit, vel dici fecit, qui fallere & mentiri nescit. Alioquin nisi credidero cum omni assensu verbis ejus, etiam si videantur vel obscura, vel  
ex-

extranea, facio Deo maximam injuriam, vituperium, & contemptum. Debemus igitur primò credere verbis Dei propter suum maximum honorem, utpote quia ille loquitur, quem nephas est mendacem aut frivolum æstimare. Secundò debemus credere verbis Dei ratione suæ excellentissimæ Majestatis, & authoritatis. Si loquenti alicui sapienti, aut Regi, aut Principi fidem habemus, multò magis Regi Regum, domino dominorum credi debet, & assentiri. Tertiò: Ratione suæ infinitæ bonitatis, & purissimæ pietatis credi oportet verbis Dei. Nam quod bonus homo loquitur, facilè admittitur, multo amplius admitti debet, quod loquitur optimus, & sapientissimus Deus. Quartò: Deo credi debet ratione suæ infallibilis veritatis. Est enim ipse summa veritas, & summa sapientia, quæ falli nequit, neque mentiri. DOM. Magnum mihi animum indidisti, credere cum summa reverentia eloquiis Dei. Sed quæso te, quem processum habiturus sum in credendis Dei sermonibus? RÆM. Illum eundem, quem in creaturis cognoscendis ante habuisti. Videamus ad oculum duo esse, quæ ab homine extrarocedunt, scilicet Opus suum, & suum Verum. Sic similiter duo sunt, quæ procedunt à Deo, Opera & Verba. Verum quia unum est opus, & aliud Verbum, ideò alia scientia est de Dei Operibus, & alia de Verbis. Veritas tamen creaturarum, quæ manifestè foris apparet, inducunt nos in cognitionem Verborum Dei, quæ minus apparent. Ad  
co.

cognitionem creaturarum habuimus tres gradus. Primus, quòd cognovimus ipsas creaturas in veritate existere, sed nesciebamus cujus erant. Secundò, cognovimus, quòd Dei erant, & quòd à Deo conditæ erant. Tertiò, quòd donum Dei erant, & quòd à Deo nobis traditæ erant. Isto modo oportet procedere conformiter circa verba Dei, ad cognoscendum quòd Dei sunt. Primò, oportet videre, & acutè respicere ipsa verba in se. Secundò, cujus sint Verba, an Verba sint Dei loquentis, vel hominis? Tertiò, quòd nobis à Deo data sunt ad nostrum fructum, ad nostram necessitatem, & utilitatem sicut & creaturæ. Sed quæ sunt Dei verba, quibus nobis ad nostram salutem loquitur? RÆM. Non alia pro certo, quàm quæ sacro volumine (quam nos Bibliam dicimus) continentur, quæ in Vetus novumque Testamentum clarè dividitur. Ibi audis Deum præcipientem, prohibentem, adhortantem, terrentem, blandientem, comminantem, pollicentem. Possem ego multis & fortissimis rationibus tibi demonstrare, Deum Bibliæ sermones per suos vates esse loutum, nisi nossem te id optimè credere, & ut Christianum nullatenus diffiteri. Quòd si fortè eas rationes cupis agnoscere, lege priorem librum, unde iste transsumitur, & illic invenies, quomodò etiam paganissimo homini id faciliè potuerit persuaderi. DOM. Credo ut Christianus Bibliæ verba Dei verba esse. Qui autem hoc non credit, pagano deterior est.

De

Deproprietatibus Verbi Dei, & qualiter se  
homo gerere debet circa sanctam  
Bibliam.

## CAPUT XL.

## RÆMUNDUS.

**Q**uia igitur credis Bibliam Dei Verba sonare, audi nunc maximo fructu proprietates, & conditiones hujus libri, & qualiter te habere debeas circa eum. Primò, ex quo per totum Vetus, novumque Testamentum Deus loquitur per ora sanctorum, ideò oportet credere; quæ dicit, oportet implere, quæ præcipit, oportet vitare, quæ prohibet, oportet formidare quæ comminatur, oportet sperare quæ pollicetur. Qui autem ista non facit, Deum contemnit, irridet, injuriatur. DOM. Imò verò per omnia dignus, quòd à sacro Dei libro repellatur. Bestia enim se montem tetigerit, lapidetur. RÆM. Secundò, ex quo Biblia liber Dei est, ideò sequitur, quòd nihil est in eo falsum, nihil inutile, nihil superfluum, nihil diminutum, nihil iniquum, nihil frivolum, nihil contemnendum, nihil execrandum. Tertiò, ex quo Bibliæ Verba Dei sunt, ideò omnia quæ illic, aut promittuntur, aut comminatur Deus, omnia suo tempore complebuntur, non enim unum jota, aut una virgula, apex cadet ab omni lege. Alioquin Deus veretur contra suum honorem, seque mendacem constitueret, quod est impossibile. Si enim

enim homo potens, & iustus nititur toto corde implere Verbum suum, multò magis Deus, cui æquè facile est, & dicere, & implere. Quartò, ex quo Deus sua Verba in hoc libro constituit, ideo homo obligatur; Deum, & sua verba diligere, amplecti, honorare, & colere, quæ processerunt de ore Dei. DOM. Meritò id quidem, qui nihil tam propinquum Deo, quàm suum Verbum. Verbum enim Dei ipsum Deum repræsentat, nec aliquid tantum pertinet ad Deum, quàm suus sermo, qui non solum de ore, sed etiam de Dei corde procedit. Erumpit enim ab intimis medullis dulcissimi Conditoris. Meritò igitur amari debet, & coli, quia nihil verbo Dei majus, nihil dulcius, nihil sublimius, nihil profundius, nihil nobilius, nihil pretiosius, nihil potentius, nihil denique salubrius. RÆM. Hinc certè intelligis, mi Dominice, quòd Dei verbum longissimè excellit omnes creaturas, magisque ad illum pertinet, quàm omnes pariter creaturæ. Quia igitur homo tenetur amare Deum supra omnes creaturas, ita etiam debet amare Dei Verbum plus omnibus creaturis, illudque contremiscere, & venerari hinc sequitur Quintum, quòd homo debet summo perè cavere, ne aliquando aut irrideat, aut abjiciat, aut vituperet, aut blasphemet Verbum Dei. DOM. Istud propriè iniquorum est, & hæreticorum, & infidelium. RÆM. Sextò, quòd homo tenetur præparare cor suum ad recipiendum Verbum Dei. Ex quo enim Verbum Dei extra Deum progreditur, nullum alium lo-

ro con  
Deus, a  
Quam  
stiruit  
ba di  
qua  
Acce  
De  
nim  
ist  
locum vult occupare, quàm pectus hominis,  
quod debet esse receptaculum sermonum Dei.  
DOM. Atque ideò, qui Tullium libentiùs medi-  
tantur, aut Horatium, aut Vergilium, quàm  
Dei Verbum, maximam injuriam Deo faciunt,  
quia de suo corde Dei Verba rejiciunt, & illic re-  
cipiunt aliena. RÆM. Rectè tu quidem: Uti-  
nam sæcularium librorum Amatores huic nostro  
sermoni aures commodent, puto non tam liben-  
ter vanissimis studiis inhærebunt, Septimò, ex  
quo Verbum Dei ipsummet Deum repræsentat,  
ideò, qui in suo pectore Verba Dei recipit, recipit  
& Deum, gestatque Deum intrà præcordia sua,  
Nihil ergo sanctius, nihil melius, nihil suavius  
quam in corde Dei Verba portare. Imò etiam  
& ore proferre, quod tu Dominice quotidie fa-  
cis, quia non expedit fidelem erubescere sermo-  
nes Dei. Quicumque igitur in corde gestat  
Verbum Dei, multas inde consequitur & præ-  
cipuas utilitates. Prima est: Quòd sicut Ver-  
bum Dei est unum, & efficax, & penetrabile,  
& mobile, quia exit de corde Dei, ideò necesse  
est, quòd vivificet, & penetret, & moveat, ju-  
undet, atque lætificet ipsum cor hominis, quod  
possederit. Secunda: Sicut Verbum Dei est  
solidum, & succensum igne amoris Dei, igni-  
m enim eloquium tuum vehementer, ideò cor  
minis calefacit, & inflamat in amorem Dei.  
Tertia: Quia Verbum Dei est verum, certum,  
firmum, ideò confirmat cor hominis in veri-  
tate, & solidat, corroboratque. Quarta: Quia  
Verbum Dei lumen est, & lucerna, ideò cor  
ho-



hominis illuminat, nec finit illud ignorantia, aut erroris, aut nequitiae tenebris obduci.

Quinta: Verbum Dei potentissimum est, & summe activum, ideò cor hominis potenter immutat, protegit, dirigit, & defendit. Sexta:

Quia Verbum Dei altissimum est, ideò rapit cor hominis à terrenis, & ad cœlestia suspendit. Septima: Verba Dei sunt eloquia casta,

& septies repurgata, sunt quoque gloriosa, immortalia, & perpetua, (verbum enim Domini manet in æternum) ideò faciunt cor hominis castum, purum, gloriosum, immortale, incorruptibile, & æternum. DOM. Ex his

manifestè patet, quàm grandem injuriam facit Deo, & sibi detrimentum, qui contemptis Dei

Verbis, humana eloquia in suo corde recepat: Qui aspernatur Creatoris Verbum, &

Verbum amplectitur creaturæ, qui libentius audit Verbum mendacis, (omnis enim homo mendax) quàm summæ veritatis: Verba mortalis, infirmi, & fragilis, quam immortalis, &

omnipotentis: Verba nihil firmiter promittentis, quàm vitam pollicentis æternam: Verba

servi inutilis, quàm altissimi Imperatoris: Verba ejus, qui in se habet radicem omnium malorum, quàm ejus, qui est omnium bonorum fon-

talis origo. Verùm tu prosequere quod cœpisti.



## Comparatio verbi Dei ad Creaturas,

## CAPUT XLI.

## RÆMUNDUS.

**D**UO sunt nobis manifesta, quæ nobis contulit optimus Deus, & per quæ ipse nobis plurimum innotescit, scilicet Creaturæ quas condidit, & Verba quæ dixit. Sed ista duo non sunt æqualia. Primò: Verbum Dei est supra hominem & supra omnem creaturam, omnis autem creatura subjicitur Verbo Dei. Secundò: omnes creaturæ sunt de nihilo, & de se corruptibiles, sed Verbum Domini exit de ore Dei, & permanet in æternum. Tertiò: Verbum Dei habet plenum dominium super omnem creaturam, nec potest illi ulla creatura resistere, sed mutat, & transformat creaturam, ipsum autem semper immutabile manet, sicut Deus, à quo procedit, DOM. Quàm crebro soleat durissima hominem corda permutare, atque emollescere Verbum Dei, sæpenumero id ipse expertus sum. RÆM. Et adhuc amplius experieris. Quartò: per Verbum Dei omnis creatura facta est, & de nihilo venit ad Esse virtute verbi divini; habet in omni potestatem ejus, à quo procedit. Primò enim, quod exit à Deo, est suum Verbum, per ipsum omnia alia subsistunt. DOM. Incipat, Deum multò plus fuisse liberalem quando nobis sua verba, quàm simul cuncta ta. Et licet nos plurimum consoletur per creaturas, multò tamen amplius per suum Verbum.

bum. RÆM. In maximo igitur habendum est pretio Verbum Dei.

Quintò: Verbum Dei exit de corde Dei, & ideò quocunque venerit, secum portat cor Dei, & mentem, & voluntatem Dei, sed creaturæ, quæ exeunt de Nihilo, longissimè distant à corde Dei. DOM. Et ideò clare lucet, qui non vult recipere Verbum Dei, non est dignus perfrui creaturis.

Qui enim magna contemnit, injustè sibi usurpat minima.

RÆM. Optima assertio tua. Sextò: Omnes creaturæ sua pulchritudine, bonitate, varietate hortantur hominem diligere, honorare Deum Factorem suum, sed Verbum Dei idipsum præcepto compellit.

Magnum enim mandatum in lege est: diliges Dominum Deum tuum ex toto corde tuo, &c. Septimò: Omnes creaturæ, quæ sunt sub homine, serviunt humano corpori, indiget enim corpus nostrum cibo, & potu, ut possit nutriri, conservari, sed Verbum Dei animam cibatur, & satiat, roborat, augmentat, & in spiritali vita conservat.

Vita enim animæ Amor Dei est, gaudium, spes, & consolatio secundum Deum.

DOM. Meritò id quidem, cum enim anima humana facta sit ad imaginem & similitudinem Dei, & inter Deum & animam nihil est medium, ideò nutriri debet divino cibo, & eo cibo, qui procedit de corde Dei. Qui ergo non recipiunt in cordis palato Dei Verbum, sed porcorum filiquis delectantur, vanis dico fabellis hominum, necesse est fame pereant, & morte perpetua moriantur.

RÆM. Omnino ita necesse est. Verbum enim, quod de corde,

vcl

re hominis procedit, cùm sit fragile, cadu-  
, incertum, & plerumque mendaciis ple-  
, animam hominis non nutrit, sed inficit,  
vivificat, sed occidit. Verùm ut melius  
eris, quomodò Dei Verbum animam nutrit,  
ita & illa duo, quæ sunt in anima, scilicet  
unitatem, & Intellectum: Vita enim animæ  
sistit principaliter in Voluntate, quæ quan-  
tū vivit, tunc & anima vivit. Et ideo ut Vo-  
as veraciter, & salubriter vivat, necesse est,  
Dei Verba eam subintrent, eam vegetent,  
sustinent. Et idcirco Verba Dei nunc  
cipiunt, nunc prohibent, nunc exhortan-  
nunc laudant, nunc litigant, nunc depre-  
ur, nunc comminantur, nunc pollicentur,  
oc modo Voluntas hominis excitetur ad ti-  
em, ad amorem, ad spem, ad gaudium, ad  
solationem. Et quia anima humana, sem-  
quærit verborum certitudinem, nec ea fa-  
recipit, si videantur aut dubia, aut inania,  
inutilia, ut ergo etiam Intellectus in Dei ver-  
ascatur, necesse est, ut eloquia sua Deus pro-  
autoritate confirmet, quæ tam magna, & so-  
est quòd excedit omnes, probationes, inge-  
, & argumenta quarum libet sapientum.  
ando ergo Dei verba movent animam ad A-  
rem, tunc pascitur ipsa Voluntas, quando  
ruitur ad veritatem, tunc nutritur, & sagi-  
ur Intellectus, DOM. Ex his, quæ de verbo  
i luculenter disseruisti, agnosco aliam obli-  
ionem maximam, quâ homo obligatur Deo  
eatori suo pro suis Verbis ab eo recepis. O-

stendisti enim in secundo Dialogo innumeras obligationes, quibus astringitur homo Factori Deo pro susceptis creaturarum obsequiis. Verum quia verba Dei sunt omnibus creaturis multò nobiliora, & homini maximè utilia, imò necessaria; quia creaturæ corpus hominis respiciunt, verba autem Dei animam ipsam, ideò sine ulla comparatione obligatur plus homo pro verbo Dei, unde anima sua, & nutritur, & conservatur, quàm pro creaturis, quibus ipsum corpus reficitur, & pascitur.

De tertia natura creata, quæ sine corpore persistens tota spiritualis est.

## C A P U T XLII.

RÆMUNDUS.

**P**Ulchrè post sermonem habitum de Verbo Dei, de substantiis spiritualibus tractare debemus, quas nos vel Spiritus vel Angelos nuncupamus. Per hos (sicut in tota Biblia sæpissimè patet) Dei verbum hominibus revelatur. Ipsi enim sunt Angeli Dei, potentes virtute, facientes Verbum illius ad audiendam vocem sermonum ejus. DOM. Cùm scalam creaturarum in principio nostræ disputationis crexeris, nihil illic de natura merè spirituali memini te dixisse. RÆM. Ideò illic non dixi, quia tunc non oportebat, nunc autem ista dissertio hoc in loco, & pro his quæ jam diximus, & pro his quæ post dicturi sumus, opportuna notabitur. In primis igitur ambigere non oportet, aliquas esse

substantias incorporeas, ne maximum re-  
omnium Conditorum impotentem, aut di-  
utum fuisse cogitemus. Qui enim sic cogi-  
maximè vituperat atque inhonorat manum  
impotentis Dei. Ut ergo Deum summis ho-  
ibus prosequamur, confiteri oportet, sub-  
stias esse aliquas merè spirituales. Nam si  
is creavit naturam totaliter corpoream, ut  
omnia, quæ continentur in tribus inferiori-  
scalæ gradibus, si etiam creavit naturam par-  
corpoream, partim incorpoream, sicut est  
no, sequitur etiam, quòd creaverit natu-  
penitus incorpoream, qualis est Angelus.  
M. Optima sequela. Cùm enim Deus  
is sit spiritualis substantiæ, ideò debuit meri-  
on solùm tales substantias condere, sed  
tò plures quàm corporales. Si enim natura  
è corporea potest per se subsistere sine spiri-  
nulto magis, operante Deo, spiritus subsi-  
sine corpore: Opposita enim æquis rationi-  
fulciuntur. Hinc patet, Deum spirituales  
tuales substantias, sicut & corporeas, con-  
sse. Non solùm autem, sed & primò &  
cipaliter eas condidisse, cùm sint Deo ma-  
imiles & propinquæ. An verò sint in ma-  
o, aut parvo numero abs te audire desidero.  
M. Omnino necesse est credere, in maximo  
e incomprehensibili eas numero constare.  
ultitudine enim ministrorum dignitas regis,  
paucitate plebis ignominia principis, ideò  
millia millium ministrant ei, & decies milles  
ena millia assistunt ei. Itaque si in natura

porca sunt innumeræ species lapidum, herbarum, arborum, piscium, avium, quadrupedum, & innumera individua hominum, erunt etiam infinitæ species Angelorum. At ne putemus hanc multitudinem confusam esse, ideo oportet scire, quod inter Angelos est ordo pulcherri-  
mus, discretissimus, jucundissimus. Videmus enim, quod in rebus corporeis est ordo mirabilis, sunt enim quædam superiora, quædam inferiora, & quædam his media. Elementa & omnia inanimata sunt infima, vegetativa media, sensitiva suprema: Super hæc omnia est Homo omnium sublimissimus. Habet tamen etiam humana natura multiplicem statum secundum superius, & inferius. In hominibus enim sunt Agricola, Mercatores, Burgenses, Nobiles, Milites, Barones, Comites, Duces, Reges, & unus omnium Imperator. In statu Ecclesiastico sunt Rectores, Diaconi, Archidiaconi, Decani, Præpositi, Abbates, Episcopi, Archiepiscopi, Patriarchæ, & super omnes Papa Apostolicus. Si igitur tam decorus est ordo in his rebus inferioribus, multò amplius in illis nobilissimis altissimisque spiritibus erit ordo mirabilis, artificiosus, jucundus. Sunt enim inter eos tres Hierarchiæ id est, tres sacri principatus, & in qualibet Hierarchia sunt infimi, sunt medii, sunt supremi, & hæc ordinatissima cujuslibet Hierarchiæ multitudo ad unum tendit omnium supremum. In Elementis, ut videmus, Ignis est dignior, in genere piscium Delphin, in avibus Aquila, in bestiis Leo, in hominibus Imperator,

, omnia tendunt ad unum caput. Ita  
ue in Angelis æstimandum est. Verum,  
processus noster naturalis est, nec possu-  
per viam naturæ tam subtiliter loqui de in-  
libus, separatisque substantiis, sicut fidelis,  
ualisque Theologus, ideò si volueris altio-  
his, secretioraque cognoscere, doctorum  
bros scrutari necesse est. DOM. Ego  
etiam affirmo. Velim tamen nosse, an ne-  
os homines, ita & ipsi quoque obligentur  
Conditori suo. RÆM. Imò verò quàm  
mè. Habent enim Liberum arbitrium, ha-  
intellectum, habent affectum, habent quo-  
innumera beneficia, pro quibus omnibus  
gantur Deum diligere, revereri, honorare,  
are, adorare, benedicere, qui illos de nihi-  
ondidit, qui eos supra omnes creaturas sub-  
vit, qui eos immortales constituit, omni sa-  
tia & scientia imbuat, & sua dulcissima visio-  
æternum felices reddidit. Verum, ut ad  
ra redeamus, multum hæ substantiæ incor-  
æ ( Angelos dico ) nos obligant Domino  
nostro. DOM. Quare id obsecro?  
M. Ideò scilicet, quia nobis quotidie sua  
eficia præstant. Omnes enim admini-  
torii sunt spiritus, missi in præsidia eorum,  
hæreditatem capiunt salutis. Ne enim pec-  
us custodiunt, peccantes arguunt, lapsos  
gunt, cor compungunt, ad veniam dirigunt,  
pœnitentiam cogunt. In adversis & arduis  
ibus nos corroborant, nos lætificant, nos  
servant; postremò nostram illuminant ra-



tionem, excitant voluntatem, tribuunt boni operis facultatem. DOM. Brevissimo verbo maxima in nos Angelorum beneficio demonstrasti, pro quibus astringimur Deum, qui tales nobis promotores contulit amare, timere, glorificare, & multo amplius, quàm pro omnibus obsequiis quæ à visibili creatura suscipimus. Hæc enim corporalia sunt, & corpori solo præstantur, illa verò sublimia sunt, & spiritualia, voluntati tantummodò commoda, & rationi. RÆM. Certè nunc vidisti in hoc quoque dialogo, & in præcedenti, quomodò obligetur homo amare, timere, & honorare Deum Factorem suum. Nunc super est ostendere, an homo etiam id exolvit, id reddit, quod tenetur? Cùm multa voluptate & animi oblectatione quæ hætenus locutus sum excepisti, sed puto te in sequenti disputatione lachrymas effusurum. Verùm quia jam cernis nobis radios solis occumbere, & jam in longum noster sermo processit, dignum est ut sicut hætenus animæ, ita & a fello corpori tribuamus quod suum est. DOM. Placet, sed licet (ut dicis) tristitia sim auditurus, noveris tamen summo mane ad tuas me postes tediturum. Tristitia enim, etsi amara sunt, tamen plerumque saluberrima sunt.



Quin-



Q U I N T U S

**DIALOGUS.**

**De miserabili humani generis lapsu, & quòd per unum hominem omnes cecidimus.**

Qualis fit homo, qualis esse debet, & an faciat, quod facere tenetur ?

C A P U T XLIII.

DOMINCUS.

Nota hac nocte concitavit me Spiritus meus præ desiderio sermonum tuorum. Sæpè enim causabar noctis moram, at verò ubi aspexit tenuissimum auroræ lumen, subito è strato embra corripui, & huc hesternæ pollicitationis festinus occurro. RÆM. Amo, mi Domice, sollicitudinem ardoris tui. Hactenus, sicut nosti, egimus processum nostrum per momentum obligationis ac debiti. Ostendimus enim hominem propter multa beneficia, quæ accipit, obligari Deo muneratori suo, hanc quoque obligationem esse naturalem, perpetuam, indelebilem, incorruptibilem, scriptam stylo æreo in ungue adamantino, & exaratam in ani-

anima & corpore hominis, & in omnibus creaturis. Omnia enim creata propter hominem hujus insolubilis obligationis conferunt testimonium. Ostendimus etiam, quàm grandia bona sequantur hominem, si debitum, quo obligatur, exsolverit, & quam inexpiabile malum incurrat, si contempserit. Nunc autem adjutore Deo inquirendum est, an homo debitum obligationis, quo tenetur implicitus, etiam exsolvat, an suum opus cum suo debito concordet, an sit justum vel injustum, rectum an obliquum, secundum Deum, vel contra Deum id, quod agit? Scrutemur nunc profundè ipsum hominem, & interna viscera ejus, omnesque medullas penetremus, & inveniemus proculdubio, nihil hominem agere, aut cogitare, quod tenetur, sed omnia efficere contraria. Formemus igitur mentem ad lachrymas, & cum gemitu planctûque loquamur, videbimus enim gravissimam ruinam nobilissimæ & altissimæ creaturæ, & eam ruinam, quam nemo poterit erigere, nemo valeat expiare. DOM. Initia hæc sermonum tuorum gemitus mihi ocius excutiunt. Tu tamen repressis parumper lachrymis, sensum tuum potenter exequere. RÆM. Faciam, quantum potero. Prima lux, quâ innitimur ad cognoscendum hominem, est agnoscere quid faciat. Agnovimus itaque ex præcedentibus libris, quid homo obligetur agere, quid cupere, quid ore proferre, hic autem agnoscemus quid agat, quid cupiat, quid loquatur. Agnovimus (ut dixi) quod homo tenetur, primò Deum amare,

ti-

re, honorare, laudare, benedicere, venerare, & diligere proximum suum (qui Dei imago est) sicut semetipsum. Ecce hoc debet homini, vide nunc quid agat. DOM. Video plane nihil tale hominem agere, sed omnia contra. Amat enim, heu dolor! primum, semetipsum, & contempto nequiter Creatorem suum quærit hominem, propriam laudem, amorem, & gloriam, & quicquid debet dari principaliter Deo factori & muneratori suo, sibi tribui, diligit, & impendit. RÆM. Ex palam animadvertis, hominem penitus corrumptum, habereque voluntatem omni justitiæ relictam, totique legi naturæ contrariam, contra Deum, extra omnem pietatis regulam, extra semetipsam, penitus corruptam, impiam, impudicam, impiam, perversam, alienatam, turbulentam, superbissimam, falsissimam odibilis Deo, & ab ejus consortio longissime separatam, & æterna morte sepultam. Qualis autem voluntas hominis, talis est & totus homo, eo contrarius, Deo rebellis, Deo capitalis inimicus omnium malorum radicem in se continens, perditus, corruptus, bis mortuus. Hinc sequitur, quod talis homo vadit ad æternam perditionem, æternam poenam, æternam miseriam, calamitatem inexpiabilem, eò quod perdidit, repuleritque perpetuum sui Conditoris amorem. DOM. Apertissime nunc liquet, hæc sit hominis amara perditio, alienatio, corruptio, degeneratio. Hoc omnes creaturæ imitant, hoc prædicant, hominem esse veraciter

citer perditum, æterno supplicio dignum, & a Dei amicitia perpetuò separatum. RÆM. Vidisti nunc non sine gemitu, quàm perditè se homo gerat ergo Deum, vide nunc, quomodò se habeat erga Dei imaginem, scilicet proximum, & ampliorem ejus ruinam intelliges. Homo enim obligatur amare quemlibet alium hominem sicut semetipsum. Verùm nunc experimento discimus, quòd homo hominem lædit, affligit, confundit, destruit, & occidit. Nulla est inter homines vera unitas, vera societas, vera pax, amicitia, concordia, sed inimicitia, contentiones, æmulationes, dissensiones, iræ, rixæ, invidiæ, sectæ, & universæ malitiæ. Quòd si forte inter aliquos reperiantur aliquæ aut concordia, aut amicitia, non illæ de amore imaginis Dei oriuntur, sed propter temporales vel carnales rationes, quæ syncerum amorem nunquàm constituunt. DOM. Homo qui Dei inimicus est, Dei etiam imagini semper contrarius est, nec potest vero corde proximum diligere, qui Deum contemnit amare. Neque id mirum, si quemlibet extra se hominem odit, qui neque seipsum diligit. Qui enim diligit proprium honorem, odit profecto animam suam. RÆM. Cùm videam hominem sic in abyssum omnis malitiæ corruisse, non possum lachrymas continere, cernens eum non sentire suam corruptionem, suam perpetuam mortem. Non dolet, non flet, non ingemiscit; imò quotidie ridet, jocundatur, superbit, & more amentis frenetici in febris carnis sensum per-

lit carnis. Et instar ejus qui lethæo somno  
ormiscens sua mala non sentit: Vulnera-  
unt me, ait, & ego non dolui, percusse-  
: me, & ego non sensi. DOM. Quia  
in semetiplo sua mala non sentit, ostende  
bsecro per res extra corruptas, quid de sua  
ruptione sentire possit: Reduc eum per id  
d extra novit, ad seipsum, quem non no-

mo potest considerare corruptionem  
suam per res externas in se corruptas.

## CAPUT XLIV.

### R A M U N D U S.

Acilè id fecero, utinam dignetur advertere.  
Primò videat, quomodò vinum corruptum  
quod est in acetum permutatum. Vinum  
n & acetum habent qualitates contrarias.  
m vinum est calidum, dulce, potabile, de-  
abile: Acetum verò est frigidum, acerbum,  
ndo nec potari potest, nec delectare. Ta-  
est & homo, frigidus, amarus, & horridus.  
sicut acetum nihil valet ad id, quod antè  
ebat, ita & homo penitus inutilis factus est,  
Deo, & sibi, & creaturis. Et sicut acetum  
etum est à mensis, eo quòd nullam habeat  
i pristini bonitatem, ita & homo ab oculis  
i projectus jacet, eo quòd nativam perdide-  
dignitatem, & factus sit acetosus, ponti-  
cus,

cus, crudelis, acerbus, æterna abominatione dignissimus. Secundò, quantum distat homo freneticus, amens, & fatuus ab homine sensato, sapiente, & docto, tantum distat status hominis, in quo nunc putridus jacet, ab illo statu, in quo merito esse deberet. Tertiò: Quantum distat mulier fordida, fornicaria, & adultera, quæ sicut stercus in via conculcatur, à muliere pudica, sobria, & honesta, tantum distat homo nunc fornicans, & recedens à Deo suo, qui deberet illi esse fidelis, continens, & pudicus. Quartò: Sicut arbor, quæ habet in radicibus medullam amaram, crudam, & sylvestrem, poma tribuit pontica, acerba, sylvestria, quæ si quis gustaverit, obstupescendent ejus, ita homo cum habeat voluntatem corruptam, impiam, amaram, omnia opera ejus corrupta nascuntur, Deo & omnibus exosa creaturis, æternis ignibus deputata. DOM. Utinam in his speculis homo suam turpitudinem velit attendere, ut se deformem luceat, & miserabilem.

Lapsus & corruptio hominis potest ostendi ex parte Juris paternitatis, & filiationis.

## CAPUT XLV.

RÆMUNDUS.

**A** Nimadvertite nunc etiam hominis corruptam vitam, conferendo inter se Jus patris.

ternitatis, & filiationis. Attende diligenter, quid filius debeat suo patri carnali, à quo solum corpus accepit, & facile cognosces, quid homo debeat Deo Patri suo, à quo animam nobilissimam adeptus est, incorruptibilem, insolubilem, spiritalem, interminabilem. Debet enim filius patri temporali amorem, timorem, honorem, fidem, reverentiam, obedientiam, constantiam, perseverantiam, obsequentiam. Pari modò, imò multò ampliùs homo patrem suum spiritualem Deum tenetur amare, metuere, honorare, obedire, &c. Item filius carnis cavet, ne aut offendant, aut vituperet, aut contristet, aut dehonestet patrem suum: Cavet etiam, & se opponit, ne ab aliis aut offendantur pater, aut vituperetur, aut contristetur, aut indignè agatur. Hæc omnia multò diligentius debet observare homo erga Deum genitorem suum.

DOM. Quorsum ista?

RÆM. Ut palàm videas hominis ruinam; homo enim in eo statu, in quo nunc lapsus jacet, erga Deum nec amorem habet, nec timorem, nec obedientiam, nec humilitatem, nec subjectionem, nec confidentiam, nec spem, nec credulitatem. Imò (quod sine gemitu non audies) odit Deum, & contemnit, vituperat, & in faciem ejus superbiens rebellem se illi, & inobedientem, audacem, timidumque constituit. Hinc reverà patet hominis perditio, corruptio, alienatio, & sempiterna dejectio. RÆM. Planius adhuc patebit. Nos videbimus ad oculum, quando filius, aut offendit

M

dit



dit, aut superbit, aut calumniatur patrem suum carnalem, omnes eum & nequissimum, injustissimum, ingratisimum judicamus, freneticum eum, & insanum dicimus. Cogita nunc, quo judicio, quo vituperio, quo supplicio dignus sit, qui Patrem spirituum offendit, & mille injuriis afficit. Præterea, si gravissimum crimen est, exasperare, & contemnere patrem potentem, divitem, nobilem, sapientem, sine comparatione magis delinquit, qui Regem omnipotentem, & summè sapientem, & optimum genitorem Deum aspernanter habuerit. Quid nunc tibi videtur? DOM. Nihil aliud planè, nisi quòd homo se habet ad Deum, sicut protervus, & rebellis & superbus filius ad patrem suum. Atque ideò incurrisse iram, & indignationem inextinguibilem Dei Patris omnipotentis, perdidisseque omnem hæreditatem, omnia bona, atque infinitas divitias illius, nec jam posse sperare aut pacem, aut regnum, aut confortium ejus, magis autem projici foràs, & in carcerem sempiternum mancipari.

Lapsus hominis potest ostendi ex parte Juris  
Fraternitatis.

## C A P U T XLVI.

R Æ M U N D U S.

**Q**Uòd in maximam ruinam ceciderit, poteris etiam animadvertere, si jus fraternitatis inter homines consideres. Si enim inter fratres

lum  
inju-  
re  
ne,  
di-  
lle  
en  
re-  
re-

fratres carnales est tantus amor, tanta unitas, tanta germanitas, quòd nihil habeat divisum, nihil proprium, sed unus alterum defendit, protegit, dirigit, auxiliatur, & se in mortem objicit pro altero. Et hæc omnia faciunt, quia habent unum atque eundem patrem hominem, à quo carnali generatione prodierunt. Multò magis homines, quibus est unus pater spiritualis Deus, à quo omnes animam receperunt, debent se diligere, tueri, auxiliari, & in mortem tradere propter animas suorum fratrum. Hoc enim vehementer Deus Pater noster videre desiderat, hoc approbat, hoc se plurimùm delectat. DOM. Nihil tale inter homines nunc reperimus. Et licet unum habeant Patrem Deum, summæ Majestatis, & bonitatis Dominum, unus tamen alterum persequitur, odit, execratur, & rapinis, fraudibus, injuriis, adulteriis, convitiis, ludibriis, & mille nequitiiis contristat, conturbat, contaminat, & exterminat. Quia igitur omnis pax, concordia, veritas, justitia, amor, misericordia, & fraterna dulcedo inter homines periit, ideò manifestissimè patet, hominem esse corruptum, lapsum, putridum, perversum, perditum. Cecidit enim à statu spiritualis fraternitatis, à statu maximæ dignitatis & gloriæ ad statum summæ ignominie, summi vituperii, & opprobrii, à statu vitæ ad statum mortis sempiternæ. RÆM. Optimè tu quidem. Reverà enim in mortem animæ cecidit homo, etiam si corpore vivat. Quòd autem anima hominis mortua

facilè id probavero. Aliqua enim res cognoscitur vivere, dum suas exercet operationes, si autem non operatur, mortua est. Et quia homo non operatur in quantum homo (non enim amat, aut honorat Dominum Deum suum, nec diligit fratrem suum) ideò secundum animam mortuus est homo. Præterea vita animæ est Gaudium, quod provenit de puro amore, & societate Dei, de vera quoque adinvicem fraterna charitate. Ubi autem tale Gaudium non est, ibi nulla animæ vita est, mortua igitur est. Præterea anima non sentit, quia non ingemiscit malum suum, suam corruptionem, alienationem, perditionem, ideò verè mortua est, & lethæo poculo consopita. DOM. Ex isto luce clarius apparet, animam sic mortuam, & suis malis penitus, absorptam, ad æterna nesciam festinare tormenta, nec unquam sese sentire posse, nisi dum in mediis omnium pœnarum suppliciis se invenerit immersam. Sed dicito mihi obsecro, nunquid in tam miserabili, & perditissimo statu optimus Deus hominem à principio condidit?

Deus non condidit hominem in eo statu,  
in quo nunc lapsus jacet.

## C A P U T XLVII.

R Æ M U N D U S.

**N**ulla ratione dicere oportet, in hoc statu;  
imò in hoc lapsu hominem condidisse.  
Quod potest ostendi multi modis. Primò:  
Cum

Cùm Deus omnia operetur propter honorem suæ Potestatis, sapientiæ, & bonitatis, nunquàm debuit hominem omnium creaturarum nobilissimam facere corruptum, turpem, bestialem, impium, inordinatum, injustum, qui omnes creaturas bonas fecit, & valde bonas. Hoc enim derogaret maximo honori suo. Secundò: Status, in quo nunc homo jacet, est omnino contrarius, & inimicus Deo. Est enim homo in hoc statu Dei Adversarius, suum usurpans honorem, & gloriam, & sibi ipsi tribuens. Talem igitur Deus hominem non condidit, qui sibi semper adversareretur, & dura cer vice resisteret. Tertiò: Diximus suprà, quod sicut Deus omnia propter suum honorem, ita etiam propter hominis Utilitatem operatus est. Non ergo fecit hominem in malum, & incommodum sui ipsius, quod utique sequeretur, si eum talem creâisset, qualis modò est. Homo enim ut modò est, est penitus sibi ipsi contrarius, in suum vergens incommodum, & maximum detrimentum, eò quòd amat in se propriam voluntatem, proprium honorem, quæ radices sunt malorum omnium, quæ mergunt eum in interitum sempiternum. Per has enim radices operatur continuè contra semetipsum in suum damnum, in suam ignominiam, in suam confusionem, & punctionem perpetuam. Quartò: Deus non debuit facere hominem contra ordinem totius Universi, omnes enim creaturæ faciunt, quod debent, & suo obediunt Creatori, sed solus ab imposita lege vagatur

homo, solus ipse obedire contemnit, superbus, turgidus, erectus contra Dominum Creatorem suum. Præterea, creaturæ requirunt hominem, quod sit Amicus Dei, quia homini serviunt propter Deum, requirunt etiam hominem rationalem, sapientem, ordinatum, compositum. Sed homo in hoc statu est Dei inimicus, bestialis, insipiens, inordinatus, incompositus. DOM. Verè bestialis, & inordinatus, in quo anima miserabiliter servit, & corpus nequiter dominatur, cum tamen anima sit immortalis, incorruptibilis, spiritalis, corpus verò sit mortale, animale, terreste, corruptibile. Quid tam bestiale, quid tam perversum, quàm ipsum corpus cum suis irrationabilibus, & turpissimis motibus animæ (quæ Regina, & Domina est nobilissima) dominari. eam verò corpori subesse, à corpore captivam trahi, & suis ignobilissimis passionibus ac voluptatibus assentire, imò non posse resistere? Reverà ingens in homine ignominia, qui patitur in se rem bestialem, & corruptibilem dominari rei nobilissimæ, atque perpetuæ. RÆM. Hinc sanè intelligis, omnes creaturas, quæ inter se ordinatissimæ sunt, hominis turpissimam arguere deordinationem, ostendere quæ eum esse totius turpitudinem, & spurcitiam Universi. Quia igitur nihil operatur Deus contra ordinem Universi, sequitur, quod non talem fecerit hominem, uti nunc est. Qui enim fecerit creaturas bonas propter hominem, magis debuit facere hominem bonum. DOM. Optima assertio tua, Quia igitur

igitur optimus Conditor Deus non fecit hominem, qualem nunc cum lachrimis vidimus, rogo te, mi Ræmunde dulcissime, ostendito mihi, in quo illum statu primùm Deus creaverit. Sicut enim acetum arguit vinum fuisse, ita hîc lapsus hominis arguit hominem aliquando stetitisse.

Primus hominis status qualis fuerit, & quæ conditiones ejus?

## C A P U T XLVIII.

### RÆMUNDUS.

**I**ste lapsus hominis (ut verè dicis) satis ostendit, ipsum hominem alium vitæ statum aliquando habuisse, & conditiones contrarias conditionibus, quas nunc videmus. Conditiones verò, quas nunc in homine cum gemitu intuemur, sunt: Quòd non cognoscit, non diligit, non metuit, non laudat, non honorat Deum factorem suum, sed amat propriam voluntatem, propriam laudem, vanè timet vanè, sperat, vanè desiderat, post vanitatem ambulat, & vanus effectus est. Præterea, contra rationem irascitur, odit, indignatur, ambit, concupiscit, & plus quàm oportet comedit, & bibit. Et hæc quidem sunt mala animæ. Mala corporis sunt infirmitas, fragilitas, carnis lubricitas, fames, sitis, algor, & calor, gravis & molesta senectus, incerta & amara mors. Ex his conditionibus malis arguimus

hominem contrarias aliquando conditiones habuisse, Deum scilicet suum cognovisse, amâsse, metuisse, honorâsse, laudâsse &c. Non tunc propriam voluntatem, aut laudem, aut gloriam quæsisse, nihil turpiter appetivisse. Corpus verò humanum erat animæ verè subjectum, sanum, integrum, robustum, vegetum, succo plenum, æquænum, impassibile, incorruptibile, agile, immortale.

DOM. Istæ conditiones, quas tunc habuisse hominem ostendis, arguunt in alio quodam loco habitâsse, qui omnino sit isti loco contrarius. RÆM.

Arguunt planè, & ideò ante ruinam homo incolebat locum amœnissimum, jucundissimum, lucidissimum, suavissimum, opulentissimum, temperatissimum, in quo nec caumata, nec frigora, nec venti, nec turbines, nec grandines, nec fulgura, nec tonitrua, nec aliquæ peregrinæ inerant impressiones. In hunc autem Mundi carcerem post prævaricationem homo profectus est, in quo est tanta elementorum inclementia, donec judicii dies advenerit, ut vel tunc condemnatus perpetuò crucietur.

DOM. O amaram miseriam! sed ulterius quæso proficiscere. RÆM.

Hominem alium habuisse vitæ statum ostendunt palam omnes creaturæ. Sicut enim omnes colligantur cum homine, ita & iste homo per bonam voluntatem suo fuit unitus & complicitus Creatori. Habebat enim se sicut opus ad suum opificem, sicut muneratus ad largitorem, sicut servus ad regem, sicut filius ad patrem.

Secundò, ex quo

quo tota nobilitas hominis consistit in libero arbitrio bono, sano, & integro (per liberum enim arbitrium homo dominatur omni sub se creaturæ) consequens est, quòd Deus fecerit hominem cum bono, & recto, & perfecto libero arbitrio. Cùm enim nihil sit pejus, nihil vilius, nihil turpius, nihil abominabilius, quàm corruptum & putridum liberum arbitrium, idcò nequaquàm Deus tale arbitrium homini dedit. Alioquin dando tale liberum arbitrium, omnem abstulisset homini libertatem, quia dedisset ei libertatem contra libertatem. Corruptum enim liberum arbitrium, & proclive, ac primum in omne malum, misere liberum est, imò captivum abducitur, vitiis & sordibus irretitum. DOM. Hæc est sententia sapientis: Vinculis seu funibus peccatorum suorum unusquisque constringitur. Patet igitur, ne libertas subruat libertatem, hominem accepisse à Deo optimam liberi arbitrii possessionem, nec quidquam habuisse rebellionis sive in mente, sive in carne. RÆM. Hinc sequitur Tertium, quod dicere volui, quòd in primo statu nihil in se homo possidebat, quod erat suæ voluntati contrarium. Et idcò anima sua immortalis nolebat corpus suum esse mortale, passibile, variabile, infirmum, caducum, morbo aut senio confectum. Habebat igitur tale corpus, quale volebat, impassibile, robustum, gratissima juventute compositum, insolubile, immortale. DOM. Quomodo quæso potuit corpus esse immortale? RÆM. Virtute tempera-

M 5

ra-



ratissimæ complexionis, & virtute animæ immortalis, quamdiu enim anima non fuit corrupta vitiis, non poterat corpus morbis aliquibus aut fatigari, aut frangi; at quoniam omnes creaturæ obediebant homini, homine obediente Creatori, ideò non poterat nec ab igne lædi, nec undis sorberi, nec terra subrui, nec aëre corrumpi, nec à feris immitibus lacerari, nec aliquo extrinseco, vel intrinseco ad mortem urgeri.

DOM. Breviter quidem, sed multum luculenter ostendisti mihi, quem habuerit homo statum antequam in hanc ruinam descenderet miserandus. Verùm cum tu nunc dixeris, nec ab aliquo intrinseco, vel extrinseco præpediri, aut decipi, aut corrumpi hominem potuisse, unde ergo venit homini ista corruptio, ista dejectio, ista perditio?

De origine corruptionis, & mali, quod est  
in natura humana.

## C A P U T X L I X.

### R Æ M U N D U S.

**A**D primam usque hominis putredinem perscrutantes, investigabimus quæ sit causa hujusmodi corruptionis? Et breviter dico, si homo à nullo aut corrumpi, aut decipi potuit igitur corruptus est, & deceptus à semetipso. Ex quo enim nihil pari poterat contra suam liberam voluntatem, ideò sequitur, quòd sponte ipse se talem fecerit, & sua propria voluntate. DOM.

Istud

Istud est omnium amarissimum, quod potest audiri: Si enim in arce libertatis, & omnium bonorum constitutus, in hanc calamitatem suam sponte homo collapsus est, quis jam miserebitur ejus? Sed tu, rogo prosequere ulterius. RÆM. Quidquid enim boni erat in homine ante ruinam, hoc possidebat gratia liberi arbitrii sani, atque perfecti; ita quidquid est nunc in homine corruptionis, malitiæ, poenæ, atque miseriæ, de putredine & amaritudine venit liberi arbitrii. Et quia omnia debent proportionari libero arbitrio, quando illud est malum atque corruptum, necesse est quod omnia quæ sunt in homine, mala sint, & putrida, & mortifera. Hinc animam raptant mille furores, iræ, invidiæ, concupiscentiæ, scelera omnia, atque peccata. Hinc etiam corpus infinitis subjacet calamitatibus, morbis, passionibus, motibus. DOM. Nihil veriùs, quàm quod tu dicis. Ex quo enim Deus liberum arbitrium nec malum, nec corruptum fecerit, verè sequitur, quod liberum arbitrium corruerit semetipsum. Et quicquid in homine miserum est, atque malignum, ex mera & spontanea descenderit voluntate peccantis. RÆM. Nonne ergo tibi justum videtur, ut qui in malum cecidit voluntarium, malum in voluntarium patiatur? Nonne justissimum est, ut qui sponte corruit in malum culpæ, malum poenæ etiam invitus sustineat? DOM. Nihil justius, necessario enim unum ab altero procedit. Unde, quia primum malum est voluntarium, & delectabile, &

& ideò non facilè sentitur , ideò necessariò secundum malum adhiberi debet, quod est involuntarium, pœnale, atque molestum, ut hoc posterius primum manifestet , & à sua revocet amentia : Semper enim vexatio magnum confert intellectum. RÆM. Ex isto pulchrè intelligis oportere esse aliquem justitiæ ordinem, quo primum malum ( quod est malum culpæ ) puniatur per malum pœnæ, quod tamen est bonum justitiæ. Primum malum est causa secundi , sed illud ab homine malo sponte comittitur, istud à bono iudice Deo homini irrogatur, ut qui non timuit perpetrare malum, quod non oportuit, malum sustineat, quod maximè nolit. DOM. Justum profectò iudicium, ut quia voluntas hominis exiit ab ordine naturæ, in ordinem cadat districtæ justitiæ. Justum certè est, ut qui semetipsum sponte impulit in malum delectabilis culpæ, à Deo iudice impellatur in malum miserabilis pœnæ. Quia enim homo gloriam sui arbitrii & decorem propriæ dignitatis in totam malitiæ turpitudinem permutavit, ideò fecit Deo summam injuriam, summam offensam statuit, & discordiam, ac proinde tanquàm Deo contrarius, perdidit ejus amicitiam, complacentiam, & gratiam, & idcirco plaga inimici percussit eum vulnere insanabili, castigatione crudeli. Cupio tamen ab te nosse hujus miseriæ atque malitiæ authorem, mihi uno digito ostendito.

Propter primi viri, ac mulieris inobedientiam hoc malum culpæ & pœnæ in omne hominum genus intro-  
missum est.

## C A P U T L.

### R Æ M U N D U S.

**S**I sacris literis credimus per Adam primum virum, & Evam suam conjugem, hoc corporis & animæ malum, quod patimur, transmissum est. Verùm quia totus processus noster naturalis est, & nihil per scripturas probamus, propter incredulos, ideò ad oculum necesse est hunc primum hominem demonstrare, & primam corruptionem. Sicut ex malo pœnæ arguimus malum culpæ fuisse, ita ex qualitatibus & conditionibus pœnæ qualitates pœnarum agnoscimus. Et quoniam pœna, quæ est in natura hominis, est universalis, & communis omni sexui, & omni conditioni, ideò & culpa, & injuria, est omnibus communis, atque universalis. Et quia omnes nascuntur cum ista pœna, & miseria, sed neque in utero, neque nascendo possunt committere culpam, quia culpa malum est voluntarium, quod à parvulis nascentibus perpetrari non potest: Idcirco clarè patet, quòd ille, qui fecit primum malum voluntarium, vir fuerit perfectus, & adultus, fueritque primus homo, pater universalis generis humani, à quo hæc malitiæ & corruptionis venena in omne hominum genus longe, lateque diffusa sunt. DOM.  
Pru.

Prudenter ostendis ex identitate pœnarum in omne hominum genus ab uno primo parente omnes propagatos esse, & de lapsu unius omnes corruisse.

RÆM. Verum, quia hoc malum est in utroque sexu, ideò sequitur, primam etiam mulierem fuisse corruptam, & hanc culpam & conjugii & uxori esse communem. Et quia videmus quasi duplicatam pœnam in muliere, quæ in dolore gravissimo & parturit, & parit, hinc facile advertimus, fœminam primum offendisse Deum, & ab ipsa omnem corruptionis malitiæ fomitem emeruisse.

DOM. Primum mihi hominem ostendisti, sed ostende nunc obsecro primam culpam.

RÆM. Dictum est supra, quòd in primo statu ante lapsum Adæ omnia membra hominis obediebant voluntati, erantque sub imperio rationis. Sed modò experimur, unum membrum in utroque sexu, membrum scilicet genitale, tam rebelle esse, ut nolit acquiescere imperio coërcentis, quid hoc putas significat?

DOM. Hoc certe, quòd sicut omnes per inobedientiæ membrum generamur, ita omnes nos esse inobedientiæ filios, & parentes habuisse rebelles.

RÆM. Rectè tu quidem. Nam parentes habuimus Deo inobedientes, sed inobediens nemo est, nisi qui contemnit mandatum, fuit nè igitur aliquod Dei mandatum, cui inobedientes extiterunt? Omnino Deus debuit primis parentibus ponere aliquod mandatum propter certas rationes. Primò ratione liberi arbitrii, cujus sunt opera remunerabilia, ut ergo ex parte operum

rum arbitrii recipiat homo præmium, prius debuit habere mandatum. Secundò, cum homo (licet impassibilis esset, & immortalis) egebat ampliori perfectione, & cœlesti gloria, jucunditate, & beatitudine, ad hoc enim suus eum Conditor fecerat, ideo Deus debuit illi dare promerendi occasionem. Et quia nihil efficacius est ad meritum, quàm pura & prompta obedientia. Primum enim & radicale opus servi ad Dominum est, ex corde & simpliciter obedire, in quo omnia alia opera fructuosa redduntur. Nam si obedientia non est sincera, nullum erit opus acceptabile; idcirco certè homo debuit primum exerceri in opere obedientiæ. Debuit igitur accipere mandatum, & tale mandatum, in quo nulla potuit utilitas apparere, ne propter commodum cuperet operari, sed ex mera obedientia præcipientis Dei, ut vel sic dilectio probaretur, & probata coronaretur. Verùm ne putaret hoc mandatum homo frivolum esse, nec magnoperè Deum curare, si rumperetur, ideo gravissimam pœnam comminatus est Deus, mortem scilicet, quæ est omnium formidatissima, & amarissima, ut suum præceptum servaretur illæsum. DOM. Intellego manifestè primam culpam. Ex quo enim ab Adam in omnes homines mors exercet tyrannidem, facile liquet, hanc de inobedientia primi patris pululasse. Prima igitur inobedientia est, de qua omnium malorum, pœnarum, corruptionum, & calamitatum germen emerfit. Si enim homo o-toplastus obedientiam suo servasset opifici,

om-

omnium bonorum confirmationem meruisset, & æternâ esset gloriâ coronatus. Sic postquam obedientiam fregit, quicquid boni habuit, perdidit, & perpetuam amaritudinem conquirit. Et tamen vehementer mirandum, cur homo in tanta perfectione creatus, divinis beneficiis auctus, Dei specialis amicus, singulariter ab eo sublimatus, Deum sic voluerit offendere, & fracto tam facili mandato nihil læsus pertinaciter rebellare?

Homo nunquam Dei præcepta fregisset, nisi ab alio fuisset instigatus.

## C A P U T L I.

RÆMUNDUS.

**R**Everà, mi Dominice, nunquàm homo tantis beneficiis honoratus Dei mandata fregisset, nisi per alium quempiam fuisset instigatus. Rursum nunquàm potuisset homo Dei Amator instigari ad mandata frangenda, nisi Instigator majus aliquod promississet bonum, quàm quod homo tunc possidebat. Improbata igitur atque importuna instigatio, & magnarum rerum promissio hominem impulit ad ruinam. DOM. Sed quis fuit obsecro ille Falsarius, qui hujusmodi dolis hominem fefellit, & impulit? RÆM. Quicquid homine inferius est (eo quòd industria caret) hominem decipere non potuit, sed nec ipsa hominis natura in id inclinata fuit, ergo sequitur, quòd

Quod malignus aliquis sciens, & potens operari  
lum, & hominis invidens prosperitati, &  
lversarius Creatori, hominem instigaverit in  
am præsumptionis audaciam. DOM.

oportet ergo necessario dicere, quod iste, qui  
pulis, vel persuasit homini, naturæ fuerit  
ritualis, Angelus aliquis malus, corruptus,  
aticus, & prolapsus. Atque inde sequitur,  
Quod in natura merè spiritali facta erat corrup-

, antequàm fieret in natura humana. RÆM.  
rè sequitur. Nisi enim prius Angelus cor-  
fset, nunquàm humana natura eo instigante  
i mandata fregisset. DOM. Libenter as-

tior, sed rogo te, unde tanti mali corrup-  
in natura Angelica originem duxit? cum  
m fuerit bona ab optimo Deo creata, quis  
n quæso corripuit? RÆM. Tantæ subli-

tatis est Angelica natura, quod à nullo po-  
rit ad casum persuaderi. Peccavit igitur

propria instigatione permota, nullo docen-  
nullo monstrante. Occasio autem hujus

næ ista fuit. Spiritualis etenim natura cum  
ata in summa dignitate, nobilitate, subli-  
tate, & pulchritudine, haberetque liberum  
bitrium admodum purum, altum, & ingen-  
um, idcirco habuit magnam occasionem su-  
biendi, & in semetipsa oblectandi, se admi-  
ndi, se diligendi, sed ubi horum occasio ma-

est & ruina propinquior. Primus igitur An-  
lus, & multi cum eo, statim ut fuerunt crea-  
contempta divina Majestàte, & pulchritu-  
ne cœperunt propriam amare voluntatem, pro-

N

priam



priam pulchritudinem , & honorem , & ita ut amantes atque erratici peccaverunt , & ceciderunt , & à Dei consortio projecti sunt. Sic itaque primus angelus cùm esset omnium pulcherrimus , & nobilissimus , spreto maximo Creatore , privatim cœpit amare decorem , & seipsum Deum statuens , propriam veneratus est altitudinem , propriam amplexus voluntatem , & proprium in aliis ambivit honorem. Atque hoc modo , cùm nunquam Deum amaverit , nunquam veneratus sit , sed semper seipsum superbissimè dilexerit , ideò factus est inordinatus , perversus , injustus , Deo contrarius. Habuit enim semper à die , quâ conditus est Amorem proprii honoris , laudis , & excellentiæ , cupiens justissimè omnibus dominari , omnibus anteferri. Et quidem , si non superbisset , omnibus illum Deus prætulisset agminibus Angelorum , idcirco enim tam sublimis , ingenuus , & decorus præ cæteris conditus fuerat. Verùm , quia abjecto Deo propriâ gloriâ delectatus est , cum esset creatura recenter Dei manu de nihilo producta , ideò summam injuriam , offensam , & rapinam fecit Conditori suo , se Deum faciens , se colens , & coli atque adorari ambiens. Et quia Amor convertit Amantem in rem primò amatam , ideò hîc primus Angelus totus conversus est in suam propriam voluntatem , quam semper sequitur , semper amplectitur , & nullam aliam , & ideò quicquid semel vult , semper vult , & propria autoritate vult , estque obstinatus in sua voluntate , ut in æternum aliud velle

Ille non possit, nisi propriam voluntatem: Idcirco odit summopere omnem voluntatem suæ voluntati resistentem, atque ideò vehementissime Deum odit, & execratur, & Dei voluntatē quantum potest resistit, & contradicit. Verùm illa nunquàm potest Dei voluntatem impedire, ideò sævit, fremit, indignatur, & suâ apud malitiâ contabescit. Porro omnes illi Angeli, à principio hujus Luciferi improbis ausibus verunt, & superbix cornu dederunt peccato sub ejus voluntate, principatu, atque imperio redacti sunt, & hujus pestiferi capitis membra effecti, nihil aliud possunt aut velle, aut nare, quàm quod ille concupiscit. DOM. his, quæ nunc dicis, duas palam voluntates primas intelligo, multum inter se discordes, longissimè inter se distantes, quarum una est, voluntas æterna, & alia Voluntas Luciferi nostra, quæ mala est, & primò mala, non Deo sic in creante, sed illo operante. Ad has duas primas voluntates omnes aliæ reducuntur. Si enim sunt bonæ, vadunt ad voluntatem Dei, si alæ, sub voluntatem cadunt Luciferi. Hæ item contrariæ geminæ voluntates geminum constituunt exercitium continuè contra se pugnantem, & se mutuò sternere cupientem, uterque fortis, uterque terribilis, sicut castrorumacies ordinata, Quoties tamen Rex cælorum cum sua militia vincere voluerit, necesse est, ut vincat & partem subruat inimicam. RÆM. debes tamen nosse, bonorum exercitum Angelorum caput proprium non habere, quod in

Lucifero corrūte perdidērunt, Deus enī non potest esse suæ caput creaturæ, idcirco necessarium est, ut Deus bonis Angelis novum caput constituat, de quo suo loco dicemus. Tu tamen diligenter notato, quale hoc caput futurum sit. DOM. Faciam quod hortaris. Interea tu, quod cæpisti, prosequere.

De magnitudine malitiæ, & corruptionis in primo Angelo, & malo ejus culpæ & pœnæ.

## C A P U T L I I.

### R Æ M U N D U S.

**S**oluta est (ni fallor) quæstio tua, quâ quærebās, unde tanti mali corruptio in Angelicam potuerit subingredi creaturam? Nunc de magnitudine hujus corruptionis pauca dicamus. Quando res aliqua permutatur in contrarium suæ naturæ, necesse est, ut ascendat ad tantum malitiæ gradum, quantus erat ipse gradus bonitatis, vel esse poterat. Et quantò res, quæ pervertitur est melior, altior, nobilior, tantò pejor efficitur, vilior, & malignior. Quia igitur Lucifer inter omnes Angelos erat longissimè melior, clarior, pulchrior, sapientior, ideò postquam suâ se superbiâ corripit, factus est omnium infimus, pessimus, turpissimus, obscurissimus, vilissimus, amentissimus. Et talis omninò effectus est, qualis est, & sua voluntas perversa, inordinata, cæca, superba, malevo-

levola. Hanc autem voluntatem, quia semper ipse diligit, ideò non diligit nisi omnem malitiam, turpitudinem impietatem, scelera omnia, atque peccata. Hinc execratur summo-  
 perè omnem justitiam, fidem, pietatem, virtutem. DOM. Utinam tam deformem nobis hunc scelestissimum tuò depingas sermone, quò eum deinceps acriter aspernemur. RÆM. Verum, quia hìc superbissimus intellectum habet altissimum, & post Deum summè subtilem, qui semper cum sua voluntate concordat, ideò inflectit illum ad inveniendas novas artes, novas deceptiones, fraudes, mendacia. Et quia ipse est mendax, & mendacii pater, ideò inquit falsas quotidie persuasiones, cautelas, tentationes, & per mille meandros inserpere nititur cordibus electorum, anguis lubricus, & immundus. DOM. Miror, si hìc pestifer hanc tantam suam malitiam ipse non videat. RÆM. Planè non videt, proprià malitià & excæcatus, & obduratus. Amor enim suæ nequitiae ita illic cordis oculos obducit, ut sua infinita scelera non videat, nec propriam corruptionem, aut turpitudinem intelligat, quò vel dolere possit, vel poenitere. Atque ideò semper quoties aliquid quod nolit, patitur, contra Deum murmurat, Deum maledicit, atque blasphemat. DOM. O funestissimum omnium malorum caput! O principem omnium vitiorum, omnium tenebrarum, & omnium scelerum ac turpitudinum inventorem. RÆM. Agnovisti nunc, quale sit **Lucifero** malum culpæ, vide nunc malum poe-

nã. Qui enim malum commisit voluntarium,  
 debet malum involuntarium sustinere. Fuit  
 enim creatus à Deo, ut si in bonitate nativa  
 persisteret, ad summam felicitatem transferrere  
 tur, ita postquam suâ se spontè corripit, mul-  
 ta illum calamitas est consequuta. Primò irre-  
 mediabili exilio à Dei visione, à Dei pace, à  
 Dei bonitate rejectus est. Secundò, à summo  
 cœlo expulsus, in caliginosum hunc aërem, qua-  
 si in quodam carcere, cum suis satellitibus rele-  
 gatus est. Tertiò, post hunc carcerem tempo-  
 ralem in profundissimum infernum, æterno  
 igne cruciandus, præcipitabitur. Licet enim  
 ad hos ignes Dei judicio condemnatus sit, non-  
 dum tamen sententiæ executio est consummata.  
 Alioquin nec primos parentes aut tentare, aut  
 contra Deum instruere potuisset. Quartò est  
 intra se vehementer inordinatus & incomposi-  
 tus in omnibus cogitationibus & desideriis suis,  
 horridus, amens, turgidus, inflatus, asper,  
 immitis, furibundus, sine pace, sine quiete,  
 sine fœdere, semper cupiens suam voluntatem  
 nequissimam adimplere, & quia id efficere non  
 potest, in summa mœstitudine vitam agit, &  
 indignatione. Et licet interdum de malo per-  
 petrato aliquantulum gaudeat, tamen rursus de  
 majori bono contristatur. DOM. Reverà  
 ingens hujus bestię calamitas, & ideò amarissi-  
 ma, quia perpetua. Nec minùs miseri & infe-  
 lices sunt, qui hujus pestiferi capitis  
 membra fiunt.

Homines qualiter incorporantur cum Lucifero, & fiunt membra ejus ?

## CAPUT LIII.

RÆMUNDUS.

**D**ictum est paulò antè, quòd non sunt nisi duæ Voluntates primæ inter se plurimum contrariæ. Una est voluntas Dei, & hæc est communis in omnibus bonis Angelis & hominibus. Alia est Voluntas Luciferi mala, & hæc communis est in omnibus perversis Angelis & hominibus. Et quia omnis voluntas prima, inquantum prima, nulli subjicitur, sed facit ex se ipsa suum Regnum & Dominium, & habet suas leges, & instituta, ideò non sunt, nisi duo Regna, Regnum scilicet Dei, & Regnum Luciferi. Et quia hic Lucifer propria voluntate & virtute vult Dominari, ideò tanquam Deus in omnibus suum quærit honorem, se vult coli, se metui, se adorari. Atque ideò omnia illa diligenter inquit, per quæ potest maximè venerari, Dei cultum impediens, & Dei regnum. Videns itaque primum hominem in Paradiso vitam feliciter agentem, Deum colentem, & amantem, & cœlestia post hæc Regna præstolantem, tactus invidiâ cordis intrinsecus, hominem cœpit tentare, discutere, instruere, offerre plurima, & plura promittere. Nec ante destitit improbus exactor, avarus prædo, donec hominem spontè illectum Dei inimicum

efficeret, & suis eum legibus & voluntatibus subjugaret. Hoc modo captivavit hominis voluntatem, quæ eam removet à Dei præcepto, & suis obsequiis irretivit. DOM. Meritò hinc factus est homo mancipiùm & membrum diaboli. A quo enim quis superatus est, hujus & servus est.

RÆM. Debes tamen agnoscere, quod aliter Angeli mali sunt sub dominio Luciferi, & aliter homines. Quia inter Angelos nullus habet propriam voluntatem à voluntate Luciferi separatam. Et ideo inter eos nulla est discordia, nulla lis, nulla rixa, sed omnes unanimiter complere satagunt sui principis voluntatem. Porro homines aliter fiunt membra maligni dæmonis, quilibet enim homo malus habet propriam ex se voluntatem, & tot sunt diversæ voluntates, quot homines. Inde tot inter homines jurgia, tot quotidie lites, & contentiones. Omnes tamen hæ voluntates, quia malæ sunt, signo Luciferi consignatæ sunt, & ad suam militant voluntatem.

DOM. Intelligo planè, his enim pravis hominum voluntatibus diabolus se immiscet. Et quia gaudet in rebus pessimis, ideo movet hominem contra hominem, gentem contra gentem, & regnum adversus regnum. Hujus instinctu fiunt homicidia, stupra, adulteria, veneficia, sortilegia, & mille omnium generum scelera.

RÆM. Ita est sanè. Utitur enim iste malignus hominum impiorum voluntatibus ad sua nequissima desideria, & quod ipse per suos Angelos compellere non potest, hominum perversorum

IR.

illis deducit in actum. Sicut enim eques fræjumentum, cui insidet, ubi voluerit imgit, ita diabolus quasi quodam persuasionis istro hominum mentes (quibus præsidet) in vota perducit. Postquam igitur homo à o inobediendo recessit, diaboli jumentum tus est, velit, nolit illi obediens, illi serviens tributo. DOM. O miserrimam homi-servitutem multis deflendam lachrymis! qui atrones incidens, spoliatus est omnibus bonis, & solum captivus adductus, sed etiam capus captivorum effectus est. Plura dicerem, me lachrymæ, gemitusque præpediunt.

e multiplici carcere, & captivitate col-lapsi hominis.

## CAPUT LIV.

### RÆMUNDUS.

Go quoque non minus quam tu lachryma-baliter mæstus conceptum sermonem retinere non prævalens, quod tu sub tices, ego veriam. Triplicem hominis carcerem debemus agnoscere. Primus est, carcer Corporalis, vallis hæc lachrymarum, in quo de amœssimo paradiso projectus jacet. Potest etiam hoc mortale corpus caducum, & miserum, metò etiam carcer appellari, in quo anima languida & moribunda implicita retinetur. Secundus carcer est spiritualis, ipsa scilicet voluntas diaboli, quæ est carcer universalis, in quo re-

N 5

clu-



cluduntur omnes impiæ voluntates, ut neque<sup>nt</sup> ant operari, nisi ad Luciferi voluntatem. DOM. In hoc carcere (si non fallor) & ipse Lucifer implicitus tenetur, ut stultus innectatur vinculis suis. RÆM. Nihil verius. Tertius carcer est ipsa propria hominis voluntas, in qua ipse homo compedibus astringitur, ut sese ad bonum movere non possit. Nulla certè major est - & crudelior captivitas, quàm propriæ voluntatis. Hæc est illa insatiabilis vorago, & implebilis charybdis, quæ in infinitum sua desideria tendit cumulata, à Dei voluntate recedens, per tot spargitur concupiscentias, quot se res offerunt, quæ poterant concupisci. DOM. O quàm salutiferum esset homini sub Dei voluntate mansisse! jam enim haberet summam in sua Patria libertatem, nullam nunc sciret aut mortem, aut corporis miseriam, nullam horum carcerum sentiret angustiam, nullam experiretur Dei indignationem, sive vindictam.

Corruptio liberi arbitrii, & ipsius carnis contrario modo se habet in primis parentibus, & in posteris.

## C A P U T L V.

RÆMUNDUS.

**H**Umana natura dividitur in duas partes, in primos scilicet parentes, & in suos posteros. Primi parentes non sunt propagati, sed Dei manu conditi. Tota autem posteritas carnem

n quidem propagatione sumpsit ad Adam, sed  
mam creando Deus infudit carni propagatæ.  
ia igitur carne ab Adam descendit tota poste-  
s, sequitur, quòd omnis corruptio, quæ in  
teris invenitur, de carne corrupta venerit  
toplasti, & hæc corruptionis diversitas. Ille  
m corruptionem carnis traxit de corruptione  
verbissimæ voluntatis, nos autem qui posteri  
nus, de carnis corruptione animarum nostra-  
n maculas possidemus. Illius carnem corru-  
contumacis animæ inobedientia, nostram  
mam commaculat miserabilis, & infirma  
o, de foetenti libidine per propagationem  
nerata. Omnis enim caro humana, quæ per  
itum foedæ libidinis generatur, infirma est,  
didida, caduca, mortalis, & rationi rebellis,  
na concupiscentiarum, & malorum motuum.  
idè anima rationalis, quæ tali carni sociatur,  
ntinudè inficitur, pervertitur, corrumpitur,  
didatur, non aliter, quàm si balsamum pu-  
limum turpissimo vasi infuderis. Hanc cor-  
ptionem contractam à carne anima manife-  
st, quando uti incipit libero arbitrio. Tunc  
im invenitur, Deum ignorare se & sua bona,  
mala nescire, suam amare voluntatem, &  
ei iussa contemnere. DOM. Duos ex his,  
æ dicis animæ status accipio. Unum, quem  
libet ante usum arbitrii, in quo propter cor-  
ptam carnem, cui jungitur, jam est immun-  
a, turpis, & Deo odibilis, licet nihil suâ spon-  
peccaverit, cui tamen hæc immunditia impu-  
tur propter carnem primi patris corruptam,  
cui

cui inhæret. Alium statum habet anima post usum liberi arbitrii, quod quia prius à carne vitiatum est, ideò ipsa anima propria voluntate actualiter malum agit, & non potest nisi malum agere, & Deo rebellare. Et ideò efficitur multò deterior, & turpior, quam fuerat antè. Si eam potuit inquinare, & ream facere crimen originale, & involuntarium, multò magis rea erit propter actuale malum, quod voluntariè commisit. Sed dic mihi obsecro, quare Deus, qui iustissimus, & clementissimus est, animam ream tenet propter originale crimen, quod voluntariè non contraxit? RÆM. Reum quidem tenet, involuntario tamen malo non punit. Quia nemo debet pœnâ involuntariâ puniri, nisi voluntariâ culpâ deliquit. Separatur tamen talis anima æternaliter à consortio Dei propter originalem maculam, & mortiferam, quam ab Adæ carne contraxit. Et in hoc vide districtissimam iustitiam Dei, quæ animæ ignoranti malum imputat, quod spontè non fecit. DOM. Sed quare Deus animam mundissimam corpori infundit, quam novit sordidandam esse, atque corrumpendam? RÆM. Quòd anima corrumpitur, atque etiam post corruptionem à Dei consortio separatur, nullatenus est bono Deo imputandum, nec est contra Dei iustitiam, si malum culpæ transmittatur ad posteros. Hæc est enim inter Deum & hominem facta constitutio, ut homo per coitum carnem gignat, & Deus genitæ carni animam infundat. Sed postquam primus homo suum corpus

inobediendo corrumpit, & per tale corpus corruptum fit aliorum corporum propagatio, & corpora, ita & corporum vitia transmittuntur. Licet igitur homo suum opus corrupe-

Deus tamen propositum ordinis suis mutare non debuit, quamvis enim caro sit Dei iusto iudicio punita, hoc est caduca, & corruptibilis creatura, propter hoc tamen primam constitutionem Deus violare noluit, quin semper propagans corporibus, licet vitiatis, animas mundas mandaret, quibus dum sociatae fuerint, maculas attrahunt, & ruinas. Ista igitur ruina non imputanda est, sed infecto, & pestifero corpori, quod à ruinosa & corrupta carne primi parentis descendit, de cujus peccato quidquid evolum vel miserum, in anima, & carne positas patitur, originem duxit. DOM. Sed

quid ipsa propagatio, seu generatio de se transmittit in posteros ipsam quam cernimus usque hominis corruptionem? RÆM.

Non ipsa generatio, sed generationis libido, & generationi de communi lege ruinæ conjungitur.

Nam ante peccatum fuisset utique propagatio, sed libido nulla fuisset. Cerne nunc,

Dominice, miserabilem hominis corrupti gædium, luctu, & lachrymis plenam. DOM.


mi fateor, optime magister, & inconsolabili ore percussus sum. Nec ullatenus potero re-

are, nisi ostenderis mihi, quibus remediis contingenti poterunt hominis mala reformari.

M. Animo æquior esto, in proximo est ut sceleris. Verum quia cernis prandii horam

insta-

instare, quæso, ut usque post meridiem præstoleris. DOM. Pareo libens.



## S E X T U S

## DIALOGUS.

De reparatione lapsûs humani, & quòd per unum omnes confurgimus.

Qualis, & quàm magna sit hominis obligatio pro injuria & offensa Dei.

## C A P U T L V I.

## RÆMUNDUS.

**P**RÏUSquam loquamur, quomodò possit collapsus, & contractus homo reparari, necesse est dicere de magnitudine offensæ, & maxima obligatione injuriæ, quam homo protervus, & inobediens in Deum maximum perpetravit. Tunc primùm tibi sapiet magnitudo, & dulcedo remedii, cùm magnam ægritudinis acerbitatem agnoveris. DOM. Rursum (ut video) me ad lachrymas mittis. RÆM. Ita omninò necesse est. Nunquàm nec humilis, nec gratus tuo medico fies, nisi ægritudinis tuæ mor-

rum ad liquidum deprehenderis. Non  
abis medicum tibi opportunum fuisse, nisi  
in vulnere tuorum desperatam putredinem  
cognitus fueris.

DOM. Si sic necesse est, fa-  
ce, ut voles.

RÆM. Ut magnitudinem  
peccati atque offensæ agnoscas, oportet te non-  
nulla animadvertere. Primum est, quòd om-  
nis offensa tanti est æstimanda, tantumque pon-  
danda, quanta est ipsa, quæ offenditur per-  
sona. Cum igitur sit Deus infinitæ majestatis,  
bonitatis, & bonitatis, ideò injuria in Deum  
commissa penitus est infinita.

DOMIN. Sic palàm intueor, quòd qui Deum offendit,  
obligat se ad infinitam atque interminabilem  
penam.

RÆM. Secundum: Nam ex quo  
injuria in Deum commissa lædit, ac destruit,  
tantum ex se est, Honorem & Gloriam Dei,  
quod est infinitus, ideò talis in homine contem-  
pfit in infinitum, & ad infinitam obligat ama-  
ritudinem. Tertium: Si homo complèssset in-  
servatione mandati voluntatem Dei, infiniti  
bonum, & meritum interminabile meruisset.

qui enim facit, quod præcipit Deus, obli-  
gat se Deum sibi, ut præmium referat infinitum.  
Sed quando homo facit, quod prohibet Deus,  
obligat se Deo ad demeritum, & ad supplicium  
perpetuum. Faciendo itaque quod odit atque  
reprobat Deus, plus operatur de malo, quàm  
quod illi operatus est bonum. Nam Dei mu-  
nera, quamvis maxima, tamen finita sunt, sed  
pena culpæ, quod perpetrat in Deum homo,  
est infinita.

DOM. Colligendo ea, quæ  
sunt

suprà dixisti cùm his , quæ nunc dicis , duas hominis obligationes esse considero. Una est naturalis , quæ causatur de Dei beneficiis acceptis , per quam astringitur homo dare Deo, quidquid invenit in se amoris , reverentiæ , laudis , & honoris. Hæc obligatio & bona , & perpetua est. Alia obligatio est , quam fecit homo pro malo culpæ , quod operatus est , per quam astringitur homo dare Deo, quidquid invenit in se amoris , reverentiæ , laudis , & honoris. Hæc obligatio & bona , & perpetua est. Alia obligatio est , quam fecit homo pro malo culpæ , quod operatus est , & pro offensa in Deum commissa. RÆM. Benè consideras. Sed hoc debes etiam nôsse , quòd homo hac secunda obligatione implicitus primam solvere non potest. Impossibile est enim , ut homo criminibus irretitus , & Dei inimicus , reddat Deo debitum dilectionis , honoris , & laudis , quod tamen pro susceptis beneficiis reddere continuò tenetur. Vides igitur , quàm nociva , quàm maligna hæc obligatio sit , quæ primam impedit ut reddi non possit. Hæc præterea obligatio aliam de se generat omnino funestissimam. Nam qui mortali peccato obligatus est , à peccato perpetrando se continere non potest. Qui enim facit peccatum , servus est peccati , qui autem servus est , ut peccato obediat , necesse est. Uno igitur peccato commisso , impellitur continuè homo , ut secundum , tertium , quartumque committat . ut qui malus est , malus fiat adhuc , & qui sordidus est , sordescat adhuc. DOM. Hæc

Hæc tertia eſt omnium peſſima obligatio, quæ in extremam calamitatum miſeriam hominem præcipitem facit. Hinc jam patet, quàm ſummè malignum fuerit illud primum originale peccatum Adæ, quod nos in tam peſſimas obligationes, & mille miſerias detruxit. RÆM. Verè malignum, & totis animi medullis execrandum, quod ex his rationibus poteris intueri. Primò. Sicut nihil dignius, nihil præſtantiùs libero arbitrio, ita nullum malum pejus eſt, & deteſtabilius, quàm culpa, & corruptio voluntatis, atque arbitrii. Quando igitur per inobedientiæ culpam deſtruxit liberum arbitrium, tunc illud deſtruxit, quod erat in rerum natura omnium præclariffimum, pulcherrimum, nobiliſſimum. Secundò, omnes creaturas ſub homine Deus conſtituit propter liberum arbitrium, quodum homo violavit, violavit etiam univerſum creaturarum ordinem, & rerum omnium pulchritudinem ſua deformitate ſœdavit, & quantum in ſe fuit, fruſtravit totum univerſum debito-  
re. DOM. Hac ſua corruptione (ut viſo) niſus eſt Dei honorem, quem de rerum inſtitutione promeruit, vacuare. Quod malum, ſua voluntariè admifit, ideò maximam offenſam conſtituit. RÆM. Verùm dicis, ſed & dendo ſeipſum vacuavit Dei optimam intentionem, ut nihil ultrà valeret, nec poſſet jam ruptus in illum beatitudinis æternæ finem duci, ad quem illum condiderat. Quartò, ſentiendo Dei maximo inimico, & ſua vota implendo, quem ex ſua perſuaſione Dei hoſtem

Q



Item ignorare non poterat, audivit enim eum contra Dei mandata loquentem, huic igitur consentiendo, qui Deum mendacem nitebatur asserere, summam Deo fecit injuriam, & despectu suo postposuit inimico.

Quintò, non solum semetipsum perdidit, & Dei servitio subtraxit, diabolicæ se mancipans servituti, sed & totam posteritatem suam divinis subduxit obsequiis, & sub Luciferi posuit potestate. An hæc tibi crimina parva videntur? DOM. Imò verò maxima sunt. Sed quæso te, quousque animam meam tollis, quare non dicis mihi, quibus remediis tanta poterunt mala sanari? Homo ad Dei imaginem conditus, corpus & animam perdidit, mille se vitiis inquinavit, odium sui Creatoris incurrit, non solum paradysum, sed & cœlum (cui creatus fuerat) amisit, & sub dira diaboli potestate delitescit. Quis tantis malis afferat medicinam?

Homo infinita indiget satisfactione, quæ nisi per infinitam personam solvi non potest.

## C A P U T LVII.

### R Æ M U N D U S.

**Q**uia igitur mala hominis maxima sunt, ideo maximis remediis opus habent. Et quia culpa in Deum commissa est infinita, ideo & infinito indiget expiatore. At quoniam culpa est infinita, ideo meruit & infinitam pœnam, & hanc

hanc quoque necesse est expiare, si debet homo in statum, quem perdidit reformari. Ad omnem enim culpam, aut punitio sequitur, aut satisfactio. Si igitur homo vult destruere culpam, quam admisit, & poenam evadere, quam promeruit, oportet quòd tam magnum operetur bonum, ut vincere possit malum, quod prius nequiter perpetravit. Ut igitur recuperet homo perfectam sui Creatoris amicitiam, necesse est, ut reddat illi pro obligatione infinita satisfactionem infinitam, & hoc cum tanta faciat humilitate, quantum antea superbit. Oportet igitur, quòd talis satisfactio sit voluntaria, libera, amorosa, de intimis cordis medullis erumpens, dulcis, jucunda, salutifera. DOM. Quis hanc quæso satisfactionem poterit operari? Nunquid homo captivus, incarceratus, mille vulneribus saucius, Dei adversarius, dæmonis amicus? Sed nunquid Angelus, qui cum finita persona sit, tollere poterit malitiam infinitam? Nunquid Deus id efficere volet, qui ab homine turpiter inhonoratus, despectus, & offensus est, & sub Dei odio constitutus? Cum enim Dei justitia exasperata sit, quomodo eam nequitiam volet expiare, quam debet meritò punire? REM. Multum laboras, multum anxius es. Sed nunquid humiliavit ex corde suo, & abiecit filios hominum? Nunquid obliviscetur misereri Dominus, aut continebit in ira sua misericordias suas? Nunquid hominis malitia Dei bonitatem evacuavit? Absit. Concludamus igitur, quòd ex quo illud, quod homo solvere tenetur

O 2

netur

netur Creatori, majus sit, quàm quidquid est citra Deum, & hoc non est nisi Deus, clarè sequitur, quòd nullus potest hanc satisfactionem operari, nisi solus Deus. Intellige, quæ dico, nullus potest solvere nisi Deus, & nullus debet nisi homo. Oportet igitur qui hoc bonum operaturus est, Deus sit, & homo. Debent ergo Deus, & homo in unam convenire personam, ut Deus sua bonitate hominis miseriam expiare velit, & homo possit. Nisi enim Deus homo fiat, & homo Deus, ruina hominis non poterit sublevari, hæc autem persona cum sit infinita, habebit in se aliquid, quo citra Deum nihil est majus, quod sua magnitudine, & dignitate deleat omne debitum, & omnem compleat satisfactionem. DOM. Quantum ergo concipio, hæc persona infinita cum Deus sit, nihil pro culpa debebit Creatori, atque idè exsolvere poterit pro his omnibus, qui non possunt reddere, quod debent, quia non habent. Non est igitur extra hanc personam spes ulla salutis, quæ potest habere meritum infinitum, & duplici ratione iram offensæ justitiæ mitigare: primò, quia Deus est: secundò, quia homo divinus est. Ratione primi efficacissimè reconciliare potest, ratione secundi meritum infinitum adducere potest, quo Deus infinitus mitigetur, & culpa infinita removeatur.



De

De conditionibus , quas oportet habere  
hanc personam infinitam pro nostra sa-  
tisfactione.

## CAPUT LVIII.

RÆMUNDUS.

**O**ptimè hoc mysterium concepisti , verùm ,  
ut melius cuncta cognoscas , dicam tibi ali-  
quas conditiones , quas necesse est hæc persona  
habeat , si debeat ad liquidum Deo hominem re-  
conciliare. Prima est : oportet eum esse de ge-  
nere hominis istius , qui ad pœnam obligatur  
immensam , nec sit de novo ut Adam formatus.  
Alioquin nisi pertinuerit ad genus humanum ,  
hominis offensam delere non poterit. DOM.  
Meritò id sequitur , nam sicut ab homine obli-  
gatio venit , ita & ab homine venit satisfactio ,  
& tali homine , qui de progenie sit ejus , qui pec-  
caverit. RÆM. Oportet secundo , quòd  
talis homo mundissimè , sine libidine , sine coi-  
tu concipiatur. Cùm enim genitalia membra  
sunt inobedientiæ membra , ut suprà patuit , per  
quæ in omnes homines corruptio & rebellio ve-  
nit , ideò iste homo , qui inobedientiam omnem ,  
& corruptionem remove tenetur , genitalibus  
membris gigni non debet , alio quin simili con-  
tagione pollutus , pro aliis satisfacere non pote-  
rit. Corpus igitur hujus viri debet manu Dei  
de carnis superbia in utero mulieris formari , quæ  
sit quidem de genere Adam , sed tamen purissi-  
ma , & sanctissima , & integerrima virgo. Et  
O 3 sicut

sicut vir iste in utero virginis non per vulvam venit, ita ab utero nascetur genitali membro integro permanente, ut ipse filius sit castissimæ virginis, & ipsa ante partum, & post partum virgo perduret.

DOM. Cum igitur unam in Trinitate personam incarnari dicimus, quam harum esse arbitramur, Patrem-nè, an Filium, an Spiritum sanctum?

RÆM. Non aliam utique, quam filium, ut qui filius est in divinitate, in humanitate quoque filius sit, & qui habet patrem solum in cœlis, solam habeat matrem in terris. Tertia conditio est, quodd vir iste, sicut habet humanum corpus, ita & humanam habeat animam necesse est. Alioquin non esset idoneus, qui posset redimere. Quarta, quod sit homo mortalis dispensativè, qui sua morte nostram possit mortem destruere. Licet enim vir iste debeat Deo omnium Conditori summum amorem, reverentiam, gloriam, & honorem, morti tamen non est obnoxius. Cum enim innocentissimus sit, non potest justè ab illo Deus mortis exigere pœnam, in quo nullam invenit culpam. Solum igitur, quod sanctissimus iste Deo non debet, est mors ipsa, quam si sponte, & ex mero Amore Deo obtulit, tradideritque in mortem animam suam, quæ nimium est Deo chara, & pretiosa, cum sit omnium terribilissima & difficillima, fiet plenissima satisfactio pro mortibus peccatorum, & una mors innocentissima, & voluntariè assumpta, mortes multas & innumeras expiabit.

DOM. Intelligo hunc propitiatorem generis humani oportere esse

se mortalem, alioquin mortem debitam tollere non posset. Pœna enim infinita iustissime merita non potest nisi innocentissimâ, & pretiosissimâ pœnâ damnari. RÆM. Sanctissimus est conceptus tuus. Hinc jam quin tam conditionem intellige, oportere hunc optimum virum non solum mori pro Dei honore, & hominis utilitate, sed etiam libentissime, & devotissime, & intimis animi medullis mortem appetere, & sustinere. Oportet igitur, quod vir iste sit summè benignissimus, summè dulcissimus, & erga collapsum, & miserum hominem maxima compassione & pietate commotus, ut magis ipse amarissima deligat morte perfungi, quàm hominem suæ consortem naturæ æterna sinat morte perire, magis cupiat hominum salutem, quàm propriam vitam retinere. Necessè est igitur, ut non respiciat ad hominum malitias, offensas, crudelitates, sordes, nequitias, magis autem consideret, quod homines sunt Dei imaginem portantes, miseri, calamitosi, cæci, pauperes, & mille incommodis circumsepti. Non debet igitur homines malos odisse, sed compati, flere, ingemiscere, & sua mitissima lenitate, sua quoque bonitate dulcissima omnem nequitiam vincere, omnem crudelitatem superare, omnem offensam, & injuriam æquanimiter perferre. Oportet igitur, ut omnes sibi contradicentes, & occidere volentes, diligat, foveat, amplectetur, cujus immensa bonitas omnem sponte remittat injuriam, & ad nullam respiciat inclementiam. DOM. Non contineo lachrymas

præ amore, & dulcedine verborum tuorum. Verè magna huius dulcissimi viri benignitas, & charitas immensa, quòd talis, tam iustus, tam sanctus, innocens, impollutus, mori velit pro hominibus malis, impiis. ingratis, & omni pœna dignissimis. Multùm reverà humana natura gaudere deberet, si talem, & tam verè suavem posset hominem reperire. Sed rogo te, qua occasione poterit homo iste pro Dei honore occidi? Nunquid perimet semetipsum?

Qualiter homo iste poterit occidi ad Dei honorem, & quis eum occidet?

## CAPUT LIX.

RÆMUNDUS.

**N**on utique perimet semetipsum, tale enim opus nec Dei iustitiam operatur. DOM. Quomodò ergo poterit vir tantæ dulcedinis, & bonitatis occidi? RÆM. Veniens in hunc mundum, inveniet homines corruptos, malos, contra iustitiam, contra naturam, nequissimam vitam agentes, propriam amantes voluntatem, propriam laudem, & gloriam consecrantes. At quoniam vir iste erit summè bonus & optimo vivendi genere perfectissimus, ideò necesse erit, ut verbis, & exemplis impugnet malorum hominum vitam, scelera corripiat, opera iniusta castiget. Verùm quia veritas odium parit, hac tali iustissima increpatione multorum contra se invidiam concitabit, qui eum ad mortem usque injustissime persequentur. Ipse verè inde-

declinabiles justitiæ, & æquitatis semitas tenens, nec mortis discrimina pertimescens, magis eliget ab illis occidi, quàm Dei injuriam dissimulare, aut turpissimas nequitias non arguere. Hoc pacto dabit efficacissimum exemplum imitatoribus suis, ut magis velint mortem eligere, quàm aut Dei justitiam deferere, aut hominum sceleribus assentire. Iste igitur optimus hominum, licet mala impiorum voluntate perimendus sit, spontanea tamen, & devotissima mente ad Dei laudem, & hominis utilitatem, hanc mortem intrepidus sustinebit.

DOM. Non possum satis mirari, quomodò tanta poterit in hominibus crudelitas inveniri, ut virum mansuetissimum, & fructuosissimum velint occidere. Unde quæso tanta invidia, tanta poterit malitia generari?

RÆM. Dicam breviter: Genus humanum, sicut nôsti, deceptum, captivumque detinetur sub potestate nequissimi Luciferi, qui suum in hominibus quærit honorem, laudem, & magnificentiam. Iste autem novus homo novam hominibus doctrinam prædicabit, & nova omnia, quæ ad Dei honorem, & hominis ereptionem pertinent, operabitur, quò diaboli regnum in hominibus destruat, & convellat. Nisi enim summis viribus pugnet contra Luciferi pertinaciam atque superbiam, irretitum hominem non poterit liberare.

Cernens igitur serpens antiquus talem, tamnìque potentem contra se novum hominem insurgere, & in quem nullam habeat potestatem, nec per se lædere illum possit, nec cohibere, ne prædam diu posses-

O ;

sam



sam amittat, collectis viribus, huic homini se objiciet. struens per membra sua insidias, fraudes, persecutiones, & mortes. Maxima itaque invidia concitatus, quosdam nequissimos homines inflammat, qui spiris serpentinis accensi hunc velint hominem perimere, & penitus eradere de superficie terræ. Sed nihil proficiet crudelissima malignatio, nam omne commentum Luciferi in suum caput rerorquebitur. Nam ex quo hunc justissimum hominem occiderit, in quo nihil juris habet, & illum morti addixerit, qui nihil penitus morti debuit, justè omne Jus, quod in humano genere habere videbatur, perdet, quia Chirographum, cui innitebatur excessit, ab illo exigens pœnam, in quo nullam reperit culpam. DOM. Hinc clarissimè intelligo, quomodò iste vir maximus dæmonis fraude ad Dei gloriam occisus diabolum suis vinculis irretivit, & captivum sub suo dominio retentabit. Ut qui primum hominem fraude decipit, per secundum hominem subjugatus fit, & quidquid per casum Adæ lucratus est, hujus industriâ totum amittat.

De conditionibus, & circumstantiis quas hæc mors pretiosa est habitura.

## CAPUT LX.

RÆMUNDUS.

**A**T quoniam satis jam nôsti, quòd hæc mors pretiosa hujus mitissimi, & maximi viri est hu-

humano generi summè necessaria, ideò quas circumstantias, ut magis nobis fructuosa fiat, sit habitura, debes advertere. Primò, cùm vir iste omnium dulcissimus, sit ex mera ad nos miseros compassione moriturus, ideò mors ejus erit omninò spontanea, devota, amore & charitate plenissima. Secundum sequitur ex primo, videlicet, quòd ista mors non erit fortuita, nec violenter, nec fraudulenter ipso ignorante ingesta, sed erit per hunc ipsum ab æterno provida, & certo tempore, & ordine, & loco, & modo, quo voluerit præparata. Tertiò, ut hæc mors sit admodum nobis fructuosa, erit sustinenti amarissima, erit etiam turpis, probrosa, contumeliis, ludibriis, & ignominiis plena.

**DOM.** Hæc est hujus optimi miseratoris benignitas infinita, ut non solum simplicem mortem, sed & pœnis maximis, & vituperiis refertam perferre suâ spontè dignetur. At ideò hæc mors nostram mortem, & omnem injuriam, & mille scelera facilè evacuabit. **RÆM.** Verum dicis. Hinc jam citiùs accipis quartam hujus mortis conditionem, quòd ingeretur huic viro in loco publico & solenni, in clara luce, in meridie, in festo die, & in frequentia aspectuque innummerabilis populi cum impiis, & sceleratis. Hæc homines nequissimi, instigante diabolo, qui occultas in hunc virum exercet inimicitias, perpetrabunt, quòd mors ista fiat omnium turpissima, ignominiosissima, & cunctis hominibus execranda. Ipse verò hæc omnia læto & devoto animo sustinebit, sciens, quia mors sua nobis  
con-

convertetur in vitam, & contumelia atque ignominia transibit in gloriam. DOM. Magnum profectò pietatis mysterium, qui per tam enormem hominum malitiam nostram est malitiam destruet. Imò verò ipsa malitia destruet semetipsam, & quantò robustius super hunc virum incubuerit, tantò ipsa facilius in omnibus perfundabitur. Mors enim hæc sanctissima sicut per iniquitatem committitur, ita & propter iniquitatem toleratur, & sic potest utramque iniquitatem perimere, ejus, à quo commissæ est, & propter quem perpeffa est.

Quàm rationabiliter sequatur salvatio humanæ naturæ per hanc mortem.

## C A P U T LXI.

### R Æ M U N D U S.

**N**Unc faciliter licebit advertere, quomodò hæc mors sit nostra vita, & ista peremptio sit nostra salvatio. Nam cum iste, qui hanc mortem patitur, sit Deus, & Dei filius, ac perinde infinitæ dignitatis, ideò & mors ista, quam offert Deo, est in infinitum pretiosa, & meritoria. Tenetur igitur justus Deus, qui per hanc mortem in infinitum honoratus est, præmium reddere infinitum. At quoniam vir iste, cum sit plenus omnibus bonis, ut puta verus Deus, ideò sicut nullo eget, ita nihil recipere pro se potest. Cum igitur necesse sit, Deum aliquid quod maximum sit largiri, & iste recipere non possit, relinquatur ergo, ut iste volente, & annuente,  
alii

alicui alteri detur, qui bono maximo summo perire egeat, & carere non possit. Sed cui convenientius, rogo, dabit vir iste mortis suæ fructum, & tanti boni hæredes efficiet, quam parentes, & propinquos, & fratres suos, quos videt summa paupertate deficere, & mille calamitatibus fatigari? Dabit igitur hominibus infinita merita sua, quibus obligationem redimant, culpas solvant, Deum iratum mitigent, & à diaboli laqueis resipiscant. Ecce, mi Dominice, invenit humana natura in hoc uno homine, quod spontè, & non ex debito Deo tribuat, quod verè suum sit, hoc dum tribuerit, de Dei manibus, & tormentis innumeris se redemit. DOM. Patet igitur, quòd omnis homo, qui ad gratiam huius viri accesserit, & illi cum bono affectu inhærere voluerit, liberabitur ab omni, quo irretitus est malo, & ad reconciliationem plenissimè transferetur. Qui verò hanc gratiam aut contempserit, aut dissimulaverit, iste in æternum peribit, reus sempiterno delicto, nam & ira Dei permanet super eum. RÆM. Nihil verius. Debes prætereà nōsse, quòd duplici jure huic homini debetur regnum cœlorum. Primò ratione filiationis, quia ipse etiam ut homo erit charissimus Dei filius, solus semper faciens beneplacitum patris. Huius gratiâ sibi solipromeretur Regnum cœlorum, & nulli alteri. Secundò, merito suæ dignissimæ Passionis, & hanc gratiam dabit fratribus suis, ut fiant hæredes Dei, cohæredes autem sibi. DOM. Utæ sunt summæ, & impretiabiles divitiæ, quibus

bus meritò mortis ejus omnis nostra paupertas expietur, & in finitis bonorum omnium thesauris repleatur. RÆM. Sed nunc jam intueri, quomodo hæc mors omnem culpam humani generis, & omnem offensam exterminet. Quadrex est culpa. Prima est Originalis generalis, & hæc est primorum culpa parentum superinducta in omne hominum genus. Alia est culpa Originalis particularis, quam quælibet anima humana contrahit, dum vitiata carni sociatur. Tertia est Actualis, quæ post usum rationis ab unoquoque committitur, quæ quotidie in homine sine numero multiplicatur. Porro hæc mors summè pretiosa primò & principaliter quam circò fuerit effecta, tollet culpam illam generalem, quæ una erat & latè diffusa in tota humana natura, atque hoc modo penitus renovabitur. Sed aliæ duæ culpæ particulares non statim tollentur post hanc mortem, nisi in illis tantum, quæ huic optimo viro inhæserint, & in suis se membris credendo & amando constituerint. Parvuli autem qui non habent usum arbitrii, sicut habent solam culpam ab aliis contractam, ita poterunt huic viro per alios, qui adulti sunt inhærere, & hoc eis sufficit ad salutem. Qui verò utitur arbitrio, & huic viro non inhæserit, nec ejus signaculum discretionis suscepit, peribit anima illa de populo suo. DOM. Cum ingenti te audio voluptate. Sed quæ est illa quarta culpa, quam nondum tetigisti? RÆM. Ipsa est culpa Personalis omnium maxima, culpa in quam illorum, qui hunc virum benignissimum occi-

occisuri sunt. DOM. Cùm hic vir sit infinitæ bonitatis & majestatis, non puto, quòd mors ejus, quæ tam iniquis manibus consummabitur, possit eam culpam delere, quæ peccatur, cùm ipsa circa hunc plus operatur mali, quàm mors ejus operetur bonum. Mors enim solos nos respicit & despicit, qui nihil sumus, sed culpa in illum tendit, & illum perimit, qui est summè bonus, & infinitus. RÆM. Dico primò, quòd multum alleviabit hanc culpam personalem ipsa perimentium ignorantia. Si enim nossent, nunquàm Deum gloriæ crucifigerent. Secundò meritum hujus viri erit duobus modis infinitum: Primò ex parte operantis, quæ est persona infinita, secundò, ex parte Dei acceptantis. Omne enim meritum acceptabile Deo est infinitum; mors igitur ista erit infinita & ex parte morientis, & ex parte mortem acceptantis, omnis autem culpa & Personalis, & Actualis & Originalis est solum infinita ex parte Dei, in quem committitur, sed non ex parte hominis, à quo committitur. Sic ergò sapientia vincet multiti-  
tiam, & mors ejus omnem nequitiam expiabit. Debestamen scire, quòd iste humani generis Redemptor non solum purgabit peccata nostra infinita satisfactione, sed etiam immensa cordis contritione. Satisfactio per mortem respicit offensam Dei ultitiam. Sed quia Dei infinita benignitas etiam exasperata est, idèd oportet eam hujusmodi infinitis lachrymis, gemitibus, & doloribus mitigari. Nam quantum Deus bonus est & amabilis, tantum est ipsa odibilis & aspe-

aspernabilis culpa, & ideò necessarium est, eam summis animi compunctionibus expiari. DOM. Hoc postremum maxime ostendit, quam necessarium sit collapsio, confractio, & obduratio homini talis medicus, qui sua morte, suo sanguine, suis lachrymis, & gemitibus nostris vulneribus medeatur. Overè dulcissimum virum amoris brachiis complexandum! Sed quæso te, quomodò hic se geret post susceptam mortem?

Qualiter vir iste se habebit post mortem ad seipsum & omnes creaturas?

## C A P U T LXII.

R A M U N D U S.

**P**Rimò scito, quod occisus in mortem non poterit à morte detineri. Cum enim sit Deus verus, omnipotens, summè sapiens, & maxime clemens, ideò omnia faciet ut sapientissimum & optimum decet. Suâ ergò potentiâ se suscitabit occisum, ut sicut sua mors, ita & sua resurrectio nostris periculis suffragetur. Nihil enim prodesset, morte plenissime satisfacere, si remaneret in morte. Nam nemo hominum illum crederet, neque speraret, nec se illi conjungeret, quem videret morte prosteri. Quomodò enim meam mortem vinceret, qui suam non potuit superare? Indecens præterea, ut corpus tam sanctum, tam mundum, tam gloriosum in sordentem pulverem convertatur, quod spon-  
gè sine debito mortis in mortem se tradidit pro  
mun-

mundi vita. DOM. Nunquid iterum mortalis reſurget; vel certe immortalis? RÆM. Uti- que immortalis. Nam fruſtrâ ruſum mori cu- peret; cum una morte ſufficienter omnem cor- ruptionem deleverit; & mortem. Non autem ſolùm reſurget immortalis; ſed etiam aſcendet cum ſummo triumpho ſuprà omnes cœlos, ut à patre recipiat poſſeſſionem æternam pro huma- na natura; & illic reſidens, in dextris Dei colligat in cœlis, quos emit in terris. DOM. Illic igitur ſublimis reſidens, quomodò ſe geret ad cæteras creaturas? RÆM. Creaturarum qua- tuor ſunt partes. Una eſt corporalis, tantum: Alia eſt partim corporalis; partim ſpiritalis, ut natura humana. Tertia eſt merè ſpiritalis, ut natura angelica. Et hæc eſt bipartita; ſunt enim Angeli boni, & Angeli mali. At quoniam ho- mo iſte ratione humanitatis erit creatura omni- um nobiliſſima; altiſſima; & una perſona cum deitate conjuncta, ideò ſub ſe habebit omnes creaturas, ſubjicienturque pedibus ejus. Erit ergò dominus & caput honorum Angelorum; qui ſuum in Lucifero corruente caput perdid- erunt. Iſte itaque homo ſublimis ſua majeſtate redintegrabit Angelorum ruinam; & Caput ſe illis Dominumque conſtituet. Ecce hoc eſt caput; quod ut notares diligenter ſuprà com- monui. DOM. Memini equidem; & nunc clara luce illud intueor. Cum enim vir iſte ſit multò excellentior; & in infinitum melior; quàm erat Lucifer ante ruinam; ideò rectiſſimè



erit bonorum caput & princeps Angelorum, atque hoc pacto plùs multò angelica natura recuperabit, quàm perdiderit. Sicque in ordine Creaturarum bonarum una erit creatura multò major in bonitate, quàm sit Lucifer malus in malorum genere Creaturarum. Nam (nisi fallor) ante hunc virum nulla creatura erat ita bona, sicut post ruinam primus Angelus factus est malus, atque ita malum bonum superabat. Hoc autem viro super Angelos caput constituto, bonum longissimè malum vincet, quia sine ulla comparatione erit melior, quàm sit Lucifer iste malignior. Duobus igitur modis bonum malum superabit. Primò, quia major erit hujus viri bonitas, quàm in omnibus malis sit scelerata perversitas. Secundò, quia opera ejus tantò erunt meliora, quantò deteriora sunt malevolorum dæmonum atque hominum opera. Da veniam, si te meo sensu fatigo, & prosequere, quod tuum est. RÆM. Erit quoque hic homo divinus malorum etiam dominus Angelorum per justitiam, sub cujus pedibus malignus Lucifer captivus innodatusque tenebitur, ut ne pedem quidem, aut unguem, præter ejus imperium movere possit. Erit tertio omnium hominum Dominus, & suorum fidelium sublimissimum Caput. Erit quartò, Dominus totius Universi. Omnes enim creaturæ propter hominem, ergò sicut est Dominus hominum, ita erit & Creaturarum, terræ scilicet, aëris, & ignis, & omnium quæ sunt, quæ vivunt, quæ sentiunt. DOM. Satis jam ostendisti, quis, quantus, & qualis, quam-

quamque necessarius sit, qui genus humanum debeat liberare, sed nunquid volet Deus nobis talem hominem largiri?

Quòd Deus volet humano generi hunc hominem largiri: & quòd JESUS Christus ipse sit iste homo.

## C A P U T L X I I I .

### R Æ M U N D U S .

**O**Mnino necessè est, ut Deus velit hunc hominem dare generi humano. Ad hoc enim cogit cum sua immensa benignitas, quæ non patitur funditus mundum interire. Quid enim proderit, in tanta dignitate hominem condidisse, omnemque creaturam in suum obsequium statuuisse, si homo non est illum in quem conditus est finem adepturus, sed perpetuò miserè periturus? Præterea, si nullus debet hominum salvari, tunc frustrà illi serviunt creaturæ, quod divinæ sapientiæ summè repugnat. Cum igitur sapiens Deus finat hominem de creaturis continuè vivere, signum est infallibile, quòd intendit hominem collapsum reparare, & in finem propter quem plasmatus est, Tertiò, hoc ipsum patet ex continua multiplicatione generis humani super terram. Nunquàm Deus post peccatum primi patris multiplicasset homines in terra, imò subitò destruxisset, nisi cogitaret Deus super hominem cogitationes pacis, & miserationis. Quartò, si aliquo temporis momento non fuit in mundo aliquis hominum, qui debuit salvari,

jam tunc totus mundus frustra erat, & pro nihilo, quod nimis absurdum est dicere. Verum quia nullus hominum salvari potest, nisi per hunc virum Salvatorem, de quo hætenus locuti sumus, ideò postquam Deus hominem ruinofum non vult perire, optimam habet voluntatem, hunc virum humano generi largiendi.

DOM. O! maximam Dei bonitatem, pietatem, dulcedinem, quæ per talem mediatorem nostris parat periculis subvenire. Summa igitur nobis securitas est, hunc optimum hominem habituri, quem longo circuitu quæsitum scrutati sumus.

RÆM. Et quoniam homini Christiano loquor, nec est mihi contra Paganos, aut Judæos disputandum, hoc enim egiliquidè in volumine, unde iste originem ducit, ideò non oportet hoc repetere, quibus mediis, aut modis hic homo à Deo donatus sit, quibus sit lachrymis & suspiriis expetitus, de quo populo oriundus, de qua foemina natus, hoc solum nunc dicere convenit, quòd solus JESUS CHRISTUS, ipse sit ille homo, quem Deus prophetarum oraculis longè antè promisit, & in plenitudine temporum fideliter misit. Hic est JESUS CHRISTUS verus Deus & verus homo, in quo omnes conditiones & circumstantiæ, quæ necessariae erant pro humani generis satisfactione, inventæ atque completæ sunt. Ipse enim Deum sua bonitate & morte placavit, ipse peccata multorum tulit, ipse pœnas omnes removet, tartara obcluit, paradysum aperuit, cœlos reseravit, & captivantem diabolum propria virtute contrivit.

vit. Ipse contra vitia, peccata, opere, & sermone prædicavit, scelera redarguit, radicem malorum omnium, propriam scilicet voluntatem, proprium amorem, laudem, & gloriam, quæ sunt homini causa perditionis, & in Deum inimicitiarum, penitus destruxit, & eliminavit. Et breviter, quidquid ad salutem humanæ naturæ esse potest, fideliter, ferventer, humiliter, & perseveranter operatus est. DOM. Talem igitur cum teneamus JESUM CHRISTUM Deum, & Regem verum, quem tam pi-um, bonum, mansuetum, & tanto amore flagrantem agnovimus, ut pro peccatis hominum amaram sustinuerit mortem, meritò illum omnis homo amare, venerari, colere, & laudare, tenetur, & hujus gratiam quærere, hujus corpori mystico inhærere, huic sedulò obedire in quo est omnis plenitudo bonitatis, virtutis, & charitatis, scientiæ, sapientiæ, meritum omnium ac præmiorum. Qui ergò hunc virum contemnit, perpetua manet in morte. Qui verò hujus nobilissimi Capitis membrum efficitur, in immensam crescit dignitatem. Unus enim bonus Christianus melior est & præstantior, quàm omnes, qui vivunt in terra homines non Christiani. Malus autem Christianus est omnium pessimus. RÆM. Hinc pulchrè licet animadvertere, quàm justus, & quàm bonus sit omnipotens Deus, qui hunc hominem hominibus est largitus. Justus, qui quæsit justum redemptionis pretium, bonus, qui in mortem unicum tradidit filium. Cùm enim homo cor-

ruptus, & in immensum obligatus, non posset debitum infinitum solvere, quod debebat, Deus benignissimus volens ab homine placari, gratis contulit ei novum hominem, qui Deus esset, & homine major, qui satisfaciat pro homine obligato, habens in se inæstimabile pretium, vitam scilicet innocentissimam, atque sanctissimam, quam cum in mortem indebitam Deo pro homine tradidit, debitum hominis solvit, & Deum homini reconciliavit. Dedit enim humana natura maximo Creatori in isto homine, quod suum erat, ut aliis hominibus redimeret, quod reddere non poterat. DOM. Quid istâ justitiâ districtius? quid hâc clementiâ misericordius? Vult Deus placari ab homine, non tamen placari se patitur, nisi moriatur infinitus, innocens, immaculatus. At ne fiat difficultas in pretio, ipse illum largitur, qui occidatur. Non habes, inquit, O homo! unde te redimas, accipe Unigenitum fructum ventris mei, & da illum mihi pro scelere tuo. Magna certè dignatio!

Quæ sint illa maxima dona, quæ homo miserabilis recipit à JESU Christo.

## C A P U T LXIV.

RÆMUNDUS.

**P**ostquàm igitur medicina præparata est, necesse est, ut eam ægroto, & misero homini applicemus. Si ergò JESUS CHRISTUS  
vul-

vulnerum nostrorum Medicus est, restat, ut ad illum omnes accedamus, ut possint ægritudines nostræ recipere medicinam. Nihil in nobis tam morbidum, quod non ipsius medicationis dono curetur, nos captivi sumus, ipse Redemptor, nos obligati, ipse Fidejussor, nos destructi, ipse Reparator, nos morbidi, ipse Curator, nos mortui, ipse Resuscitator, nos cæci, atque obtenebrati, ipse Clarificator, nos erratici, ipse Conductor. DOM. Utinam! nunc velit homo suas calamitates attendere, ut tantum Medicum sibi noverit pro futurum. Qui sua vulnera malè sanus non sentit, hunc Curatorem optimum non requirit, qui autem non requirit, morti sempiternæ jam inhæsit. RÆM. Duplici obligatione (ut nôsti) homo iuplicitus tenetur, scilicet pro beneficiis acceptis & pro culpis commissis. Prima semper ab homine solvi debet, quam tamen secunda obligatione irretitus solvere non potest. Non enim potest Deum amare, laudare, venerari, culpis & criminibus compeditus. Porro à secunda obligatione liberari non potest, nisi primam compleat, & primam complere non potest, nisi secunda recedat. Vides certè istum bicipitem laqueum. Venit igitur Dominus JESUS Christus, solvit sua miseratione, & morte obligationem secundam, & dat homini adjutorium gratiæ ut compleat primam. Solutus enim homo à peccatis & sceleribus, quæ est obligatio secunda & infinita, jam incipit Deum pro suis beneficiis amare, honorare, revereri, quæ est obligatio prima.

ma. Hoc adjutorium Gratiae Christus tribuit nobis tanquam Deus, & meruit nobis tanquam homo. Licet enim omne, quod Deus tribuit, dicatur gratia, istud tamen adjutorium, quo Deum diligimus, & honoramus, est summa gratia, sine qua nulla proficit alia. DOM. Quantum ego intelligo, plus est hanc gratiam accepisse, quam vel corpus, vel animam. Nam sine ista gratia homo mortuus reputatur, quia nihil potest operari in quantum homo est. RÆM. Rectè tu quidem. Et idcirco hæc gratia Deum amandi, quam Christus administrat, est vita ipsius animæ, sine qua anima humana Deo mortua est. Ita gratia hominem restaurat, reformat, vivificat, sanat, formosum Deo, & amabilem præstat. Hæc gratia hominem bonum, justum, Deo dignum, & Dei filium, & hæredem facit, & ipsum fratrem pacificum, & amabilem suis fratribus restituit. Hæc gratia reducit hominem de via erroris, mendacii, & falsitatis, & deducit per viam veritatis, & securitatis, gaudii, & exultationis. Hæc gratia Salvatoris hominem revocat à jugo miserae captivitatis, à vinculis propriæ voluntatis, proprii honoris, & amoris, & ponit eum in libertate, & in amplissima patria voluntatis Dei. Et ut omnia in uno verbo complectar, hæc gratia restituit homini suum bene esse, quod antè perdidit; & tollit ab eo suum Malum esse, & ita restituit ei spiritum, salutem, & sanitatem, DOM. Magna commendatio gratiæ Domini Salvatoris. Nunc planissime liquet, quam op-

opportunitus ipſe nobiſ Redemptor advenērit, à quo hæc adjutorii gratia maxima condonatur. Sed oro te, paulò apertius dixeris, quomodò hæc gratia JESU CHRISTI reſtituit homini Benè eſſe?

Iſta gratia eſt totum Benè eſſe hominiſ, eiſ  
carentia Malum eſſe eiſ,

## C A P U T L X V .

### R E M U N D U S .

**H**OMO à principio . dñm fuit conditus, accepit à Deo Eſſe , & etiam Benè eſſe , ſed nondum Optimum eſſe , hoc enim expectabat traſſerendus in gloriam ſempiternam. Acceperat ergò ab optimo Conditore Eſſe , Vivere , Sentire , Velle , & Amare. Acceperat etiam benè eſſe , benè vivere , benè velle , benè amare. Habebat ergò benè eſſe , & corporiſ , & animæ. Verùm, quia primuſ homo hoc benè eſſe , quod habebat , & ſervare poterat , ſua voluntate perdidit , ideò tantum ſibi retinuit eſſe , & pro benè eſſe acquiſivit eſſe malignum , injuſtum , ſordidum , caducum , vitioſum. Spoliatus igitur gratiarum veſtibulſ , hiſ ſemi-cinctiſ , & laciniſ ignominioſiſ eſt turpiter contextuſ. Ut autem meliùſ agnoſceret animæ ſuæ cladem , atque ruinam , corporiſ quoque mala ſuſcepit , & factuſ eſt mortaliſ , luteuſ , animalis , infirmuſ , ut per hoc mala carniſ mentis ſuæ malitiã comprobaret , ſi fortè negligentiùſ



tiùs eam vellet dissimulare. Habens igitur in se tam deforme, malignum, & tortuosum Esse, factus est suo odibilis Creatori, eò quòd opus suum tam præclarum in se homo corruerat. Inventus ergò inutilis, corruptus, abominabilis, ad nihil aliud vacabat, nisi ut perpetuis ignibus destineretur. Verùm licet perdiderit homo suum benè esse, remansit tamen ipsa obligatio amoris, & reverentiæ, quam solvere certè oportebat, nec erat illi aliqua excusatio, quia sua voluntate benè esse perdiderat. DOM. Hinc certè palam intueor, quòd reddere homini suum benè nihil est aliud, quam reducere eum ac mutare de malo, tortuoso, injusto, vitioso Esse, ad bonum, rectum, sanctum, justum, salutiferum, ut homo benè vivat, benè intelligat, benè amet, benè velit, & possit, ut sit sanctus, honestus, decorus, pulcher, virtuosus. RÆM. Aspice igitur Dei dulcissimam bonitatem, qui ut hominem sibi fœderaret, & remotis tot malis primis bonis restitueret, dedit homini JESUM CHRISTUM; qui omnem de medio tulit offensam, removet, culpam, & pœnam, & ad benè esse pristinum hominem revocavit. Recipit ergò à JESU CHRISTO ut amet, & metuat, honoret, & laudet Deum, ut diligat proximum sicuti semetipsum, & in his omnibus gaudeat, perseveret, exultet, tripudiet, delectetur. Ecce hoc est benè esse, hæc est vera vita animæ per Christi gratiam homini reparata. DOM. Tria itaque colligo beneficia maxima, quæ Christi miseratione donantur,

tur, scilicet, Indulgentia, ut offensa deleatur: Gloria, ut Esse optimum aliquando donetur. Nam gratiæ semper debetur gloria. Gratias igitur immortales agamus CHRISTO, qui ista nobis suo sanguine mercatus est.

In homine Christiano sunt tres generationes, & tres fraternitates distinctæ.

## CAPUT LXVI.

### RÆMUNDUS.

**U**T perfectius adhuc, & clarius, Christi gratiam & benè esse hominis agnoscas, scire te convenit, quòd Adam primus pater recepit à Deo corpus & animam, & benè esse. Sed dum benè esse per inobedientiam perdidit, esse tantum, imò & malè esse corporis & animæ reservavit. Porro Christianus homo instar primi tres habet res sibi collatas, distinctis tamen generationibus. Habet enim carnem à primo parente, habet animam à Creatore, habet & benè esse à Christo Redemptore. Ista tertia completa est, & perfecta, sine qua duæ primæ corruptæ manent, & perditæ. Hæc enim generatio sancta est, & tota bonitas, rectitudo, & pulchritudo animarum. Ista tertia generatio omninò contrariatur primæ, multiplici ratione. Primò: Per primam enim generationem caro dominatur, & anima servit, per tertiam anima dominatur carni, & suæ subijcit servituti. Secundò: Per primam generationem homo erat totus carnalis, lu-

luteus, brutalis, per tertiam homo fit spiritualis, rationalis, divinus. Tertiò: Per primam homo perdidit similitudinem Dei, & nanciscitur similitudinem diaboli, sed per tertiam recuperat Dei similitudinem, & in pristinum se attollit decorem. Quartò: Per primam homo recipit in se radicem omnium malorum, sed per tertiam omnium bonorum somitem recuperat, & conservat. DOM. Hinc jam cernere licet apertius, quantum primus & secundus Adam sint inter se contrarii. Primus hominem corrumpit, & perdit, secundus reparat, medetur, & salvat. Ille animam à Creatore corpori infusam inficit, & occidit, iste eam mundat, ornat, & vivificat. Ille omnes, quos de se gignit filios, perpetuis cruciatibus damnat, iste suam sobolem Baptismi lavacro purgatam in coelestibus elevat, & coronat. Ille sua foetida carne omnes commaculat, iste suæ sanctæ & mundæ carni sociatos mundos reddit, & lucidos. RÆM. Egregie tu sapis. Nunc pauca de triplici inter Christianos fraternitate loquamur. Prima est carnalis, quâ omnes ab uno primo parente descendunt. Secundò sunt fratres, quia ab uno patre spirituum Deo suas animas accipiunt. Et istæ duæ communes sunt etiam & Paganis & Judæis. Tertiò sunt fratres, quia ab uno Patre Christo omne benè esse fortiuntur: Hæc postrema est omnium optima, sine qua duæ primæ mortuæ sunt. Hæc fraternitas, est magnæ nobilitatis, magnæ excellentiæ & amoris, magnæ bonitatis, charitatis, & unionis.

nis. Hæc fraternitas est infiniti meriti, valoris, & præmii, quia Christus Deus homo emit eam morte sua, vitam tribuens pretii infiniti. Hæc fraternitas, est fraternitas gratiæ, quia Christus gratiarum Pater eam suis prolibus assignavit. Cæteræ autem sunt naturæ.

**DOMINUS.** Merito hæc tertia fraternitas tantæ est dignitatis, quia de Patre dignissimo, & illustrissimo Christo originem sumit. Summo igitur amore se debent invicem diligere Christiani, qui talem & tam amabilem fortiuntur Patrem, qui eos suo Sanguine lavit, sua morte redemit, sua resurrectione justificavit, & sua glorificatione coronabit.

**RÆM.** Ut cuncta melius intelligas, quæ de hac triplici generatione & fraternitate locutus sum, unum manifestum tibi ponam exemplum. Corpus humanum recipit esse, recipit & bene esse. Nam hepar, cor, & cerebrum aliis largiuntur membris omne quod habent. Hepar enim dat esse grossum, estque ipsis membris instar corporis, mittit namque eis humores corpulentos, ex quibus membra generantur, nutriuntur, sustentantur. Hoc autem facit per venas, ex quibus largitur sanguinem, & est quasi primus Adam, qui dat carnem solum. Secundo: Cor ipsum mittit calorem naturalem, & confert omnibus membris vitalem spiritum, & habet se ad modum Domini Creatoris, qui dat animam viventem humano corpori. Est ergo hic spiritus quasi membrorum anima, sine quo omnia membra mortua reputantur. Tertiò; Ipsum caput seu cerebrum, quod

quod est altissimum, spargit in omnia membra per nervos sensum & motum, & est sicut Christus dans benè esse toti corpori. Sicut igitur corpus ab hepate grossum sanguinem, ita homo recipit ab Adam sensibilem carnem. Et sicut corpus recipit à corde spiritum vitalem, ita homo recipit à Deo animam viventem. Sicut quoque corpus accipit à capite sensum & motum, ita & homo capit à Christo gratiæ adjutorium. Et quemadmodum corpus jacet paralyticum, languidum, & emortuum, & semper deorsum labitur, nisi sensum à capite motumque recipiat, nec quidquam ei profunt aut hepatis, aut cordis munera, ita nisi homo gratiæ adjutorium & benè esse recipiat, semper ad terrena corruit, nec quidquam illi prodest corpus atque arbitrium recepisse. DOM. Hoc exemplo, & cæteris, quæ paulò antè de gratia dixisti, efficacissime destruitur hæresis Pelagiana. Hæc enim falsò asserit, post acceptum à Deo liberum arbitrium Christi gratiam non esse homini necessariam. Dicunt nempe homines superbissimi: A Deo habemus, quòd homines sumus, sed nostrum est, quòd iusti sumus. Nesciunt enim, quòd liberum arbitrium in primo Patre corruptum, sursum ad justitiæ opera atoli non potest, innumeris obligationibus irretitum, nisi Christi miseratione solvatur.



Mors

Mors Chriſti, unde homini gratia confer-  
tur, & beneſſe, generat in homine Chri-  
ſtiano novam obligationem.

## C A P U T LXVII.

### RÆMUNDUS.

**S**icut ſuprà in dialogo de Obligatione mon-  
ſtravimus, hominem aſtringi Deo pro be-  
neficiis creaturarum acceptis, deberèque Deum  
toto corde diligere, honorare, laudare. Multò  
tamen ampliùs, & ſine ulla comparatione obli-  
gatur homo optimo largitori, quòd JESUM  
illi contulit. per quem omnem ſuam miſeriam,  
culpam, iram, offenſam feliciter, & efficaci-  
ter expiavit. Quantò Chriſtus plùs valet, quàm  
omnes creaturæ, tantò magis obligatur homo  
pro ſuſcepto Chriſto, quàm pro omnibus crea-  
turis. Cùm enim Chriſtus ſit perſona infinitæ  
bonitatis, & hunc largiendo Deus exhibuit ho-  
mini infinitum amorem, & immenſam liberali-  
tatem, idèò duplici obligatione infinita homo  
conſtringitur & Chriſto Redemptori, & Patri  
Largitori; Quæ quidem obligatio multum differt  
à prima. Nam prima eſt naturalis, & propter  
eſſe hominis, & propter mundum, ſed iſta ob-  
ligatio eſt propter beneſſe hominis per JE-  
SUM. Item prima eſt propter hominem fa-  
ctum de nihilo negativo, ſed iſta propter ho-  
minem collapſum in nihilo privativo. De ni-  
hilo negativo factus eſt homo, qui corruens  
in


in malitiam, in injustitiam, in turpitudinem; cecidit in nihilum privativum, privans seipsum suo benè esse, suâ Gratiâ, suâ Justitiâ. Quando igitur Deus extraxit hominem de isto nihilo, conferens sibi per Christi mortem benè esse, & benè vivere, tunc iterum fecit hominem de nihilo. Primò hominem fecit; cùm non esset, deinde refecit, cùm funditus perriisset. Verum quia magis est hominem reformare, quàm facere, & majoris valdè pietatis. Ut enim non crearetur non demeruerat, sed creatus & superbus, & inobediens factus, meruit ut illud perderet, quod factus erat, & illud, propter quod factus erat. Ideò in infinitum amplius obligatur homo pro eo, quod tam gratuita miseratione morientis Christi restauratus est, quam antè Dei manu plasmatus est. DOM. Meritò id quidem, nam in isto opere reparationis nostræ Deus suam ultimam ostendit amicitiam, charitatem, amorem, dulcedinem, donans nobis suum Filium sibi coæqualem, quem amara morte peremit, ut nostris mortibus subveniret. Sed rogo te; quomodò poterit homo finitus hanc infinitam solvere obligationem? RÆM. Duobus modis, intellige quæ dico: Primò potest hanc obligationem solvere, si offerat Deo suum amorem, suum timorem, suam laudem, suam devotionem, ita tamen, quod cum istis simul & Christum offerat, qui est sufficientia nostra, per quem plenissimè Deo reddimus quod debemus. Ad hoc enim nobis à Deo largitus est Christus, ut per illum suppleamus, quidquid ipsi

HAERET  
MORALIS

nostris viribus non possumus. Semper enim acceptat filium Pater, quem si amiserimus, & per nosipfos ad Deum accedere voluerimus, rejicimur, repellimur, ut superbissimi judicamur. DOM. Nec immeritò, qui enim sine Mediatore ad Deum iratum reus accesserit, graviore animadversione percussus superbiæ suæ poenas dabit. RÆM. Secundò; potest homo hanc obligationem solvere, si mortem filii Dei quâ redemptus est, gratâ semper memoriâ gestaverit. Impiissimum enim est, tam benignissimam miserationem ingrato transire pectore. Passio nempe Christi est infiniti meriti, & totum hominis bonum, ideò omne studium Christiani, & tota ejus cogitatio, atque intentio, versari debet circa memoriam Mortis Christi, in qua sunt omnes thesauri divitiarum & meritorum omnium. Qui igitur vult suæ obligationi dignè satisfacere, & omnem in se virtutem, & omne Christi meritum possidere, recipiat in memoria Passionem ejus, per quam sit in seipso vivificatus, Deo reconciliatus, & à diabolo liberatus. DOM. Sed nonne Christi jam transit, quomodò ergo, quod transiit, & jam non est, mihi poterit prodesse? RÆM. Dixi jam tibi. Licet enim Christi mors transiit, meritum tamen mortis in æternum manet. Quod meritum tunc in se homo recipit, quando in memoria devotus recipit ipsam mortem. Et quia meritum semper vivit, idcirco qui in se accipit Christi mortem per recordationem, vivit in Christo, gaudet, jucundatur, exultat.



tat. Qui verò Christi mortem non recordatur, ingratus est, nec primam obligationem solvit, nec istam, sed peccatorum suorum obligatione compeditus, manet in morte, in ira Dei, & in vinculis diaboli. DOM. Hic patet, quòd Christianus & Peccator, & ingratus, & seipsum diligens suam quæritans gloriam, suam famam, respuens Christum, infinito reatu suprà cæteros homines se astringit. Tantùm enim peccata hominis Christiani excedunt peccata omnium Paganorum ac Judæorum, quantum obligatio Mortis Christi ( cui Christianus reus tenetur ) superat obligationem pro beneficiis acceptis à creaturis. Est ergò malus Christianus omnium qui vivunt hominum nequissimus, & infinitis suppliciis præ cæteris dignus. Unum tamen est quod, me vehementer movet. Si per Christi mortem homini confertur benè esse, quid est, quòd quotidie tanta mala, nunc corporis, nunc animæ experimur, & plerùmque majora, quàm qui Christi gratiam non receperunt? Corpus ut prius manet infirmum, miserum, fragile, mortale, anima verò mille quotidie agitatur tentationibus, nunc carnis, nunc mundi, nunc diaboli. Ubi ergò est illud benè esse de quo loqueris?



**Homo**

Homo lapsus licet reparetur quantum ad  
benè esse animæ, manet tamen malum  
pœnæ in corpore.

## CAPUT LXVIII.

## RÆMUNDUS.

**I**ntellige primum, quid sit benè esse, & quid  
malè esse, & tunc facile quod quæris inve-  
nies. Benè esse animæ est, quòd sit justa,  
sancta, recta, immaculata, fugitans vitia, &  
peccata, quòd Deum amet, laudet, honoret,  
Hæc per Christi gratiam animæ Christianæ  
conferuntur, atque hoc modo accipit benè ef-  
se, & benè vivere. **DOM.** Si habet Chri-  
stianus benè esse, quare tot mala patitur in  
carne? **RÆM.** Magnæ pietatis est ista di-  
spensatio. Ideò enim corpus manet fragile, &  
infirmum, ne negligat homo se lapsum, se per-  
ditum aliquando fuisse, & Christi gratia repa-  
ratum. Secundò, ut meminerit amoris, obse-  
quii, & charitatis sibi à Salvatore exhibitæ, nec  
tam pretiosam mortem frivolam putet. Tertiò,  
ut cautus sit, ne iterum peccet, & æternas det  
pœnas, quæ corporis mala longissimè superent.  
Noveris tamen, quòd istas carnis nostræ mise-  
rias Christus nobis in bonum convertit, quia  
eas voluntarias facit, & meritorias. Si enim  
tolleret in hac vita omnes pœnas, tolleret de  
medio etiam merendi occasiones omnes, omnis  
nempè pœna voluntariè pro Christo perpeffa  
ad.

Q<sup>2</sup>

admodum est meritoria. Vides ergo quomodo mala corporis prius involuntaria, dum Christi gratia voluntaria fiunt, ad bene esse animæ traducuntur.

DOM. Sed quid dicis de malis, quæ quotidie in anima patimur, ut sunt tentationes, tribulationes, sollicitudines, timores, & mille pericula?

RÆM. Nihil potest tollere bene esse animæ, præter solum peccatum, noli assentire peccato, & nihil tibi est nocivum. Quidquid enim homo in anima patitur, dempto peccato, totum illi vertitur ad salutem.

DOM. Quomodo potest concupiscentia carnis, quæ inimica est animæ, fieri animæ in salutem?

RÆM. Dum non assentit, dum ejus appetitum frangit, dum ejus desideriis reluctatur.

DOM. Sed quare Christi Gratia non penitus hanc destruit?

RÆM. Certè, ne tibi tollat occasionem pugnandi, vincendi, merendi. Olim hæc concupiscentia te traxit ad culpam, nunc captiva te ducit ad gratiam. Tu tantum eam comprime, & retine sub tributo, noli eam repente jugulare, sed tanquam mortalem inimicum vinculis irretitum sine languescere, tabefieri, & sensim mori. Propter tres igitur rationes ista carnis concupiscentia homini derelicta est. Prima, ut de tuo adversario, qui te olim occiderat, egregie te vindices. Secunda, ut inimicum habeas, qui te torpentempugnacem semper faciat, atque victorem. Tertia, ut dum hunc nonnunquam repugnantem senseris, gratiæ memineris Salvatoris, qui te Superiorem fecit, qui illum tuis pedibus subjecit, à quo

quo quotidie tot homines capiuntur, inficiuntur, jugulantur. Si ergo hæc concupiscentia facit ad benè esse hominis, quæ tamen nociva videtur, multò amplius tribulatio, persecutio, sollicitudo, timor, circumscriptio, quæ dum pro Christo voluntariè perpetiuntur, maximam parant animæ coronam.

DOM. Optimus sermo tuus est admodum informativus ad necessariam patientiam. Sed nunc superest, ut quibus formis aut mediis Christus suis fidelibus benè esse conferat, & salutem, sapienter ediferas.

Quibus formis aut mediis Christianus accipit benè esse à Christo?

## C A P U T LXIX.

R Æ M U N D U S.

**U**T homo Christianus recipiat benè esse à Christo, necesse est, ut noverit, & susceperit septem Ecclesiæ Sacramenta. Christus enim benignissimus Miserator dona gratiæ suæ per res visibiles & palpabiles instituit elargiri, ut homo exterioribus rebus imbutus, quid introrsum in anima accipiat, agnoscat. Non tamen id, quod datur visibile est, sed per signum visibile denotatur. Ideò Sacramentum dicitur, quod est sacræ rei signum. Sicut per scalam naturæ visibilem homo ascendit ad agnoscendas res invisibiles, ut suprà patuit, ita Dominus JESUS statuit, ut per scalam visibilem Sacramen

mentorū, homo lapsus se erigat ad res spirituales, non solum ut eas agnoscat, verum etiam in se recipiat. Prima scala est naturæ, secunda est scala gratiæ. Prima est scala creationis, secunda est reparationis, vitæ, & salutis. Prima est hominis, inquantum homo est, secunda est hominis inquantum lapsus est. Si ergo voluerit Deum invenire per scalam primam, necesse est, ut prius ascendat per secundam, utpote collapsus, depressus, & Dei inimicus. Item per primam scalam homo ascendit ad Deum, sed per secundam homo scandit ad hominem Deum. Prima instituta est à Deo Creatore, secunda condita est à Deo Salvatore. DOM. Non mihi mirum videtur, quod Christus ordinauerit per res corporales hominem debere recipere bene esse, cum in prima conditione mundi ad hoc res corporales quasdam Deus creaverit, ut per eas homo habens bene esse, reciperet optimum esse. Lignum enim scientiæ boni & mali, quod utique erat corporeum, propterea Deus instituit, ut si homo servasset obedientiam super hoc ligno impositam, de bene esse, quod habebat, transisset ad optimum esse, quod nondum noverat. RÆM. Hoc quod dicis etiam huic sententiæ opitulatur quod sicut homo lignum hoc vetitum gustando per res corporales cecidit, ita illum per res visibiles Christus erigere curavit. Istæ autem res per Sacra Christi verba consecratæ, talem recipiunt efficaciam & virtutem, ut homo eas in se suscipiens, eam sine dubio gratiam adipiscitur,

scitur, quæ hujusmodi res visibiles significare videntur, ut patebit in subditis. Et congruenter his rebus corporeis Christi verba, quæ omnem habent virtutem, sociantur, ut sicut homo per verbum Dei est creatus, & per creaturas collapsus, ita & per Verbum Christi creaturis immixtum recreetur, & sublimetur. Verba etiam aptius res invisibiles suo significato repræsentant, & ideò meritò rebus visibilibus copulantur, ut perfectiùs homo credat se eam gratiam intus recipere, quæ per res corporeas forinsecus denotatur.

DOM. Quia igitur per has res visibiles Christo miserante homo sanctificatur, & recipit intus gratiam, vitam, & salutem, hoc est benè esse, ideò debent honorari, venerari, & cum omni reverentia, & devotione suscipi, & debent sancta appellari & Sacramenta. Primò, quia significant res sacras. Secundò præparant hominem ad recipiendum res spirituales, & sanctissimas. Tertiò, quia à Sanctissimo Christo eas novimus institutas. Meritò igitur hæc scala appellari debet Sacramentalis. Sed tu progredere,

Per primum Sacramentum, scilicet Baptismi, datur animæ humanæ benè esse.

## CAPUT LXX.

### RÆMUNDUS.

**N**Unc in speciali de septem Sacramentis pauca dicamus, & quomodò per ea datur ani-

Q 4

ma

ma humanæ benè esse. Inter Sâcramenta primum occurrit Baptismus. Anima humana carni corruptæ, putridæ, & malis concupiscentiis infectæ copulata, trahit à sua carne omnem corruptionem, & culpam originalem, & concupiscentiam maculosam, & ideò necesse est, si debeat à suis sordibus emundari, ad aquas baptismi lavandi festinet, alioquin si non fuerit aquis lustrationis repurgata, portabit in æternum immunditiam suam. Ista autem ablutio Regeneratio vocatur, quia vetus homo illic renovatur, & anima recipit novum esse spirituale, quod non habebat, & efficitur Dei filia, hæres Dei, & cohæres Christi. Ista itaque ablutio materialis, cui sociantur verba sacra, scilicet: Ego te baptizo (id est lavo) in nomine Patris, & Filii, & Spiritûs Sancti, significat ablutionem invisibilem, & occultam, quam Christus intus in anima operatur. In hoc Baptismo sicut homo efficitur novus, ita & nomen acquirit novum, ut à Christo vocetur Christianus, cui jam Christi gratia communicata est. DOM. Hinc pulchrè intelligo, Christianum hominem esse infiniti pretii, valoris, & dignitatis, qui Christi Sanguine, unde & Baptismus, rubet, mundatus est. Nec debere quemquam lædere hominem Christi fidelem, nisi qui velit infinitam injuriam in Christum committere, cujus ipse & nomen, & gratiam, & dignitatem gerit. Sed nunc ostende, obsecro, quomodò hæc visibilis ablutio interiori purgationi coaptetur. RÆM. In promptu est. Nam sicut aqua baptis-

ma-

ma in Baptismo, rejectis culparum tenebris, intelligentiæ, & amoris lumen acceptat. Item sicut aqua æstum refrigerat, ita & Baptismus concupiscentiæ calorem, & sævientem carnis motum contemperat, & gehennæ incendia penitus eliminat. Item sicut ablutio fit à capite, descendens in omne corpus, ita omnium culparum & poenarum, quæ ab originali peccato, tanquam à capite sumpserunt exordium, fit plena remissio. Et ut virtutes Sacri Baptismatis in unum congregem, in Baptismo fit transmutatio de morte ad vitam, de tenebris ad lucem, de servitute carnis & dæmonis ad veram libertatem, & servitutem Redemptoris. In Baptismo moritur carni, & vivit Spiritui, moritur vitio, & vivit virtuti, exiit operibus tenebrarum, & armis lucis induitur, veterem deponit hominem & novum induit, qui secundum Deum creatus est. In Baptismo præterea tanquam per scalam Christus descendit ad hominem, & homo scandit ad Deum, & fit inter utrosque quidam dulcissimus Matrimonii contractus, quia anima Christum suscipiens à Christo Vicariis brachiis suscipitur, & veteribus vitiorum vestibis spoliata, incorruptibilibus virtutum vestibis adornatur. DOM. Existo dulcissimo Sermone tuo, luce clarius apparet, cum quanta celebritate, devotione, alacritate, & pietate debeat Baptismus & conferri, & suscipi, in quo humana anima omnes culpas deponit, maculas diluit, novam nativi-

Qs

ta



de nunc quæso, quomodò hæc exteriora interioribus assimilentur. RÆM. Dixi, in Chrysmate Oleum & Balsamum contineri. Sicut Oleum supernatat aqua, ita gratia confirmationis gratiam Baptismatis superat; Item Oleum reddit aquam saporosam, ita confirmatio Baptizatum hominem magis efficit populis famosum, vita, virtute, bonitate, conversatione, sermone. Item Oleum extenditur, & dilatur super aquas, ita per hanc confirmationis gratiam homo exterius ad bona opera dilatur, & nomen Christi amabiliter reddit cordibus aliorum. Item Oleum nitidum est, & perlucidum; ita hoc Sacramentò homo conscientiam possidet mundam, & justitiæ luce serenam, Item Oliva etiam sæva hyeme semper viret, ita per hanc Sacramenti gratiam confertur homini, ut nulla adversitatum asperitate frangatur, sed semper in bono perseveret, & in secundis, & in tristibus. Item Oleum lene est, dulce, suave, benignum, ita hoc Sacramentum facit hominem humilem corde, & mitem conversatione, gaudere cum gaudentibus, flere cum flentibus. Prætereà, sicut Oleo permiscetur & Balsamum, quod suavem valdè spirat odorem, hoc significatur, quòd gratiâ hujus Sacramenti homo extrà se spargit fragrantiam bonæ famæ, bonæ opinionis, & vitæ, quâ alios ad se trahit, & suo exemplo instituit. Item ista Unctio fit signo Crucis in fronte, ut significetur, quòd in hoc Sacramento datur gratia ad publicè pro fide pugnandum, ad Christino-

men,

men, & crucem, & mortem Audacter, & sine rubore confitendum, & ad tormenta, contumelias, & ludibria, si opus fuerit, constantissimè perferendum. Certè vidisti, quomodò hoc Sacramentum benè esse, & gratiam fortitudinem, conferat animabus. DOM. Vidi equidem, & Christi miserationes stupeo vehementer, qui hujusmodi remediis nostris vulneribus suffragatur.

Per Sacramentum Eucharistiæ suprà modum benè esse, & multiplex gratia donatur.

## C A P U T LXXII.

R Æ M U N D U S.

**P**OST Confirmationem sequitur Eucharistiæ, id est, bonæ gratiæ Sacramentum, in quo præ cæteris continetur & confertur omnis gratiæ plenitudo. Videmus, quòd in vita corporali primùm præcedit Generatio, deinde sequitur Augmentatio, per quam homo perducitur ad plenam vitam, ita tertio, requiritur Alimentum, quo omnis vita perduret in esse. Pari modo est in vita spirituali: Nam in Baptismo spiritualiter nasceris, in Confirmatione augmentaris, & Eucharistia aleris, & enutris, quò sit, ut in vita spirituali conserveris, & complearis. DOM. Sed quò cibò alit nos Christus in hoc Eucharistiæ Sacramento? RÆM. Non aliò utique quàm seipso, sua carne,

ne, suo sanguine, sua divinitate, quæ realiter & veraciter in hoc Sacramento continentur. Ecce hoc est pabulum amoris, esca dilectionis, ferculum ardentissimæ pietatis, quô te nutrit Deus tuus, Redemptor tuus. Sicut enim nutritio corporalis fit per calorem naturalem, qui si defecerit, jam nutritio cessabit, sic & nutritio spiritualis per calorem fit spiritalem. hoc est, per amorem. Et sicut calor naturalis convertit nutrimentum in rem nutritam, ita amor convertit amantem in rem amatam. Corporalis tamen nutritio & spiritualis fiunt contrario modo. Nam in corporali alimentum vertitur in naturam aliti, sed in spirituali alitum in naturam vertitur alimenti. Manducans enim Christum non in te Christus mutatur, sed tu mutaris in Christo, formam & imaginem, & Christi similitudinem verè recipiens, atque ita Christo conjungeris, & ejus membrum efficeris. Hinc jam intelligis, quomodò hoc Sacramentum scala sit, in qua per res visibiles (ut sunt forma panis & vini) homo ascendit ad Christum, & Christus descendit ad hominem. Istis rebus visibilibus accedit sermo Christi, & verum Christi Corpus efficitur, & verus Sanguis. DOM. Quomodò tu mihi ostendis, quòd potestate Verborum Christi Panis, qui in Altari est, in Christi Carnem transformatur? RÆM. Credis Christum Deum esse, & creaturas omnes verbo formasse? DOM. Credo equidem. RÆM. Si ergò potuit verbo naturam creare, quare non poterit naturam  
ver-

verbo traducere ? Nunquid erit infirmior sermo Christi transmutando naturam, quàm creando ? Ut autem noveris, quòd Christi verba id realiter efficiunt, quòd dicunt, his rationibus poteris edoceri. Prima ratio: Omnino necesse est, quod verba Creatoris ascendant unum gradum suprà verba creati hominis, sed hominis verba semper significant, ergò Christi faciunt quod dicunt. Secunda: Verba hominis aliquando sunt falsa, ut ergò unum gradum ultrà tribuamus Verbis Christi, oportet necessariò asserere, quòd semper sunt vera, ideò in veritate operantur, quod loquuntur. Tertia: Sicut creatura habet virtutem transmutandi in se aliam creaturam, (nam caro humana mutat panem in suam substantiam) multò magis verba Christi sua virtute panem Altaris vertunt in suam carnem, & vinum in Sanguinem. DOM. Libenter assentior rationibus tuis, nam & veræ, & firmissimæ sunt. Sed nunc quæso paucis ostende, quomodò hæc visibilia in hoc Sacramento interiorem gratiam repræsentent? RÆM. Pareo libens. Sicut enim Panis & Vinum sunt ipsius Corporis plena refectio, ita Corpus Christi quod sub his speciebus continetur, optimo spiritali cibo animam refocillat. Prætereà: Sicut Panis super omnes cibos Corpus nutrit, & sustentat, & vinum lætificat, & inebriat, ita Corpus & Sanguis Christi animam reficit, nutrit, lætam, jucundam, atque ebriam reddit. Prætereà: Sicut ex multis granis Panis fit, & ex multis acinis vinum confluit, ita in hac Sacramenti

menti perceptione multi Christiani in unam fidem Christo junguntur, & fiunt cor unum, & anima una. DOM. Ex hoc postremo patet, quòd per formam Panis & Vini duplex invisibile denotatur, scilicet verum Corpus Christi virginèum, quod in hoc Sacramento continetur, & Corpus Christi mysticum, Ecclesia scilicet in prædestinatis, quod non realiter, sed significativè repræsentatur. Verùm tu ultrà gredere. RÆM. Audi igitur consequenter: Sicut res corporales, Panis & Vinum, in hoc Sacramento in eam ascendunt dignitatis & nobilitatis eminentiam, quâ nulla potest celsior æstimari, ( transeunt enim in Corpus Christi glorificatum ) ita per hoc Sacramentum boni Christiani sublimantur, deificantur, & in Christum convertuntur, & efficiuntur cum eo unius voluntatis, amoris, & germanitatis. Prætereà, sicut Panis vinique substantia formis extrà remanentibus in Christi Carnem & Sanguinem occulta virtute convertitur, ita per hoc Sacramentum anima Christiani in Christi animam, & Deitatem occultè permutatur, Corpore in sua specie permanente. Prætereà, sicut per verbum suum Christus res visibiles vertit in Corpus suum, ita in hoc Sacramento vertit corda animasque piorum in semetipsum. Prætereà, sicut in hoc Sacramento Panis corporeus aliam naturam induens multò melior efficitur, ita Corpus Christiani dignè communicantis melioratur, & castum, mundum, sanctum, & Christi obsequiis deditum, & rationi sub-

subditum efficitur. DOM. Magnifica sunt quæ loqueris, & quæ vehementer in amorem hujus dignissimi Sacramenti mentem hominis inflammant. Hinc claret, quòd virtute hujus optimi cibi Christianus enutritur, roboratur, completur, perficitur, & ad ultimum bonitatis terminum, quantum in hoc mundo possibile est, acceleratur.

Quòd Caro Christi est penitus contraria corruptæ Carni primi hominis.

## C A P U T : LXXIII.

### R Æ M U N D U S.

**E**X his, quæ jam diximus, facile potes animæ advertere, mi Dominice, quomodo primus homo, & secundus, scilicet Christus, contrariantur, ita & Caro Christi est omnino contraria Carni protoplasti. Habet enim proprietates operantes respectu animæ longè diversas. Nam Caro primi hominis causat in anima omnem corruptionem, infectionem, perditionem, & mortem, sed Caro Christi confert animæ se sumentis integritatem, puritatem, vitam gratiæ, & vitam gloriæ. Præterea, sicut Caro corrupta in Adam turpiter, libidinosè per coitum generata, est causa quidquid anima experitur mali, ita Caro Christi mundissime sine coitu de virgine orta, erit animæ humanæ causa omnis virtutis, justitiæ & salutis æternæ. Præterea, sicut ipsi animæ imputatur originale

pec-

peccatum. eò quòd unitur carni vitiata, ita dum anima copulatur Carni Christi sanctissimæ, ab omni peccato immunis efficitur, & omne Christi meritum compartitur. Prætereà sicut Caro Adæ est arca omnium vitiorum, omnium criminum, sordium, & malorum, ita Caro Christi est arca omnium virtutum, omnium bonorum, & thesaurorum spiritualium omnium. Prætereà, sicut Caro prima separat animam à societate & amicitia Dei, & facit eam sociam diaboli, ita Caro Christi jungit animam Deo, & æterna pace confœderat. Et sicut diabolus per Adæ carnem animas rapit, & occidit, ita Christus sua Carne animas aucupat, & vivificat. Prætereà, sicut anima sociata suæ carni per voluntatem, & amorem, mille sordibus & vitiis inquinatur, ita si societur per amorem Carni Christi complacendo, & in ea delectando, ab omni spurcitia emundatur. DOM. Hoc postremum non est perfunctoriè transeundum. Duplicem ego animæ rationalis societatem cum carne considero. Unam habet cum sua carne, & hæc est naturalis, aliam habet cum Carne Christi, & hæc est voluntaria, & meræ dilectionis. Per primam unionem recipit caro vitam ab anima, sed per secundam vitam accipit anima à Carne Christi, per quam Deitati in pacis fœdera copulatur. Et quoniam anima magis illic est, ubi amat, quàm ubi animat, ideò anima Christi Carni per amorem sociata, tam sancta, tam virtuosa efficitur, quòd à carnis suæ copula possit nullatenus maculari. Et me-

ritò anima plùs tenetur Christi Carnem diligere, quàm suam, quæ verberata, passa, crucifixa, & occisa pro animæ salute & pro omnibus peccatis, quæ à sua Carne contraxit. Huic igitur Christi Carni si anima per amorem inhæserit, Carnis suæ corruptione de cæterò maculari non poterit. Sed da veniam, quòd ego verborum tuam sententiam interrompo. RÆM. Non interrompis, sed quod ego ex abrupto protuli, tu magis elucescere facis. Est præterea adhuc unum, quod in differentiam utriusque carnis dicturus sum, & sic quieturus: Sicut prima caro corrupta multiplicatur, & dividitur in multas portiones, & ex consequenti fit causa, quare animæ multiplicentur, & corrumpantur, & ab invicem, & à Deo separentur, ita Caro Christi quæ una numero est, efficitur ratio unionis animarum, & omnes animæ Christianæ, quæ per propriam cuiusque Carnem fuerunt ab invicem, & à Deo remotæ, per Christi Carnem, cui per amorem copulantur, fiunt cor unum. & anima una inter se, & cum ipsa Deitate æterno pacto foederatæ. DOM. Præclare admodum, & per magnificè. Ut quoniam omnes animæ humanæ ab uno exeunt Creatore Deo, & multiplicata carne crebro multiplicantur, & corrumpuntur, ita demum per Christi Carnem uniuntur, purgantur, & ad Deum, qui eas condidit, reducuntur. Et sic caro est causa multitudinis animarum, & causa unionis. Caro est causa, quare à Deo exeunt, & causa, quare ad Deum redeunt. Caro est



eſt cauſa perditionis animarum , & cauſa ſalutis earum. Hæc omnia operatur caro , ſed non una & eadem caro , ſicuti nunc evidentiffimè demonſtrâſti. Sed cùm neceſſè ſit omnes Chriſtianos hac vera Chriſti Carne cibari , quomodò poteſt una Caro tot homines diverſis locis & temporibus paſcere ? & tamen una numero cùm ſit , non poſſe dividi , nec comēſta conſumi ?

Corpus Chriſti unum numero , quomodò poſſit ſimul & ſemel eſſe in pluribus locis.

## C A P U T LXXIV.

### R Æ M U N D U S.

**Q**Uæſtio tua eſt , ( ni fallor ) quomodò Chriſti Corpus , unum numero , poſſit eſſe in pluribus locis ? Quæſtio certè difficilis , nullâ humanâ induſtriâ diſſolvenda , ſed certa fide æſtimanda. Non debet tamen mirum videri , ſi Corpus Chriſti poſſit eſſe in multis locis , quando ipſa Divinitas , cui hoc Corpus in Unitate perſonæ ſociatum eſt , tota ſit ſimul in omnibus locis. Accipe prætereà aliqua exempla , quibus hoc ipſum , quod petiſti , poſſis utcūque cognoscere. Primum : Sicut unum verbum numero , uno ore prolatum , & in aëre multiplicatum , plures aſtantium aures mentesque diverberat , ita , & unum Chriſti Corpus numero , Deitati conjunctum , multis poteſt locis haberi , multa Chriſtianorum corda , &

ora subingredi. Secundum: Una & eadem dictio, sive illa magnis, aut parvis literis conscripta sit, seu in multis, seu paucis redacta syllabis, semper idem significat, ita conformiter nec parva, nec magna forma Panis aliquid variat in Corpore Christi, tantum enim in parva continetur hostia, sicut in magna. Tertium: Licet aliqua dictio multipliciter per varia synonyma, aut idiomata, propter hoc tamen significatum dictionis nullatenus multiplicatur, ita quamvis hostiæ multiplicantur loco, & tempore, non propter hoc tamen Caro Christi multiplicatur. Quartum: Quamdiu ipsa dictio suam retinet formam, & naturam, tamdiu ipsa significatio manet, ita etiam donec forma Panis in in sua manebit natura, semper intus permanet Corpus Christi. Verum, quia quælibet pars hostiæ habet speciem, & nomen panis, sive parva sit illa, sive magna, ideò sub qualibet parte notabili est totus Christus. Quintum: Sicut speculum quantumcunque magnum non recipit in se nisi unam imaginem unius hominis, quod si frangatur in multas partes, in qualibet speculi parte tota patebit hominis imago, quæ prius apparuit in toto speculo adhuc integro. Pari modo sit una hostia magna instar montis, non erit tamen in ea nisi unum Corpus Christi, quod si illam hostiam frangeris in mille partes, in qualibet parte erit totus Christus, unus numero, in singulis, & omnibus unus. DOM. SuffICIENTER his exemplis optimis imbutus sum, ut intelligam, & in multis locis, & in singulis ho-

hostiæ effractæ partibus unum numero Christi Corpus contineri. Sed ostende obsecro, quomodò integrum, & perfectà quantitate sub tam parvis hostiæ partibus Corpus Domini habeatur? RÆM. Corpus Christi, cùm sit spirituale, est in animæ naturam (quantùm id fieri potest) transmutatum, videmus enim, quòd anima nostra ea, quæ in se recipit, in suam naturam convertit, unde dum recipit hanc literam A, facit eam continuò spiritualem, & quæ prius erat nigra, vel rubea, longa & lata, fit in anima merè spiritualis A, sine colore, sine aliqua quantitate. Ita conformiter Corpus Christi jam glorificatum, & spirituale factum, non occupat locum, & idèò potest sine pondere, sine longitudine, sine profunditate totum integrum in uno indivisibili puncto verissimè contineri; prætereà videmus palam, quòd imago, seu species rei corporalis, quantùm libet sit magna, est tota simul, nec lata, nec profunda, nec ponderosa, nec grossa, licet longa esse & grossa videatur. Una enim magna Ecclesia, seu amplissima Civitas, tota atque integra ingreditur sub imagine pupillam oculi nostri, quæ est instar puncti indivisibilis. Homo prætereà dum dormit, totam videt civitatem in somnis, in sua specie. quæ punctalis est. Cùm igitur Corpus Christi magis sit spirituale, quam quælibet imago rei corporeæ, quæ per pupillam intrat, idèò non tibi mirum videri debet, si possit totum simul in puncto, & sine sui diminutione brevissimis hostiæ particulis contineri.

ri. Veniens enim Christus in Sacramento propter animam, ut eam sibi uniat per amorem, ideò debet ibi eo modo contineri, quo possit animæ efficacius applicari. DOM. Satis

me instruis, non oportere me in hoc Sacramen- quidquam de Christi Corpore quærere, aut scrutari, quod sit, vel quantum, vel coloratum, vel saporum, vel aliquo sensu obvium, hoc enim brutescere est, sed solum rem spiritalem cogitare & non aliud præcisè, quàm quòd verba ipsa significant: Hoc est enim Corpus meum.

RÆM. Equidem hoc sanè comprehendis, nam quod videtur in Sacramento, est sicut vox, quæ extra percipitur, & hoc quod illic intus continetur est, sicut significatum vocis, quod intelligitur. Et sicut ipsum significatum non est longum, neque latum, &c. ita Christi Corpus in Sacramento ab omni est quantitate & qualitate remotum. Accipe item aliud exemplum: Sicut aliud est, forma panis, & aliud substantia panis, forma enim panis videtur vel in speculo, vel in somno, non tamen substantia panis, ita in hoc Sacramento vera species est, & forma Panis, sed Panis substantia nulla est, quia mutata est in Corpus Christi virtute verborum ejus. Et ideò sicut se habet substantia Panis ad Panis formam, ita se habet Corpus Christi ad ipsas species quæ videntur. Et quia Panis substantia solo percipitur intellectu, & nullo sensu, ita Corpus Christi in Sacramento loco illic substantiæ Panis existens, intelligi potest, sed non sentiri. Porro sicut substantia Panis, in se con-

considerata, non est longa, nec lata, nec aliquo perceptibilis sensu, nec locum occupat, & ubicumque est Panis forma, illic est similiter tota Panis substantia. nec plus substantiæ continet magna forma, quam parva, ita & Corpus Christi non est nec quale, nec quantum, & reliqua, ut jam patuit. DOM. Sed quid censendum est de illis formis, quæ remanent substantiâ transmutatâ? RÆM. Formæ illæ non incongruè appellari possunt accidentia, indumentum Corporis Christi, indumentum inquam alienum, extraneum, peregrinum. Ipsæ enim formæ Sacramentales Panis, & Vini, quæ antè habebant conditiones accidentis, & inharrentis, recipiunt novum morem, multò nobiliorem, & altiorem morem substantiæ, quia per se subsistunt, & nullo substantiæ adjumento fulciuntur. Omnia ergò in hoc Sacramento dignificantur, quia Panis fit Corpus Christi, & species ejus modum recipit substantiæ per se subsistentis. Debet igitur species Panis, & Vini, in magna veneratione, & honore, & pietate servari, & coli, tanquam vestimenta Unigeniti Filii Dei, & regis sempiterni. DOM. Ex his patet magna Christi Salvatoris benignitas, & profunda humilitas, qui propter nos cibandos tam humili dignatur, & simplici indumento vestiri. Primo: Indutus est, ut nos redimeret veste nostræ mortalitatis. Secundo, ut nos aleret, induit se vestimento Panis. Primam vestem ipse sibi fecit, secundam homo componit.

Primam sumpsit ex utero Virginis, secundam induit in Sacrificio Altaris.

De quarto Sacramento, scilicet Pœnitentiæ, perquam Lapsus à Christi gratia Christianus reparatur, & benè esse ei restituitur.

## C A P U T LXXV.

### RÆMUNDUS.

**N**unc de Sacramento Pœnitentiæ utiliter pauca loquamur. Videmus mi Dominice, quod in vita corporali contingit, hominem morbum mortalem, & periculosum incurrere, quo vitam perdit temporalem. Pari modo Christianus in vita spirituali potest ægritudinem, hoc est mortale peccatum incurrere, per quod vitam amittat spiritualement. Gratia enim cum non sit de natura liberi arbitrii (quia aliud est Dei gratia, aliud natura) ideò eam Christianus spontè aut contemnere, aut perdere potest, quod dum fecerit, tunc reverà infirmus efficitur, morbidus, & morti proximus. Sicut enim membrum illud in periculo est, quod influentiam non sumit à capite, ita Christianus periclitatur, dum non recipit influxum à Christo Salvatore, sed est morbidus, & moribundus. Verùm, quemadmodum corporalis infirmitas medicinis, & potionibus curari solet, ita morbi spirituales remediis spiritualibus reformatur, & ideò benignissima Christi misericordia contra

tra vitia & peccata, in quibus quotidie labimur, & ad mortem disponimur, Sacramentum instituit Pœnitentiæ. DOM. Si Pœnitentia (ut asseris) est Sacramentum, quæ sunt illa signa exteriora, quæ invisibilem intus gratiam repræsentant? RÆM. Duo sunt visibilia signa: Primum est in Pœnitente, & sunt facta, & verba exteriora, quæ significant, & declarant id, quod occultum est in corde, & invisibile, odium scilicet, detestatioque peccati. Secundum est in Sacerdote, qui tenet locum Dei, & est ipsa absolutio, quæ fit in isto Sacramento per verba, quæ remissionem exprimunt peccatorum. Ista duo exteriora signa duo invisibilia intus ostendunt. Nam accusatio in Pœnitente significat peccatorum suorum detestationem, & verba Sacerdotis, quæ sunt: Absolvete, &c. significant peccatorum remissionem. Ad culpæ enim destructionem duo sunt necessaria, scilicet peccati remissio, quam tribuit Deus, & peccati detestatio, quam sibi assumit homo reus. Primò igitur tenetur Peccator, qui vult veniam, & gratiam mereri, dolere, tristari, gemere, suspirare, lahrymari. Secundò, quia radix omnis peccati est mala voluntas, idè ad destructionem peccati necessariò oportet, ut homo proponat firmissima voluntate, nunquam se ultra velle Deum offendere. Tertiò, ut eximo cordis homo cognoscat, & fateatur se in Deum suâ malitiâ deliquisse. DOM. Malè igitur pœnitet, qui vel fatum, vel Deum accusat, hoc pacto cupiens sua scele-

ra palliare, instar Adæ, qui sub foliis latitans facinus suum in Deum retorfit. RÆM. Quartò, ut habeat optimam spem ab indulgentissimo Patre Deo se posse & veniam, & gratiam promereri, ne more Judæ proditoris dolens pœnitensque desperet. Quintò necesse est, cum non solum peccatum odisse, ac detestari, sed etiam cunctis viribus illud impugnare, persequi, perimere, & intus forisque ore, & corde acriter accusare, & modis omnibus verbo & facto destruere, alias veniam non poterit emereri. DOM. Meritò id quidem: Nam

peccatum cum sit acerrimus, & nequissimus hominis inimicus, separans eum à Deo, & ab omni bono, & obligans eum tormento sempiterno, idcirco summo conamine debet se contra illud homo robustus erigere, & sub pedibus projectum, & oppressum crudeli animo strangulare. Sed tu quæso ultra proseguere. RÆM. Peccatum cum sit etiam Insidiator occultus, & clam semper moliatur insidias, cupit enim se celare, operire, occulere, & quia inimici hominis domestici ejus, ideò necesse est, ut per Confessionem prodatur, reveletur, ut appareat confusio turpitudinis ejus. Non potes illi hosti tuo durius in dicere bellum, nec acriorem inferre confusionem, quam si illum, dum latere voluerit, prodideris, & vituperiis, & contumeliis dignum Sacerdoti monstraveris. Superbum enim est omne peccatum, & ideò maxime ab illo declinat, à quo se manifestari cernit, & haberi contemptui. Est præterea deceptivum;

&amp;



& fraudulentum, & ideò ut Deceptor, & Falsarius accusari debet, judicari, & puniri: Debet igitur poni in iudicio, & contra eum ferri sententia, ut cùm judicatur, exeat condemnatus, explosus, irrisus. Hunc igitur teterrimum hostem cùm taliter homo fuit persecutus, & illum à se projecit, & occiderit, statim virtute Sacramenti Pœnitentiæ redit ad pacem Dei, & in amicitiam Christi, & accepta omnium peccatorum suorum remissione, gratiam recuperat, quam amisit. Certè jam vides, quomodò hoc Sacramentum operatur etiam bene esse animæ, quia veniam tribuit, & gratiam refundit. Vides quoque, quomodò Pœnitentia sit secunda tabula post naufragium, secunda scala post Baptismum, per quam Christianus collapsus iterum ascendit ad Christum. In qua scala sunt tres gradus, scilicet dolor cordis, Confessio oris, & satisfactio operis. DOM. Infinita nunc apparet Christi dulcissima misericordia, qui homini se contemnenti, & gravem injuriam facienti, tale contulit reconciliationis antidotum, tale suorum vulnerum remedium. Hinc summa datur homini Peccatori securitas, cùm videt se ab eo, qui offensus est, in gratiam, pacemque vocari. RÆM. Omnino necesse fuit Christiano peccanti talem clementiæ manum protendere, ne propter immanitatem sui reatûs aliquoties desperet. Multo enim gravius, & profundius cadit post Baptismum, acceptam tantam Christi gratiam, quàm antè. DOM. Oro te, ut aliquantulis id mihi rationibus demonstres. Ho-

Homo Christianus multò periculosius cadit  
post acceptam Christi gratiam, quàm  
antè.

## C A P U T LXXVI.

### RÆMUNDUS.

**D**Iximus suprà, quòd quando primus Parens cum sua sobole à statu, in quo illum Deus creaverat, recessit, statim in alium statum collapsus est. Cadens enim à Deo, & à statu optimæ naturæ, cecidit in ordinem justitiæ, obligans se pœnæ temporali, atque perpetuæ. Pari modo homo Christi Sanguine, & Baptismate renatus, dum recedit ab hoc dignissimo statu, in ordinem cadit justì judicii. Et tantò gravioribus suppliciis est dignus, quantò majora sunt Sacramenta, quæ contemnit. Prætereà sicut multò difficilius Deus hominem redemit, quàm condidit, condidit enim sine labore, sed usque ad mortem fatigatus est, dum redimeret: Præbuiſti mihi ( inquit ) laborem in peccatis tuis, ideò multò infelicius delinquit, qui ingratus contemnit se redemptum, quàm conditum. Tertiò, peccans ante Baptismum in solum delinquit Creatorem, sed qui ingratus post Baptisma jam peccat, Creatorem offendit & Redemptorem, atque hoc modo & culpa geminatur, & pœna. Quartò, peccat etiam in totum Corpus Christi mysticum, quod est Ecclesia sanctorum, à quo ipse se dividit, & unum  
de

de Christi membris abscindit. Quintò, sicut pro reparatione hominis lapsi necesse fuit Deum hominem mori, necesse est ad reformandum hominem secundò lapsum post Baptismum rursùm JESUM CHRISTUM occumbere, quia peccatum destrui non potest, nisi morte Filii Dei.

DOM. Sed nunquid Christus iterùm debet crucifigi jam factus immortalis? Nunquid non una mors sua sufficit ad totius orbis exhaurienda peccata?

RÆM. Sufficit equidem, sed toties Christus mysticè immolatur, quoties in expiationem scelerum nostrorum mors sua humili memoria revocatur. Qui enim peccat, rursùm sibi Dei filium occidit, & non potest hujus sceleris veniam promereri, nisi Christi mortem iterum revocet, & Passionem suam in memoria portet, devotione, compassione, fide. Quod quia paucissimi faciunt, ideò peccatum regnat, & Pœnitentia omnis evacuatur, vice versa, dum homo eam sibi applicat per memoriam Pœnitentia mediante, quod dum fecerit, ita illud gratum accipit Christus Dominus, tanquàm si ipse eam pro se mortem pertulisset, atque hoc modo regeneratur, renovatur, rebaptizatur, non undis Baptismatis, quòd iterari non potest, sed roseo Sanguine Agni immaculati Christi.

DOM. Cùm enim in lapsu post Baptismum homo teneatur non solum intùs graviter ingemiscere, sed etiam condignam suis malis foriis Pœnitentiam agere, cùmque ipsum peccatum sit infinitum, & æternum, eò quod in Deum optimum commissum sit,

fit, qui est infinitus, & interminabilis, quomodo poterit homo fragilis, & mortalis hujusmodi Pœnitentiam ad unguem usque complere? Quomodo poterit homo finitus rem infinitam terminare?

RÆM. In quolibet peccato mortali tria oportet animadvertere: Primum est, ipsa offensa, & contemptus Dei. Secundum, ipsa operis nequitia, quæ penitus inordinata est, & fieri non debet. Tertium est id, quod est in peccato voluntarium, quæ sunt consensus, delectatio, & rei peffimæ complacentia, hæc duo ultima sicut finita sunt, & terminum habent, ita & pœnam merentur temporalem, terminabilem, sed illud primum Pœnitentiam exigit infinitam. Verum, quia omnis culpa solvi potest per displicentiam, tanquam per suum contrarium, ideò si homo ceperit detestari ex animo malum, quod fecit, & assumere dolorem infinitum pro infinito offenso Deo, culpæ & pœnæ perpetuæ veniam obtinebit.

DOM. Adhuc permanet, quod quærebam. Quomodo quis poterit accipere displicentiam infinitam? numquid ad impossibile nos obligat Deus?

RÆM. Non te obligat Deus, sed tu te ipsum, noli peccare, & longe à te erit obligatio ista infinita. Sed agnosce nunc, quàm sit homini lapsi Christi misratio necessaria. Nam quia homo miserandus non potest in immensum dolere, nec culpam infinitam destruere, ideò illi prærogat Passionem suam Miserator Christus, quæ cum sit infiniti pretii, facile culpam subruit infinitam. Et ideò Mors Christi juncta cum homi-

mi-

minis Pœnitentia, culpam destruit, prout est  
offensa Dei. Verùm quia culpa est etiam inor-  
dinata, & voluntaria, ideò debetur ei pœna  
temporalis, juxta qualitatem culpæ, & hæc re-  
servatur judicio Sacerdotis, si est occulta, vel  
publici judicis, si est manifesta. DOM.  
Hinc pulchrè apparet, quàm necessarium sit pœ-  
nitentiæ Sacramentum, in quo facta occulta  
Confessione tale secretum judicium celebratur.  
Sed rogo, nunquid post factam condignam  
pœnitentiam homo Christianus pristinæ reddi-  
tur sanitati?

Sicut Baptismus relinquit reliquias primi  
lapsus in carne, ita Pœnitentia relinquit reli-  
quias secundi lapsus in anima, & quo-  
modò expientur?

## C A P U T LXXVII.

### R Æ M U N D U S.

**D**Icam tibi ad tuam quæstionem quod te scire  
oporteat. Sicut se habet Baptismus ad  
primum lapsum, ita se habet Pœnitentia ad se-  
cundum. Sed Baptismus derelinquit reliquias  
in ipsa carne, ut suprà patuit, ita & Pœniten-  
tia relinquit nonnullas reliquias in anima. Agno-  
sce itaque, quòd post perpetratum peccatum  
duo remanent etiam opere transeunte, scilicet  
offensa, seu injuria Dei, cui annectitur obli-  
gatio temporalis & perpetuæ pœnæ. Alterum,  
dispositio & inclinatio ad similem nequitiam  
per-

perpetrandam. Actus enim humani eam habent conditionem, quòd semper suam in mente relinquant imaginem, ac per hoc, dum malum crebro iteratur, nascitur quædam consuetudo voluntaria malam operationem delectabiliter consummandi. Hoc gentilis Poëta considerans, ita canit,

*Sed quia delectas Veneris decerpere flores,*

*Dicimus assidue, cras quoque fiet idem.*

Ista autem inclinatio, seu habitatio, vitium quoddam est in anima generatum, & hoc Reliquias dicimus peccatorum. In omni quippe peccato fit aversio à Deo, & conversio inordinata ad creaturas, & istud totum vocatur Mortale peccatum, quia animam mortificat, & pœnis destinat sempiternis. Verùm dum homo aversus ad Deum per pœnitentiam redit, tollitur quidem mors animæ & pœna gehennæ, manent tamen propter crebram quam habuit in creaturis delectationem, quædam reliquiæ, quæ animam ægram languidamque relinquunt, ut non possit tota virtute in amorem sui assurgere Redemptoris, instar ejus, qui curâ alicujus Medici de portis mortis abstractus, adhuc jacet valetudinarius, & infirmus, eò quòd nondum mali corporis humores purgati sint.

DOM. Placeat apprimè quod dicis. Sed hæ reliquiæ quâ Medicinâ poterunt purgari?

RÆM. Tria sunt optima remedia, quibus ocyùs repurgentur. Primum est crebra, voluntaria, fidelis, & verecunda confessio, quæ quantò fuerit frequentius cum gemitu repetita, tantò efficacius

me-

medelam ægro cordi largitur. Secundum est devota Eucharistiæ manducatio. Nam ex quo hæ reliquiæ vitiosæ impediunt animam, ne possit in Christum per amorem assurgere (comparatur enim pigris, frigidisque humoribus) & quia Sacramentum Eucharistiæ est Sacramentum amoris & ignis, & cibus ardentissimæ charitatis, ideò dum sumitur ab anima languente, frigida, & indevota, quidquid illic vitiosum est, suo igne comburit, & inclinationibus pristinis expulsis habitus inserit optimos, & primis longè contrarios. Hoc modo anima purgatur, illuminatur, perficitur, ut jam non sit quod antè fuerat. Præterea, per hoc Sacramentum homo maximè unitur Morti & Passionibus Christi, quæ omnia mala nostra citius expellunt, ac perinde homo consequitur non solum culparum, verum etiam pœnarum & reliquiarum purgationem. DOM. Hinc optimè liquet, quòd ex quo homo potest frequenter cadere in mortale peccatum, ideò debet se diligenter exercitare in istis duobus Sacramentis. Nam per Pœnitentiam homo resurgit à lapsu, & vitam recuperat, & amicitiam Dei, & per Eucharistiam contra reliquias vires resumat spirituales, & fortitudinem ac robur multiplicat. Sed nunc de tertio remedio aliquid dicito. RÆM. Tertium est voluntaria tribulationum perpassio. Tribulatio enim & afflictio retrahit animam à carnis deliciis, à mundi oblectationibus, ab inordinatis rerum periturarum amoribus, & tanquàm in camino ardenti animam pur-

S

purgat & clarificat. Dum enim quasi quodam flagello cogitur ab amore rerum visibilium recedere, ardentius & expeditius pergit in amorem Dei. Porro Amor Dei dum fuerit tribulationibus admistus, reddit eas leves, portabiles, voluntarias, jucundas, meritorias, & supra modum animam repurgantes. Atque hoc pacto anima roboratur, illustratur, perficitur, & inflammatur, & cum Christo inseparabiliter unitur.

DOM. Nunquid ad purificandam animam solus sufficit Amor CHRISTI; nisi etiam tristissimus iste adversitatum fornax associetur?

RÆM. Non utique. Anima enim humana cum habeat liberum arbitrium, non cogitur ire ad Christum, nec à suis abscedere voluptatibus, nisi ipsa velit. At quoniam delectationes animam ligant cum sua carne, ideò ipsa tribulatio jam omninò necessaria est, quæ instar mallei percutientis animam cogat ad Christi amorem properare, atque inhærere.

DOM. Inventi sunt aliquando nonnulli innocentes atque optimi viri, qui magnis sunt adversitatibus examinati, nunquid istis fuit tribulatio necessaria, cum nihil haberent, quod purgaretur?

RÆM. Difficilimum est aliquem tam innocentem producere in medium, qui omninò nihil in se habeat quod emundetur, cum in multis delinquerimus omnes. Sed esto: Est tamen semper tribulatio necessaria, & ad purgandos vitiosos affectus, ut in pœnitentibus, & ad tenacius animam Christo glutinandam, & ferventius uniendam, ut in innocentibus.



bus. Hoc igitur, firmissimè observa, quòd sicut Sacramenta sunt animæ necessaria ad salutem, ita & tribulationes sunt necessariae instar fornacis cum suis tollibus, ut aurum examinetur, purgetur, illustretur. DOM. Libens assentior sermonibus veritatis. Sed dicito mihi, cùm multi hinc exeant noviter pœnitentes, de quibus certum est, quòd nondum ad purum excoxerint scoriam peccatorum, nec ad liquidum scelerum suorum reliquias purgaverint: Quid rogo de istis in alia vita futurum reris? Nunquid damnabuntur? Sed sunt pœnitentes. Nunquid ad gloriam transferentur? Sed adhuc sunt in reliquiis & fœcibus suorum scelerum profluentes? Ecce hæc quæstio tua cogit nos omninò post hanc vitam locum ponere Purgatorium. Cùm enim culpæ debeat plena puniatio, hoc quippe exigit divina iustitia, ideò omnis anima, quæ non est in hac vita sufficienter punita, antequam transeat in consortium Dei, & illam serenissimam omnipotentis faciem possit aspicere, necesse habet in alia vita puniri, tribulari, atque ita purgari. Verùm quia divina iustitia est in summo gradu iustissima, & severissima, & malorum districtissima persecutrix, ideò mala, quæ per semetipsum Deus punit post hanc vitam, tanta animadversione pœnarum persequitur, ut nulla mens id possit aliquatenus cogitare. Idcirco illa anima quæ sufficienter non purgatur in curia misericordiæ dum hinc exit, cadens in manum iustitiæ, amarissima experietur tormenta, omnibus

hujus mundi acerbitatibus graviora. Et quantò profundius transeuntium rerum delectationes in animæ medullas penetraverint, tantò profundius ad intima tormenta illa descendunt. Quod enim tenacius concretum est, acriori eget confricatione. At quoniam omnis purgatio fit per suum contrarium, ideo sicut anima est in blandis voluptatibus inquinata, ita acerbissimis ignibus expurgabitur, non tamen sine amore Dei in anima existente, sine quo nulla tribulatio esse potest salutifera. DOM. O! quantò satius, quantò facilius esset homini in hac vita sua delicta mundare, quàm illis intolerabilibus suppliciis infelicitè reservari, ubi est & cruciatus amarior, & pœna productior. Sed nos cæci, vecordēsque virtutem Pœnitentiæ vitæ hujus dissimulantes, aut nescientes, eam usque in aliam vitam, non sine maximo dispendio nostro, differimus.

Alia quædam, quæ possunt inducere hominem lapsum ad pœnitentiam.

## C A P U T LXXVIII.

RÆMUNDUS.

**V**Erùm tu dicis, omnes ad Pœnitentiam se-  
gnes sumus, eò quòd ignoremus magnitudinem virtutis ejus. Unde si non tibi videtur importunum, introducam breviter aliqua incitamenta, quæ hominem dirigant ad pœnitentiam.

tentiam. DOM. Quæso, ut id ocyùs feceris. RÆM. Primum, quod hominem provocat ad pœnitentiam est, quòd ipsa Pœnitentia suprà modum placet altissimo Deo. Nam cùm Deus nihil aliud detestatur, quàm ipsam peccati malitiam, eò quòd superba cervice contra Deum rebellem se erigit, idcirco is summè venit in gratiam Dei, qui toto corde, ore, atque opere peccatum impugnat, confundit, destruit, explodit. Atque ideò Pœnitentia Spiritùs contribulati est acceptissimum Sacrificium Deo, & suave fragrans in conspectu ejus. Secundum: Per Pœnitentiam homo non solum placet Deo, sed etiam universis amicis Dei: Quia gaudium fit Angelis Dei super uno peccatore Pœnitentiam agente. Tertium: homo per Pœnitentiam, qui erat penitus destructus, & perditus, & æterna morte peremptus, reparatur, vivificatur, salvatur, & se suo cum gaudio restituit Creatori, in eum finem dirigendum, ad quem conditus & redemptus fuerat. Quartum, Per Pœnitentiam homo pertingit ad visionem Summi Dei, æterni Dei. Pœnitentia enim est præcipuum atque optimum, quo Cor hominis mundatur, quod solum potest videre Deum. Ideò beati mundo corde, ipsi enim Deum videbunt. Quintum: Maximè inducere nos debet ad Pœnitentiam oculus divinæ circumspectionis, quæ omnia secreta hominis intuetur. Debet igitur summopere pertimescere, ne teneat in corde suo inimicum Dei, ne ipsum hospitet, nutriet, diligat, defendat. Quis

hominum in Regno Hispaniæ auderet hospitio recipere & enutrire capitalem Adversarium Regis ipso præsentem, videntem, contradicentem? Quis auderet ingredi domum Regis, & portare atque obicere oculis ejus imaginem depictam inimici sui? Quis rursùm tam ingratus auderet vivere de mensa regis, & ipso sciente alere inde hostem suum? Permittescat igitur homo Peccator, ne si Deo vidente hostem suum hospitio cordis receperit, ultionem experiatur amaram, & cum ipso hoste in abyssum rotetur inferni.

**DOMIN.** Quis non miretur indulgentem Dei clementiam, qui videt nos quotidie suos hostes hospitio recipere, amare, nutrire, defendere, & tamen dulcis Miserator parcit nobis, & insuper nos fovet, defendit, protegit. Nos suis favemus inimicis, & diabolo suavori pertinaciter inhæremus, ipse nos expectat, provocat, & ad veniam clementer invitat.

**R&M.** Sextum: Ad Pœnitentiam nos invitat justissima, & acerbissima Peccatorum punitio, quidquid aut corde, aut voce, aut opere peccavimus, necesse est ante Dei hominis tribunal examinari, examinatum verò districtissime puniri.

**Septimum:** Ad Pœnitentiam nos provocat certitudo mortis, & horæ mortis incertitudo. Ideò homo Peccator multò est omni amenti ac furioso dementior, qui in tanta ambiguitate, & incertitudine labilis vitæ audet ad unam horam in suis sceleribus permanere, exponens se infelix æternæ mortis periculo.

**Octavum:** Ad pœnitentiam nos impellit pretiosa mors Christi, &

& roseus Sanguis ejus, qui in remedium Peccatorum effusus est. Hæc mors, hic Sanguis, illi non proderunt ingrato, qui Pœnitentiam agere contempserit, qui clamantem Christi Sanguinem, & ad gratiam invitantem, surda aure transferit, cui æterna damnatio verissimè manet, & supplicium sempiternum.

DOM. Stupendum profectò est, quomodò possit homo ultra suum diligere peccatum, pro quo Deus & mortem pertulit, & Sanguinem fudit? Quomodo potest seipsum perferre malum, qui nullas extra se res vult habere corruptas, non domum, non vestem, non uxorem?

Quid tam mortè dignum, quàm animam æternò victuram contemnere, & res citò perituras amare, terrena sectari, & cœlestia negligere, extra se omnem operam impendere, & ad seipsum non semel introrsum advertere, pulchrè omnia foris disponere, & internum decorem pro nihilo habere, aliarum rerum damna reformare, & proprios defectus inemendatos dimittere, ab aliis justitiæ debitum exigere, & nullam sibi ipsi justitiam prærogare, à nemine noceri velle, & seipsum continuè jugulare, alias res omnes velle cognoscere, & seipsum nolle respicere. Sed comprimam zelum meum, tu verò ad alia quæ restant Sacramenta progredere.



De quinto Sacramento, quod est Extrema  
Unctio, per quam datur homini bene  
esse, & gratia.

## C A P U T LXXIX.

### RÆMUNDUS.

**P**ost Sacramentum Pœnitentiæ, de quo nunc  
latis diffusè locuti sumus, sequitur Extre-  
mæ Unctionis Sacramentum, per quod homo  
recipit bene esse, quia disponitur, & præpara-  
tur ad Sanctam Sanitatem, & vigorem spiri-  
tuale. Curat enim hæc Unctio omnem lan-  
guorem, & morbum animæ, & reliquias om-  
nes eliminat, & nonnunquam etiam corporis  
ægritudines sanat. DOM. Sed quare vocitatur hoc Sacramentum Unctio extrema?  
RÆM. Quia extremo vitæ tempore homini infirmanti, & mori incipienti tribuitur. Ex quo enim necesse est hominem hinc exire, & ad æternam requiem, quam per pœnitentiam meruit, proficisci, & quia anima à sua carne gravatur, trahitur, inficitur, maculatur, & debilitatur, ideo indiget novo vigore, ut in tam gravi agone mortis non succumbat, non titubet, non desperet; sed magis in Dei Amore roboretur, & Christi desiderio copulerur. Duo quippe præcipua sunt, quæ animam impediunt, ne recto tramite pervolet ad Deum. Unum est, debilitas quædam ex peccato derelicta, aliud est, congestes multorum venialium Peccatorum quo-

quotidiè exaggerata. Propter hæc duo mala removenda datur Extrema hæc Unctio, per quam animæ debilitas roboratur, & peccatum omne veniale diluitur, ita tamen, si devotè illam Unctionem homo receperit, & mentem suam ad Deum converterit. DOM. Nunc, quæso, paucis ostendito, quid hæc visibilis Unctio interius operetur. RÆM. Sicut exterius vides quandam fieri medicationem cum Oleo in ægrotantis corpore, ita significatur, quòd introversum anima per Dei gratiam curatur, & ut ad cælum vel ocius evolet roboratur. Præterea, ex quo mors ingressa est per fenestras nostras, ideò fit Unctio in septem corporis partibus. Unguntur enim oculi, aures, nares, manus, pedes, labia, & renes, ut significetur ipsam animam hoc Sacramento disponi ad plenitudinem sanitatis, deletis peccatis omnibus, quæ his septem corporis partibus committuntur. Præterea sicut Oleum non mixtum nitidum est, & serenum, ita hæc Unctio quæ fit simplici Oleo conscientiam hominis mundam facit, & Dei gratiâ refulgentem. Verum, quia per hoc Sacramentum fit curatio venialium peccatorum, ideò non datur parvulis, qui ignorant peccatum. Et quia in hoc Sacramento requiritur devotio sursùm levans, ideò non debet dari, nisi qui devotè id postulant, mente ad superna porrecta. At quoniam datur per modum curationis, ideò non tribuitur nisi multum infirmantibus, ut exterior quasi medicatio interiori animæ medelam significat. DOM. Cum

S s

per

per hujusmodi Unctionem corporalis infirmitas raro adjuvetur, quare hoc tali signo, quod falsum videtur, res verissima monstratur? RÆM. Licet tali Unctione morbus corporeus non sanetur, non tamen propterea signum est falsum, quia non datur ad corpoream curationem, sed ut sit signum, quod sicut Oleo corpus ægrotum perungitur, ita ægra intus anima Spiritus Sancti Chrysmate irroratur, per quod ipsa roboratur, vegetatur, alleviatur, tranquillatur, lætificatur, & ut moribundi corporis molestias fortiter perferat, solidatur. Hinc nunc breviter animadvertite, inter Confirmationem, & istam Unctionem pulchram differentiam. Confirmatio conficitur in Oleo & Balsamo: Unctio autem in Oleo solo. Illa in verbis fit indicativis, istis in verbis deprecativis: Oratio enim ægris necessaria est morituris, & ad Dei terribile iudicium mi graturis. Præterea illa fit signo facto in medio frontis, ista in septem corporis partibus, illa datur tempore sanitatis, ista autem tempore malæ valetudinis, illa & adultis datur, & parvulis, ista solum datur adultis. DOM. Brevi admodum sermone sufficienter hujus sacramenti virtutem atque necessariam utilitatem explicasti, ut merito omnis, qui in mortem urgetur, illud debeat toto corde devotus exposcere, recipere, complecti, quo reliquæ levantur, venialia dimittuntur, anima roboratur, & ad ingressum Regni cœlestis coaptatur.

De



Sextum Sacramentum est Ordo, per quod  
character imprimitur spiritualis pote-  
statis, Sacramenta salutis mi-  
nistrandi.

## C A P U T L X X X.

### R E M U N D U S.

**S**icut jam satis animadvertisti, quòd ista Sa-  
cramenta, quæ nunc tractavimus, sunt ho-  
mini lapso necessaria, ita necessarium est, ali-  
quos esse homines, qui hæc possint Sacramen-  
ta conficere, & ministrare. Verùm, quia hæc  
Sacramenta sunt Christi, & nullus propria au-  
thoritate potest res alienas dispensare, idcò ne-  
cessè est, ut Christus ordinet viros aliquos, qui  
sua possint Sacramenta hominibus in commu-  
ne distribuere. Est igitur necessaria potestas  
in terris dispensandorum Sacramentorum,  
Christo Domino id largiente, id ordinante.  
**DOM.** Hinc ergò duo esse necessaria homini-  
bus ad salutem intelligo: Primum est, ipsa gra-  
tia, per quam regenerantur, & perficiuntur.  
Secundum est, hujus gratiæ per Sacramenta  
ministrandi Officium. Et in his duobus to-  
tum consistit humanæ salutis complementum.  
Sicut enim ad generationem hominis concu-  
runt Deus Creator, & homo genitor, (hic  
nempe carnem administrat, & Deus animam)  
ita in hominis generatione per Sacramenta,  
quæ res sunt visibiles, concurrunt etiam Deus, &  
homo, nam homo administrat corporalem Sa-  
cra-

cramentorum substantiam, & Deus invisibilem gratiam. Sacramentum enim tenet modum corporis, & gratia est sicut invisibilis anima. Et sicut naturali generatione pater homo corpus tribuit, sed animam donare non potest, ita potestas ministrandi res Sacramentorum visibiles dari potuit hominibus, sed potestas gratiam creandi, seu conferendi, penes solum residet Salvatorem. Sed quare hoc Sacramentum (de quo nunc agimus) vocatur Ordinis Sacramentum? RÆM. In isto Sacramento quædam grandis authoritas, & honoris potestas aliquibus viris tribuitur, quâ suprâ cæteros homines altius elevantur, & quibusdam gradibus attolluntur. Ubi autem est unus altero Supetior, illic Ordo sit necesse est, qui inter Christianos unum attollit suprâ alterum. Sicut enim omnia membra humani corporis in hoc conveniunt, quòd vivunt, quòd calent, quòd nutriuntur, quòd moventur, longè tamen differunt penes officia singulis distributa, ita omnes Christi fideles in fide, spe, & charitate concurrunt, sed dignitatis potestas unum elevat suprâ alium. Et ideò Christianam gentem in duos necessario populos subdividimus, unus sunt Laici, & unus Clerici. At quoniam Clerus distributione Sacramentorum Christo proximè appropinquat, ideò est Laicis dignior, sublimior, nobilior. DOM. Intelligo Ordinem, cupio nôsse, quare hîc Ordo datur per modum Sacramenti, & an hoc Sacramentum recipienti gratiam largiatur? RÆM. Ex quo Sacramentorum Mini-

stri

stri dicuntur ab aliis separari, & attolli, ideò necessarium est, ut hoc fiat per aliqua signa manifesta. Nam sicut Christianus, dum separatur per Baptismum à non Christiano, recipit characterem in anima indelebilem, ita dum homo Christianus accipit tam grandem potestatem suprà cæteros, ut possit Sacramenta conficere, & conferre, imprimitur ei character immortalis per aliqua signa manifesta, atque ideò oportuit, ut talis potestas per motum largiatur Sacramenti. DOM. Sed nunquid iste character impressus, dum Ordo confertur, gratia dici debet? RÆM. Licet iste character sit res invisibilis animæ impressus, non tamen est gratia, sed est quædam spiritualis Potestas à Christo collata, quæ in æternum deleri non potest. Nam quia alii Christiani assimilantur Christo per gratiam, ideò oportet ut ultra hanc gratiam, quam & isti in aliis Sacramentis recipiunt, aliud quiddam ipsis in anima imprimatur, per quod suprà alios eleventur, & Christo propinquis comparentur. Idcirco quamvis hujusmodi homo perdat gratiam sibi collatam, non tamen ideò perdit hanc invisibilem potestatem, quæ illi ut character indelebilis perseverat. DOM. Sed quomodo probas, rogo, quòd ista potestas non possit amitti? RÆM. Ista potestas ministrandi Sacramenta non datur his, quibus datur, propter seipsos, sed propter alios, quibus necesse est ex Sacramentis accipere gratiam, ideò oportet, ut etsi hi Ministri suam gratiam peccando perdant, non perdant tamen indelebilem

Fix-

potestatem. Præterea si Clericus posset, suam amittere potestatem, damna maxima Christiano populo provenirent, quorum omnis tunc salus, vel perditio ad bonitatem, vel malitiam penderet Sacramenta donantis, essetque nimis infelicitate nostræ provisum sanitati. Præterea, Ordo Sacerdotalis, qui est inter omnes principalior, magnam habet cum libero arbitrio concordiam: Nam sicut liberum arbitrium est immortale, ita & Sacerdotium, & sicut liberum arbitrium, etiam si fuerit corruptum, est tamen naturaliter præ cæteris creaturis Deo proximum, ita & Sacerdos, quamvis sit vitiosus, & sceleribus plenus, in potestate, tamen, qua fungitur semper permanet Christo propinquus. Nam ex quo Sacerdos nihil gratiæ in anima tribuit, licet foris species visibiles administret, ideò sua vel bonitas vel malitia nihil efficit ad Sacramenti virtutem, ita, tamen dum faciat, sicut fieri Christus instituit. Quemadmodum enim homo æquè generat, sive sit bonus, sive sit malus, & Deus æqualiter animam donat, ita bonitas, & malitia Sacerdotis nihil impedit, quin Deus optimus semper det gratiam Sacramentis. Hinc etiam patet, quòd homo aliquis Christianus à sua gratia relapsus, potest nihilominus recipere Ordinis Sacramentum, quia non prærequirit bonitatem personæ, sed solum sufficit, quòd sit Christianus. DOM. Quantum ego considero, potestas, quæ in Sacramento Ordinis confertur, sicut hominis gratiam non exigit, ita etiam neminem meliorem reddit. Puto tamen quòd hujus-

jusmodi Minister sicut cæteros antecedit altissima potestate, ita etiam debet magna Sanctitate præcedere, quia alias tam magnifica Sacramenta non poterunt ab eo dignè Ministrari. RÆM. Rectè arbitraris.

Qui enim res Sacrosanctas administrat, tenetur ipse & Sanctus, & bonus haberi, alioquin in suam perniciem, & perditionem elaborat. Quantum tamen attinet ad Sacramenti virtutem, nihil officit aliis, si malus & indignus fuerit. Hoc tamen verum est, quod si is, qui Ordines recipit, fuerit in gratia, copiosius illi gratia cumulatur, si malus fuerit, in suam quidem perniciem consecratur, sed tamen permanet consecratus, & non magis præjudicat Sacramentis, quàm malus Apothecarius optimis à se conditis medicinis.

DOM. Hinc luce clariùs apparet, quòd is, qui vult recipere Christi gratiam in Sacramentis, non debet ministrantis malitiam cogitare, cùm nullam tribuat Sacramentis virtutem, non magis, quàm Apothecarius qui medicinam conficit, qui tamen non dat herbis virtutem, neque radicibus.

Sacramentum Ordinis principaliter respicit,  
& ordinatur ad Sacramentum Eu-  
charistiæ.

## C A P U T LXXXI.

RÆMUNDUS.

**N**Unc superest, ut breviter dicamus hujus Sacramenti respectum. Cùm enim certissi-  
mè

mè constet, quòd Sacramentum Eucharistiæ sit summum, & maximum omnium Sacramentorum, eò quòd ibi contineatur totus Christus Deus & homo, ideò Sacramentum Ordinis è directo, & præcipuè respicit potestatem, quæ datur supra Sacramentum Corporis & Sanguinis Christi, & propter hoc & principaliter institutum. Et quia hujus potestatis gradus est ultimus, ideò necesse est ascensum ad hunc fieri per alios gradus, hoc est potestates aliàs inferiores, donec perveniat ad summum. Tinctor enim antequàm ponat in panno crudo ultimum colorem, ac nobilissimum, primum inserit alios colores minùs nobiles, qui viam faciant ad colorem ultimum. Et ideò ad Sacerdotium sex gradibus ordinatis fit sensim ascensus. Primus gradus est potestas Ostiarii, secundus Lectoris, tertius Exorcistæ, quartus Accoliti, quintus Subdiaconi, sextus est Diaconi, ultimus Sacerdotis. Et quia tales personæ ab aliis distinguuntur & elevantur, ideò oportet, quòd sit quædam differentia visibiliter, & ideò ante omnia Tonsura præcedit, per quam tanquam in signo à Laicis separantur. Verùm quia Sacerdotium (ut jam diximus) libero arbitrio comparatur, ideò sicut liberum arbitrium est Deo proximum per naturalem virtutem, ita Sacerdos est Sacramento Eucharistiæ maximè propinquus per potestatem Sacerdotalem. Item sicut omnes creaturæ per liberum arbitrium ad Deum copulantur, ita omnes inferiores gradus per Sacerdotium Sacræ Eucharistiæ conjunguntur. Et sicut homo continet in se omnes creatu-  
ras,

tas, ita & Sacerdos præter sex gradus, omnes etiam Christianos. Item sicut potestas liberi arbitrii est suprâ alias potestates naturales, ita natura Sacerdotalis gloriæ omnes superat virtutes spirituales. Item sicut per primum hominem Deus multiplicavit alios homines, ita per primum Sacerdotem Christum alios multiplicavit Sacerdotes. DOM. Sed nunquid propter solam Eucharistiam est Sacerdotis potestas instituta? RÆM. Non, sed tamen (ut dixi) principaliter propter eam. Huic autem potestati judiciaria potestas, quæ in Sacramento Pœnitentiæ necessaria est, copulatur, quia nemo potest dignè sumere Eucharistiæ Sacramentum, nisi prius à peccato solvatur. Et sic Sacerdos secundariò recipit potestatem judicandi & absolvendi, quæ potestas Clavis vocatur, eò quòd intromittat homines ad Christi Corporis Sacramentum, ad Christianorum consortium, & ad Regnum Cœlorum. DOM. Placet quod dicis, sed est aliud quiddam, quod me permovet. Cùm nullus Christianus possit sibi ipsi dare potestatem suprâ Sacramentum Corporis Christi, ideò videtur oportere eam ab alio quodam Superiore recipere, & quia non est procedere in infinitum, idcirco oportet sistere in aliquo maximo Sacerdote, suprâ quem nemo sit. RÆM. Dixi paulò antè, omnia Sacramenta profluere à Christo maximo Sacerdote. Verum, quia oportuit illum ascendere in cœlum, ideò per seipsum aliquos magnos constituit Sacerdotes, quibus potestatem contulit alios Episcopos & Presbyteros ordi-

**T**

nare

nandi, & unum præ cæteris loco sui Vicarium constituit, qui haberet præeminentiam longè suprà alios, in quo tanquam in uno capite omnes Christiani fideliter unirentur. Hic est Petrus Apostolus, & omnes Summi Pontifices sui sequaces, qui gerit Personam Christi, qui habet universalem potestatem illimitatam & Sacramentum Ordinis conferendi, & omnia peccata Pœnitentium Christianorum, & omnia scelera judicandi, absolvendi, & donandi. DOM. Egisti satis Quæstiunculæ meæ. Verùm, quia paulò antè in Laicos & Clericos Christianorum populum partitus es, ideò cogor æstimare inter Laicos etiam inveniri aliquam Ordinis potestatem, per quam unus suprà alterum elevetur, sicut nunc in Clero demonstrâsti. Videmus enim suprà Opifices & Mercatores elevari civilium causarum Judices, tum Milites, tum Barones, tum Comites, deinde Duces, & Reges, donec venias ad Imperatorem, qui caput est omnium.

De septimo Sacramento, quod est Matrimonium, per quod datur benè esse, & grâtia, & remedium contra peccatum.

## C A P U T LXXXII.

R Æ M U N D U S.

**S**I cupis Ordinem potestatis Laicalis plenius agnoscere, lege librum meum, unde iste transumptus est, nos ad finem properantes necessariis tantùm hîc intendimus immorari. Pauca  
igi-



igitur nunc de Sacramento Matrimonii loquamur. Cū Dominus Deus primum hominem in Paradyso posuisset, continuò fœminam de sua carne formatam illi in Matrimonium copulavit, ut per hanc conjunctionem visibilem alia copula invisibiliter, quæ est hominis cum Deo, & in qua salus hominis consistit, monstraretur. Propter duas itaque rationes Deus hoc sancivit Matrimonium: Una, ut esset generandis, multiplicandisque hominibus aptissimum instrumentum. Altera, ut esset conjunctionis inter Deum & hominem visibile signum. Verum, ut ista posterior copula hominis cum Deo perfectius ab homine notaretur, ideò à Principio fecit Deus mirabiles conjunctiones, unam, quâ sociavit animam cum carne, & ista est naturalis, & aliam, quâ conjunxit virum cum muliere, & ista est voluntaria & Sacramentalis. Ista prima conjunctio est signum, & ideò est secunda nobilior primâ. Nam sicut anima est dignior sua carne, ita vir sua muliere. Item sicut una anima unam tantum habet carnem, ita unus vir unam tantum mulierem. Item sicut anima non potest à sua carne nisi morte interveniente separari, ita vir & mulier nisi per mortem non dividuntur. DOM. Quantum ego animadverto, sicut prima conjunctio est præcipuè signum secundæ, ita ista secunda est signum tertiæ, quæ est conjunctio animæ, seu humanæ naturæ cum Creatore, quæ est omnium maxima & præstantissima, sine qua incassum cæteræ æstimantur. Nam sicut caro per animam, & fœmina per vi-

rum sublimantur, vivificantur, nobilitantur, ita humana natura attollitur, & vehementissimè dignificatur per copulam fœderis, quâ Creatori conjungitur. **RÆM.** Sicut ergo duæ sunt conjunctiones visibiles, una animæ cum carne, & altera viri cum muliere, ita duas nunc quæso copulas spirituales intellige, quibus humana natura potest cum Deo sociari. Una est instar animæ cum carne, & fit per unionem personalem, quâ Deus & homo in Christo conveniunt in Unitate personæ. Alia est instar viri cum muliere, & fit per voluntariam pronamque dilectionem, quâ etiam Sponsa suo Sponso Salvatori strictis amplexibus copulatur, Et sicut de complexu maris & fœminæ nascuntur filii naturales, ita ex copula Christi cum Ecclesia filii generantur quotidie spirituales, & sicut mulier est formata de viro, ita Ecclesia de Christo. Et sicut vir & mulier habent in natura conformitatem, ita Christus Ecclesiæ conformatur per suam Humanitatem. Et sicut inter virum & mulierem est summa dilectio, & sunt cor unum, & anima una, ita Ecclesia Christum, & Christus amat Ecclesiam, & tradidit pro ea in mortem animam suam. Prætereà sicut Sponsus ornat & decorat Sponsam suam, ita & Christus spiritualibus monilibus intus decorat Ecclesiam. Et sicut Sponsus Sponsam suam, ne lasciviat, castigat, ita & Christus Ecclesiam, & ut omnia in unum conferam, sicut se habet bonus Sponsus ad suam Sponsam, ita Christus ad suam se gerit Ecclesiam. **DOM.** Pulchra utriusque ad invicem

**vicem Matrimonii comparatio.** Sed qua ratione obsecro Sacramentum Matrimonii inter alia novi Testamenti Sacramenta numeratur, cum ipsum antiquum sit, & non novum? **RÆM.**

Sacramentum Matrimonii sicut à Principio fuit institutum ad significandam primam conjunctionem spiritualem, quæ fuit inter naturam humanam & Creatorem, ita jam de novo debuit institui, ad significandam novam copulam, quæ est inter redemptam Ecclesiam & Salvatorem. Est igitur Matrimonium & antiquum & novum, sed diversis respectibus, & ideo merito potest cum cæteris Sacramentis æstimari.

**DOM.** Quoniam igitur Matrimonium est novæ gratiæ Sacramentum & omne Sacramentum certam dat gratiam, & speciale aliquod, quò homo indiget, adjutorium, rogo te, ut dicas mihi, quodnam est illud adjutorium gratiæ, quod in hoc Sacramento Christus Dominus elargitur? **RÆM.** Sicut ipse nôsti, Matrimonio datur homini facultas ex divina institutione, ut utatur sua conjuge ad sobolis procreationem, & ex consequenti datur etiam illic gratia, cum qua illud convenienter fieri possit.

Qui enim recta intentione, & ad prolium generationem Sacramentum recipiunt Matrimonii, hujusmodi etiam gratiam promerentur contra concupiscentiam carnalem, quâ anima sublevatur à corruptione, & nimio libidinis ardore, ut sit ibi copula singularis, copula utilis, & copula inseparabilis. Ex copula singulari nascitur fides, quâ uterque conjugum invicem obligan-

tur. Ex copula utili sequitur bonum prolis, ad quod Matrimonium est institutum. Et ex copula inseparabili oritur bonum Sacramenti, quia est Sacramentum Spiritualis conjunctionis supra memorata. Et sic tria bona generantur ex Matrimonio, scilicet fides, proles, & Sacramentum. Hæc tria bona excusant, imò honestant ipsam copulam carnalem, & ipsam copulæ concupiscentiam, ut actus ille, aliàs turpissimus, honestus sit, & meritorius.

DOM. Magna certè & admirabilis hujus Sacramenti gratia. RÆM. Audi & aliam: Tres sunt in

homine inordinationes concupiscentiæ perverse. Prima est, quòd homo luxuriosus sæpè multas appetit mulieres, sed per gratiam Matrimonii iste appetitus restringitur, ut sit unica consorte sua contentus. Secunda inordinatio, quod homo luxuriosus magis quærît in coitu suæ satisfacere concupiscentiæ, quàm prolem aliquam procreare, sed in Matrimonio gratiam recipit. ut magis cognoscat uxorem gratiâ sobolis, quàm libidinis. Tertia post completam libidinem solet nasci nausea, & fastidium ejus mulieris, quam cognovit, ac tum illum respuit, & quærît aliam, sed in Matrimonio datur gratia, & adjutorium, ut nullam cupiat extrâ consortem suam, velitque semper cum ea inseparabiliter permanere.

DOM. O! immensam clementiam Domini Salvatoris, qui tali Sacramento nostris concupiscentiis benignè providit. Sicut enim ipse novit, carnem nos lubricam gerere & sordibus plenam, idcò instituit mise-

rans,

rans, ut illicita desideria licitis Matrimoniiis restringantur. Sed nunc paucis ostende, quomodo Matrimonium sit Sacramentum, & quod illic est visibile, quod invisibile? RÆM. Istud Sacramentum instar se habet Sacramenti Pœnitentiæ, in quo non est res aliqua corporalis. Verba itaque à viro & muliere prolata, per quæ interior amborum consensus exprimitur, sunt illud totum, quod primum apparet in Matrimonio, & interior ipse consensus est id, quod in Matrimonio significatur. Et inde causatur vinculum obligatorium inter virum & mulierem invisibile, spirituale, quod nunquam dissolvi potest, divina ordinatione id disponente. Sunt igitur tria istic per ordinem, scilicet verba exteriora, interior utriusque consensus, & ipsum insolubile vinculum, & hoc vinculum est Sacramentum, quia conjunctionem inter Deum & animam, inter Christum Ecclesiamque significat. Virtute hujus vinculi vir transit in potestatem mulieris, & e converso, & tenentur sibi mutuò debitum reddere. Si voles hanc materiam perfectius nôsse, oportet te quid Jurisperiti loquantur, aspicere. Nos quod nostrum fuit sufficienter expressimus, simul & de Sacramentis ultra disputandis finem statuimus. Unum superest, ut innumeras gratias Christo Domini humilicorde dicamus, qui hisce pretiosissimis Sacramentis nos lapsos erexit, Deo sibi que reconciliavit, de potestate tenebrarum eripuit, gratiam nobis & benè esse contulit, æternam gloriam repromisit, ut de benè esse gratiæ ad esse

optimum gloriæ transeamus. DOM. Ecce hoc postremum quod de Optimo esse gloriæ tetigisti, hætenùs mihi animum suspensum tenuit, cupiens vehementer agnoscere, quomodo esse optimum Christus Miserator largiturus sit. Hoc enim complet & consummat totum hominem. Tu ergò pro tua humanitate aliquid de hoc ocyùs ediffere.

### De Judicio Universalì.

## C A P U T LXXXIIL

### R E M U N D U S.

**F**acerem etiam, etsi minimè rogares. Non enim oportet hominem, de quo hætenùs semper loquuti sumus, dimittere in consummatum. Egitmus de hominis creatione, egimus de sua reparatione, nunc agendum est de finali ejus retributione. Tripliciter enim operatur Deus circa hominem, scilicet ipsum creando, reformando, & juxta quod operatus est æquissimè judicando. Cum itaque sit homo opus Dei vivum, nobile, magnificum, & præ cæteris creaturis suo Conditori simillimum, ideò non debet in consummatum imperfectusque manere. Verùm, quia non potest ultimum consequi finem, nisi prius opera ejus examinentur, & judicentur, ut juxta qualitatem sui operis ultimæ retributionis præmium fortiatur, sive in æternam pœnam, sive in gloriam sempiternam, Idcirco nunc necesse est de hoc ultimo, & generali Judicio pauca dicere,

&

& an etiam futurum sic certis rationibus naturalibus demonstrare. DOM. Ita fac obsecro, ego aures cordis diligenter admoveo. RÆM. Judicium universale futurum potest ex ipsius hominis natura probari. Nam cum homo habet à Deo liberam voluntatem, & est operum suorum Dominus, ideò opera ejus ratione arbitrii sunt meritoria, & ideò etiam judicabilia, ut recipiant judicante Deo vel pœnam, vel gloriam. Justissimum certè est, ut qui aliquid libera operatione promeruit, id à Deo in integrum recipiat, ut detur ei post laborem sua merces. DOM. Si homo debet mercedem sui operis à Deo recipere, ideò manifestè consequens est, judicium venturum, quo examinetur, & judicetur, quid promeruerit. RÆM. Idem probamus ratione debiti. Bonis enim operibus debetur laus, favor, & honor, malis verò è diverso vituperium, ignominia, & opprobrium. Hinc etiam oportet, quod opera bona, quæ propter Deum sunt facta, tantam recipiant à Deo laudem, & gloriam, quæ non possit amplior æstimari, & opera iniqua in injuriam Dei perpetrata, tam grandem execrationem confusionemque sortiantur, quâ nequeat grandior posse donari. Ut igitur hæc in summo fiant, necesse est universale judicium proferri in conspectu omnium hominum, & Angelorum, qui norunt inter bonum malumque discernere, quo justa opera ab omnibus approbentur, laudentur, & publicè honorentur, quæ verò reproba sunt, cum summa omnium exe-

eratione explodantur, exhibilentur, confundantur.

DOM. Ut istud fiat, dicis, necessè est omnium illic corda conscientiasque palàm cunctorum oculis patefcere, ut boni communem mereantur accipere laudem, & mali publicam confusionem.

RÆM. Verùm tu dicis, libri enim, id est, conscientia aperientur, & mortui judicabunt ex his, quæ scripta fuerint in libris. Tertiò probamus iudicium futurum ex conditione operum malorum. Nam opera iniqua suppliciis puniri debent, & ignominiiis.

Non enim sola pœna debetur peccatis, sed etiam aperta confusio, cùm plerumque homines magis timeant confundi, quam torqueri. Ea namque est omnium scelerum & malorum operum conditio, ut celari velint semper, & abscondi. Quia igitur nemo malignus vult secretam fraudis suæ nequitiam agnosci, ideò ut peccata omnia, quæ nunc sunt occulta, extremâ, & publicâ retributione feriantur, necessè est universale apparere iudicium, in quo omnia malorum furta, fraudes, artes, ingenia tanta claritate cunctorum oculis parebunt, ut sole clariùs videantur.

DOM. Heu! quàm insani sunt, quàm verè vecordes, qui nunc sua scelera uni homini in Confessione aperire refugiunt, quæ in illo tremendo iudicio tam lucida demonstratione confusibiliter expandentur. Quantò, satiùs est nunc ea clam prodendo occulere, quàm ea postmodùm cum summo ruore palàm ostendere, & ostendendo perire.

RÆM. Istud certè promerentur, qui hîc nolunt  
ulla,



ullatenus de peccato confundi, propriam laudem, gloriâque quærentes, quibus æterna caligo, & confusio reservatur. Quartò, probamus judicium futurum ex gaudii, tristitiæque natura. Necesse est enim, ut justus de sua justitia tam magnificè gaudeat, ut perfectiùs gaudere non possit, & impius de sua nequitia tam grandem habeat tristitiam, ut eâ non possit major haberi. Ut autem isthuc sic fiat, necesse est, universale Judicium promulgari, in quo boni ab omnibus laudati summum gaudium, & reprobi ab omnibus vituperati æternam tristitiam mereantur. Quintò, non sunt nisi duo judicabilia, scilicet opera mala, & opera bona, & quia contraria juxtâ se posita magis ipsa clarescunt, ideò est futurum generale judicium, in quo omnia opera bona comparatione malorum gloriosissimè illustrabuntur, & mala opera comparatione bonorum extrema confusione sordidentur. DOM. Terribile est, quod loqueris, & quod pravorum hominum possit animos permovere. Sed nunquid hæc extrema omnium operum retributio in sola hominis anima fieri debet, an etiam simul & in carne?

Generale Judicium omnium corporum mortuorum universalem præquirit resurrectionem.

## C A P U T LXXXIV.

R Æ M U N D U S.

**D**Iximus præcedenti capitulo. quòd genetale Judicium respicit humanam naturam. Ad hu-

eratione explodantur, exsibilentur; confundantur.

DOM. Ut istud fiat, dicis, necesse est omnium illic corda conscientiasque palam cunctorum oculis patescere, ut boni communem mereantur accipere laudem, & mali publicam confusionem.

RÆM. Verum tu dicis, libri enim, id est, conscientia aperientur, & mortui judicabunt ex his, quæ scripta fuerint in libris. Tertiò probamus iudicium futurum ex conditione operum malorum. Nam

opera iniqua suppliciis puniri debent, & ignominiosis. Non enim sola poena debetur peccatis, sed etiam aperta confusio, cum plerumque

homines magis timeant confundi, quam torqueri. Ea namque est omnium scelerum & malorum operum conditio, ut celari velint semper, & abscondi.

Quia igitur nemo malignus vult secretam fraudis suæ nequitiam agnosci, ideò ut peccata omnia, quæ nunc sunt occulta, extremâ, & publicâ retributione feriantur,

necesse est universale apparere iudicium, in quo omnia malorum furta, fraudes, artes, ingenia tanta claritate cunctorum oculis parebunt, ut

sole clariùs videantur. DOM. Heu! quàm infani sunt, quàm verè vecordes, qui nunc

sua scelera uni homini in Confessione aperire refugiunt, quæ in illo tremendo iudicio tam lucida demonstratione confusibiliter expanden-

tur. Quantò, satiùs est nunc ea clam prodendo occulere, quàm ea postmodum cum summo ru-

hore palam ostendere, & ostendendo perire. RÆM. Istud certè promerentur, qui hîc nolunt  
ulla,

ullatenus de peccato confundi, propriam laudem, gloriâque quærentes, quibus æterna caligo, & confusio reservatur. Quartò, probamus judicium futurum ex gaudii, tristitiæque natura. Necessè est enim, ut justus de sua justitia tam magnificè gaudeat, ut perfectiùs gaudere non possit, & impius de sua nequitia tam grandem habeat tristitiam, ut eâ non possit major haberi. Ut autem isthuc sic fiat, necessè est, universale Judicium promulgari, in quo boni ab omnibus laudati summum gaudium, & reprobi ab omnibus vituperati æternam tristitiam mereantur. Quintò, non sunt nisi duo iudicabilia, scilicet opera mala, & opera bona, & quia contraria juxtâ se posita magis ipsa clarescunt, ideò est futurum generale judicium, in quo omnia opera bona comparatione malorum gloriosissimè illustrabuntur, & mala opera comparatione bonorum extrema confusione sordidentur. DOM. Terribile est, quod loqueris, & quod pravorum hominum possit animos permovere. Sed nunquid hæc extrema omnium operum retributio in sola hominis anima fieri debet, an etiam simul & in carne?

Generale Judicium omnium corporum mortuorum universalem præquirat resurrectionem.

## C A P U T LXXXIV.

### R Æ M U N D U S.

**D**iximus præcedenti capitulo. quòd genetale Judicium respicit humanam naturam. Ad hu-

humanam autem naturam pertinet & corpus & anima : Nam sicut est natura corporalis tantum, & natura spiritualis tantum, ita est natura corporalis, & spiritualis simul. Quia igitur hæc natura est judicabilis, & præmiabilis, ideò necessè est, ut in corpore, & in anima judicetur. Ut autem hoc fiat, oportet fieri corporum omnium resurrectionem, ut sicut anima in corpore, & cum corpore aut peccavit, aut jussè egit, ita etiam cum corpore recipiat, quod promeruit. Et quia illud extremum Judicium est finalis omnium retributio; ideò fieri debet generalis omnium mortuorum resurrectio. Una ergò inseparabili catena colligantur & universale judicium, & resuscitatio mortuorum. Præterea mortuorum resurrectio est necessaria propter totius Universi complementum, quod ex tribus constituitur naturis. Quia igitur corporalis natura tantum, & spiritualis tantum permanent in æternum, ideò etiam oportet ut ex ambobus condita natura suscitata in sempiternum perseveret. Ideò etiam pueri, qui ex proprio nihil deliquerunt, propter complementum Universi necessè est, quod cum aliis resurgant. Præterea, aut nemo, aut omnes certè resurgent. Si ergò aliquis jam resurrexit, argumentum est, quòd resurgent & omnes. Sed Christus verus homo jam à morte surrexit, ergò omnes resurgent, quia resurrectio debetur humanæ naturæ, nec est impossibile fieri, quod semel jam factum est. Sicut granum frumenti cadens in terram dum mortuum fuerit, & reviv-

xc.

xerit , multiplicem fructum affert , ita Christus mortuus & suscitatus , innumerabilem corporum resurrectionem operatur. Ista autem resurrectio neque in Christo facta est virtute humana , neque in nobis fiet , sed potestate divina.

DOM. Sed quali in corpore mortui resurgent ?

RÆM. Qui membra sunt Christi resurgent Christo simillimi , in corpore lucido , agili , impassibili , & immortalis. Qui autem Christi sunt Adversarii , dissimiles valde Christo resurgent , in corpore tenebroso , ponderoso , grosso , passibili , sed immortalis , ut vivant , & urantur , & sentiant semper.

Cum enim virtus causaque resurrectionis consistit in merito , vel demerito hominis , quod semper etiam moriente homine permanet immortale. Ne ergo cassa & inania sint humana merita , & ne vacuum appareat in Universo , necesse est futura vera corporum resurrectio.

DOM. Quid hinc Origenistæ dicturi sunt , qui carnis negant resurrectionem , asserentes omnem corpoream substantiam in fine mundi penitus interire , sicut in suo Periarchon Origenes exequitur ?

RÆM. Origenistæ , & horum sequaces ideò decipiuntur , quia non rectis oculis opera Creatoris aspiciunt. Ideò dicunt enim resurrectionem non esse , quia putant perfidi homines de mortuis extinctisque pulveribus Deum vivas carnes suscitare non posse.

DOM. Licet ego non dubitem , quin Deus id possit , tu tamen ostende quomodo possit ?

RÆM. Si Deus potuit innumerabiles rerum species simul  
de

de terrâ producere , facile etiam poterit de suis pulveribus ea, quæ priùs fuerunt corpora suscitare. Sicut enim Dei Justitia id requirit, ita & Majestas virtutis ejus id poterit. Præterea, si potuit Deus tot corpora condere , quæ penitus non erant, quare non poterit reformare quæ perierant ? Præterea si Deus potenti manu aliqua constituit corpora incorruptibilia, ut sunt cælestia corpora, quare non poterit reparare mortalia corpora nostra, & ea facere immortalia ? DOM. Nihil hac verius veritate.

Judicium generale futurum probatur ratione honoris, potentia, & sapientia Dei.

## C A P U T LXXXV.

### R E M U N D U S.

**E**Go præterea magnoperè tibi prodesse arbitror, si probem, etiam generale judicium futurum ex parte honoris, & potentia Dei, non quo tibi fidem augeam, sed timorem. Nam ex quo Deus suo beneplacito, nullo aut rogante, aut cogente, humanam naturam, cum non esset, condidit, ergò multò magis debitam faciet meritorum omnium retributionem. Quia non esset æquum, hominem liberè operantem creare, & operis mercedem nolle reddere. Secundò, cum finalis retributio sit opus honoris solius Dei extrà se, quidquid enim Deus operatur extrà se, ad suum id operatur honorem. Et

Et quia iudicium finalis retributionis est ultimum & completum opus Dei circa humanam creaturam, ideò oportet, ut in hoc ultimo opere Deus agat, palam manifestando summum honorem suæ potentiae, suæ sapientiae, suæ iustitiae. Potentia apparebit in tot corporum suscitatione, sapientia in conscientiarum discussione, iustitia in meritorum æquissima distributione. DOM. Hunc summum honorem Deus non acquireret exterius, nisi humanam angelicamque naturam ad examen generale deduceret, in quo possent suæ potentiae, sapientiae, & iustitiae opera ab omnibus videri, & commendari. RÆM. Præterea istud Iudicium universale cum debeat esse summè honorificum, laudabile, gloriosum, oportet igitur, ut illic fiant apertissimæ omnium meritorum declarationes, oportet quoque, ut ferantur sententiæ irrevocabiles, & finaliter dentur meritorum omnium iustissimæ retributiones. Requirit enim hoc iudicium, ut in meritorum declarationibus ostendatur in Iudice rectitudo veritatis, in sententiis irrevocabilibus autoritas & potestas summæ Majestatis, & in retributione præmiorum siue poenarum plenitudo iustitiae, & bonitatis. Præterea, cum istud iudicium sit summi honoris & Majestatis, ideò necesse est, quòd fiat tanta solennitate, pompâ, & magnificentiâ, thronis, & potestatibus obsequentibus, uti talem infinitæ Majestatis Judicem decet. Oportet igitur, ut propter judicariam potestatem (quæ terrorem ingerit, & formidinem) omnibus appareat Deus Iudex formidatus, minax,

ter

terribilis, metuendus, & ut hunc terrorem exerceat juxta suam reverendissimam Majestatem. DOM. Istud verè requirit contemptus hominum iniquorum, qui Deum judicem & sua mandata spernentes mille illum vicibus offenderunt. Erit igitur omnibus reprobis incomparabilis timor, & tam immensus, ut non possit augeri amplius.

Puto tamen justos cum securam habeant conscientiam, nihil hunc judicem formidaturos. RÆM. Justis illic tuta erunt omnia. Excipient tamen eum cum summa veneratione, ac reverentia videntes altissimam ejus excellentiam, majestatem, sapientiam, virtutem, dignitatem.

Ex quo enim istud opus judicii est ultimum operum suorum, ideò erit purissimum, excellentissimum, sollemnissimum, summè honorificum super omnia opera manuum suarum. DOM. Ex his apertè colligimus, cum opus judicii sit opus summi honoris, justitiæ, virtutis, & bonitatis, quòd ad Deum maximè pertineat facere judicium, & dare unicuique secundum opera sua. Sed quis erit iste omnium Judex? Scio quia Deus, sed nunquid non homo-Deus, ut ipse sit & Judex, & Retributor, qui prius fuit omnium Reparator?

RÆM. Ille ipse Christus JESUS Unigenitus Dei, cui Pater dedit omne Judicium, quia Filius hominis est, ideò meritò debet homines judicare, cum & ipse homo sit, hominum Redemptor, & Reparator. DOM. Nihil

verius, ultra progredere.

De



De excellentia hujus diei præ cæteris diebus,  
& de finali retributione.

## C A P U T LXXXVI.

### R Æ M U N D U S.

**A**Ntequàm loquamur de finali omnium operum retributione, dicam pauca de novissimæ diei magnificentia. In hoc die omnium præcedentium dierum opera congregabuntur, & suam mercedem recipient. In hoc die magnificentius operabitur Deus, quàm in cæteris sit operatus diebus, homines suscitando, ac immortales faciendo, & unumquémque juxta quod meruit æterna retributione donando. In hoc die solus operabitur homo Deus, in cæteris sua homines opera perpetrârunt. In hoc die Deus ostendet opera suæ potestatis, sapientiæ, justitiæ, veritatis, & bonitatis, complens omnia opera sua in summa laude, gloria, & honore. Hic erit dies timoris, angustiarum, & formidinis omnibus iniquis, & dies gaudii, exultationis, & gloriæ omnibus justis, & bonis. DOM. Merito igitur hæc dies nobis in continua debet esse memoria, & ad hunc tanquàm ad suum centrum omnium dierum nostrorum opera dirigere, & quantum possumus justitiæ, & virtutibus operam dare, ne in illo die coram tanto judice, & omnium hominum atque Angelorum frequentia confundamur. Ubi autem hujus memoria diei non habetur, illic incon-

U

stan-

stantia regnat, & malitia, & omne opus prævum, atque perversum. Et quia Judex ille magnificus nec errare poterit, nec corrumpi, nec decipi, qui omnium scrutatur renes, & corda, qui omnia videt, & nihil negligit, ideò hæc assidue cogitantes, & hunc diem præ oculis habentes, debemus operari, quod bonum est. Bonorum enim laborum gloriosus est fructus, & regnum permanens sempiternum. Nationes autem iniquæ diræ erunt consummationis. RÆM. Ex hoc ipso, quod nunc dixisti finalem elicimus Judicii consummationem, quæ fiet in bonorum, malorumque ab invicem perpetua separatione. Duæ enim hæ gentes, una Justorum, altera impiorum, cum sint inter se contrariæ, contrarias sententias recipient, contrarias sedes, mercedes, retributiones. Qui enim Lucifero voluntate pessima adhæserunt, sua membra effecti, cum ipso in sempiternis ignibus damnabuntur, qui verò Christum Dominum secuti sunt, cum ipso in æternam gloriam sustollentur. Illi mergentur in profundissima abyssu, isti levabuntur in Empyreo cælo. Illi ignibus, isti delitiis donabuntur. Illi habebunt socios dæmones, isti Angelos sortientur. Illi præ immensis angustiis ululabunt, isti præ voluptatum magnitudine gratulabuntur. Illis super incumbet obscurissima & sempiterna caligo tenebrarum, istis autem Deus erit in lucem sempiternam, & lucerna eorum erit Agnus. Certè nunc habes, quod petisti, collige ex his ultimum hominis complementum. Nam si bonus judicatus


tus fuerit, sortietur esse optimam cum Angelis in Regno, sin verò malus, esse pessimum perpetuò possidebit cum dæmonibus in inferno. DOM. Hoc extremo tuo sermone eliditur pestifera Origenis in suo Periachon opinio, ubi asserit, malos gehennæ suppliciis eruditos, virtutes velle capessere, & his exercitos Regnum ptomereri supernum. Tu verò qui utrique populo statuisti limites sempiternos, hujus viri somnia penitè vacuâsti. At quoniam nunc finem me video attingisse omnium, quæ volebam, & ad ultimam retributionem pervenisse, ago immortales gratias dignationi atque industriæ tuæ. Dignationi quidem, quòd volueris, industriæ verò quâ me efficacissimè instruere potuisti. Dum vivo, & spiritus hos regit artus, memor hujus optimæ institutionis tuæ, ut semper meminerim, me à summo Creatore compositum, cæteris creaturis longissimè prælatum me in ea inobedientiæ superbia collapsum mille cum calamitatibus interceptum, Christi me miseratione redemptum, suo me examini relervatum, & pro meritis bonorum operum æterna præmia recepturum. Verùm, quia in longam noctem hanc ultimam disputationis nostræ partem protraximus, unum abste mi Ræmunde efflagito, ut ea, quæ inter nos nunc agitata sunt (est enim mihi fragilis memoria) libris mandes, quo & ego reminisci, & posterì hac utilissima eruditione possint effici meliores. RÆM. Quanquam primum sufficiat, faciam tamen quod efflagitas. Nam ex quo hæc nostra disputatio succincta fuerit,

plana, facilis, acuta, & lepore, salibúsque res-  
persa, ideò ante primam editionem multò li-  
bentiùs à plerisque legetur, præsertim cùm illa  
prolixitate sui fastidium legentibus generet, ista  
recreet fastiditos. Verùm, quia obscura jam nox  
ad somnum nos evocat, cibo potúque antè cor-  
pora foveamus, actum postea dulci liceat in-  
dulgere sopori.

DOM. Quanquàm tua  
adhortatione ita roboratus sim, atque confor-  
tatus, ut carnis delicias non requiram, pareo  
tamen voluptati tuæ, ut me ad tua jussa prònum  
invenias, quem tam benevolum in  
meis precibus sum expertus.



IN.



# INDEX CAPITUM, Libelli hujus.

- C**aput I. Scala naturæ, per quam homo scan-  
dit ad semetipsum. Pag. 10
- Cap. II. Quomodo homini cum rebus inferio-  
ribus conveniat? 14.
- Cap. III. Deus quomodo habeat esse, vivere,  
sentire, & intelligere? 18.
- Cap. IV. Sicut Deus habet esse, ita habet vive-  
re, sentire, & intelligere? 25.
- Cap. V. Deum habere voluntatem & liberum  
arbitrium. 30.
- Cap. VI. Deum de sua natura produxisse Deum.  
rationibus aliquantisper ostenditur. 34.
- Cap. VII. Quòd in simplicissima, atque indi-  
visibili Unitate Summa sit Trinitas persona-  
rum. 38.
- Cap. VIII. Comparatio hominis ad res inferio-  
res trium graduum penès convenientiam spe-  
cialem. 42.
- Cap. IX. Comparatio hominis ad res inferiores  
penès differentiam Generalem. 46.
- Cap. X. Practica hujus regulæ ad probandum  
omnia perfectissima de Deo. 48.
- U 3
- Cap.

*Index Capitum Libelli hujus.*

- Cap. XI.** Homo per secundam intellectus operationem omnia vel affirmat, vel negat, quæ illi, inquantum homo est, sunt necessaria. 51.
- Cap. XII.** Hominis ad res inferiores comparatio penes liberum arbitrium, per quod illi de se ipso, operibusque suis, ac de Deo, vera oritur cognitio. 56.
- Cap. XIII.** Deus Præmiator, aut Punitor est infinitæ sapientiæ, potentiæ, justitiæ, & misericordiæ, unusque tantum est Præmiator, ac Ultor Deus. 59.
- Cap. XIV.** Sicut ex natura liberi arbitri cognoscitur, quid de Deo sentiendum sit, ita & per liberum arbitrium cognosci possunt, quæ hominis sunt. 62.
- Cap. XV.** Homo differt à rebus se inferioribus penes cognoscere se habere. 66.
- Cap. XVI.** Animæ humanæ omnia serviunt. 70.
- Cap. XVII.** Homo obligatus est Deo pro his etiam, quæ accepit in se ipso. 74.
- Cap. XVIII.** De magnitudine obligationis, ex parte dantis, & recipientis. 79.
- Cap. XIX.** Homo quid tribuere teneatur pro acceptis beneficiis? 82.
- Cap. XX.** Debitum amoris, quod homo reddit Creatori, ad hominis meritum & commodum revertitur. 86.
- Cap. XXI.** Homo obligatur amare etiam omnem Creaturam, & præcipue Dei imaginem. 88.

**Cap.**

*Index Capitum Libelli huius.*

- Cap. XXII. Amoris Conditiones , & proprietates. 92.
- Cap. XXIII. Amor tantum se dilatat , vel amplificat , quantum se amplificat res primo amata. 97.
- Cap. XXIV. Duas tantum esse res principaliter amatas, & de inimicitia earum adinvicem. 101.
- Cap. XXV. Fructus, qui ex his duobus amoribus nascitur, & de proprietatibus gaudii. 106.
- Cap. XXVI. De ultimo gaudio , quod post mortem erit, de amore Dei, & salute proximi. 110.
- Cap. XXVII. Fructus, qui nascitur ex amore sui & proprietates ejus. 113.
- Cap. XXVIII. Quisnam fructus post hanc vitam ex amore sui nascitur? 116.
- Cap. XXIX. Deus Creator, & omnes Creaturae, opus quoque ipsum, animam miseram persequentur. 120.
- Cap. XXX. Sicut homo obligatur ad amorem, ita etiam ad Odium, & de Odii proprietatibus. 125.
- Cap. XXXI. Duo esse prima Odia , sicut duo primi amores , & de Odiorum fructibus. 127.
- Cap. XXXII. Alia quaedam debita ultra amorem, quae homo tenetur reddere Creatori suo. 130.
- Cap. XXXIII. Unum quodque debitum habet per se propriam rationem specialem, quare debeat Deo dari. 132.
- U 4 Cap.

*Index Capitum Libelli hujus.*

- Cap. XXXIV.** De duplici Timore, & eorum conditionibus & fructibus. 134.
- Cap. XXXV.** De honore, & quòd Deus fecit propter suum honorem, & hominis Utilitatem. 138.
- Cap. XXXVI.** Deus sicut propter suum honorem, ita & propter suum Nomen omnia operatur. 145.
- Cap. XXXVII.** De obligatione hominis erga honorem, & laudem, & nomen Dei. 148.
- Cap. XXXVIII.** Honor proprius Dei honori contrarius est, & Capitalis inimicus. 151.
- Cap. XXXIX.** Homo obligatur ex parte honoris Dei, credere omnibus verbis ejus, & ea honorare. 156.
- Cap. XL.** De proprietatibus Verbi Dei, & qualiter se homo gerere debet circa Sanctam Bibliam. 159.
- Cap. XLI.** Comparatio Verbi Dei ad creaturas. 163.
- Cap. XLII.** De tertia natura creata, quæ sine corpore persistens tota spiritualis est. 166.
- Cap. XLIII.** An talis sit homo, qualis esse debet, & an faciat, quod facere tenetur? 171.
- Cap. XLIV.** Homo potest considerare corruptionem suam per res externas in se corruptas. 175.
- Cap. XLV.** Lapsus & corruptio hominis potest ostendi ex parte Juris paternitatis, & filiationis. 176.
- Cap. XLVI.** Lapsus hominis potest ostendi ex parte Juris fraternitatis. 178.
- Cap.



*Index Capitum Libelli hujus.*

- Cap. XLVII. Deus non condidit hominem in  
eo statu, in quo nunc lapsus jacet. 180.
- Cap. XLVIII. Primus hominis status qualis  
fuerit, & quæ conditiones ejus? 183.
- Cap. XLIX. De Origine corruptionis, & mali,  
quod est in natura humana. 186.
- Cap. L. Propter primi Viri, ac mulieris inobe-  
dientiam hoc malum culpæ & pœnæ in omne  
hominum genus intromissum est. 189.
- Cap. LI. Homo nunquam Dei præcepta fregis-  
set, nisi fuisset ab alio instigatus. 192.
- Cap. LII. De magnitudine malitiæ, & corrup-  
tionis in primo Angelo, & malo ejus culpæ,  
& pœnæ. 196.
- Cap. LIII. Homines qualiter incorporantur  
cum Lucifero, & fiunt membra ejus? 199.
- Cap. LIV. De multiplici carcere, & captivitate  
collapsi hominis. 201.
- Cap. LV. Corruptio liberi arbitrii, & ipsius  
carnis contrariò modò se habet in primis pa-  
rentibus, & in posteris. 202.
- Cap. LVI. Qualis, & quàm magna sit hominis  
obligatio pro injuria, & offensa Dei? 206.
- Cap. LVII. Homo infinita indiget satisfactio-  
ne, quæ nisi per infinitam personam solvi  
non potest. 210.
- Cap. LVIII. De conditionibus, quas oportet  
habere hanc personam infinitam pro nostra  
satisfactione. 213.
- Cap. LIX. Qualiter homo iste poterit occidi ad  
Dei honorem, & quis eum occidet? 216.

U 5

Cap.

*Index Capitum Libelli hujus.*

- Cap. LX. De conditionibus & circumstantiis,  
quæ hæc mors pretiosa est habitura. 218.
- Cap. LXI. Quàm rationabiliter sequatur Salva-  
tio humanæ naturæ per hanc mortem. 220.
- Cap. LXII. Qualiter vir iste se habebit post  
mortem ad seipsum, & omnes creaturas?  
224.
- Cap. LXIII. Quòd Deus volet humano gene-  
ri hunc hominem largiri, & quòd JESUS  
Christus ipse sit iste homo. 227.
- Cap. LXIV. Quæ sint illa maxima dona, quæ  
homo miserabilis recipit à JESU Christo?  
230.
- Cap. LXV. Ista gratia est totum Benè esse homi-  
nis, ejus carentia Malum esse ejus. 233.
- Cap. LXVI. In homine Christiano sunt tres ge-  
nerationes, & tres fraternitates distinctæ.  
235.
- Cap. LXVII. Mors Christi, unde homini gratia  
confertur, & benè esse, generat in homine  
Christiano novam obligationem. 239.
- Cap. LXVIII. Homo lapsus licet reparetur  
quantum ad benè esse animæ, manet tamen  
malum pœnæ in corpore. 243.
- Cap. LXIX. Quibus formis aut mediis Chri-  
stianus accipit benè esse à Christo? 245.
- Cap. LXX. Per primum Sacramentum, scilicet  
Baptismi, datur animæ humanæ benè esse.  
247.
- Cap. LXXI. Etiam per Sacramentum Confir-  
mationis datur animæ humanæ benè esse.  
250.
- Cap

*Index Capitum Libelli hujus.*

- Cap. LXXII. Per Sacramentum Eucharistiæ  
suprà modum benè esse, & multiplex gratia  
donatur. 252.
- Cap. LXXIII. Quòd Caro Christi est penitùs  
contraria corruptæ Carni primi hominis. 256.
- Cap. LXXIV. Corpus Christi unum numero,  
quomodò possit simul & semel esse in pluribus  
locis? 259.
- Cap. LXXV. De quarto Sacramento, scilicet  
Pœnitentiæ, per quam Lapsus à Christi gra-  
tiâ Christianus reparatur, & benè esse ei re-  
stituitur. 264.
- Cap. LXXVI. Homo Christianus multò peri-  
culosius cadit post acceptam Christi gratiam,  
quàm antè. 268.
- Cap. LXXVII. Sicut Baptismus relinquit reli-  
quias primi lapsûs in carne, ita Pœnitentia re-  
linquit reliquias secundi lapsûs in anima, &  
quomodò expientur? 271.
- Cap. LXXVIII. Alia quædam, quæ possunt in-  
ducere hominem lapsum ad pœnitentiam. 276.
- Cap. LXXIX. De quinto Sacramento, quod  
est Extremo Unctio, per quam datur homini  
benè esse, & gratia. 280.
- Cap. LXXX. Sextum Sacramentum est Ordo,  
per quod character imprimitur spiritualis po-  
testatis Sacramenta salutis ministrandi. 283.
- Cap. LXXXI. Sacramentum Ordinis princi-  
paliter respicit, & ordinatur ad Sacramentum  
Eucharistiæ. 287.
- Cap.

*Index Capitem Libelli hujus.*

Cap. LXXXII. De septimo Sacramento, quod  
est Matrimonium, per quod datur bene  
esse, & gratia, & remedium contra peccatum.

290

Cap. LXXXIII. De Judicio universali. 296.

Cap. LXXXIV. Generale Judicium omnium  
corporum mortuorum universalem præquirat  
resurrectionem.

299.

Cap. LXXXV. Judicium generale futurum,  
probatum ratione honoris, potentia, & sa-  
pientia Dei.

302.

Cap. LXXXVI. De excellentia hujus diei præ  
cæteris diebus, & de finali retributione. 305.

G. A. M. D. G.





**B.**  
**ALBERTI**  
**MAGNI:**  
**ENCHIRIDION**  
**PLANE AUREUM,**  
De  
**Veris perfectisq[ue] virtuti-**  
bus, hac editione multis in locis cor-  
rectum, & variè illustratum.

C  
i  
s  
s  
n  
n  
G  
r  
t  
c  
n  
m  
c  
c  
p  
o  
n  
o  
r  
t  
n

A



# P R A X I S

Faciendi Meditationem è quolibet  
Capite Enchiridii.

**N**otandum primò ex communi  
Asceterum formam bonæ Me-  
ditationis in tribus potissimum  
consistere, in præparatione videlicet,  
in ipsa meditatione tanquam corpore,  
& demùm in conclusione, quorum sin-  
gula tribus actibus absolvuntur. Pri-  
mus actus præparationis ( si de proxi-  
ma sermo sit ) est, quò meditaturus se  
sistit in divina præsentia : Alter, quò  
rem meditando sibi repræsentat; Ter-  
tius demùm, quò gratiam benè pre-  
candi à Deo postulat, & hi actus no-  
mine præludiorum veniunt. Ipsa dein  
meditatio primò quidem discursum ac  
considerationem rei propositæ : Se-  
cundò, pios affectus; ac Tertio, bona  
proposita complectitur, qui tandem  
omnes triplici actu, gratiarum actio-  
nis videlicet de progressu orationis,  
oblationis sui & propositorum suo-  
rum, ac gratiæ ad eorundem execu-  
tionem prorsus necessariæ postulatio-  
nis concluduntur.

Notandum II. in cit. tractatu B.  
Alberti de virtutibus hung fere ordi-  
nem



nem per singula capita observari, nimirum ut primò loco ponatur definitio illius virtutis in abstracto. Secundò. Descriptio virtutis in concreto. Tertiò, Inductivum. Quartò argumentum, & signa talis virtutis. Quintò denique argumenta falsæ virtutis aut vitii oppositi. His notatis.

## PRAXIS

Formandæ meditationis è prætactis punctis talis esse poterit.

Imò. **F**irmiter sibi persuadet meditaturus, se jam coram Divinæ Majestatis thronò, quem omnes Sancti circumstant, ut cum DEO colloquatur, compariturum.

Secundò: Repræsentationem sibi faciet vel loci in quo talis virtus, in Christo Domino v.g. vel alio Sancto &c. maximè enituit, vel alterius, cui virtus illa aptè comparari possit. Vel eliciet actum fidei circa præsentem virtutem, vel tandem omisâ penitus tali repræsentatione mox ad ipsam considerationem transibit.

Tertiò: Cum summâ internâ & externâ reverentiâ & humilitate, propriâ diffidentiâ, fiduciâ in DEUM, ac perfectâ conformatione cum Divinâ illius voluntate postulet ab eo gratiam,  
omnes




omnes vires . actionesque animi ad  
Suz Divinæ Majestatis gloriam refe-  
rendi: agnoscendi naturam, motiva,  
argumenta talis virtutis &c. eliciendi  
affectus & proposita maximè salutaria  
&c. implorato etiam ad id Beatissimæ  
Virginis, Angeli Custodis, alterius-  
ve Sancti Patroni auxilio. Et hæc de  
pluribus.

Hinc jam progressus fiat ad discus-  
sionem ipsorum punctorum, eò, quò ab  
ipso D. Alberto prtractantur ordine,  
quibus ritè perpensis, mirum! quanti  
e punctis singulis quasi totidem fructi-  
bus piorum affectuum & proposito-  
rum sint affluxuri rivuli.

Naturâ siquidem talis virtutis be-  
nè discussâ, mox suâ pulchritudine ra-  
piet in amorem, acuet desiderium ab-  
sentis, eliciet gratiarum actionem, lau-  
dem, glorificationem illius, de cujus  
munere se eam possidere noverit. An  
non inductiva, solida & potentia ex-  
cutient torporem, inanem depellent  
timorem, addent fortitudinem, fir-  
mabunt fiduciam &c.

Argumenta verò tam veræ quàm  
falsæ virtutis nonne ruborem incu-  
tient, excitabunt dolorem, in sui ip-  
sius veram agnitionem deducunt &c. ?  
Ut adeò anima harum rerum medita-  
tioni insistens meritò assimilari queat



ligno, quod plantatum est secus decursus aquarum, cujus folium viride & in tempore siccitatis non erit sollicitum, nec aliquando desinet facere fructum. Quò tandem modò oratio sit concludenda, & præsertim, quò affectu, fiducia, resignatione &c. efformanda sit postulatio, ipsa Spiritûs S. unctio melius docebit.

## I D E A

Meditationis ex capite primo de  
Charitate Dei.

**P**ræludium primum. Colloca te in  
Divinâ præsentia &c.

Præludium secundum. Pone tibi  
ob oculos Cœnaculum illud grande, in  
quo erant expectantes Discipuli cum  
MARIA Matre JESU adventum Spiritûs Sancti, qui etiam in die Pentecostes in specie ignitarum linguarum super eos descendit.

Præludium tertium. Junge te, tuosque affectus, & desideria huic sacratissimo Collegio, ardentèrque DEUM precare, ut mittere dignetur hunc amoris ignem in terram cordis tui, illòque te totum inflammare & accendere.

Punctum primum. Considera, quòd perfecta Charitas tunc habeatur, quan-



quando &c. *uti in textu capitis.* Qualis tua est Charitas, primi, an 2di generis? æmulare charismata meliora.

Punctum secundum. Inductivum veræ Charitatis est agnitio Dei vera &c. *uti in textu capitis.* Quoúsque in agnitione progressus es? Si existimas te aliquid esse, cùm nihil sis, ne primum quidem principium veræ agnitionis Dei te habere conclude.

Punctum tertium. Argumentum veræ Charitatis habet, qui servat mandata &c. *ut in textu capitis.* Ad hunc lydium lapidem tuam examina Charitatem; dole dolenda, propone optima.



DE  
**CHARITATE DEI  
ET PROXIMI.**

CAPUT I.



**CHARITAS** ad **DEUM**  
vera & perfecta est,  
quando anima cum om-  
nibus viribus suis ar-  
denter se infundit Deo,  
nullum commodum tran-  
sitorium vel æternum quærens in eo,  
sed solum circa eundem propter nobi-  
litatem, bonitatem, sanctitatem, per-  
fectionem, beatitudinem illi summo  
bono innatam afficitur. Delicata enim  
anima quasi abominatur per modum  
commodi vel præmii diligere **DEUM**:  
sicut **DEUS** cum omni virtute sua se  
infundit animæ, nihil unquam utilita-  
tis ab ea sperans, sed ei naturalem bea-  
titudinem suam desiderans communi-  
care. Qui autem diligit **DEUM** so-  
lum idcirco, quod sibi sit bonus, &  
propter hoc principaliter, ut sibi bea-  
titudinem suam communicet, is natu-  
ralem & imperfectam charitatem habe-  
re convincitur.

IN.

**INDUCTIVUM** veræ Charitatis est, vera & perfecta cognitio boni. Nam in eo ipso materia totius dilectionis consistit, videlicet nobilitas, sanctitas, potentia, sapientia, providentia, & quæ sunt hujus generis alia. Item dilectio DEI ad nos æterna & immensa, & non interpolata, sed fidelissima, veræ charitatis inductiva est.

**ARGUMENTUM** veræ charitatis ponit Dominus in Joanne dicens: Qui Joan. 14.  
habet mandata mea, & servat ea, ille est, qui diligit me. Cujus rei testis est Augustinus dicens: In tantum Deum diligimus, in quantum ejus præcepta observamus. Idem intelligendum de votis spontaneis, quæ nos æqualiter cum præceptis obligant. Testimonium perhibet Domino Beatus Gregorius, Gregorius  
Homil. 30.  
super  
Evang.  
dicens: Ad vosmetipsos Fratres charissimi introrsus redite: Si Deum vere amatis, exquirite; nec tamen sibi aliquis credat, quidquid sibi animus de dilectione Conditoris sine attestazione operis responderit. De dilectione Conditoris lingua, mens, & vita requiratur. Nunquam est DEI Amor otiosus; operatur etenim magna, si est; si verò operari renuit; Amor non est. Hæc autem operum executio & mandatorum observatio purificari debent ex mentis intentione, ne vel timore  
X 3 ali-

alicujus pœnæ fiant, vel amore præmii compleantur. Nam teste Augustino DEUM diligit, qui non ideo imperata custodit, vel quia magnitudine pœnæ vel aviditate præmii compellitur, sed quia quod jubetur, optimum est honestum.

Sunt & alia duo signa verissimæ dilectionis ad Deum, scilicet cum homo congratulatur DEO in omnibus, quæ ipsi placent, à quocunque, quacunque hora, quocunque loco fiant. Naturalis autem Amor nihil laudis à DEO meretur, quia semper super se reflectitur, sed solus gratuitus, qui sempertendit in alterum. Secundum signum est, quod homo contristatur DEO in omnibus, quæ ipsi displicent, à quocunque, quacunque hora, quocunque loco fiant.

De dile-  
ctione  
proximi

VERA CHARITAS ad proximum est, diligere proximum, amicum & inimicum sicut seipsum. Unde dicit Augustinus, proximum sicut seipsum diligi, hoc est, in Deo, ad Deum, & propter Deum. Sic enim debet unusquisque diligere proximum sicut seipsum, quòd sicut ipse sibi desiderat omne bonum, & fugit omne malum, sic faciat & proximo. Tum sicut unusquisque bonum proprium in corpore & anima, rebus & honore diligit, & sicut

sicut unusquisque in his quatuor fugit  
& odit omne malum proprium & dam-  
num; sic quilibet in eisdem omne bo-  
num tam amici quàm inimici debet di-  
ligere, & omne damnum debet odisse,  
licet ex præcepto non tantum, nec tam  
ardenter ad proximum moveri tenea-  
tur, sicut ad seipsum. Ex amore au-  
tem amici non potest vera charitas per-  
pendi. Nam Ethnici eos amant, qui Matth. 5.  
De dile-  
ctione ini-  
mici.  
eos diligunt, sed in amore inimici ve-  
ra charitas perpenditur. Amantem  
enim diligere naturæ est, quæ non est  
meritoria; non amantem verò dilige-  
re, gratiæ est. Sed adhuc excellentius  
perpenditur veritas Charitatis ad pro-  
ximum in eo, quod super Matthæum  
Glossa dicit: Amantem diligere, na-  
turæ est, non amantem verò benefi-  
ciis ad amorem trahere, perfectionis  
est. Et licet nemo tenetur ex præcep-  
to tantum, & tam ferventer inimicum  
diligere ut amicum, felix tamen esset,  
& summè perfectus, qui tantum & plus  
posset diligere, & opera Charitatis  
exhibere inimico, quantum amico,  
tantum corripienti & corrigenti, quan-  
tum blandienti, tam vituperanti,  
quàm laudanti. Etenim teste Chry-  
sostomo nihil est, quod sic Deo simi-  
lem facit hominem, ut malignis atque  
lædentibus eum esse placabilem. Pro-  
cer-

certò enim maiorem gloriam & gratiam  
consequeretur ex persecutione, quàm  
favore, si modo debito sciret ea frui.  
Sic sanctis Martyribus multò magis ini-  
mici ad æternam gloriam, quàm amici  
profuerunt.

*Ecclesiast.*

13.

**AD AMOREM** proximi nos in-  
ducere debet natura, quia omne ani-  
mal naturaliter diligit sibi simile, & om-  
nis homo proximum sibi. Item quia  
imago Dei in ipso, & hac de re præcep-  
tum in scriptura est.

**ARGUMENTA** verissima cha-  
ritatis sunt: verè condolare tam inimi-  
co, quàm amico in qualibet adversitate,  
tum, verè & ex corde congaudere de  
omni eorum prosperitate; quæ duo ra-  
rissima sunt.


**ARGUMENTA** verissima Odii  
ad proximum sunt, quum quis cum  
cordis molestia de proximo cogitat,  
quando itidem cum tristitia ipsum vi-  
det, quando cum amaritudine illi lo-  
quitur, de ipso loquitur vel alium au-  
dit loqui, cum omne bonum illius, &  
quod illi utile est, impedit, quantum  
potest, quando demum bonum, quod  
in ipso est, diminuit & pervertit. Sic  
non fecit Christus Proditori suo Judæ,  
sed ipsum cum aliis Apostolis corpore  
& Sanguine suo refecit, in loco tradi-  
tionis ei non negavit osculum, ipsum be-

*Matth. 26*




benignissimè salutavit, plus dolens de  
ejus malo, quàm de proprio incommo-  
do, ut dicit Hieronymus. Sed mira-  
bile est, quod unquam de fraterna cha-  
ritate sibi applaudit, qui hæc signa  
odii in corde gerit. Multis autem vi-  
detur sufficere, si proximis optent vi-  
tam æternam, quam illi nec dare, nec  
auferre possunt, quam etiam benè op-  
tarent Judæis & paganis. Nec memo-  
res isti esse volunt, quod cum posuerit  
Dominus animam suam pro inimicis 1. Joan. 3.  
suis, nos teneamur non tantum res,  
sed etiam animam ponere tempore ne-  
cessitatis pro Fratribus Christianis. Ma-  
ximè tamen ad hoc Prælati tenentur.

Ex duobus fovetur charitas: erga  
Deum quidem mandatorum ejus exe-  
cutione, secundum illud: Si præcepta  
mea servaveritis, manebitis in dile-  
ctione mea, sicut & ego Patris mei Joan. 15.  
præcepta servavi, & maneo in ejus di-  
lectione. Erga proximum verò cha-  
ritas fovetur compassione secundum  
illud Ecclesiastici. Non desis ploran-  
tibus in consolatione, & cum lugenti-  
bus ambula. Non te pigeat visitare  
infirmum, ex his enim in dilectio-  
ne firmaberis.



X 5

DE



# DE HUMILITATE.

## CAPUT II.

I. Tim. I.

**H**UMILITAS vera & perfecta est, cum gloria contemnitur exhibita nec appetitur exhibenda. Verus humilis semper timet, ne sibi aliqua gloria exhibeatur, & cum sibi exhibitafuerit, expavescens medullitus contristatur, sciens quòd soli DEO honor & gloria debeatur. Verè humilis nunquam de aliqua gloria vel gratia gloriatur, nisi intendat ex hoc audientibus confidentiam ad DEUM præstare; sed si de ipso aliquid gloriosi vel gratiæ recitatur, id cum dolore cordis & dejectione sui audit, sciens solius DEI esse, quod sibi ascribitur, cui soli danda est gloria. Verè humilis nec majori, nec minori, nec æquali se comparat; imò nullum inferiorem se ipso credit, nullum omninò spernit, & se solùm ex corde despicit, & ab omnibus despici ferventer appetit, gaudetque vehementer, cum despectus fuerit. Talis nullam timet contumeliam, quia Eccles. 19. nullam amat gloriam. Est autem & qui nequiter humiliat se, & interiora  
ejus

ejus plena sunt dolo. Sed verus humilis (teste Bernardo) non vult humilis prædicari, sed vilis reputari.

Bernard.  
super Cant.  
serm. 16.

**AMANS** Humilitatem debet radicem Humilitatis in corde plantare, hoc est, propriam fragilitatem agnoscere, ut se reputet non solum quàm vilis est, sed etiam quàm vilis esse potest, immò quàm vilis esset ac fieret, nisi Deus violenter ipsum à peccatis retraxisset, & nisi ei tentationes subtraheret. In his enim quilibet se cognoscere potest, & ex fragilitate sua discit se esse dispositum ad abyssum & voraginem vitiorum juxta illud: Humiliatio tua in mediò tui.

Mich. 6.

**VERAM** Humilitatem inducit frequens in despectis operibus exercitium; quoniam nunquam ad Humilitatis virtutem pervenit, qui opera Humilitatis refugit. Fovetur vera Humilitas ex eo, quòd verè homo agnoscit, se nullam per se carnalem vel spiritualem tentationem posse vincere, nec minimum opus bonum & DEO gratum sine speciali auxilio JESU CHRISTI posse facere.

**ARGUMENTUM** veræ Humilitatis est, cùm in tantum se homo dejicit, quod omni gratia se indignum sentit, nec audet gratiam consolationis & gratis datæ appetere, & si præterea

terea à Deo super ipsum absque suo desiderio effluxerit gratia; cum timore illam percipit, imò laudabilius judicat carere Dei gratia, quàm habere gratiam, quam toties diversis modis demeruit, quàm toties diversimodè deturpavit, quàm nunquam secundam ordinationem DEI fruebatur.

ITEM argumentum veræ Humilitatis est, quòd quis semper quærit infimum locum, infimos socios, infimum officium, & infima vestimenta.

SUPERBIA mentis dupliciter cognosci potest, augmento extrinseco, secundum quod scriptum est: Amictus corporis & risus dentium, & ingressus hominis enunciant de illo. Sic & arbor bona vel mala ex fructu suo bono vel malo perpenditur. Omnia verò facta ex cogitatione procedunt, ut dicit Augustinus: Sicut nempe odor bonus vel malus progreditur ex stomacho corrupto vel incorrupto, ut ex speciebus bonis vel malis in stomacho repositis, & sicut impudicus oculus, teste Augustino, impudici cordis est nuncius. Argumento intrinsecocognosci potest superbia, cum aliquis in corde sibi ipsi placet, & aliis se præfert, vel præferri desiderat, & cum in factis suis hominibus placere affectat. Talis cum humili Magistro Domino nostro JESU

Eccles. 19.

Marth. 7.


August.  
Epist. 19.

Rom. 15.  
Psalm. 68.

**SU** Christo non concordat, qui nec sibi placuit teste Apostolo, sed improprium expectavit & miseriam, nec venit præesse, sed subesse, ipso resistente: Non veni ministrari, sed ministrare. Ideò talis Magister illis, qui non Deo sed hominibus placere volunt, dissipat ossa virtutum juxta illud: Quoniam Deus dissipavit ossa eorum, qui hominibus placent, confusi sunt, quoniam Deus sprevit eos.

Matth. 20.

Psalm. 53.



## DE OBEDIENTIA.

### CAPUT III.

**O**BEDIENTIA vera & perfecta erga DEUM est, cum homo diligenter & sæpè recogitat, quid maxime, & quolibet tempore & loco DEO placeat, & ad quid sapiens DEUS eum præcipuè ordinaverit, & hoc ipsum toto nisu semper implere contendit. Vera obedientia erga Vicarios Christi, prælatos scilicet est, cum subditus, quod sibi maxime contrarium est, fideliter & libenter exequitur, nunquam manifestans signo, verbo, vel facto, sibi contrarium esse præceptum. Sed  
ibi

August.  
lib. 10.  
Confess.  
cap. 26.

ibi vera obedientia non potest perpendi, ubi subditus præceptum excogitat, & opus, quod sibi placuerit, ipse dicat. Hinc Augustinus: Optimus ille Minister tuus Domine est, qui non magis intuetur hoc à te audire, quod ipse voluerit, sed potius hoc velle, quod à te audierit.

VERUS obediens nunquam prælati præceptum expectat, sed solum ejus voluntatem, eamque sciens vel credens ferventer exequitur, ac si præceptum id esset. Exemplo sit Dominus noster JESUS CHRISTUS, cui voluntas & complacentia Patris summum præceptum fuit. Verus obediens nunquam de factis suis ordinat, nec secundum sensum suum judicat, cum neque velle habeat neque nolle, nec cuiquam de factis suis sensum suum indicat, sed omnem ordinationem circa se simpliciter & securè Deo committit, & prælato. Verus obediens non discernit inter bonum & malum sicut Abraham non discrevit, utrum bonum vel malum esset occidere filium suum, cum ita juberet Dominus: Nec discernit inter bonum & melius, sed semper optimum judicat, etiam in dubio bonum, quod jubetur, nisi manifestè iniquum appareret esse, quod mandatur. Nam secundum Gregorium

rium nunquam propter obedientiam debet malum fieri, licet propter obedientiam aliquando possit & debeat bonum prætermitti. Idem Gregorius ibidem ita scribit: Sciendum, quod aliquando obedientia, si de suo aliquid habeat, nulla est, aliquando, si de suo aliquid non habet, minima est. Nam cum successus hujus mundi præcipitur, cum locus superior imperatur, is qui ad percipienda hæc obedit affectanter, obedientiæ virtutem sibi evacuat, si ad hæc etiam ex proprio desiderio anhelat. Rursus cum hujus mundi despectus præcipitur, cum probra & contumeliæ adipisci jubentur, nisi hæc animus ex semetipso appetat, obedientiæ sibi meritum minuit, quia ad ea, quæ in hac vita despecta sunt, invitus nolensque descendit. Debet ergo obedientia & in adversis ex suo aliquid habere, & rursus in prosperis ex suo aliquid omnino non habere, quatenus & in adversis tanto fit gloriosior, quanto Ordini divino etiam ex desiderio jungitur, & in prosperis tanto fit verior, quanto à præsentī ipsa, quam divinitus percipit gloria, funditus ex mente separatur.

INDUCTIVUM veræ obedientiæ est summa Obedientia JESU Christi, qui non solum DEO Patri obedi-

vit

Gregor.  
in moral.  
lib. 35.  
cap. 13.

- Matth. 26. vit per omnia, dicens: **Non mea voluntas, sed tua fiat, sed etiam hominibus bonis & malis, immò subditus**
- Matth. 4. etiam fuit dæmonibus. Item omnia sensibilia & insensibilia obediunt DEO, & illa omnia subjecit homini DEUS, ut se homo cognosceret sub-
- Iosuc 10. jiciendum esse DEO. Sol & Luna obedierunt Josue, terra Moyfi, cùm absorbuit Datham & Abyron, mare
- Num. 16. Petro ad calcandum, & Moyfi, cùm
- Matth. 14. submergeret Pharaonem & exercitum
- Exod. 14. ejus, serpentes magis in Ægypto; be-
- Exod. 7. stia Eremitis in Ægypto, ut legitur in
1. Reg. 12. in Vitis Patrum, aer & grando Sa-
3. Reg. 18. mueli, pluvia Helia, sicut & ignis, qui
4. Reg. 1. devoravit duos quinquagenarios, aves
- Exod. 7. 8. Sanctissimo Patri Francisco, dæmo-
10. & 11. nes Apostolis & sanctis hominibus, &
- ægritudines, à quibus eos liberaverunt, & multæ creaturæ Moyfi in Ægypto. Et quia obediunt DEO omnia sub cælo, in purgatorio, & in inferno, ideò merito deberet homo obedire DEO Patri in omnibus, ejus præcepta & voluntarem exequendo.
- Serm. de virtute Obedientia. ARGUMENTUM multiplex veræ Obedientia indicat hoc pacto Bernardus: Fidelis obediens nescit moras, fugit crastinum, ignorat tarditatem, præripit præcipientem, parat oculos visui, aures auditui, linguam voci, manus ope-



operi, itineri pedes, & totum se colligit, ut imperantis colligat voluntatem. Ac iterum Bernardus: Bonus obediens dat suum velle, & suum nolle in manibus sui Prælati, ut possit dicere: Paratum cor meum Deus, paratum cor meum. Paratum quæcunque præceperis facere, paratum tibi vacare, & proximis ministrare, meipsum custodire, & in cœlestium contemplatione requiescere. Psalm. 108.

**ARGUMENTUM** inobedientiæ est, cùm subditus mandatum Prælati injustum reputat, & ex hoc in corde murmurat, deinde, quum se mandatum implere non posse, nec debere excusat, hinc postea diversas vias evadendi subtiliter excogitat, ad ultimum aliquos inducit, qui suis consiliis & precibus mandatum superioris impediant vel retractent. Gen. 22. Sic non fecit Abraham, qui nocte abijt, ut subito mandatum Domini expleret, relinquens servos in pede montis, ne ipsum in occisione filii charissimi impedirent, ideoque largam benedictionem sibi & suo semini meruit,



Y

DE



# DE PATIENTIA.

## CAPUT IV.

**P**ATIENTIA vera & perfecta est, cum quis injurias illatas patienter sustinet, non solum cum reus, sed etiam cum innocens est, exemplo Job dicentis. Non peccavi, & in amaritudinibus moratur oculus meus. Et licet intolerabilior sit injuria innocenti, quam culpabili facta, tamen multo suavius sufferri potest & debet injuria, cum nihil conscientiam remordet, suavius dico, quam si molestiam meruisset ob culpam præcedentem. Unde beatus Petrus: Nemo vestrum, inquit, patiatur ut homicida, aut fur, aut maledicus, aut alienorum appetitor. Melius est enim, ut beneficientes (si voluntas DEI velit) pati, quam maleficientes. Quæ enim est gloria, si peccantes & colaphizati suffertis? Sed si beneficientes patienter sustinetis, hæc est gratia apud DEUM. Laudabilis illa patientia est, quæ non tantum à malis, sed etiam ab eis, qui videntur boni & amici, nec tantum pro malis operibus, verum etiam pro benefactis illatas

Iob. 17.

I. Pet. 4.

I. Pet. 3.

I. Petr. 2.

illatas patienter sustinet injurias. Tunc enim amica DEI anima inter filias est, sicut lilium inter spinas. Lilium enim, Cant. 2. quamvis pungatur à spinis, candorem tamen retinet, fortiolem emittens odorem, quàm si non pungatur. Sic anima Sponsa DEI, quamvis ab eis, qui videntur esse de numero & consortio filiorum, pungatur, non tamen ad impatientiam provocatur, sed candorem bonæ conscientiae & bonæ famæ odorem diligentissimè servare conatur.

ILLE verè patiens est, qui non solum molestias illatas patienter tolerat, sed inferendas etiam desiderat, exemplo Christi dicentis: Improperium Psalm. 68. expectavit cor meum & miseriam. Verè patiens inter flagella non murmurat, exemplo Job, qui inter tot pressuras, nec stultum quid contra DEUM locutus est, sed mente gaudens, de illatis molestiis etiam ex corde gratias agit.

VERUS patiens pro illata injuria nunquam se excusat, etiam requisitus, fidelissimo se DEO committens in omnibus, qui tempore suo omnem hominum innocentiam excusabit. Sic Dominus JESUS à Pilato interrogatus non respondit. Verus patiens injuriam suam nulli conqueritur, quia ex querela & excusatione quandòque

mens alleviatur. Quam allevationem minimè curat, sed solus cum solo DEO molestiam suam portat, donec eam pius & fidelis DEUS per internam consolationem repellat.


TRIA sunt, quæ meritò inducunt veram patientiam. Unum est cognoscere, quod peccatis nostris æternam & amarissimam meruimus gehennæ pœnam, pro cuius recompensatione molestiâ temporaliter affligimur. Alterum est, quòd Dominus JESUS longo tempore, multis & magnis injuriis promeruit, ut nos vicem ei rependentes, brevi tempore modicùm molestemur & affligamur. Tertium est, quòd ipse DEUS justus secundum longitudinem, magnitudinem & asperitatem molestiarum reponderabit magnitudinem, diuturnitatem & dulcedinem gaudiorum, teste Apostolo dicente; Id enim, quod in præsentia est, mementaneum & leve tribulationis nostræ, suprâ modum in sublimitate æternum gloriæ pondus operatur in nobis.

2. Cor. 4.

ARGUMENTUM veræ Patientiæ est, se non vindicare, cum homo possit, ac etiam prohibere vindictam ab aliis exerceri, exemplo David, qui prohibuit Semei occidi, qui lapides & lutum contra eum projiciens,  
vi-

rum sanguinum eum appellavit. Sed 2. Reg. 16.  
 potius verè patiens supplicat devotè  
 pro injuriantibus, quod fecit Domi-  
 nus JESUS efficaciter pro suis cruci- Lucæ 23.  
 fixoribus, & Beatus Stephanus pro  
 lapidantibus. Imò etiam cogit Do- Act. 7.  
 minum injuriantibus misereri, sicut  
 fecit Moyses dicens: Aut dimitte eis Exod. 32.  
 hanc noxam, aut dele me de libro,  
 quem scripsisti. Tales orationes li-  
 benter audit Deus & exaudit. Unde  
 omnes tres supradicti fuerunt pro Ad-  
 versariis exauditi.

**ARGUMENTUM** Impatientiæ;  
 cùm aliquis propter molestiam illatam  
 ex motu interiore spontè dimittit bo-  
 na opera, quæ commodè facere pos-  
 set ac deberet, tunc autem immeritò  
 luit Deus molestiam ab homine irro-  
 gatam. Item, cùm motus interior vix  
 se in homine abscondere potest, quin  
 erumpat vel in vultu, vel in gestibus,  
 vel in verbis. Hæc est periculosissi-  
 ma impatientia, cujus vindicta vergit  
 in Deum innocentem.



DE

## PAUPERTATE.

CAPUT V.

**P**AUPERTAS vera perfecta est,  
 omnia propter Deum spontè &  
 X 3 la.

latanter relinquere, nihil præter so-  
lam necessitatem possidere, eadẽ-  
que necessitate se indignum sentire, &  
ipsa necessitate quandõque propter  
Deum gaudenter carere. Ubi enim  
plena est necessitas, ibi perpendi non  
Matth. 12. potest paupertas vera. Sic Dominus  
JESUS necessitate cibi caruit, cum  
nec sibi, nec discipulis spicas confri-  
cantibus panem habere potuit. Qui  
similiter vestium necessitate caruit,  
quando ante crucem, teste Bernardo,  
penitus nudatus fuit. Qui etiam si-  
tiens in cruce haustum aquæ habere  
non potuit, lapidem, nec asserem, in  
quo moriens crucifixum caput incli-  
naret: Heu! quàm sæpè est ibi super-  
fluitas, ubi creditur vera esse necessi-  
tas.

4. Reg. 5.  
Daniel 5.

VERUS pauper nulla transitoria  
concupiscit, imò oblata respuit, ex-  
emplo Helisæi, qui munera Naaman  
non accepit, & exemplo Danielis, qui  
dona Balthasar Regis contempsit. Ille  
paupertatem verè amat, qui mereri  
vellet parvam gloriam per paupertatem  
potius, quam magnam per divi-  
tias, ut JESU Christo fiat confor-  
mior.

Bernard.  
serm. 1. in  
vigil. nata-  
lis Domini.

AD AMOREM veræ Paupertatis  
inducere nos debent tria secundum  
Bernardum: Nihil enim Deo carius, ni-  
hil

hil hominibus fructuosius, quàm in paupertate obediendo vitam finire. Quod autem Paupertas Deo placeat, testatur idem Bernardus dicens: In cœlo omnium bonorum affluentia suppetebat, sed Paupertas ibi non inveniebatur. Porro hæc species abundavit in terris, sed nescivit homo pretium ejus. Hanc itaque Dei filius concupiscens descendit, ut eam eligat sibi, & nobis quoque sua æstimatione faciat pretiosam.

EST est aliud inductivum veræ Paupertatis, scilicet gloria Christo in judicio assidendi, eaque provenit ex eo, quòd pauperes & ignobiles ad latus Christi sedebunt in judicio, nobiles & divites judicantes. Eja! quàm laudabile est, Deo omnia purè propter ipsum relinquere, pauperem fieri propter Amorem Dei, Deo confidere super omnia, quòd tam potens sit semel vel bis in die corpori ministrare necessaria, quæ minima coram ipso reputantur, nam ea tribuit inimicis abundantius, quàm amicis, sicut potens est die ac nocte, momentis singulis ministrare spiritui abundantiam spiritualium donorum, quæ maxima sunt coram Deo, nec ea communicat inimicis.

Math. 19.

**ARGUMENTUM** veræ Paupertatis est, nullam sollicitudinem habere de transitoriis, sed simpliciter & securè se committere Deo, qui avibus & vermibus semper necessaria largè ministrat, & præcipuè pullis coruorum in nido præ fame vagientibus, quos antiquus coruus propter albedinem, quasi filii sui non sint, famelicos derelinquit, illi verò ex largitate Dei, vel ex rore aëris pascuntur, donec ipsis nigrescentibus corvus succurrit, vel certè ciniphes & muscas deglutiunt, quæ spumæ rostrorum inhærent, cum famelici adhuc fortiter clamare non cessant.


Matth. 6.

Psal. 135.  
& 156.

**ARGUMENTUM** falsæ Paupertatis vel avaritiæ est, libenter munera petere præter necessaria, vel ea libenter accipere. Talis libertatem suam vendit, juxta verbum Philosophi: Munuscula accipere, est libertatem vendere. Quomodo enim Paupertatis Amator est, qui nullum defectum sustinere vult, & munera non necessaria frequenter accipit, imò petit, & cum quadam subtilitate extorquet, & præter necessitatem conservat?

DE





# DE CASTITATE.

## CAPUT VI.

**C**ASTITAS Virginalis vera & perfecta est, cum non solum corpus à pollutione carnalis concupiscentiæ custoditur, verum etiam anima à carnali concupiscentia munda servatur, exemplo Saræ dicentis : Tu scis Tob. 3.  
Domine, quia nunquam concupivi virum, sed mundam servavi animam meam ab omni concupiscentia, imò ab eis, quæ præstant occasionem concupiscentiæ. Et hoc est quod sequitur : Nunquam cum ludentibus miscui me, neque cum his, qui in levitate ambulant, participem me præbui.

**ILLE** verè castitatem amat, qui potius per castitatem virginalem, si possibile esset, modicam eligeret gratiam in præsentem, & gloriam in futuro propter conformitatem JESU Christi, quam si mereri posset gratiam & gloriam majorem per debitum conjugale.

**AD** amorem Castitatis inducere nos debet exemplum Castitatis Domini nostri JESU Christi, & Matris ejus, & sanctarum virginum, quæ olim pro


Y S

con-

- Matth. 26. vit per omnia, dicens: **Non mea voluntas, sed tua fiat, sed etiam hominibus bonis & malis, immò subditus**
- Matth. 4. **etiam fuit dæmonibus. Item omnia sensibilia & insensibilia obediunt DEO, & illa omnia subjecit homini DEUS, ut se homo cognosceret subjiendum esse DEO. Sol & Luna obedierunt Josue, terra Moyfi, cum absorbit Datham & Abyron, mare Petro ad calcandum, & Moyfi, cum submergeret Pharaonem & exercitum ejus, serpentes magis in Ægypto; bestia Eremitis in Ægypto, ut legitur in**
- Iosue 10. **in Vitis Patrum, aer & grando Samuëli, pluvia Helia, sicut & ignis, qui**
- Num. 16. **devoravit duos quinquagenarios, aves**
- Matth. 14. **Sanctissimo Patri Francisco, dæmones Apostolis & sanctis hominibus, &**
- Exod. 14. **Exod. 7. 8. 10. & 11. ægritudines, à quibus eos liberaverunt, & multæ creaturæ Moyfi in Ægypto. Et quia obediunt DEO omnia sub cælo, in purgatorio, & in inferno, ideò merito deberet homo obedire DEO Patri in omnibus, ejus præcepta & voluntarem exequendo.**
- Serm. de virtute Obedientia. **ARGUMENTUM multiplex veræ Obedientia indicat hoc pacto Bernardus: Fidelis obediens nescit moras, fugit crastinum, ignorat tarditatem, præripit præcipientem, parat oculos visui, aures auditui, linguam voci, manus ope-**

operi, itineri pedes, & totum se colligit, ut imperantis colligat voluntatem. Ac iterum Bernardus: Bonus obediens dat suum velle, & suum nolle in manibus sui Prælati, ut possit dicere: Paratum cor meum Deus, paratum cor meum. Paratum quæcunque præceperis facere, paratum tibi vacare, & proximis ministrare, me ipsum custodire, & in cœlestium contemplatione requiescere. Psalm. 108.

**ARGUMENTUM** inobedientiæ est, cùm subditus mandatum Prælati injustum reputat, & ex hoc in corde murmurat, deinde, quum se mandatum implere non posse, nec debere excusat, hinc postea diversas vias evadendi subtiliter excogitat, ad ultimum aliquos inducit, qui suis consiliis & precibus mandatum superioris impediant vel retractent. Sic non fecit Abraham, qui nocte abijt, ut subito mandatum Domini expleret, relinquens servos in pede montis, ne ipsum in occisione filii charissimi impedirent, ideoque largam benedictionem sibi & suo semini meruit. Gen. 22.



Y

DE



# DE PATIENTIA.

## CAPUT IV.

**P**ATIENTIA vera & perfecta est, cum quis injurias illatas patienter sustinet, non solum cum reus, sed etiam cum innocens est, exemplo Job dicentis. Non peccavi, & in amaritudinibus moratur oculus meus. Et licet intolerabilior sit injuria innocenti, quam culpabili facta, tamen multò suavius sufferri potest & debet injuria, cum nihil conscientiam remordet, suavius dico, quam si molestiam meruisset ob culpam præcedentem. Unde beatus Petrus: Nemo vestrum, inquit, patiatur ut homicida, aut fur, aut maledicus, aut alienorum appetitor. Melius est enim, ut beneficientes (si voluntas DEI velit) pati, quam maleficientes. Quæ enim est gloria, si peccantes & colaphizati suffertis? Sed si beneficientes patienter sustinetis, hæc est gratia apud DEUM. Laudabilis illa patientia est, quæ non tantum à malis, sed etiam ab eis, qui videntur boni & amici, nec tantum pro malis operibus, verum etiam pro benefactis illatas

Iob. 17.

1. Pet. 4.

1. Pet. 3.

1. Pet. 2.

illatas patienter sustinet injurias. Tunc enim amica DEI anima inter filias est, sicut lilium inter spinas. Lilium enim, Cant. 2. quamvis pungatur à spinis, candorem tamen retinet, fortiolem emittens odorem, quàm si non pungatur. Sic anima Sponsa DEI, quamvis ab eis, qui videntur esse de numero & consortio filiorum, pungatur, non tamen ad impatientiam provocatur, sed candorem bonæ conscientiae & bonæ famæ odorem diligentissimè servare conatur.

ILLE verè patiens est, qui non solum molestias illatas patienter tolerat, sed inferendas etiam desiderat, exemplo Christi dicentis: Improperium Psalm. 68. expectavit cor meum & miseriam. Verè patiens inter flagella non murmurat, exemplo Job, qui inter tot pressuras, nec stultum quid contra DEUM locutus est, sed mente gaudens, de illatis molestiis etiam ex corde gratias agit.

VERUS patiens pro illata injuria nunquam se excusat, etiam requisitus, fidelissimo se DEO committens in omnibus, qui tempore suo omnem hominum innocentiam excusabit. Sic Dominus JESUS à Pilato interrogatus non respondit. Verus patiens injuriam suam nulli conqueritur, quia ex querela & excusatione quandòque

mens alleviatur. Quam allevationem minimè curat, sed solus cum solo DEO molestiam suam portat, donec eam pius & fidelis DEUS per internam consolationem repellat.

TRIA sunt, quæ meritò inducunt veram patientiam. Unum est cognoscere, quod peccatis nostris æternam & amarissimam meruimus gehennæ pœnam, pro cujus recompensatione molestiâ temporaliter affligimur. Alterum est, quòd Dominus JESUS longo tempore, multis & magnis injuriis promeruit, ut nos vicem ei rependentes, brevi tempore modicùm molestemur & affligamur. Tertium est, quòd ipse DEUS justus secundum longitudinem, magnitudinem & asperitatem molestiarum reponderabit magnitudinem, diurnitatem & dulcedinem gaudiorum, teste Apostolo dicente; Id enim, quod in præsentis est, mementaneum & leve tribulationis nostræ, suprâ modum in sublimitate æternum gloriæ pondus operatur in nobis.

2. Cor. 4.

ARGUMENTUM veræ Patientiæ est, se non vindicare, cùm homo possit, ac etiam prohibere vindictam ab aliis exerceri, exemplo David, qui prohibuit Semei occidi, qui lapides & lutum contra eum projiciens,  
vi-

rum sanguinum eum appellavit. Sed *2. Reg. 16.*  
 potius verè patiens supplicat devotè  
 pro injuriantibus, quod fecit Domi-  
 nus JESUS efficaciter pro suis cruci- *Lucæ 23.*  
 fixoribus, & Beatus Stephanus pro *Actor. 7.*  
 lapidantibus. Imò etiam cogit Do- *Exod. 32.*  
 minum injuriantibus misereri, sicut  
 fecit Moyses dicens: Aut dimitte eis  
 hanc noxam, aut dele me de libro,  
 quem scripsisti. Tales orationes li-  
 benter audit Deus & exaudit. Unde  
 omnes tres supradicti fuerunt pro Ad-  
 versariis exauditi.

**ARGUMENTUM** Impatientiæ:  
 cùm aliquis propter molestiam illatam  
 ex motu interiore spontè dimittit bo-  
 na opera, quæ commodè facere pos-  
 set ac deberet, tunc autem immeritò  
 luit Deus molestiam ab homine irro-  
 gatam. Item, cùm motus interior vix  
 se in homine abscondere potest, quin  
 erumpat vel in vultu, vel in gestibus,  
 vel in verbis. Hæc est periculosissi-  
 ma impatientia, cujus vindicta vergit  
 in Deum innocentem.



## DE PAUPER TATE,

### CAPUT V.

**P**AUPERTAS vera perfecta est,  
 omnia propter Deum spontè &  
 Y 3 la-

latanter relinquere, nihil præter so-  
lam necessitatem possidere, eadẽ-  
que necessitate se indignum sentire, &  
ipsa necessitate quandoque propter  
Deum gaudenter carere. Ubi enim  
plena est necessitas, ibi perpendi non  
Matth. 12. potest paupertas vera. Sic Dominus  
JESUS necessitate cibi caruit, cum  
nec sibi, nec discipulis spicas confri-  
cantibus panem habere potuit. Qui  
similiter vestium necessitate caruit,  
quando ante crucem, teste Bernardo,  
penitus nudatus fuit. Qui etiam si-  
tiens in cruce haustum aquæ habere  
non potuit, lapidem, nec asserem, in  
quo moriens crucifixum caput incli-  
naret: Heu! quàm sæpè est ibi super-  
fluitas, ubi creditur vera esse necessi-  
tas.

4. Reg. 5.  
Daniel 5. VERUS pauper nulla transitoria  
concupiscit, imò oblata respuit, ex-  
emplo Helisæi, qui munera Naaman  
non accepit, & exemplo Danielis, qui  
dona Balthasar Regis contempsit. Ille  
paupertatem verè amat, qui mereri  
vellet parvam gloriam per paupertatem  
potius, quam magnam per divi-  
tias, ut JESU Christo fiat confor-  
mior.

Bernard.  
serm. I. in  
vigil. nata-  
tis Domini.

AD AMOREM veræ Paupertatis  
inducere nos debent tria secundum  
Bernardum: Nihil enim Deo carius, ni-  
hil



hil hominibus fructuosius , quàm in paupertate obediendo vitam finire. Quod autem Paupertas Deo placeat, testatur idem Bernardus dicens : In cœlo omnium bonorum affluentia suppetebat, sed Paupertas ibi non inveniebatur. Porro hæc species abundavit in terris, sed nescivit homo pretium ejus. Hanc itaque Dei filius concupiscens descendit, ut eam eligat sibi, & nobis quoque sua æstimatione faciat pretiosam.

EST est aliud inductivum veræ Paupertatis, scilicet gloria Christo in judicio assidendi, eaque provenit ex eo, quòd pauperes & ignobiles ad latus Christi sedebunt in judicio, nobiles & divites judicantes. Eja! quàm laudabile est, Deo omnia purè propter ipsum relinquere, pauperem fieri propter Amorem Dei, Deo confidere super omnia, quòd tam potens sit semel vel bis in die corpori ministrare necessaria, quæ minima coram ipso reputantur, nam ea tribuit inimicis abundantius, quàm amicis, sicut potens est die ac nocte, momentis singulis ministrare spiritui abundantiam spiritualium donorum, quæ maxima sunt coram Deo, nec ea communicat inimicis.

*Math. 19.*

**ARGUMENTUM** veræ Paupertatis est, nullam sollicitudinem habere de transitoriis, sed simpliciter & securè se committere Deo, qui avibus & vermibus semper necessaria largè ministrat, & præcipuè pullis coruorum in nido præ fame vagientibus, quos antiquus coruus propter albedinem, quasi filii sui non sint, famelicos derelinquit, illi verò ex largitate Dei, vel ex rore aëris pascuntur, donec ipsis nigrescentibus corvus succurrit, vel certè ciniphes & muscas deglutiant, quæ spumæ rostrorum inhærent, cum famelici adhuc fortiter clamare non cessant.

Matth. 6.

Psal. 135.  
& 156.

**ARGUMENTUM** falsæ Paupertatis vel avaritiæ est, libenter munera petere præter necessaria, vel ea libenter accipere. Talis libertatem suam vendit, juxta verbum Philosophi: Munuscula accipere, est libertatem vendere. Quomodo enim Paupertatis Amator est, qui nullum defectum sustinere vult, & munera non necessaria frequenter accipit, imò petit, & cum quadam subtilitate extorquet, & præter necessitatem conservat?

DE



DE  
CASTITATE.

CAPUT VI.

**C**ASTITAS Virginalis vera & perfecta est, cum non solum corpus à pollutione carnalis concupiscentiæ custoditur, verum etiam anima à carnali concupiscentia munda servatur, exemplo Saræ dicentis : Tu scis Domine, quia nunquam concupivi virum, sed mundam servavi animam meam ab omni concupiscentia, imò ab eis, quæ præstant occasionem concupiscentiæ. Et hoc est quod sequitur : Nunquam cum ludentibus miscui me, neque cum his, qui in levitate ambulant, participem me præbui. Tob. 3.

ILLE verè castitatem amat, qui potius per castitatem virginalem, si possibile esset, modicam eligeret gratiam in præsentem, & gloriam in futuro propter conformitatem JESU Christi, quàm si mereri posset gratiam & gloriam majorem per debitum conjugale.

AD amorem Castitatis inducere nos debet exemplum Castitatis Domini nostri JESU Christi, & Matris ejus, & sanctarum virginum, quæ olim pro  
Y S con-

conservatione Castitatis Regna mundi contempserunt, & vitam spontè perdididerunt, sicut beata Agnes, Catharina, & similes; præcipue quoque Castitas mulierum paganarum & virginum, de quibus dicit Hieronymus, quòd mortem elegerint, ut pudicitiam conservarent. Item munditiæ & libertates inde sequentes invitare nos debent ad Castitatem, sicut & gloria Castitatis promissa à Domino JESU Christo. Sic enim loquitur; Qui vicerit (concupiscentiam Carnis scilicet) dabo ei sedere mecum in throno meo, sicut & ego vici, & sedi cum Patre meo in throno ejus. Nam incorruptio facit esse proximum Deo.

Apoc. 3.

Sapient. 6.

CONSERVANT autem Castitatem, & inductiva sunt ejusdem, vitæ parcitas, cultus vilitas, corporalis incommoditas, fugere eundem locum & tempus impuditiæ opportunum. Quòd si Dina filia Jacob fugisset, rapta non fuisset, quando venit videre mulieres regionis illius. Item vitare omnes homines suspectos. Debet autem cuilibet foeminae quilibet masculus esse suspectus. Ex hoc Thamar filia David à proprio fratre Amon corrupta fuit, quòd eum suspectum non habuit, quando ei soli tanquam infirmo ministravit. Similiter unicuique viro suspecta

Gen. 34.

2. Reg.

specta debet esse unaquæque mulier etiam sancta secundum consilium Hieronymi dicentis : Si castitatem servare volueris, foeminam, quamvis bene conversantem videris, mente dilige, non præsentia corporali.

**PRÆCIPUUM** conservativum Castitatis est, delectari in Domino, tunc enim omnia alia vilescunt. Gustato enim spiritu desipit omnis caro.

Gregori in  
Mor. lib. 18  
cap. 6.

Unde Gregorius: Esse quidem anima sine delectatione non potest, nam aut delectatur in infimis, aut in summis, & quanto altiore studio exercetur ad summa, tanto majore fastidio torpescit ad infima, quantoque acriori cura inardescit ad infima, tantò tempore damnabili frigescit à summis.

**ARGUMENTUM** veræ Castitatis est, refrenatio quinque sensuum ab illecebris carnis, & subtractio cordis à vanitatibus & cogitationibus delectabilibus. Nam ex delectatione visus in videndo, gustus in gustando, odoratus in olfaciendo, tactus in tangendo, pedum in ambulando, oris in ridendo & loquendo, nasci solent carnalia desideria, quæ animam ad impudicitiam aut emolliunt, aut inclinant.

**ARGUMENTUM** siue inductivum impuditiæ est intemperantia potus, Gen. 9.

Gen. 19.

Ephes. 5.

Eccles. 9.

Eccles. 9.

Iob. 31.

tûs, Ex hoc enim Noë impudicè nudatus fuit, & Loth cum propriis filiabus incestum commisit. Ideoque præcepit Apostolus dicens: Nolite inebriari vino, in quo est luxuria, scilicet per occasionem. Item impudicus oculus, teste Augustino, impudici cordis est nuntius. Similiter impudica verba, impudicus incessus, & colloquium mulierum teste Ecclesiastico, quasi ignis inardescit. Similiter colloquium viri mulierem inflamat. Item diligens consideratio incessûs & formæ alterius ad impudicitiam provocat, quod dissuadet Ecclesiasticus dicens: Ne respicias virginem, ut non scandalizeris in decore ejus. Ideò cavendum est fœminæ à viris, & viro à fœminis. Hoc salubre consilium sequebatur Job, cum pepigit fœdus cum oculis suis, ut non solum caveret à conspectu virginis, sed etiam, ne cogitaret quidem de virgine, quod plus est, quàm solum cavere à conventu virginum.



DE

## ABSTINENTIA.

## CAPUT VII.

**A**BSTINENTIA vera & perfecta est usus necessarii tantum victûs  
&

& vestitûs , & omnimoda subtractio delectabilium & superfluatorum , & eorum, quæ multâ diligentia fiunt , & magnis sumptibus comparantur. Exemplo fit Beatus Joannes Baptista, qui locustas comedit , & folia arborum lactearum saporem mellis habentia, & aquam bibit , & vestem de pilis camelorum habuit. Unde Apostolus : Habentes alimenta & quibus tegamur ( non quibus ornemur ) his contenti simus. Servus enim Dei non debet habere vestimentum ad decorem, sed ad tegendam suam nuditatem , sicut dicit glossa super Lucam de veste Joannis.

Math. 3.

I. Tim. 6.

ILLE verè Abstemiam servat & amat , qui non solum abstinet libenter à delectabilibus, quæ non habet, & quæ ipsi sunt illicita ; sed etiam vitat spontè & purè propter Deum delectabilia, quæ habet , & quæ habere posset, quibus etiam licitè & meritorie uti liceret, siue cara , siue delectabilia sint, siue vilia. Nam si plûs delectaretur in pultibus , quàm in perdicibus, in aqua plûs, quàm in vino, acceptius esset Deo à pultibus , quàm à perdicibus, ab aqua, quàm à vino abstinere. Dicit enim Augustinus: Delitiæ quælibet, si absque desiderio sumantur, non officiunt, & cibi viles delectabiliter vel appetenter accepti, pro-

2. Reg. 23.

Gen. 25.

profectum impediunt abſtinentiæ. David enim aquam malè concupitam effudit, & Helias carnem non cupitam comedit à Deo per corvos miſſam. Hoc teſtatur Eſau, qui non propter gallinam, ſed lenticulam irrecuperabiliter benediſtionem amiſit. Nec ſolùm abſtinendum eſt à delectabilibus corporis, ſed etiam ab eis, quæ delectant animum, ſicut à vanis colloquiis, à gaudio temporali, à peccato mortali, ab amicitia carnali. Hæc abſtinentia laudabilior eſt, quàm prima, & habenda eſt purè propter Deum. non propter aliquam mercedem temporalem vel gratiam.

**INDUCTIVA** veræ Abſtinentiæ duo ſunt: Unum, quòd nunquam cum debita gratitudinè dona Dei percipimus, & nunquam ad debitum finem eis, neque ſecundum ordinationem divinam fruimur, & ex hoc iram Dei graviter incurrimus. Aliud eſt, quòd de omnibus donis perceptis ſtricte rationem Deus exigit, quo ſine ipſa ſumpſerimus, an pro noſtra voluptate, vel pro juſta neceſſitate, vel pro communi utilitate. A quibus autem quiſque abſtinet, de illis reddere cum rationem non oportebit.

**DUPLEX** autem utilitas ſequitur abſtinentiam, ſcilicet divinorum ſecreto-



torum cognitio , & bonorum desideriorum exauditio. Quæ duo patent in Daniele, qui cum uti noller cibo & potu regio, sed aquam cum leguminibus fumeret, cunctos magos & ariolos transcendit in agnitione visionum atque somniorum. Deinde ad preces ejus septem anni, quibus Nabuchodonosor vivere debuit ut bestia, mutati sunt in septem menses. Idemque cum impetrasset populo à Deo facultatem in Hierusalem redeundi, impetravit & eidem populo voluntatem eodem redeundi, cum redire tardaret. Idem Daniel in multis desideriis suis & mysteriis propter abstinentiam fuit exauditus, sicut ipse testatur dicens: In diebus illis ego Daniel lugebam trium hebdomadarum diebus, panem desiderabilem non comedi, caro & vinum non introierunt in os meum, sed neque unguento unctus sum. Ideoque Angelus dixit ei: Ex die primo, quò posuisti cor tuum ad intelligendum, ut te affligeres in conspectu Dei tui, exaudita sunt verba tua. Tertium potest esse, misericordiæ Dei impetratio, ut patet de Ninivitis, qui per abstinentiam misericordiam Dei impetraverunt Jona prædicante.

MIRARI possumus, sed non imitari abstinentiam Sacerdotum antiquo-

Dan. 1.

Dan. 4.

Dan. 10.

Ioan. 3.

Hieron.  
lib. 2. ad-  
vers. Iovin.  
ante me-  
dium.

quorum Ægyptiorum, de quibus scribit Hieronymus, quòd à carnibus & vino se semper abstinuerint propter tenuitatem sensûs, & vertiginem capitis, quam ex parvo cibo patiebantur, & maximè propter appetitus libidinis, quæ ex his cibis, & ex vini portione nasci solet. Pane rarò vesciebantur, ne onerarent stomachum. & si quando comedebant, tusum pariter hyssopum sumebant in cibo, ut escam graviores illius calore decoquerent. Oleum tantùm in oleribus noverant, verùm ex eo parùm sumebant propter nauseam & asperitatem gustûs leniendam. Quid loquar de volatilibus? cùm ova propter carnem vitaverint & lac, quorum alterum carnes liquidas, alterum sanguinem esse dicebant colore mutato, tum humores corporis, qui nascuntur ex otio & ex unius loci mansione, nimia victûs castigatione siccabant.

ARGUMENTUM veræ Abstinentiæ est, cùm non solùm cibis pretiosis & delicatis quis in sanitate uti respuit, sed etiam cùm infirmitas vel alia necessitas cogit, cum dolore mentis eos percipit. Item, cùm non solùm à pretiosis & delicatis & superfluis alimentis abstinet, imò sibi necessaria etiam quandòque subtrahit, ut aliis indigentibus impartiri possit. Juxta illud

Illud Hieronymi. Quod manducaturus eras, si non jejunares, da pauperibus, ut jejunium corporis sit sanitas animæ, non marsupii lucrum.

ARGUMENTUM falsæ abstinentiæ est, vitare pretiosa & delicata cibaria tantum eo tempore, quo non habentur, vel propter vanam gloriam, ut homo laudetur, vel propter paritatem, ne depauperetur, vel propter avaritiâ, ut ditetur, vel ad cavendam corporis infirmitatem, vel ad vitandam infamiam & detractionem, vel ad consequendam dignitatem, vel transitoriam utilitatem, & non ad promerendam gratiam in præsentî, & gloriam in futuro.

\*\*\*\*\*

## DE PRUDENTIA.

### CAPUT VIII.

**P**RUDENTIA vera & perfecta est, semper niti ad cognitionem divinæ naturæ, & ad profunditatem humanæ miseriæ. Quam prudentiam optavit Augustinus dicens: Noverim te, noverim me! Ille veram prudentiam habet, qui sollicitè cognoscere laborat, quid sit optimum.

Z

&

& hoc toto nisu amplectitur, quid sit etiam pessimum, & hoc toto corde detestatur.

**ILLE** verè prudens est, qui frequenter pensat, quid bonis, quid malis futurum sit, quanta delectatio sit bonis uniri summo bono æternaliter, quanta amaritudo malis æternaliter à summo bono separari. Ille vera prudentia fruitur, qui summoperè fugit omne illud, quod elongat ad tempus à familiaritate Dei, scilicet peccatum veniale, & quod semper separat à fruitione Dei, scilicet peccatum mortale. Similiter ille vera prudentia fruitur, qui diligit omnia, quæ hominem Deo propinquiorem faciunt, ut sunt opera bona, & quæ æternaliter uniunt Deo, scilicet virtutes & Spiritûs Sancti dona.

*Hieros.  
lib.2. ad-  
vers. Iovi.*

**INDUCTIVUM** veræ Prudentiæ est exemplum Philosophorum, qui tantum pro scientia laborabant, ut scribit Hieronymus, quòd reliquerunt frequentias urbium, & hortulos suburbanos, ubi ager irriguus, & arborum comæ, & susurrus avium, fontis speculum, rivus immurmurans, & multæ aurium oculorûmque illecebræ, ne luxu & abundantia copiarum animæ fortitudo mollesceret, & ejus Prudentia constupraretur. Inutile quippe est, crebrò videre, per quæ aliquando  
captus

captus sis, & eorum te experimento committere, quibus difficulter careat. Pythagoræi hujuscemodi frequentiam declinantes, in solitudine & desertis locis habitare consueverunt. Et quosdam legimus sibi effodisse oculos, ne per visum ipsum à contemplatione Philosophiæ avocarentur. Quòd si quis existimat, abundantia ciborum potionumque se perfrui, & posse vacare sapientiæ, hoc est, versari in delitiis, deliciarumque vitiis non teneri, seipsum decipit. Sensus enim noster cogitat id, quod videt, audit, odoratur, gustat & attrectat, & ad ejus rei trahitur appetitum, cujus capitur voluptate. Quantò magis nos, qui divinæ sapientiæ studere debemus, hac in parte Philosophis ac Ethnicis non decet esse inferiores.

AD idem nos inducere debet multorum damnatio ex imprudentia consequens, juxta illud Isaïæ: Propterea *Isaïa 5:* captivus ductus est populus meus, quia non habuit scientiam. Et Baruch as- *Baruch 2:* serit. Quoniam non habuerunt sapientiam, interierunt propter suam insipientiam.

OFFICIUM prudentis est ordinare cogitationes cordis, ne extra Deum vagentur, & affectus mentis, ne circa creaturas nimium occupentur, volun-

Ecclef. 8.

tates, ne à Deo avertantur, intentiones, ne misceantur, sed purificentur, judicia & suspensiones, ut ad melius convertantur. Similiter omnia verba & facta & incessus ordinare debet, ut ad debitum finem omnia fiant pro communi utilitate & omnium emendatione. Nam sapientia hominis, teste Salomone, relucet in vultu ipsius, hoc est, in conversatione exteriori. Qui sic ordinatus est, habet argumentum veræ prudentiæ. Item dicit Bernardus: De hac quotidiana discussione examina vitam tuam, & attende diligenter, quantum profeceris, quantum defeceris, qualis sis in moribus, qualis in affectionibus, quam similis & dissimilis Deo? Stude teipsum diligentissimè cognoscere, quia multò melior es, si te ipsum cognoveris, quam si te neglecto cognoscas cursus siderum & vires herbarum.

1. Cor. 8.

1. Cor. 3.

ARGUMENTUM falsæ prudentiæ est, niti cognoscere cursus siderum, vires herbarum, virtutes gemmarum propter lucrum tantum. Talis enim scientia non ædificat, sed inflat. Item astutum esse in negotiis sæcularibus falsam indicat prudentiam, imò stultitiam. Nam testante Apostolo, Sapientia hujusmundi stultitia est apud Deum. Tales heu! multi sunt, de qui-

quibus conqueritur Dominus **JESUS**, Luc. 16.  
 dicens: Filii hujus sæculi prudentio-  
 res sunt filiis lucis in generatione sua.  
 Item alii subtiles sunt ad excogitan-  
 dum nequitias & novas adinventio-  
 nes, sed cæci ad considerandam vo-  
 luntatem Dei. De talibus dicit Jere- Jerem. 4  
 mias: Sapientes sunt ut faciant mala;  
 benè autem facere nescierunt. Tales Rom. 1.  
 credentes & dicentes, se esse sapientes,  
 stulti facti sunt, ut dicit Apostolus.

\*\*\*\*\*  
 \*\*\*\*\*

## DE FORTITUDINE.

### CAPUT IX.

**F**ORTITUDO vera & perfecta est  
 dominari animo suo, cum tenta-  
 tur quis à superbia, invidia, ira, lu-  
 xuria, avaritia, vana gloria, compla-  
 centia vel delectatione carnali, cum- Proverb. 16.  
 que ratio intelligens nequaquam con-  
 sentit, sed statim reprimit. Unde  
 Salomon: Melior est patiens viro for-  
 ti, & qui dominatur animo suo, ex-  
 pugnatore urbium. Hanc fortitudi-  
 nem Samson robustissimus non ha- Jud. 14.  
 buit, licet Leonem dilaniaverit, &  
 cum mandibula asini mille viros stra- Jud. 15.  
 verit, qui propter concupiscentiam Jud. 16.

mulieris , omni fortitudine privatus est.

**ILLE** veram fortitudinem habet, qui ab illicitis membra & sensus suos reprimit. Illam David  
 1. Reg. 17. non habuit, qui tametsi Ursum &  
 2. Reg. 12. Leonem occidit, & Goliath interfecit, tamen oculos suos ab illicito usu non cohibuit. Eja! quantæ fortitudinis sunt quidam ad jejunandum, vigilandum, castigandum corpora sua ciliciis & flagellis, nec tamen possunt refrænare pedes suos à viis noxiis, non manus suas ab opere & tactu illicito, non aures ab auditu nocivo, & præcipue non linguam à verbis damnosis.  
 Iacob. 3. Beato Jacobo dicente : Omnis igitur bestiarum & volucrum natura domari potest à natura humana, linguam autem nullus hominum domare potest. Est enim lingua malum inquietum, plenum mortifero veneno. Tamen sine hac linguæ refrenatione non est vera religio, sicut dicit idem Apostolus : Si quis putat se religiosum esse,  
 Iacob. 8. non refrænans linguam suam, sed seducens cor suum, hujus vana est religio.

**INDUCTIVUM** veræ Fortitudinis est degustatio spiritualis suavitatis. Hæc enim roborat mentem ad faciendum bona, ad tolerandum adversa,  
 ad



vincendum vitia & animæ nociva. 1. Reg. 14  
Hoc præfiguravit Jonathas, qui gustans parum mellis, illuminatus & confortatus est ad persequendum inimicos. Sic Moyses percipiens suavitatem Exod. 24  
mentis ex visione & colloctione divina, tantum confortatus est, ut per quadraginta dies alimento corporali non indigeret.

**OFFICIUM** Fortitudinis est, firmare intellectum in cognitione Dei & affectum in dilectione Dei & proximi. Item roborare mentem inter adversa ne terreatur, inter prospera ne mulceatur. Item mentem animare, ut semper exerceatur in bonis, confortare ipsam, ne unquam vincatur in malis. 2. Cor. 11.  
Primam fortitudinem habuerunt Paulus & Stephanus, secundam Matathias Actor. 7.  
& Eleazarus, Job & Daniel, tertiam 2. Mach 6.  
Tobias. Qui igitur hæc in seipso sentit, de argumento veræ Fortitudinis Job. 1.  
securus sit. Psal. 33.  
Tob. 1. & 2.

**ARGUMENTUM** Fortitudinis falsæ, imò pessimæ est, multa & magna posse contra Deum committere. De hac dicit Anselmus: Peccare non est libertas, nec pars libertatis, peccare est potius non posse, quàm posse. Quicunque enim hoc potest, quod sibi non expedit, quantò magis hoc potest, tantò magis adversitas & per-

Esaie 7.

versitas possunt in illum. Unde Esaias, Væ! qui potentes estis ad bibendum vinum, & viri fortes ad miscendam ebrietatem. Hanc Fortitudinem habuerunt olim persecutores Ecclesiæ Reges & Principes, & hodiè habent & habebunt in posterum Antichristus & servi ejus.

Matth. 24.



## DE JUSTITIA.

### CAPUT X.

**J**USTITIA vera & perfecta ad Deum est, laudem naturæ divinæ debitam in omnibus reddere, & bonorum auctori debitam gratiarum actionem pro omnibus donis collatis & malis perpeßis tribuere, sicut & pro omnibus commissis & omiſſis ei satisfactionem offerre, ac rursus pro gratiis omnibus ab homine neglectis legitimum, ac ferventem dolorem assumere. Ille veram justitiam erga Deum habet, qui semper & ubique in omnibus præceptis & votis servandis Deo fidelis est, qui prætereà tantam diligentiam singulis operibus peragendis apponit, quasi tota ipsius salus ex unoquoque opere dependeat, tum qui  
purè

purè propter Deum omnia opera bona facit. non autem propter aliquem favorem, vel utilitatem præsentis vitæ, vel futuræ, vel æternæ, qui demùm cum debita gratitudine singula Dei dona percipit, & eis secundum ordinationem Dei fruitur semper & ubique.

VERA justitia erga proximum est in duobus, ut nunquam facias proximo, Tob. 4.

quod tibi justè fieri nolis: hoc est, nunquam lædere vel offendere proximum verbo, facto, signo, vel consilio in rebus, corpore & honore, nunquam de ipso malè suspicari, nunquam ipsi detrahere, nunquam bonum ejus pervertere vel diminuere, nunquam ipsum in bono impedire. Hæc enim nemo sibi secundum Justitiam vult fieri.

Alterum est, ut proximo facias, quod Matth. 7.

tibi justè velles, hoc est, proximum honorare, bonum de ipso sentire, omnia facta ejus etiam mala in bonum convertere, semper in bono memoriam ejus habere, semper ipsum in bono promovere, semper bono ejus congaudere, & malo rursus condolere, innocentiam ejus excusare, ipsum absentem propugnare. Hæc enim secundum justitiam, quisque sibi vult fieri. Et ideò dicitur secundum justitiam, quia judex pro furto nollet suspendi, & tamen furem debet suspen-

dere, quia illud nolle non habet secundum justitiam. Et prædo libenter vellet spoliari, ut sibi liceret spoliare, quod tamen facere nō debet, quia illud velle non habet secundum justitiam. Item justitiam veram, quoad mortuos, servat, quia Testamenta secundum ordinationem eorum expedire non tardat, quia jejuniis, orationibus & elemosynis secundum eorum confidentiam pœnas ipsorum pro suo virili alleviat & abbreviat. Ut enim Bernardus docet, pœnæ illorum qui sunt in Purgatorio, per jejunia, orationes & elemosynas abbreviantur. Item justitiam erga Angelos servat, qui salutaribus eorum consiliis acquiescens, gloriam ipsis ex hoc debitam non retardat, quam ipsi pro impenso nobis obsequio promerentur.

- INDUCTIVUM** veræ Justitiæ  
 Psalm. 10. est, quod dicit David: Justus Dominus & Justitias dilexit, æquitatem vidit vultus ejus. Item, quia justo promittitur in præsentī spes & lætitia, secundum illud: Lætabitur justus in Domino, & sperabit in eo. Item  
 Psalm. 36. justis indicitur exaltatio & laudatio secundum illud: Exultate justī in Domino, rectos decet collaudatio. Item  
 Psalm. 31. justis prædicatur securitas in judicio,  
 se-

secundum illud ; Stabunt iusti in sap. 5.  
magna constantia &c. Item  
Iustis fit æternæ vitæ promissio,  
secundum illud ; Iusti in perpetuum sap. 5.  
vivent , apud Dominum est merces  
eorum. Et quicquid Deus boni pollicetur in scriptura, hoc maxime per iustitiam acquiritur.

OFFICIUM veræ Iustitiæ est, re-  
ctificare cogitationes & affectiones,  
ut semper in Deo, voluntatem ut con-  
formis sit divinæ voluntati, intentio-  
nes, ut semper ad Deum tendant, &  
ad laudem ejus cuncta conferamus:  
Similiter omnia verba & facta eò di-  
rigere, ut semper ad aliquem spiritua-  
lem & certum finem fiant, & in his est  
argumentum veræ Iustitiæ.

ARGUMENTUM Injustitiæ est,  
usurpare sibi, quæ propria sunt Dei,  
scilicet amorem, laudem, honorem,  
vindictam, vel ea, quæ proximi sunt,  
propria sunt, eique debentur. Vera  
enim Iustitia dat unicuique, quod suum  
est.



DE

## TEMPERANTIA.

## CAPUT XI.

**T**EMPERANTIA vera & perfecta  
est, iusta moderatio motuum in-  
terio-

Bernard.  
serm. 14.  
sup. cant.

teriorum, & exteriorum operum. Ille  
veram temperantiam habet, qui non  
solum moderatur & refrænât cor suum  
à pravis cogitationibus & inutilibus, sed  
etiam modum servat in bonis, ne sæ-  
pius vel diutius cogitationes bonæ in-  
hæreant, quàm iustum tempus requi-  
rit. Quia officiales cogitationes li-  
cet utiles sint, tamen non sunt tra-  
ctandæ infrà divinum officium. Ut  
enim dicit Bernardus: Spiritus Sanctus  
illâ horâ gratum non recipit, quicquid  
aliud quàm debes, neglecto eo, quæ  
debes, obtuleris. Similiter verè tem-  
peratus moderatur passiones, & affe-  
ctiones suas, quando aliquid vel nihil  
sperare debeat vel timere, & quantum,  
& quamdiu, & de quo aliquid vel nihil  
gaudere debeat vel dolere, & quan-  
tum & quamdiu, & de quo amorem vel  
odium, vel pudorem habere vel non  
habere debeat, & quantum & quam-  
diu. Similiter qui temperatus est, mo-  
deratur intellectum, ne ampliori tem-  
pore, quàm oportet, se occupet circa  
aliquid ad intelligendum. Similiter  
moderatur voluntatem, & qualis vel  
quanta illa esse debeat, & intentionem,  
& qualis vel quanta esse non debeat, &  
ad quem finem. Similiter liberum ar-  
bitrium ponderat, quantum debeat  
eli-

eligere bonum, & qualiter reprobare malum.

**SIMILITER** vera Temperantia moderatur linguam, quando nempe loquendum, quando tacendum & quamdiu, hoc est, tempore opportuno, cui loquendum, hominibus scilicet bonis, non suspectis, quando loquendum & ubi, scilicet loco & tempore non suspecto, qualiter & quantum loquendum, scilicet mature, cum pondere, numero & mensura, & propter quid, scilicet propter necessitatem, vel utilitatem, & pro quibus negotiis, scilicet animæ & corporis. Similiter mensurat facta & mores & motum omnium membrorum, ut secundum Apostolum omnia ordinate & iusta intentione, & in charitate, & ad debitum finem fiant. 2. Corinth.  
14. 16. &  
10.

**AD** veram Temperantiam inducere nos debet ornatissima sapientia divina, quæ omnia disponit in pondere, numero, & mensura. Secundum hanc ordinationem omnis actio nostra, mores & vita nostra debent esse moderata, mensurata, numerata & ponderata, hoc est, in virtute Patris, cui mensura, in virtute Filii, cui numerus, in virtute Spiritûs Sancti, cui pondus ascribitur.

**Ad idem** inducere nos debet exemplum

1. Corinth.  
10.

plum Temperantiæ Apostoli dicentis: Sine offensione estote Judæis & gentibus & Ecclesiæ Dei, sicut & ego omnibus per omnia placeo. Verè temperatus ille fuit, qui nullum offendit, & per omnia omnibus placuit.

Psal. 42.

ARGUMENTUM veræ Temperantiæ habet, qui se moderatur in victu, vestitu, somno & in omni comodo carnali, & in lætitia temporali nullam superfluitatem, nec inordinatam delectationem, sed puram necessitatem admittit in his omnibus. Verè temperatus in omnibus modum servare nititur, præterquàm in amore & laude Dei & gratiarum actione. Nam magnus Dominus & laudabilis nimis, ideoque ille sine modo, sine mensura, sine fine amandus & laudandus est.

Gen. 16.

ARGUMENTUM Intemperantiæ est, cùm aliquis distortos habens mores, omnes secum commorantes disturbat & offendit, in nullo cuiquam se conformat, sed quod sibi soli placet, hoc approbat, & hoc perficere contendit, omnibus importabilis, sibi ipsi intolerabilis. Unde Augustinus: iussisti Domine & ita factum est, ut sibi ipsi sit pœna omnis animus inordinatus. Quantò igitur magis aliis? Talis fuit Imaël, de quo scriptum est. Hic erit ferus homo, manus ejus contra



tra omnes, & manus omnium contra  
cum.



DE  
COMPASSIONE.  
CAPUT XII.

**C**OMPASSIO vera & perfecta er-  
ga Deum est, incessanter in cor-  
de tristitiâ vulnerari pro omni-  
bus injuriis Deo illatis, & adhuc infe-  
rendis in se & amicis ejus, quos, qui  
tangit, quasi tangit pupillam oculi  
ejus. Omnia certe elementa Christo  
Domino in Cruce morienti quodam-  
modô compassa fuerunt. Zach. 2.

ERGA proximum vera compassio  
est, intimè condolere aliorum affli-  
ctionibus tam corporalibus, quàm spiri-  
tualibus, exemplo Apostoli dicentis :  
Quis infirmatur, & ego non infirmor?  
quis scandalizatur, & ego non uror?  
Ubi Glossa dicit: Quis infirmatur in  
fide & in aliqua virtute, & non In-  
firmor? id est, non doleo de eo, sicut  
de meipso? Quis scandalizatur in ali-  
qua molestia, & ego non uror, igne 2. Corinth.  
scilicet Compassionis?

Erga proximos in purgatorio degen-  
tes vera Compassio est, vehementer  
affli-

affligi ob acerbiteratem poenarum, quas illi sustinent, & præcipuè, quòd à visione & fruitione Dei separentur, quòdque Deus interim plénariè ab ipsis non laudetur. Hinc talibus animabus compati, & pro illis affligi debemus, simulque incessanter & ardentè Deo supplicare, ut eas à tanta acerbitate & asperitate subitò eripere dignetur.

Ad veram Compassionem inducere nos debet abundantissima Christi ergà nos Compassio, qui teste Augustino, sic festinat Peccatorem absolvere à tormento suæ conscientia, quasi plùs eum cruciet Compassio miseri, quam ipsum miserum Compassio sui. Nec solùm compassus est olim, sed & verè languores nostros ipse tulit, & dolores nostros ipse portavit. Hoc idem natura membrorum suadet, quia teste Apostolo: Si quid patitur unum membrum, compatiuntur omnia membra.

ITEM duplex est utilitas Compassionis, quæ nos allicere debet ad compassionem, scilicet charitatis confirmatio, & Christi conregnatio. De prima dicitur in Ecclesiastico: Non desis plorantibus in consolatione, nec te pigeat visitare infirmos, cum lugentibus ambula, ex his enim in dilectione

Esaie 53.

1. Cor. 12.

Eccles. 7.

Rom. 8.

ne confirmaberis. De secunda dicit Apostolus: Si compatimur & conregnabimus, si commortui sumus, & convivemus, si sustinebimus, & conregnabimus. Rara est virtus Compassionis conquerente idcirco Domino JESU; Sustinui qui simul contristaretur, & non fuit. Psal. 68.

**ARGUMENTUM** veræ Compassionis est, nō tantum condolere amicis, verum & inimicis. Sic Joseph super singulos Fratres flevit, qui eum pro triginta denariis vendiderant. Sic David planxit planctu magno super mortem Saul, qui eum sæpè occidere proposuerat, imò doceri fecit filios Israël carmen planctus super eundem Saul. Sic mortuo Absolon, qui eum licet Patrem extirpare voluit de regno, cooperto capite lugebat eum dicens: Quis mihi det, ut ego moriar pro te fili mi Absolon? Et similiter Job: Flebam, inquit, quondam super eum, qui afflictus erat, & compatiebatur anima pauperi. Gen. 48.  
Gen. 37.  
2.Reg. 1.  
2.Reg. 18.  
& 19.  
2.Reg. 18.  
Iob. 20.

**ARGUMENTUM** falsæ Compassionis habet, qui profert verba Compassionis, & multum Compassionis exhibet, & tamen de afflictione proximi gaudet in corde suo, & afflictionem proximi, cum posset, non alleviat, sed provocat, vel qui affligent-

tes, quando potest, non compescit, sed  
potius alios ad affligendum signo ver-  
bo, vel facto provocat & confortat.



## DE PACE.

### CAPUT XIII.

**P**AX vera ad Deum est, cum quin-  
que sensus, & usus membrorum  
omnium, & omnia exteriora &  
interiora ad nutum rationis disponun-  
tur, cumque omnes cogitationes, affe-  
ctiones, voluntates, intentiones &  
omnia interiora secundum ordinatio-  
nem rationis fiunt, & ratio, illa primò  
secundum voluntatem Dei penitus or-  
dinatur. Quotiescunque verò sine  
consensu rationis benè dispositæ quid-  
quam agitur, statim pax pectoris con-  
turbatur. Ille veram Pacem cum Deo  
habet ( ut dicit Glossa super illud ad  
Romanos: justificati per fidem Pacem  
habeamus ad Deum ) qui adversum  
mandata Dei contraria voluntate  
non litigat, qui sequitur iussa Domi-  
ni, & ad omne præceptum divinum  
suum flectit arbitrium. Pax enim ve-  
ra est, concordare cum moribus pro-  
bis, & litigare cum vitiis.

Rom. 5.

**ILLE** veram Pacem cum proximo  
ha-

habet, qui toto nisu cavet, ne quemquam cum proposito quacunque occasione perturbet. Qui enim ex deliberatione aliquem perturbat, sineurbatione nullatenus aliquâ horâ esse potest. Aut enim turbatus, si potest, se vindicat, aut si vindicare non potest, dissimulat, ex perturbatione tamen facta stimulum & remorsum conscientiae semper secum portat.

ILLE veram Pacem quærit, qui continue semetipsum tantum considerat, & unumquemque proprio relinquens iudicio, omnibus postpositis curis transitoriis in sola Dei contemplatione quiescit. Ibi enim solummodo Pax invenitur. Hinc illud Augustini: Fecisti nos Domine ad te, & inquietum est cor nostrum, donec requiescat in te.

AD amorem veræ Pacis inducere nos debet duplex utilitas Pacis, scilicet suavitas & quies mentis, quæ Pacem sequitur. Hæc suavitas est quasi pars & initium æternæ suavitatis & quietis, æternam & continuam habitationem Deo præparans in anima. Deus autem est, qui propter nimiam mansuetudinem suam tantum in corde quieto locum habet & requiescit, Psalmista teste.

In Pace in idipsum dormiam & requiescam: Et iterum. In Pace factus est locus ejus; quod testatur Apostolus

Psalm. 4. &

75.

2. Corinth.

23.

dicens: Pacem habete, & Deus Pacis erit vobiscum.

**VERAM** Pacem conservat hoc, quod dicit Hieronymus super Epistolam ad Ephesios: Si bona nostra invicem diligamus, si peccata, quæ sine damno tritici, aut cum spe salutis corrigendorum eradicari non possunt, usque ad messem ultimam toleremus, si etiam perfectionis opera, quæ fieri & non fieri possunt, ne infirmi scandalizentur, non facere disponamus.

**ARGUMENTUM** veræ Pacis habet, qui omnem locum & omnes homines, omnes actiones vitat, ex quibus probabiliter turbatio sequi potest. Item argumentum certissimum veræ Pacis habet, qui præcepta Dei & vota semper & ubique tenet. Hinc Psalmista, Pax multa diligentibus legem tuam. Argumentum verissimæ Pacis est, quando caro in omnibus spiritui subjungatur.

**ARGUMENTUM** falsæ Pacis habet, qui non evellit omnes radicesurbationis, quæ semper in homine pullulare solent. Hæ sunt propria voluntas, animi libertas, morum singularitas, appetitus placentiæ, de quibus alibi dictum est. Item non est vera Pax, quæ non ex propria virtute, sed ex gratia aliorum habetur. Verbi  
gra-

gratiâ: Sunt quidam, qui firmam Pacem habent, quamdiu nihil contrarii sentiunt, sed quidquid eis placet, hoc in omnibus inveniunt. Cum verò aliquid fit, quod ipsi non excogitant, vel quod eis minùs placet, statim Pacem cordis amittunt. Tunc non est virtus Pacis in eis, sed potius in extraneis, ideóque illam Pacem auferunt extranei, quando volunt.

Sed qui veram Pacem desiderant, non debent advertere, quid alii faciant, vel loquantur, sive adulentur, sive detrahant, sed semper quæ Pacis sunt cogitent, & sic virtus Pacis in ipsis veraciter & finaliter permanebit.



## DE MISERICORDIA.

### CAPUT XIV.

**M**ISERICORDIA vera consistit, in tribus, in dando, in condonando, & supererogando. Verè misericors quamdiu aliquid habet, indigentibus necessaria subministrat, quod si non faceret, veram misericordiam non compleret, dicente Chrysostomo; Quamdiu aliquid habens omnibus non subveneris, nondum debitum omne im-

Iob. 31.

Gregorius  
in Moral.  
lib. 22.  
cap. 12.

2. Reg. 16.

plēsti. Quinque enim fatuæ vtrigines  
oleum habuerunt, sed non copiosum  
usque in finem. Hanc Misericordiam  
habuit Job dicens: Foris non man-  
sit peregrinus, & ostium meum Viato-  
ri patuit, si negavi, quod volebant,  
pauperibus, & oculos viduæ expecta-  
re feci, si comedi buccellam meam so-  
lus, & non comedit pupillus ex ea? quia  
ab infantia mea crevit mecum misera-  
tio, & de utero Matris meæ egressa  
est mecum. Sed qui substantiam dat,  
& injurias non condonat, nullam Mi-  
sericordiam facit, ut dicit Gregorius.  
Ideò verè Misericors spontè, antequam  
rogetur, omnem injuriam ex corde  
remittit, nunquam vindicaturus nec  
per se, nec per alios, imò verè Mife-  
ricors ad remittendum injurias, est pa-  
rator, quàm alter ad veniam peten-  
dam, qui injuriam fecit. Etenim  
verè Misericors plùs dolet de peccato  
lædentis, quàm de afflictione injuriæ-  
que sibi illata. Sic David Semei male-  
dicenti, & lapides contra eum mittenti  
ex corde dimisit etiam non petenti,  
& ne per amicos suos occideretur, pro-  
hibuit dicens: Dimitte eum, ut male-  
dicat juxta præceptum Domini, si fortè  
respiciat Dominus afflictionem meam,  
& addat mihi bonum pro maledictio-  
ne hac hodierna. Sic Joseph pepercit  
fra-



fratribus suis, antequam peterent veniam flendo super singulos. Nec hoc sufficit verè Misericordi, nisi injuri- Gen. 48.  
antibus etiam suis precibus veniam à Deo obtineat. Ita Moyses Judæis ip- Exod. 23.  
sum lapidare volentibus gratiam impetravit, dicens : Aut dimitte eis hanc noxam, aut dele me delibro, quem scripsisti. Sic Stephanus lapidantibus, sic Dominus JESUS crucifigentibus Luc. 23.  
veniam & gratiam obtinuit, cum uter- Añor. 7.  
que dixit; Domine dimitte eis, quia nesciunt, quid faciunt. Ubi aliis injuriam inferentes excusantur, quasi diceretur: Non pollent intellectu, ut scire possint, quid faciant; ideòque ipsis, quod fecerunt, meritò non est imputandum, sed parcendum.

AD amorem veræ Misericordiæ inducere nos debet, quòd Deus in sua natura summè Misericors est, & in aliis Misericordiam diligit suprà modum, sicut ipse dixit : Euntes autem discite, Matth. 9.  
quid est? Misericordiam volo, & non Sacrificium.

ALIUD inductivum Misericordiæ est, quòd misericors Deus immisericordes homines in Judicio sine Misericordia judicabit. Nam, teste Jacobo, Judicium sine Misericordia fiet ei, qui non fecerit Misericordiam. Item misericordes à Deo copiosè Misericordiam

Jacob 2.  
Proverb.  
19.

consequentur. Fœneratur enim Domino, qui miseretur pauperis, id est, cum magna usura & lucro recipiet, quidquid pauperibus elargitur.

Eccles. 16.

OFFICIUM Misericordiæ est, collocare singulos pro meritis apud Deum, juxta illud Ecclesiastici: Omnis Misericordia locum facit unicuique secundum opera ejus.

ARGUMENTUM veræ Misericordiæ est, cum aliquis sibi de bonis subtrahit, quidquid salvâ vitâ sibi subtrahere potest, insuper & continuè laborat etiam suprâ vires, ut possit indigentibus amplius subvenire.

Jacob. 2.

ARGUMENTUM falsæ Misericordiæ est, cum quis necessitatem cuiuslibet pro virili sua non subleuat, sed dicit indigentibus illud Jacobi: Ite in Pace, calefaciamini & saturemini, non dederitis autem eis, quæ necessaria sunt corpori, quid proderit? Unde Chrysostomus: Opus est etiam de tuo non tam parcum esse, sed cum Domini tui tibi creditæ sint facultates, cur tam tenax es? Item si lædentibus remittit, cum se vindicare non potest, vel si offendentibus non expuro amore remittit, sed ob hoc, quod sciat Deum sibi non remittere, nisi prius remittat ipse, aut si voce tenus orat pro lædentibus, & tamen de eorum confusione gaudet interiùs.

Chrysost.  
hom. 76.  
sup. 10.

DE

# DE CONCORDIA,

## CAPUT XV.

**V**ERA cum Deo Concordia est, uni-  
ri hominem divinæ voluntati in  
prosperis & adversis, & quòad possit,  
divinis moribus & exemplis JESU Chrysoft.  
Christi conformari. Dicit autem in opere  
Chrysoftomus, nihil esse dignius, imperfect.  
quàm ut homo sui Auctoris sit Imita- Hom. 33.  
tor, & secundum modum propriæ fa-  
cultatis divini operis exequutor. Hanc  
unionem petivit nobis Dominus in  
penultimo die mortalis vitæ suæ di- Ioan. 8.  
cens: Sicut tu Pater in me & ego in te,  
ita sint unum in nobis & ipsi.

**ITEM** vera cum proximis Concor-  
dia est, cùm omnibus in omnibus idem  
sapere, idem sentire in iis, quæ sunt ad  
Deum. Sicut in primitiva Ecclesia  
multitudinis credentium erat cor unum  
& anima una in Deum, id est, quòad Act. 4.  
omnia, quæ spectabant ad Deum.  
Item aliis conformari in cibo, potu &  
somno, in moribus & operibus, quæ  
non sunt contra Deum, nec contra  
professionem ejus, nec contra perfe-  
ctionem, ut plures lucrifaciamus. Sic

A a §

Apo-

**1. Cor. 9.** Apostolus factus est infirmis infirmus, ut infirmos lucrificaret, imò omnibus omnia factus est, ut omnes salvos faceret.

**Ecclef. 25.** AD amorem veræ Concordiæ inducere nos debet, quòd valdè laudabilis est Deo, & valdè placita Concordia fratrum, sicut ipse dicit per Salomonem: In tribus placitum est spiritui meo, quæ sunt probata coram Deo & hominibus: Concordia fratrum, & amor proximorum, & vir & mulier sibi benè consentientes. Ita homines miseri per Concordiam hîc servant in terris, quod Angeli servare voluerunt in Cœlis.

**Marc. 9.** AD idem invitare nos debet diligentia JESU Christi, qui fecit Concordiam inter Deum & homines, sicut & inter Apostolos, cùm esset nata inter eos contentio, quis eorum videretur esse major? Cùmque indignati sunt de-  
**Matth. 20.** gem de Jacobo & Joanne, eò quòd volebant sedere ad dexteram & sinistram Christi. In his enim omnibus Christus eos ad Concordiam reduxit.

**1. Corinth. 4.** ARGUMENTUM veræ cum Deo Concordiæ est, si homo testimonium conscientiæ habet, se non esse peccatis gravibus involutum, sicut Apostolus habuit dicens: Nihil mihi conscius sum. Et Job de seipso testatur: Ne-  
quæ

què enim reprehendit me cor meum in  
omni vita mea. Item fervens deside- Iob. 87.  
rium proficiendi in omnibus bonis se-  
cundum Dei ordinationem veræ cum  
Deo Concordiæ argumentum est.

**ARGUMENTUM** veræ cum  
proximo Concordiæ habet, qui ad  
omnes tam sanctè se habet, ut nullus  
de ipso querelam moveat, nec etiam  
verbum malum de ipso loqui valeat.  
Utrúmque hoc argumentum parentes  
Joannis Baptistæ habuerunt. Erant Luc. 12  
enim ambo justi ante Deum, inceden-  
tes in omnibus mandatis & justificatio-  
nibus Domini sine querela. Similiter Iud. 18.  
argumentum habuit de utrôque Ju-  
dith, de qua scriptum est: Erat omni-  
bus famosissima, nec erat qui verbum  
malum loqueretur de illo, quoniam ti-  
mebat Deum valdè.

**ARGUMENTUM** falsæ Con-  
cordiæ est inter Deum & hominem,  
quando aliquis non sollicitè investigat  
Conscientiam suam, & sic per errone-  
am Conscientiam credit, se placere  
Deo, cùm in omnibus ferè displiceat.

**ARGUMENTUM** falsæ Concor-  
diæ inter Deum & hominem est, cùm  
homini displicet divina ordinatio circà  
creaturas, cùmque divini mores & ex-  
empla ac sanctissima opera Jesu Chri-  
sti, displiceant. Unde scriptum est, displicet  
Deo, cui displicet Deus. AR.

**ARGUMENTUM** falsæ cum proximo Concordiæ habet, cui bona opera, & sancti mores aliorum in corde displicent, quos tamen verbis quandoque commendat. Argumentum discordiæ cum proximo habet, qui sensum suum aliis præponit, & sensum aliorum semper post se trahere nititur seu disponit, & nunquam aliorum sensui sensum suum coadunare proponit.



## DE CONSTANTIA. CAPUT XVI.

**C**ONSTANTIA vera & perfecta est, cum homo nec prosperis, nec in adversis à perfectione retrahi potest, sicut Job constans fuit: *Job. 27.* Donec deficiam, inquit, non recedam ab innocentia mea. Justificationem meam, quam cœpi tenere, non deseram. Neque enim reprehendit me cor meum in omni vita mea. Constans homo nec minis, nec blanditiis induci potest ad transgressionem votorum & divinorum præceptorum. Tales erant *2. Mach. 7.* septem fratres in libro Machabæorum, qui præcis linguis, & abstracta cutè capitis, & cæsis summitatibus manuum &

& pedum, in ollis æneis vivi torquebantur. Et Eleazarus sub simulatione noluit illicitas carnes comedere, sed dixit, se potius velle præmitti in infernum.

ILLE veram Constantiam habet, qui nunquam à divina laude cessat juxta illud: Benedicam Dominum in omni tempore, semper laus ejus in ore meo. Psalm. 33. Item non cessat à ferventi desiderio proficiendi. Nam teste Leone Papa: Nemo est, qui in hac vita perfectior sanctiorque esse non possit, & ibi quilibet incidit in deficiendi periculum, ubi proficiendi postponit appetitum.

AD veram Constantiam inducere nos debet Constantia Martyrum, & præcipue Virginum, quæ in sexu fragili æternam gloriam per Constantiam meruerunt. Sed amplius nos ad Constantiam movere debet pertinacia Judæorum & Hæreticorum, & temeritas perversorum hominum in malitiis suis, qui pro perfidia & pertinacia iniquitatum suarum grave tormentum habent in Conscientia in præsentem, gravissimam verò poenam animæ & corporis in futuro expectant.

ARGUMENTUM veræ Constantiæ est, cum quis nec pro amissione rerum, neque corporis cessat ab omnibus cavendis & faciendis, quæ Deo pla-

Tob. 1.

placent. Sicut Tobias à sepultura mortuorum non cessavit, ob quam Rex Sennacherib omnia ei abstulit, ac eum insuper occidi præcepit. Tum Apostoli post resurrectionem Christi, nec propter flagellationem, nec propter timorem mortis à manifestatione nominis Christi cessaverunt liberè dicentes adversariis. An Deo magis obedire oportet, an hominibus, vos ipsi iudicate?

Act. 5.

Num. 22.

**ARGUMENTUM** Inconstantia est, cum quis propter favorem hominum, vel ob aliquod lucrum obtinendum recedit à via iustitiæ. Sic Balaam propter amicitiam & munera Balach contra præceptum Domini maledicere voluit populo Israël. Item quum quis à recto discedit propter timorem & amissionem rerum temporalium, sicut ille dives recessit tristis à Domino Jesu, cum sibi suaderi audiret perfe-

Matth. 19.

Marc. 14.

1. Mach. 2.

ctionem. Erat enim multas habens possessiones, quas dilexit: Item faciens malum propter timorem corporis, sicut Apostoli omnes à dilecto Domino Jesu timendo fugerunt. Matathias vero contemnens omnes homines, & honorem exhibitum à nuntiis Regis Antiochi, & promissa munera relinquens etiam omnia sua, fugit in montem, ut legem Domini conservaret. Istum nec  
appe-



appetitus regalis amicitiae, nec timor rerum temporalium retraxit à via iustitiae. Similiter nec rimor corporis retraxit Beatum Stephanum à via iusta, sed intuens in Cœlum, inter pressuras lapidum fixus permansit in Christo. Et Paulus verè constans dixit: Non solum alligari, sed & mori paratus sum pro nomine Domini Jesu Christi in Jerusalem. A. Cor. 7.  
A. Cor. 21.



## DE LARGITATE,

### CAPUT XVII.

**L**ARGITAS vera & perfecta est, cùm aliquis hominibus indigentibus res temporales pro virili sua largiter, hilariterque administrat, imò etiam omnibus indigentibus bona spiritualia requisitus libenter communicat, videlicet in confessionibus, prædicationibus, consiliis & doctrinis, nec solum desiderantibus in hujusmodi paratus est gratificari, imò etiam non desiderantibus vel non curantibus doctrinam & prædicationem, secundum consilium Apostoli opportunè & importunè participat, quin etiam invitis & ignorantibus orationes, gemi-

2. Tim. 4.

Matth. 26. mitus & fletus coram Domino commu-  
nicat. Nec hoc sufficit verò largo,  
nisi etiam se totum quoddammodò ex-  
hauriat ac evisceret in studio, in me-  
ditationibus, in sanctis operibus con-  
tinuè pro salute omnium proximorum.

AD hanc largitatem inducere nos  
debet desiderium nos conformandi  
Deo, qui tam continuè dat omnibus  
sua bona temporalia & spiritualia etiam  
non petentibus, & super illa omnia  
carnem & sanguinem dilectissimi Filii  
sui. Nec sufficit Deo bona sua dare  
simpliciter, nisi etiam seipsum immen-  
sum det nobis in singulis donis. Com-  
mendat Largitatem suam, quod nulli  
negat dona sua, quantumcunque ipsi  
adversetur, imò sæpius in nocte & in  
die dona sua turbis elargitur, quomo-  
docunque offendatur.

ITEM in hoc approbat Largitatem  
suam, quòd quandocunque aliquam  
opportunitatem invenit in recipiente,  
statim ab effluxione spiritualium do-  
norum nequaquam se potest continere,  
licet ex sapientia divina prænoscatur,  
quòd recipiens illa dona brevi post  
debet amittere, vel ea continuè detur-  
pare, & Benefactorem ipsum per ea-  
dem impugnare. Ad idem inducere  
nos debet, quòd aliena sunt, quæ da-  
mus. Et proverbium est, quòd latae

COR-

corrigiæ scindantur ex pellibus alienis.  
 Hinc & Chrysostomus: Opus est etiam Chrysost.  
hom. sup.  
Ioan. de tuo non tam parcum esse, sed cum Domini tui tibi creditæ sint facultates, cur tam tenax es?

**ARGUMENTUM** veræ Largitatis est, cum quis dat sua indigentibus hilariter sine meritis alicujus, & gratis sine spe recompensationis. Sic Dominus JESUS dedit se nobis & omnia sua, hoc maximæ perfectionis est.

Nec sufficit vero largo dare sua, imò etiam pro salute proximorum tempore necessitatis usque ad mortem exhibet ac donat semetipsum. Sic docet Beatus Apostolus Joannes dicens: In hoc cognovimus charitatem Dei, quoniam ille animam suam pro nobis posuit, & nos debemus pro fratribus animas ponere. Ad hoc tamen magis obligantur Prælati. Hanc largitatem habuit Apostolus dicens: Ego autem libentissime impendar, & super impendar ego ipse pro animabus vestris. Et rursum: Quotidiè morior propter vestram gloriam fratres, id est, pericula mortis sustineo. Verus Largus sine spe recompensationis dat Domino totum, quod est, & quod habet, & quod potest, ad æternam divinæ laudis augmentationem, dat singulis Angelis & Sanctis ad perpetuam exultationem,

B b

tum

tum singulis Peccatoribus ad conversionem, singulis verò iustis & perfectis ad perfectionis conversationem & confirmationem, demùm singulis purgandis ad poenarum mitigationem & abbreviationem.

ARGUMENTUM falsæ Largitatis est, cùm quis dat sua, ut laudetur ab aliis, ne aliis dantibus vilior reputetur, vel ut à clamore pauperum liberetur, qui tunc rem & meritum perdit. Item falsè Largus est, qui dat sua propter coactionem, vel favorem, vel propter spem gratiæ in præsentī, & gloriæ in futuro vel propter timorem iudicis, qui dare præcepit, & cujus præcepti transgressionem impunè non transiret.



## DE VERITATE.

### CAPUT XVIII.

**V**ERITAS iusta est, quando verè concordant mens, & lingua, & opera, ut quod sentit quis in corde, hoc proferat ore, & perficiat opere. Hūc Apostolus nos invitans: Estote inquit, Imitatores mei, & observate, idest, imitamini eos, qui ambulant se-

cun-

Philip. 3.

cundum formam nostram. Hoc est, ut Glossa exponit, sicut ego credo, doceo, & vivo. Ille verax est, qui Deo & omnibus hominibus immutabiliter omnia vota servat, & omnia verba sua semel dicta opere complet, nisi ea quandoque salubriore consilio mutet juxta illa Isidori: In malis promissis rescinde fidem, & in turpi voto muta decretum. Sic Dominus quandoque sententiam propriam permutavit, ut patet in Ezechia: Nam Ezechiam moriturum per Esaïam prædixit, & tamen illi quindecim annos post fletum adjecit. Et Niniven infra quadraginta dies subvertendam per Jonam prædicavit, quam urbem tamen propter humiliationem Regis & populi stare permisit.

Ad amorem Veritatis inducere nos debet, quod Christus est Veritas, & quia Veritas semper in se amabilis est. Et licet aliquibus quandoque gravis sit Veritas & intolerabilis, non est hoc tamen ex parte Veritatis, sed ex mala hominum voluntate, quam libenter implerent, si Veritatem contrariam non haberent. Castis & humilibus amabilis est Veritas, quæ commendat Castitatem & Humilitatem. Veritas detestatur Superbiam & Impudicitiam, quia nimis contraria est Impudi-

Isidor. lib.  
2. Synod.

Esaïæ 38.

Jon. 3.

Ierem. 14.

cis & Superbis, qui Concupiscentiam suam in oppositis firmaverunt. Item Veritas vincit omnia, sicut probatum est in Esdra. Et Veritas immutabilis est, sicut dicit Dominus; Coelum & terra transibunt, verba autem mea non præteribunt.

3. Esd. 3.  
Matth. 24.

ARGUMENTUM Veritatis est, cum quis nec pro favore alicujus, nec pro utilitate propria, nec pro amissione rerum vel corporis Veritatem relinquit, nec dissimulat, nec palliat in aliis, nec unquam ex proposito aliquid falsum dicit, nec verba sua semel dicta, nisi propter causam necessariam permutat. Exemplo sit Balaam, dicens: Si dederit mihi Balach plenam domum suam argenti & auri, non potero immutare verbum Domini Dei mei, ut vel plus, vel minus loquar. Similiter fecerunt Jeremias, Micheas, Daniel & reliqui Prophetæ, qui nullâ causâ vinci poterant, ut à veritate verbis vel factis aliquatenus deviant.

Num. 22.

Chrysost.  
in Matth.  
hom. 25.  
in opere  
imperfect.

ARGUMENTUM Falsitatis est unum habere in ore, & aliud in corde, & cum homo verba sua facili vel nulla de causa utili & necessaria permutat: Ille verè non solum fallax est, sed Proditor Veritatis, ut dicit Chrysostomus, qui transgrediens Veritatem, palam pro Veritate loquitur mendacium. Sed &

& ille, qui nō liberè veritatem pronunciat, quam liberè oportet pronunciare, aut qui non liberè Veritatem defendit, quam liberè defendere convenit, Proditor Veritatis est. Nam sicut Sacerdos debitor est, ut Veritatem, quam audivit à Deo, liberè prædicet: Sic Laicus debitor est, ut Veritatem, quam audivit quidem à Sacerdotibus probatam in Scripturis, defendat fiducialiter, quod si non fecerit, Proditor est & ille Veritatis.



DE

## MANSUETUDINE

CAPUT XIX.

**M**ANSUETUDO vera sive benignitas est, cū propter illatas injurias mens nequaquam exacerbatur, nec amaritudo cordis exterius indicatur, sed est aliquis quasi homo non audiens & non habens in ore suo redargutiones. Exemplo sit JESUS CHRISTUS, *Psal. 37.* de quo scriptum est: Sicut ovis ad occisionem ducetur, & quasi Agnus coram tondente se obmutescet, & non aperiet os suum. Unde dicit Glossa super Matthæum: Mitis est, quem mentis asperitas sive amaritudo non afficit, sed

*Esaia 53.*

Bb 3

sum-

Num. 12.

simplicitas fidei ad omnem injustitiam patiendam instruit. Mitis est, quem nec rancor, nec ira afficit, sed qui omnia æquanimiter sustinet. Sic fecit

Math. 11.

Moyſes, quando Maria & Aaron contra ipsum murmuraverunt, idè scriptum est. Erat enim Moyſes vir mitissimus super omnes homines, qui morabantur in terra. Hujus magnæ virtutis quasi Magistrum se fecit Dominus, quod non fecisset, nisi summæ perfectionis hæc virtus esset. Discite, inquit, à me, quia mitis sum & humilis corde. Mansuetus non irritat, nec irritatur, non nocet, nec nocere cogitat. Mitis item est, qui malis motibus dominatur, ut Glossa testatur.

Matt. 5.

Augustin.  
in Serm.  
Domini in  
monte  
Psal. 63.  
Petr. 5.  
Prov. 3.

Ad amorem Mansuetudinis inducere nos debet beatitudo promissa ex persona Christi dicentis: Beati mites, quoniam ipsi possidebunt terram. Ubi Augustinus: Illam credo terram, quâ pelliculi non possunt. Et Psalmista: Mansueti, inquit, hæreditabunt terram, & delectabuntur in multitudine Pacis. Et B. Petrus: Mansuetis dabit gratiam.

ARGUMENTUM veræ Mansuetudinis est, cum mens in afflictione non murmurat, nec mordentes verbis remordet, nec in facie aliquam asperitatem demonstrat, sed quietum animum



num ad inhabitandum Deo semper reservat.

ARGUMENTUM falsæ Mansuetudinis est, cū homo verba mollia & Mansueta profert, faciem mansuetam exhibet, & tamen gravem amaritudinem in mente portat.



DE  
DE FIDE.

CAPUT XX.

**F**IDES vera est, credere Patrem & Filium & Spiritum Sanctum esse unum, verum Deum, & quòd in his tribus Personis est una & indivisibilis Deitas, coæqualis gloria, coæterna Majestas. Quilibet eorum est increatus, immensus, æternus, summè bonus, sapiens, omnipotens, unus Deus & Dominus. Nec tamen tres sunt increati, immensi, æterni, boni, sapientes, omnipotentes, aut tres Dii, aut Domini, sed unus est increatus, immensus, &c. Et in his tribus personis nullus est prior, aut posterior, quia coæterni sunt, nec aliquis major aut minor, quia per omnia & in omnibus sunt coæquales. Differunt tamen Proprietatibus, quia Pater est ingenuitus, à  
Bb 4 nullo

nullo habens originem: Filius verò, à Patre est genitus, lumen de lumine, Deus verus de Deo vero. Spiritus Sanctus, nec est creatus, nec genitus sed æqualiter procedit ab utroque.

Item vera Fides jubet credere, quòd Dominus noster Iesus Christus est verus Deus & verus homo, æternaliter natus de Patre secundum Divinitatem, temporaliter natus de Matre secundum Humanitatem, & per omnia æqualis Patri secundum Deitatem, qui assumpsit animam ex nihilo, & corpus de purissimis Sanguinibus Beatæ Mariæ Virginis, impassibilis & immortalis secundum **DIVINITATEM**, passibilis autem & mortalis secundum **Humanitatem**. Item veram fidem habens, credit omnes articulos fidei firmiter & indubitanter, septem videlicet pertinentes ad **DIVINITATEM**, & septem ad **JESU CHRISTI Humanitatem**.

Ad veram Fidem inducere nos debet Fides antiquorum fidelium, scilicet Abraham, Isaac & Jacob, Moysis & aliorum Patrum. Itemque Fides gentilium, ut Job, Raab meretricis & similia. Per hanc fidem placuerunt omnes antiqui Deo, quia sine fide impossibile est placere Deo, sicut dicit Apostolus. Ad Fidem inducere nos debet duplex ejus utilitas. Nam vera  
Fi.

Hebr. I.

Fides omnia potest, omnia impetrat, Matth. 17.  
teste Domino JESU Christo, qui ait :

Omnia possibilia sunt credenti. Et Marc. 9.

quidquid orantes petitis, credite, quia accipietis, & fiet vobis, etiam si dixeritis monti huic, tolle te & mitte te in mare. Sic montes Caspii petente Alexandro adunati sunt.

**ARGUMENTUM** veræ Fidei est frequens exercitatio in bonis operibus. Nam sicut corpus sine spiritu mortuum est, ita Fides sine operibus mortua est, Jacob. 2.  
ut dicit Jacobus.

**ARGUMENTUM** falsæ Fidei est non credere Scripturæ per omnia, sed putare, quòd omnia fiant ex fato, vel cursu naturæ, & non ex Dei Providentia. Item dicit Chrysostomus, quòd Chryso-  
ille Deum esse non credit, qui præsen- stomus.  
te Deo ea facit occultè, quæ publicè præsentibus hominibus facere pertimescit. Tum Hieronymus: Non est verè Christianus, inquit, qui non audet Hieron. in  
in eo statu mori, in quo audet vivere. Explanat.  
Heu ! multæ fuerunt olim hæreses cum Symb.  
vera Fide pugnantes, de quibus idem scribit Hieronymus: Liberum sic confitemur arbitrium, ut dicamus nos semper indigere Dei auxilio, & tam illos errare, qui cum Manichæo dicunt, hominem peccatum vitare non posse, quàm illos, qui cum Joviniano asse-

Bb 5

runt,

runt, hominem non peccare posse. Utérque enim aufert arbitrii libertatem. Nos verò dicimus hominem semper & peccare, & non peccare posse.



## D E S P E.

### C A P U T. XXI.

**S**PES vera & perfecta est, cerra exspectatio futuræ beatitudinis, proveniens ex gratia Dei, & meritis præcedentibus. Hæc duo quippe, gratia & merita, ad veram spem sunt necessaria. Gratia enim Dei, non nisi per merita conservatur, meritis autem sine gratia nemo salvatur. Spes ergò sine meritis non est Spes, sed præsumptio dici potest.

Ille veram Spem habet, qui licet frequenter se in bonis operibus exerceat, nunquam tamen suis meritis, sed solum in superabundanti bonitate & divina largitate confidit, nesciens utrum bona sua Deo placeant, cum omnes Justitiæ nostræ sint sicut pannus menstruatus. Ille veram Spem habet, qui Deo Sacrificium Justitiæ offert, juxta illud. *Esaie 64.* Sacrificate Sacrificium Justitiæ & sperate in Domino. Sacrificium justum est Unigenitus Dei Filius, qui se pro

pro peccatis totius mundi obtulit Deo Patri in Ara crucis, ampliorem emendationem offerens, quam mundus totus debebat. Suffecisset enim, (ut dicit Ambrosius) una gutta tam pretiosi Sanguinis ad redimendum totum genus humanum, sed abundanter effudit, ut abundantiam dilectionis ostenderet. In hoc cruento Christi Sacrificio est tota salus & Spes nostra juxta illud Bernardi: Peccavi peccatum <sup>Bernard.</sup> grande, conscientia turbatur, sed non <sup>Serm. 21.</sup> peturbabitur, quia vulnerum Domini <sup>supet can-</sup> recordabor: Ego verò, quod mihi de- <sup>tica.</sup> est ex me, fidenter mihi usurpo ex visceribus Domini, quoniam misericordiâ affluunt, nec desunt foramina, per quæ effluat misericordia. Ipse enim jejunavit, vigilavit & oravit, sudavit & lassatus est, lachrymatus, flagellatus, passus & crucifixus est, ut in ipso supplementum omnium defectuum habeamus.

Ad veram Spem beatitudinis inducere nos debet excellentissimus amor Jesu Christi, quo cogente cum tanta amaritudine salutem nobis promeruit, & ne obtenta nobis salus deperiret, diligentiam tantam adhibuit, ut conferret nobis Angelos ad Protectionem, scripturam in eruditionem, exempla sua & Sanctorum suorum ad viæ demon-

stra-


strationem, corpus suum & sanguinem ad confortationem.

*Psal. 30.*

ARGUMENTUM veræ Spei habet, qui viriliter resistit malis, & confortatur in bonis, qui virilis est in aggressu arduorum, & fortis in ipsorum perseverantia juxta illud: Viriliter agite & confortetur cor vestrum omnes, qui speratis in Domino.

*Sap. 5.*

ARGUMENTUM falsæ Spei habet, qui præcepta divina & vota transgreditur, non curans vitam suam corrigere secundum scripturam, præsumens nimis sine meritis de bonitate Dei. Talis Spes vana est, sicut dicitur in libro Sapientiæ: Spes impii tanquam lanugo, quæ à vento tollitur, & tanquam spuma gracilis, quæ à procella dispergitur, & tanquam fumus, qui à vento diffusus est, & tanquam memoria hospitis unius diei prætereuntis.



DE

# TIMORE.

## CAPUT XXII.

**T**IMOR justus est in fide & moribus divinorum diligens custodia præceptorum. Item justus Timor est, anxietas cordis retrahens hominem ab illi.

illicito usu membrorum, sensuumque exteriorum, & affectionum interiorum, ne anima vel à Deo penitus separetur. vel à familiaritate ipsius aliquantulum elongetur, caveris etiam; ne mens vel in cibo, vel in potu, vel in somno, vel in aliqua creatura nimiam delectationem quærat, & sic à fervore Dei tepescat. Hanc anxietatem habet sponsa ad sponsum charissimum, ne ipsum in aliquo motu, incessu, verbo vel facto offendant, ac in aliquam erga eum ingratitudinem incurrat, nevé minus grata ei sit per culpam aliquam etiam minimam. Justus Timor cogit hominem non solum à peccatis gravibus, verum etiam à venialibus abstinere. Nam ex consuetudine venialium delictorum securitas mentis, & familiaritas Dei amittitur, & multiformis gratia negligitur.

Ad justum Timorem inducere nos debet multiplex ejus utilitas. Est enim initium sapientiæ. Unde Psalmista: Initium sapientiæ Timor Domini. Est etiam initium Justitiæ, juxta illud: Qui sine Timore est, non potest justificari. Item est signaculum & conclusio omnium virtutum & gratiarum, juxta illud: Timor Dei super omnibus superposuit. Ubi enim non est Timor Domini, omnis gratia subito di-

*Psal. 110.  
Eccles. 1.*

*Eccles. 27.*

Eccl. 27.

dispergitur , & conscientia pervertitur , juxta illud : Si non in Timore Domini tenueris te instanter , citò subvertetur domus tua.

Bernard.  
Serm. 64.  
sup. can.

Prov. 28.

Aliam utilitatem Timoris Domini sic ponit Beatus Bernardus : In veritate didici , nil adeò efficax esse ad gratiam promerendam , retinendam , ac recuperandam , quemadmodum si omni tempore coram Deo inveniaris non altum sapere , sed timere. Beatus homo , qui semper est pavidus. Time ergò , cùm arriserit gratia , time , cùm abierit , time , cùm denuò reversa fuerit. Cùm adest time , ne non dignè opereris ex ea , time subtractâ gratiâ , tanquam mox casurus. Jam si gratia repropitiata redierit , multò ampliùs tunc timendum , ne fortè contingat recidivum pati.

Job. 4

Ad Timorem Domini nos inducere debet miserabilis casus Angelorum , de quo Job ait : Ecce ! qui serviunt ei , non sunt stabiles , & in Angelis suis reperit pravitatem , quantò magis hi , qui inhabitant domos luteas , qui terrenum habent fundamentum , consumuntur velut à tinea. Adde casum & lapsum sanctorum virorum ab initio mundi , sicut fuit Adam , Samson , Salomon & omnes Apostoli , & heu hodiè viri sanctissimi prosteruntur ,  
de



de quibus dici potest: Cadent à latere tuo mille, id est, qui sedere deberent ad latus iudicis in iudicio, & decem millia à dextris tuis, id est, qui deberent locari ad dexteram Christo. Unde dicit Glossa: Sunt multi, qui putans se cum Christo iudicatu-<sup>Psal. 90.</sup> ros, & sunt multò plures, qui putant se collocandos à dextris inter salvandos, sed quia de se præsumunt, non habentes in alto radicem charitatis defixam, decidunt à cogitationibus suis.

Eòdem inducere nos debent exempla Deum timentium & sanctorum. Inter quos Job de seipso dixit: Semper quasi tumentes super me fluctus timui Deum, & pondus ejus ferre non potui. Unde & super illud Job: In profundis-<sup>Iob. 31.</sup> simum infernum descendent omnia mea, dicit Glossa: Pensate, quis nostrò securus sit de requie, cum de ea trepidat ipse, quem Iudex laudat. Item Hieronymus de seipso loquitur: Quoties diem iudicii cogito, toto corpore contremisco. Quid igitur nos miseri acturi sumus, ubi tanti viri trepidant? <sup>Iob. 17.</sup>

ARGUMENTUM justì Timoris habet, qui tam sollicitus est circa omnia, quæ Dei sunt, ut nullo tempore vel loco, quicquam eorum negligat, quæ ipsi possibilia sunt, imò pro virili om-

- omnia ferventer operatur. Unde dicitur in Ecclesiastico : Qui timet Deum, nihil negligit. Et iterum : Qui timet Deum, faciet bona. De hujus boni & salutaris Timoris laude testatur ita Spiritus Sanctus. Timor Domini gloria & gloriatio, ætitia & corona exultationis. Timor Domini delectabit cor, & dabit lætitiā & gaudium in longitudine dierum. Timenti Dominum benè erit in extremis, & in die defunctionis suæ benedicetur.

- ARGUMENTUM injustè Timoris habet, qui pro amissione rerum vel corporis, non propter Deum, bonum facit, aut malum dimittit, vel, qui malum facit, & bonum dimittit. Hunc Timorem prohibet Dominus dicens : Nolite timere eos, qui occidunt corpus, animam autem non possunt occidere, sed potius timete eum, qui potest & animam & corpus perdere in gehennam. Tum Esaias : Quis tu, ut timeas ab homine mortali & à filio hominis, qui quasi fœnum, ita arescet ? Hinc nimis timentibus homines dicitur : Ubi sunt Dii eorum, in quibus habebant fiduciam ?



DE  
LÆTITIA,  
CAPUT XXIII.

**L**ÆTITIA vera sive gaudium est, consolari in his, quæ in Deo sunt.

Materia enim omnis gaudii in Deo est, scilicet potentia, sapientia, bonitas, largitas, pulchritudo, beatitudo, misericordia, iustitia, veritas, nobilitas, sanctitas, mansuetudo, fidelitas, charitas, humilitas, & si quæ sint similia. Et hæc omnia in Deo immensa & æterna sunt.

Ille veram Lætitiā habet, qui sinceram habet conscientiam in omnibus factis suis, nec unquam scienter transgreditur divina præcepta vel vota facta, sed semper intendit proficere, & exemplis Iesu Christi & divinis moribus se conformare. De hac conscientia gaudebat & gloriabatur Apostolus 2. Cor. I: dicens: Gloria nostra hæc est, testimonium conscientiæ nostræ, quod in simplicitate & sinceritate Dei, non in sapientia carnali, sed in gratia Dei conversati sumus in hoc mundo, abundantius autem ad vos.

Ad veram lætitiā inducere nos debet, quod super omnia bonus Deus inter

Cc

ter

Hebr. 2.

ter omnes creaturas solam creaturam humanam in tantum sibi univit, verè dicatur Deus esse homo, & homo esse Deus, & quicquid Deus habet per naturam, id homo habeat per gratiam. Nusquam enim Angelos apprehendit, sed semen Abrahamæ, ut dicit Apostolus. Hinc Glossa Chrysostomi: Reverà magnum est & mirabile, carnem nostram sursum sedere, & ab Angelis & Arch-Angelis adorari.

Luc. I.

Ephes. I.

Philip. 4.

Aliud inductivum test, quòd Deus nos certificavit de æterna beatitudine promissis, legis & Prophetarum Jurejuramento, juxta illud: Jusjurandum, quod juravit ad Abraham Patrem nostrum, daturum se nobis. Item certificavit nos per privilegia quatuor Evangelistarum, per Testimonium Apostolorum, per pignus Spiritus Sancti in Baptismo, qui est pignus hæreditatis nostræ, per Arram, id est, prægustationem in devotione & dulcedine Dei, per obsidem, qui est Christus Unigenitus Dei filius. Ad hoc duplex gaudium hortatur nos Apostolus, dicens: Gaudete in Domino semper, (videlicet propter divinam unionem) iterum dico gaudete, propter æternæ videlicet beatitudinis certitudinem.

ARGUMENTUM & materiam veræ Latitiæ habet, qui per internam  
in spi-

inspirationem certificatus de remissione omnium peccatorum, quibus tam graviter Deum, omnemque creaturam offendit, omnemque gratiam collatam amisit, & conferendam demeruit. Luc. 7.  
 Hanc certitudinem habuit beata Maria Magdalena, de qua dixit Dominus: Remittuntur ei peccata multa, quoniam dilexit multum. Et Beatus Franciscus, de quo dicitur: Quadrans quoque novissimus culparum sibi penitus dimitti revelatur.

Aliud Argumentum & materia veræ Lætitiæ est, securitas in mente, quod homo sit filius Dei & hæres Regni cælestis. Hanc securitatem dat Spiritus Rom. 8.  
 Sanctus, ut dicit Apostolus: Ipse Spiritus testimonium reddit spiritui nostro, quod sumus filii Dei. Si autem filii, & hæredes, hæredes quidem Dei, cohæredes autem Christi. Rom. 8.  
 Hanc certitudinem habuit idem Apostolus, cum dixit: Certus sum, quia neque mors, neque vita, neque Angeli, neque Principatus, neque creatura alia poterit nos separare à charitate Dei.

ARGUMENTUM falsæ Lætitiæ est, delectari in transitoriis, sive sint res temporales, sive sint amicitiae carnales, sive sit commoditas corporalis, sive lætitia temporalis. Hæc lætitia laqueus est tristiæ. Cum enim tran-

seunt illa, transit & Lætitia, & sequitur tristitia, & nisi de corde recedat talis lætitia, nunquam intrabit vera lætitia, quia simul esse non possunt, sicut ignis & aqua, quæ mutuò se expellunt.

Habetur etiam quandòque Lætitia naturalis, quando homo cogitat, loquitur, vel audit loqui, vel legit de perfectione Dei, vel etiam habetur de appetitu regni cœlestis naturaliter. Omnes enim naturaliter appetunt cœlestem beatitudinem. Hæc Lætitia similiter est vana, & difficulter cognoscitur, quando sit gratuita & à Deo, & quando naturalis. Felix esset, qui dicere posset cum Esaia: Gaudens gaudebo in Domino (Creatore) & exultabit anima mea in Deo meo (Redemptore) quia induit me vestimentis salutis, & indumento iustitiæ circumdedit me.

Esaia 61.

██

## DE TRISTITIA.

### C A P U T XXIV.

**T**RISTITIA vera est dolor proprii cordis pro omnibus injuriis, quas patiens Deus innocenter sustinuit à  
crea-

creaturis suis jam inde à principio mundi, & usque in finem sustinebit tam à spiritualibus, quàm à sæcularibus hominibus. Iste dolor innumerabiles lachrymas sanguineas elicere debet ab oculis singulorum Deum amantium.

Alia pars veræ Tristitiæ est, quòd frequenter homo in tentationibus sine repugnantia superatur. Quando enim aliquid videt, vel audit tam in volatilibus, quàm in reptilibus, quod spectat ad impudicitiam, statim mens impudicis cogitationibus vel affectionibus, vel voluptatibus sordidatur. Quando verò aliquid percipit anima ex quinque sensibus, quod movere potest ad vanam gloriam, invidiam, iram, rancorem, detractionem, avaritiam, levitatem, vel carnalem amicitiam, vel ad aliquod peccatum, statim sine pugna dejicitur in aliquod prædictorum, dubius interim homo manet, si unquàm à tali casu resurget. Tum si auxilio Dei resurgat, incertus est, si unquàm recuperet gratiam, quam habebat, & tantam, quantam antè habuit. Homo enim per se cadere potest, per se autem nunquam resurgere potest, quia caro est, spiritus autem vadens & non rediens.

*Psal. 77.*

Alia pars veræ Tristitiæ est, quòd multiplex gratia effluens à fonte divi-

næ pietatis ad nihilum redigitur, eò quòd ad suum principium, unde fluxit, non revertitur cum multiplici fœnore secundum ordinationem Dei, hoc ipsum omnes creaturæ dignè deslere non possent.

Ad veram Tristitiam inducere nos debet exemplum sanctissimum vitæ  
 Matth. 26. Jesu Christi, cujus anima tristis fuit usque ad mortem à principio vitæ suæ, qui etiam tristes beatos esse confitetur,  
 Matth. 5. dicens: Beati, qui lugent, quoniam ipsi consolabuntur. Quia non nisi per Tristitiam gaudia inveniri valent, ut dicit quædam Glossa super Canonicam Jacobi.

Ad idem inducere nos debet utilitas ex ea proveniens. Utilior est enim  
 Eccl. 7. vera Tristitia, quàm falsa lætitia, juxta illud: Melius est ire ad domum luctûs, quàm ad domum convívii. Frequentèr enim ex Tristitia quis deprimitur, qui quandòque ex falsa lætitia elevaretur. Et quod miserabilius est, quandòque sit homo spiritualis post lætitiam, & devotionem mentis liberior illa die, & incautior in factis suis, quàm si nullam lætitiam habuisset.

Alia est utilitas Tristitiæ, quòd cùm oratio & cætera bona opera Deum ungant & mulceant, lachryma, quæ est effe-



effectus Tristitiæ, Deum cogit, sive pungit secundum Bernardum.

**ARGUMENTUM** veræ Tristitiæ habet, cujus mens ex dolore non affligitur, sed alleviatur, quique non vult à Tristitia liberari, sed semper eam desiderat ampliorem. Tristitia verò à qua mens affligitur, & à qua quis subito liberari conatur, injustitia est, de qua scriptum est: Spiritus tristis excipiat ossa, virtutum scilicet; & Jacobus: Ira viri (veniens ex Tristitia) Justitiam Dei non operatur.

Prov. 17.

Jacob. 1.

Aliud argumentum veræ Tristitiæ habet, qui à delectamentis cohibet sensus suos, quique non videt, nec audit, nec gustat, nec odoratur aliquid, nec tangit, per quod tristitia mitigari possit. Fugit etiam omnem locum, & omnes homines, per quorum consortium minui potest dolor cordis. Certum est enim securissimam viam esse in vera Tristitia vitam finire, juxta illud: Cor sapientium, ubi Tristitia, cor stultorum, ubi lætitia.

Eccles. 7.

**ARGUMENTUM** falsæ Tristitiæ habet, qui non considerans sapientissimam ordinationem Dei, torquetur pro amissione rerum temporalium, vel pro afflictione, vel morte amicorum, vel pro sui corporis infirmitate, vel pro sua correctione. Talis Tristitia nul-

Prov. 25.

Prov. 15.

lam gratiam confert, sed mentem dilaniat, juxta illud : Sicut tinea vestimento, & vermis ligno, ita Tristitia viri nocet cordi. Et alibi: In mœrore animæ deijçitur Spiritus.

\*\*\*\*\*  
\*\*\*\*\*

## DE GRATITUDINE.

### CAPUT XXV.

Psal. 118.

Prov. 8.

**G**RATITUDO vera & perfecta est, extollentia donorum Dei in anima cum annihilatione sui, & debitâ erga Deum cordis reverentiâ. Sic magnificavit David dona mandatorum Dei dicens : Dilexi mandata tua super aurum & topazion. Et Salomon extollebat donum sapientiæ Dei dicens: Melior est sapientia cunctis opibus pretiosissimis, & omne desiderabile ei non potest comparari. Ille veram Gratitude[m] habet, qui se omnibus Dei donis indignum sentit, & quanto se indigniorem sentit, in tantum Gratitude[m] mentis ejus magis excrescit. Unde Chrysostomus: Pro omnibus, inquit, quæ tribuisti nobis O Christe! nihil petis à nobis, nisi salvari nos, hoc ipsum tribuens, & accipientibus gratias agis.

Ad

Ad veram gratitudinem inducere nos debet consideratio dantis sive datoris, qui est Deus omnipotens, mitissimus, nobilissimus, fidelissimus optimus, beatissimus & perfectissimus. Item inducit donorum magnitudo. Non enim tam parvum donum corporale vel spirituale è Deo fluit, in quo non sit inclusus immensus Deus cum omni divina virtute. Pensandus etiam est affectus Dei dantis. Non enim cum dimidio, vel cum indignatione aliqua tribuit sua, ut absolva-  
tur à nobis, sed ex omni desiderio, ex tota dilectione & bonitate sua tribuit omnia. Item ponderanda est utilitas donorum Dei, quæ singula dantur ad ipsum cognoscendum, amandum, fruendum, & ad nos beatificandos. Item pensandum est, quid cogat Deum ad dandum, non timor quidem alicujus mali, vel spes alicujus boni, nec aliqua virtus nostra, sed ejus æterna & immensa bonitas. Item consideranda est indignitas nostra, qui nec ipsa vita digni sumus, nec meruimus esse vermes inter alias creaturas. Ad idem inducere nos debet utilitas gratitudinis. Nam ipsa aperit fontem divinæ pietatis, & movet Deum ad effundendum rorem misericordiæ; atque ad emittenda fluentia gratiæ. Sicut vicissim

Cc 5

cissim ingratiitudo exsiccat fontem divinæ pietatis. Quantò enim major est gratitudo in anima, tantò fit habilior ad gratiam recipiendam, & tantò amplius largissimus Deus cogitur ad largiendum.

**ARGUMENTUM** veræ Gratiitudinis habet, qui pensatis singulis supradictis, quæ valent ad gratitudinem, pro singulis donis parvis & magnis ex toto corde gratias agit, cum eas reverenter susceperit, & toto nisu gratias ab amantissimo Domino susceptas etiam impollutas conservare contendit. Quomodò enim amici donum gratum fuit, quod non grater susceperit, vel quod subito spontè deturpat vel amittit? Non solum Gratiitudine indigemus in his, quæ sunt ad nostram consolationem, sed etiam in his, quæ ad nostram faciunt afflictionem. Ex eadem quippe charitate & bonitate dat Deus utrumque.

**Tob. 11.** Hinc est quod Tobias ait: Benedico te Domine Deus Israël, quia tu castigasti me, & tu salvasti me. Ad æqualem enim gratiam in præsentem, & gloriam in futuro dat Deus devotionem, & permittit homini evenire tribulationem, ad maiorem ejus utilitatem, sicut Job permisit affligi, qui ideo dixit: Si bona suscepimus de manu

**Iob. 2.**

nu Domini, mala quare non sustineamus? Quasi dicat: Utrúmque, bonum & malum, prosperum & aduersum, grater suscipere debemus.

**ARGUMENTUM** Ingratitudinis est, quando aliquis obstruit cor suum aliqua mala voluntate, vel rancore, vel levitate, vel delectatione temporali, vel amicitia carnali, præ quibus non potest spiritualia dona percipere, aut cum perceptas gratias non curat conservare, aut collatas multiplicare, & rursus cum non laborat eis frui secundum ordinationem Dei pro communi utilitate, aut cum muneribus à Deo perceptis in corpore & in anima, & in viribus animæ ipsum Deum impugnare non cessat, sicut heu! frequenter contingit. Tunc enim homo omnia meretur amittere, quando eis utitur contra largitorem.



## DE ZELO ANIMARUM.

### CAPUT XXVI.

**Z**ELUS animarum verus & perfectus est, quando aliquis sanctis meditationibus, ferventibus desider-

deriis, lachrymis, orationibus, vigiliis, jejuniis, prædicationibus, confessionibus, consiliis, doctrinis, aliisque bonis operibus pro animarum salute laborat. Quanta hæc gratia sit, Beda describit dicens: Quæ gratia sublimior, & Deo gratior conversatio esse potest, quàm eorum, qui quotidiano exercitio alios ad Auctoris sui gratiam student convertere, & crebra animarum fidelium acquisitione gaudium cœlestis Patriæ semper augere? Item Gregorius super Ezechielem: Nullum omnipotenti Deo tale est Sacrificium, quale est Zelus animarum, & hoc propter Imaginem Trinitatis impressam animabus.

Gregor.  
lib. 1. sup.  
Ezech.  
Hom. 12.

Ad Zelum animarum nos inducere debet exemplum Jesu Christi, qui in omni vita sua tantò fervore conversionem peccatorum & perfectionem bonorum sitivit, ut pro redemptione animarum venditarum singula membra sua ad singularem poenam, & tandem animam suam ad turpissimam mortem offerret. Et teste Bernardo: Tantum reconciliationis humanæ studium ei fuit, ut ad sua stipendia non attenderet, dummodò erroneum lucraretur. O! quanta dignitas animarum, & quantus Zelus ad animas, pro quarum redemptione pretiosum sanguinem

nem suum totum obtulit Filius Deo Patri, cum tamen suffecisset una gutta tam pretiosi sanguinis ad redimendum totum genus humanum, sicut dicit Ambrosius, & maximè cum sibi nihil beatitudinis accresceret vel decrederet. Hanc nobilitatem animarum noverat sapientia Dei, quæ nobis incognita est. Quâ de re conquæritur Bernardus, dicens : Heu ! quod tam parùm attendimus animæ nobilitatem, qua præsentem corpus vivit, cujus absentia probat, quid ejus præsentia contulerit, quàm Deus tanti æstimavit, ut Unigenitum suum pro ea daret, quam diabolus tanti reputavit, ut pro ea totum mundum offerret.

ARGUMENTUM veri fervoris habet, qui nec propriam vitam sive corpus curat, ut plures animas Christo lucrifaciat. Hunc Zelum David habuit, cum dixit : Quis mihi det, ut ego moriar pro te fili mi Absolon ? Et Apostolus ex hoc Zelo dicit : Ego ipse impendar pro animabus vestris. Et iterum : Quotidiè morior propter gloriam vestram, id est, mortis pericula sustineo. Beatus Dominicus se vendere voluit pro quodam captivo, quem detinebant Saraceni. Et iterum pro alio, qui mansit apud hæreticos propter victum, sed tamen sapiens Deus S. Do.

2. Reg. 18,

1. Cor. 12:

1. Corinth.

15.

Dominicum propter salutem plurimum animarum invenditum conservavit.

**ARGUMENTUM** falsi fervoris habet, qui de spiritualibus operibus magis sollicitus est pro muneribus, quàm pro animabus. Talis peior est diabolo, qui figuratur in Rege Sodomorum dicente ad Abraham: Da mihi animas, cætera tolle tibi. Item qui amplius laborat pro amicitia hominum vel favore, quàm pro eorum sanctitate & perfectione. Talis non potest dicere cum Apostolo: Non quero vestra, sed vos.

Gen. 16.

2. Cor. 12.


Notandum autem, quòd ubicunque duo movent ad aliquod opus, scilicet, Deus & aliquid aliud, difficulter cognoscitur, quid plùs moveat. Verbi gratiâ, aliquem movet ad audiendum confessiones, vel ad aliquod opus spirituale, salus animarum & spes lucri, & favor, vel placentia, vel libertas, vel alia delectatio. Hic difficulter discernitur, quid horum plùs afficiat animam laborantis & operantis. Attamen evidens argumentum est, quòd aliquid prædictorum plùs moveat, quàm Deus, vel animarum salus, quùm audit libentiùs divites, nobiles, juvenes & formosos, quàm pauperes, ignobiles, senes & deformes, & cum sæpiùs & diutiùs delectatur esse cum istis, quàm cum



cum illis, & fortè cum minore fructu: cum tamen illi tam sanctas conscientias habeant, sicut isti, vel sint sanctiores, & tantum vel amplius obediant consiliis sicut isti, & tantum vel plus perfectioni studeant, quàm isti, & tantum vel plus placeant Deo quàm isti. Unde S. Jacobus: Nonnè pauperes elegit *Jacob, 2.* Deus, divites in fide, cohæredes Regni? Et vos inhonorâstis pauperem, ipsum non curantes. In quibus pauperibus Christus vel maximè honoratur, sicut in Homilia dicitur, super illud: Omnes honorate.

Item est satis evidens argumentum, quando in operibus nostris plus quærimus partem Dei, quàm partem nostram. Nam ad illa opera, quæ laborem habent, & aliquam consolationem, ut sunt prædicatio, confessio, prælaturæ, & similia, licet magnum sit in eis periculum, tamen ad ea quilibet est paratus. Ab eis verò operibus, quæ continent tantum laborem & non consolationem, ut jejunia, vigiliæ, disciplinæ, similia, licet nullum sit in eis periculum, quilibet tamen se ab eis abstrahit, quantum potest.

DE



# DE LIBERTATE.

## CAPUT XXVII.

**L**IBERTAS vera est, non esse ligatum aliquem vinculis peccatorum, quæ verè ligant animam, juxta illud: Iniquitates suæ capiunt impium, & funibus peccatorum suorum constringitur. Et verè peccata servum faciunt juxta illud verbum Domini: Omnis, qui facit peccatum, servus est peccati. Peccare enim non est Libertas, nec pars Libertatis, ut dicit Anselmus, sed est pessima species servitutis. Ab hac servitute nemo liberatur, nisi solius filii Dei auxilio, sicut ipse testatur: Si filius vos liberaverit. tunc verè liberi eritis.

Prov. 15.

Ioan. 8.

Joan. 8.

Veram Libertatem habet, qui non est captus appetitu rerum temporalium, nec laude, nec favore hominum, nec placentiâ propriâ, nec displicentiâ alienâ, nec amicitia carnali, nec timore servili, nec delectatione gaudii transitorii.

Ad amorem Libertatis inducere nos debet divina ordinatio, quæ vult hominem esse liberum, in cujus signum dedit homini Deus liberum arbitrium, in

in hoc maximè ipsum sibi assimilans quod à nemine cogi potest, sicut nec Deus in aliquo cogi potest. Istud liberum arbitrium contulit Deus homini dicens in Ecclesiastico: Apposui tibi ignem & aquam, ad quod vis, mitte manum tuam. Antè hominem vita & mors, bonum & malum, quodcunque placuerit ei, dabitur ei. Ezech. 15.

Ad veram Libertatem indubitanter inducitur, qui præceptorum divinorum & consiliorum & votorum suorum inviolabili observantia se ligat, qui mentem suam & sensus suos à voluptatibus refrenat, qui membra sua nullis illicitis rebus occupat, qui obedientiæ fugum amat, qui toto nisu qualiter Deo placeat, laborat. Quantò amplius quis prædictis innititur, tantò citius veram Libertatem consequitur, & in ea fortius radicatur. Qui verò in hoc mundo liberè voluntatem suam in omnibus, in quantum potest, exequitur, variis diaboli laqueis irretitur, & cum liberior esse videtur, tunc in servitute & captivitate diaboli fortius & certius detinetur.

ARGUMENTUM veræ Libertatis habet, qui nihil eorum desiderat, quæ à familiaritate Dei mentem alienant vel elongant, sicut est prælatio, circa exteriora frequens occupatio, de

D d

com-

commodo carnis nimia sollicitudo ,  
 mentis dissolutio , ad diversa negotia  
 distractio , alienæ vitæ vel conscientiæ  
 temeraria discussio , priorum defe-  
 ctuum excusatio , sive extenuatio , de-  
 defectuum proximorum manifestatio ,  
 vel aggravatio.

Aliud argumentum veræ Libertatis  
 est, securitas mentis de remissione pec-  
 catorum, pœnæ & totius culpæ, quæ  
 ex fervore cordis provenit. Hic fer-  
 vor quandoque circuit in corde, sicut  
 ignis in fornace, & hominem antè fri-  
 gidum & pallidum in oratione, facit ca-  
 lidum, & rursus hic fervor omnem  
 maculam & pœnam consumit, sicut  
 ignis rubiginem ferri exurit.

ARGUMENTUM servitutis &  
 captivitatis habet, qui jugum obe-  
 dientiæ detestatur, qui correptionem  
 charitativam & fraternam abominatur,  
 qui vindictam injuriarum suarum quo-  
 tidie meditatur, qui laude & favore  
 hominum afficitur, qui scienter & per-  
 tinaciter in aliquo, quod est contra  
 Deum & conscientiam, vel contra vo-  
 luntatem prælatorum occupatur, qui  
 in receptione, vel collatione munu-  
 sculorum, vel litterarum amicabilium  
 delectatur. Unde sapiens quidam di-  
 xit: Munuscula accipere, est liberta-  
 tem vendere. Et Job asserit: Ignis de-

Job. 17.

de-

devorabit tabernacula eorum, qui libenter munera accipiunt, id est, ignis falsi amoris, & per consequens, illum amorem sequitur vinculum servitutis. De dante verò munera dicit Salomon: Victoriā & honorem acquireret, qui dat munera, animam autem aufert accipientium. Singula horum auferunt homini Libertatem, & redigunt eum in miserabilem servitutem. Non enim potest in Libertate Spiritus Deo vacare, qui huiusmodi occupatur.



## DE RELIGIONE.

### CAPUT XXVIII.

**R**ELIGIO vera, sive spiritualis vita est, sicut dicit Beatus Jacobus, visitare pupillos & viduas in tribulatione eorum, & immaculatum se custodire ab hoc sæculo. Ille immaculatum se ab hoc sæculo custodit, qui moribus sæcularibus omninò renunciat, & tam carnalia, quam spiritualia peccata, quantum potest, devitat.

Ad veram vitam spiritualem inducere nos debet utilitas, de qua scriptura dixit: Spiritus est, qui vivificat, caro non

Iacob. 1.  
Ioan. 6.

Dd 2

non

Rom. 8.

non prodest quidquam. Et Apostolus: Qui in carne sunt, inquit, Deo placere non possunt. Porro, qui vult verè fieri spiritualis, debet fugere & odisse carnale commodum, & hoc fugat carnalia desideria, quæ militant adversus

1. Petr. 2.

animam, sicut dicit B. Petrus. Debet etiam appetere asperitatem vitæ, sive carnale incommodum, hoc enim conservat gratiam, sicut spinæ custodiunt herbas in horto. Nam gratia effluit per oculos, aures & os. Sicut autem ignis & aqua simul stare non possunt, ita nec carnalis & spiritualis voluptas secundum Bernardum. Item debet cognoscere, quòd homo nihil boni possit ex se, sicut dicit Apostolus: Non

2. Cor. 3.

quod sufficientes simus cogitare aliquid à nobis, quasi ex nobis, sed sufficientia nostra ex Deo est, hoc verò aufert præsumptionem. Et rursus intelligat, quòd omnia per Christum possit amplius & perfectius, quàm per semetipsum, eodem Apostolo testante: Omnia possum in eo, qui me confortat, hocque aufert desperationem. Quæ duo valdè sunt spiritualibus nociva, & eos sæpè impugnant, scilicet præsumptio & desperatio. Item huc pertinet coram Deo se reputare, non solum, quàm vilis homo sit, sed etiam quàm vilis esse potuisset, nisi Deus

Philipp. 4.

præ-

præcavisset, & hoc homini aufert tumorem. Eodem spectat, quod Deus exiget ab homine rationem de omnibus malis commissis, & bonis omissis, & gratiis neglectis sibi & universitati, hoc infert utique justum timorem. Prodest etiam notare, quod omne bonum tanquam à Deo dante accipiat homo, idque falsum amorem excludit, commendat debitam Deo gratitudinem. Rursus attende, omne malum tanquam à Deo pro utilitate nostra benigne permitti, hoc enim ad patientiam excitat. Jam quantò magis in his suprædictis quisque proficit, tantò magis ad spirituales vitam inducitur, & in ea crescit & confirmatur.

**ARGUMENTUM** veræ vitæ spiritualis habet, cujus spiritus carni penitus dominatur, qui præterea tam citò & tantum sentit incommodum spirituale, sicut corporale, qui tantum etiam fugit incommodum Spiritus sicut corporis, & tantum vitat locum, tempus & homines, ubi & per quos lædi potest in spiritu, sicut ubi offendi potest in corpore, & qui tam citò studet mederi spiritui, sicut carni, & tantò magis cavet spiritui, quam carni vel corpori, quantò dignior est Spiritus & præstantior corpore.

Item Argumentum veræ vitæ spiritualis

tualis habet, qui tantum delectatur in cibis spiritualibus, quam in corporalibus, & tam invitem negligit aliquam horam cibum spiritualem, sicut corporalem, qui tam ordinate sumit cibos spirituales. quam carnales, quique tantum se cogit ad cibos spirituales, cum eos non appetit, sicut infirmus cogitur ad cibos corporales, cum eos fastidit.

Item aliud argumentum vitæ spiritualis est, si homo tam diligens est circa spiritum, sicut circa carnem, si tam paratus est in omnibus obedire spirituali medico pro salute spiritus, sicut carnali medico pro salute corporis. Rursum si sollicitus est acquirere gratiam, quam indiget tum in adversitate, tum in prosperitate, apud amicos & inimicos, sive laudetur, sive vituperetur, si solus cum Deo, vel si cum hominibus agat, & si de acquirenda gratia tam sit sollicitus, sicut de habendis cibis carnalibus, vel quadragesimalibus, de vestibus hyemalibus & æstivalibus. Ad hæc si bona spiritualia tantum studet acquirere, multiplicare, conservare & utiliter expendere, quantum sæcularis bona temporalia, si insuper de spiritu tanto magis curat, magis curat, quam de corpore, quanto dignior Spiritus est corpore. Huc enim verè spectat, quod dicit Apostolus:  
Qui

Rom. 8.



Qui secundum carnem sunt, quæ carnis sunt, sapiunt, qui verò secundum Spiritum sunt, quæ Spiritus sunt, sapiunt.

ARGUMENTUM carnalis vitæ est secundum carnis regulas vivere. Et secundum Augustinum: Ille secundum carnem vivit, qui pergit, quò vult, dormit, quando vult, quamdiu vult, loquitur, quæ vult & cui vult, ubi vult, & quamdiu vult, manducat & bibit, quando & quantum vult, ridet & jucundatur turpiter, inter quos vult. Postremò quidquid naribus est suave, quærit, quidquid tactui blandum, quidquid oculis delectabile, quidquid corpori jucundum, qualiter vult exercet & quando vult. Deinde delectatur in pulchris vestibus, equis & armis, quando vult & sicut vult, & sic non secundum Deum, sed carnaliter vivit & delectatur, & omnia desideria carnis suæ perficit, sicut vult & quando vult.

August. in  
Plib. de sa-  
lutar. do-  
cumentis  
cap. 17.

Aliud Argumentum vitæ carnalis est, libertas linguæ, quam sequitur distractio cordis, juxta illud Jacobi: Si quis putat se religiosum esse non refrenans linguam suam, sed seducens cor suum, hujus vana est religio. Ideò scriptum est: Qui custodit os suum, custodit

Jacob. I.

Prov. 22.

mam suam : Et alibi : In manibus linguæ mors & vita.



# DE MATURITATE.

## C A P U T XXIX.

Ecclef. 1.

**M**ATURITAS vera & perfecta est, cum omnes affectiones & vires animæ unanimiter colliguntur in Deum. Ex hoc verè restringitur mens à vanitate, & deinde quinque sensus ab illecebris compescuntur. Sed quando cunque anima beata illa unionem recedit, diversissimo vanitatibus irretitur. Nam omnia quæ sub cælo sunt, vana sunt, ut dicit Ecclesiastes.

August. in  
serm. de  
Sanct. ser.  
35.

Ad veram Maturitatem inducere nos debet sanctissimum exemplum Jesu Christi, de cujus seriositate sic dicit Augustinus: Et quidem legimus Dominum Jesum doluisse, flevisse, & ex itinere defatigatum fuisse, opprobria & injurias sustinuisse, sputa, flagella, crucem suscepisse, nunquam tamen legimus eum risisse, nec in præsentiprosperatum fuisse: Hinc planè in spe gaudent omnes electi, cum cæperint adversitatibus mundi fatigari, & nullis ejus prosperitatibus fallaciter decipi,

decipi, scientes aliam vitam superesse. Item ad Maturitatem præstandam nos admonet, quod scriptura multum vituperat dissolutionem & risum, juxta illud: Risum reputavi errorem, & gaudio Eécl. 2. dixi; quid frustra deciperis? Et alibi: Prov. 14. Risus dolore miscebitur, & extrema gaudii luctus occupat. Tum Psalmi- Psalm. 30. ista loquitur ad Dominum: Odisti observantes vanitates supervacuè. Ac præcipue nos movere debet comminatio Jesu Christi dicentis: Væ vobis! qui ridetis nunc, quia lugebitis. Item dissoluta vita, morumque levitas multum abstrahit à familiaritate Dei unumquémque & perceptione gratiarum.

**ARGUMENTUM** veræ Maturitatis habet, qui nec verbis jocosis, nec factis, nec signis, nec incessu dissoluto, nec aliqua occasione quemquam ad levitatem provocat, sed semper in se & in aliis dissolutionem ex corde detestatur, omnia loca vitat, in quibus dissolvi & vanus esse potest, fugitque omnes homines dissolutos, ut Maturitatem conservet, sciens, quod qui tetigerit picem, inquinabitur ab ea, & qui communicat se dissolutis, dissolutionem non effugiet. Iob. 29. Talis fuit beatus Job planè gravis & maturus, ut etiam dissoluti ejus præsentiam fugerent, sicut ipse declarat

cens: Videbant me juvenes & abscondebantur. Qui & tantam habuit consuetudinem Maturitatis, ut si quid leviusculi in eo visum fuisset, nemo id facile pro vitio habuisset, si quando, inquit ridebam ad eos, non credebant, & lux vultûs mei non cadebat in terram.

**ARGUMENTUM** Levitatis habet, qui pronus est ad risum, jocosus in verbis, dissolutus in moribus, dissoluta loca frequentans, cum dissolutis habitans & ambulans, qui fugit maturos homines, cui gravis est aliorum Maturitas ad videndum, qui credit demum ex Maturitate infirmitatem corporis sibi provenire. Hujusmodi levitatis notam tenet juvenis ita descriptus in Ecclesiastico: **Lætare** juvenis in adolescentia tua, & in bono sit cor tuum in diebus juventutis tuæ. Et ambula in viis cordis tui, & intuitu oculorum tuorum, & scito, quod pro omnibus adducet te Deus in judicium. Tum Ambrosius dicit: Solliciti debemus esse, ne quid temerè aut curiosè geramus, aut quidquam omninò agamus, cujus probabilem non possimus reddere rationem.

DE



# DE SIMPLICITATE.

## CAPUT XXX.

**S**IMPLICITAS vera & perfecta est, neminem lædere, sed omnibus proficere, sicut Glossa declarat. Hæc est prima virtus, de qua commendatur Job dicente scriptura: Et erat Job vir simplex, quasi hæc virtus omnes alias in eo præcelluerit. Eandem præcepit Dominus noster Iesus, cum mitteret Apostolos in universum mundum, ut incredulos ad unitatem catholicæ fidei convocarent. Estote inquit, prudentes, sicut serpentes, & simplices sicut columbæ. Ubi prudentiam simplicitati conjungit, quoniam prudentia sine simplicitate calliditas est, simplicitas verò sine prudentia, stultitia est. Columba quidem nec ungue, nec rostro lædit, ita verè simplex, nec verbo, nec opere nocet. Verè Simplicitatem diligit, qui non occupatur sicut Martha circa multa, nam ibi plix sunt & distrahitur animus, sed tantum unum quærit; de quo dicit ibidem Dominus: Porro unum est necessarium, & ob hoc laudatur Maria Magdalena, quæ

Iob. I.

Matth. 10.

Luc. 10.

quæ optimam partem elegit, ab ea nunquam auferendam. Hoc est unum bonum, in quo omnia bona æterna & immensa consistunt.

Ad amorem Simplicitatis inducere nos debet ingens utilitas ex ea proveniens. Scriptum est enim, quod cum simplicibus est sermocinatio Domini: Familiaris est utique Dominus simplicibus, quibus arcana sua revelare non dedignatur. Unde Dominus Apostolis prohibentibus pueros venire ad præsentiam suam, respondit: Sinite parvulos venire ad me, talium est enim regnum cœlorum. Hæc est illa virtus, sine qua homini salus non contingit. Dicit enim Dominus JESUS: Nisi efficiamini sicut parvuli, non intrabitis in regnum cœlorum. Ubi non dicit: efficiamini parvuli, sed sicut parvuli, id est, simplices & innocentes.

Alia est utilitas Simplicitatis, de qua in scriptura dicitur: Qui ambulat simpliciter, ambulat confidenter: Nam ad regnum cœlorum via securissima est via Simplicitatis. Unde scriptum est in Proverbiis, quod ipse Deus protegit ambulantes simpliciter. Similiter non habet simplex cor & mundum, ut Augustinus dicit, nisi qui transcendit laudes humanas, & illum solum intuetur, qui rectè vivit & ei placere nititur,

tur, qui conscientiae solus inspector, de cujus conscientiae puritate quidquid procedit, tantò est laudabilius, quanto humanas laudes minùs desiderat.

**ARGUMENTUM** veræ Simplicitatis habet, qui nullius facta pervertit, sed bonum de omnibus præsumit, qui nullius bonum depravat, nullius bonum diminuit, omnium salutem desiderat, nulli malum optat, & qui bona facit & benè, quique bona sentit de Domino, & in Simplicitate cordis quærit illum, qui voluntati ejus se subjicit, & mandata ejus custodit.

**ARGUMENTUM** duplicitatis habet, qui unum gerit in ore, & aliud in corde, vel aliud in opere, sicut Joab tenens mentum Amazæ dixit: Salve mi frater, & interim occultè educens gladium, occidit eum. Contra hoc dicit Dominus: Sit sermo vester: Est, Matt. 5.  
est: Non, non, id est: quæ habetis in corde, proferte ore, & exhibete Iacob. 1.  
opere. Et B. Jacobus: Vir duplex animo inconstans est in omnibus viis suis. Et duplicibus Deus maledicit, sicut & illis, qui servire volunt Deo & diabolo, hoc est, in peccatis & bonis operibus simul exerceri. Contra hoc namque dicit Dominus: Non po- Matth. 6.  
testis duobus Dominis servire, contrariis scilicet, Nam virtus & vitium, bonum

Iacob. 4.

num & malum , penitùs adversantur. Contra hos verò , qui intendunt Deo placere & mundo , dicit Beatus Jacobus. Qui voluerit esse amicus hujus sæculi , inimicus Dei constituitur.

Ierem. 9.

ARGUMENTUM falsæ Simplicitatis habet , qui Simplicitem exhibet in exteriori conversatione , & tamen dolum gestat in corde. Cum verò multi tales existant , monet Dominus in Jeremia : Unusquisque à proximo suo se custodiat , & in omni fratre suo non habeat fiduciam , quia omnis frater supplantans supplantabit , & omnis amicus fraudulenter incedit.



## DE TACITURNI- TATE.

### CAPUT XXXI.

Psal. 38.

**T**ACITURNITAS vera & perfecta est , moderari linguam non solum à sermonibus illicitis , ut sunt detractiones , mendacia , perjuria , verba impudica , levia , iracunda , nociva , maledica , otiosa & similia , sed etiam ab utilibus & licitis , juxta illud Prophetæ: Obmutui & humiliatus sum ,  
&



flui à bonis, scilicet annunciandis. Rectè autem Glossa docet: Ille solus non cadit ad illicita, qui se cautè restringit à licitis. Neque solùm per verba inutilia & nociva, sed etiàm per verba utilia gratia spiritualis effunditur, cùm in loquendo modus non servatur. Rara est virtus moderatio linguæ, sicut & Beatus Jacobus Apostolus asserit: Omnis natura bestiarum & volucrum & serpentum cæterorum, inquit, domantur, & domita sunt à natura humana, linguam autem nullus hominum domare potest. Inquietum malum, plenum veneno mortifero. Ubi Glossa notat: Lingua pravorum, bestiis ferocitate, volucris levitate, serpentibus virulentia antecellit. Sunt <sup>Psal. 63.</sup> bestiales, qui exacuerunt ut gladium <sup>Psal. 163.</sup> linguas suas. Sunt volucres, qui posuerunt in cælum os suum, & lingua eorum transivit in terra, quorum os locutum est vanitatem, & dextera eorum dextera iniquitatis. Sunt serpentes, <sup>Psal. 13.</sup> de quibus dicitur: Venenum aspidum sub labiis eorum.

Ad amorem Taciturnitatis inducere nos debet suavissimum exemplum Domini nostri Jesu Christi, quia Taciturnitatem commendans de impositione criminum interrogatus, nec se quidem excusare dignatus est, nec per re-  
spon-

Heremita  
exemplum

sponsionem suam differre mortem acerbam voluit. Ad idem inducere nos debet exemplum cujusdam Heremita, qui tribus annis lapidem in ore gestabat, ut servare silentium disceret. Citius enim addisceret aliquis loqui, quàm tacere. Unde Ambrosius: Complures vidi loquendo in peccatum incidisse, vix quémquam tacendo. Scio loqui plerósque, cum tacere nesciant. Sapiens est ergo, qui novit tacere. Unde benè ait scriptura: Homo sapiens tacebit usque ad tempus, lascivus autem & imprudens non servabunt tempus.

Ecc. 20.

Ad idem inducere nos debet utilitas proveniens ex Taciturnitate. Nam cor distractum componit, conscientiae serenitatem inducit, & ad recipiendam gratiam divinam habilem mentem facit. Ubi autem non est Taciturnitas, ibi homo facilè ab adversario superatur, juxta illud: Sicut urbs patens & absque murorum ambitu, ita vir, qui non potest in loquendo cohibere spiritum suum: Ubi etiam non est moderatio linguæ, ibi nunquam erit perfectio, juxta illud: Si quis in verbo non offendit, hic perfectus est vir. Hinc & Glossa docet: Ubi est custodia linguæ, ibi est beatitudo, secundum illud. Beatus qui non est lapsus

Prov. 25.

Iacob. 3.

Eccles. 14.  
Prov. 21.

in

in verbo. Qui enim custodit os suum, custodit animam suam.

ARGUMENTUM veræ Taciturnitatis, qui cum liberè & licitè & sine observatione loqui potest, & qui novit, verba sua cum magno desiderio recipi, tamen nullo modo aut rarò inducitur ad loquendum. Recogitat enim illud Gregorii: Si sanctus Prophetæ Ezechiel missus ad loquendum fuerat, & septem diebus sedens morènsque tacebat, pensandum nobis est, quanta culpa sit ei, non tacere, quem nulla necessitas cogit loqui. Tum illud verbum Christi perpendit. Omne verbum otiosum, quod locuti fuerint homines, de eo reddent rationem in die iudicii.

Gregor.  
Ezech. 3.  
Hom. 11.  
sup. Ezech.

Matth. 12.

ARGUMENTUM loquacitatis est protervè loqui & clamorosè, vel cum elatione & arrogantia, vel tempore non opportuno, cum tamen sermo opportunus sit optimus. Et scriptum est: Homo sapiens tacebit usque ad tempus, lascivus & impudens non servabunt tempus. Item vitiosum est loqui, ubi nemo audire curat vel auscultat. Unde scriptura præcipit: Ubi non est auditus, non effundas sermonem. Peccat in super linguâ, qui antequàm interrogatur, ad respondendum prorumpit, non observans illud:

Eccles. 20.

Eccles. 32.

Ec

Qui

Prov. 18.

Qui prius respondet, quàm audiat, stultum se esse demonstrat, & confusione dignum. Peccat etiam, qui non interrogatus ultrò respondet pro altero, cùm tamen scriptum sit: Adolescens loquere in tua causa vix, si bis interrogatus fueris, habeat caput responsum tuum.

Eccles. 32.

ARGUMENTUM falsæ Taciturnitatis est, tacere non propter virtutem, sed ne quis ab audientibus confundatur, vel ut propter Taciturnitatem laudetur, vel cùm nesciens utiliter loqui verecundatur, vel, ut per silentium stultitia ejus pallietur, secundùm illud: Stultus quoque si tacuerit, sapiens reputabitur, & si compresserit labia sua, intelligens.

Prov. 17.



DE

SOLITUDINE.

CAPUT XXXII.

**S**OLITUDO vera est, abstrahere mentem à solitudine & occupatione actionum exteriorum, & ab omni delectatione creaturarum, omnes etiam affectiones, voluntates, intentiones unanimiter, quantum potest, dirigere in Deum, ut fiat unus spiritus cum cō.

cō.

eo. Ad hoc hortatur nos Esaias dicens: Ingredere in petram, (id est, in Divinitatem Christi) & abscondere in fossa humo (id est, in vulneribus Christi) à facie timoris Domini, & à gloria Majestatis ejus. Qui in hac petra est, solus est, qui extrà hanc petram est, in multitudine est. In hac Solitudine tanta gratia & illuminatio mentis percipitur, ut percipiens sit gravis aliis ad videndum. Sicut Moyses Esaias 2.  
Exod. 24. solus manens in monte cum Deo quadraginta diebus ac noctibus tantum illuminatus fuerat, ut lux de vultu ejus erumperet, & de claritate vultûs, quasi radii solis procederent, quos filii Israël non poterant intueri, donec faciem suam velaret.

Ad amorem Solitudinis inducere nos debet sanctissimum exemplum Domini nostri Jesu Christi, qui licet ex nullius consortio seu negotio unquam impediri posset in spiritali negotio, sæpè tamen declinavit à turba propter amorem solitudinis, & quandoque cum amplius non posset, à charissimis Apostolis suis ad orandum secessit, quantum jactus est lapidis, sicut dicit Evangelista, per hoc innuens, quòd Luc. 22.  
etiam viri sancti in multitudine familiariter Deo vacare non possunt, & modicam vel nullam gratiam efficacem

Luc. 19.

inter homines consequantur. Hinc est quod Zachæus Dominum Jesum in turba videre non potuit, sed postmodum vidit ipsum, & Salvatoris vocem audivit, quum solus arborem ascendisset.

Osc. 2.

Ad idem nos inducere debet utilitas Solitudinis, de qua Dominus de sponsa dicit: Ducam eam in solitudinem, & ibi loquar ad cor ejus. O! quam felix est; qui vel semel audit Dominum intus loquentem. Locutio autem Domini in corde hominis est de arduis grâtiis securitatem menti præstare. Unde dicit Propheta: Audiam, quid loquatur in me Dominus Deus, quoniam loquetur pacem in plebem suam, & super Sanctos suos, & in eos, qui convertuntur ad cor.

Psal. 84.

Ad idem nos inducere debet, quod sancti Heremitæ olim concurrerunt & erraverunt in solitudine, in montibus, in speluncis & in cavernis terræ, ut Deo continuè vacare possent, & quandoque in triginta vel quadraginta annis hominem non viderunt.

Psal. 54.

ARGUMENTUM Solitudinis habet, cui gravis pœna est esse cum hominibus, & ab eis se abstrahit, quacunque occasione potest secundum illud: Ecce elongavi fugiens, & mansi in Solitudine. Sic B. Mariæ Mag-

da.

dalenzæ pœna fuit, videre homines, postquam Dominum Jesum amplius videre non potuit: imò etiam videre Angelos ei pœna fuit. Unde Angelis volentibus eam consolari de recessu Domini de Sepulchro ait: Quæro Creatorem, & ideo gravis est mihi ad videndum omnis creatura. Ideoque fugit in eremum præ amore Domini nostri Jesu Christi, triginta annis, carens omni cibo & potu corporali, quam Angeli levabant in aëra singulis horis ad orandum deputatis, in qua oratione sumpsit corporis & animæ nutrimentum.

**ARGUMENTUM** falsæ Solitudinis habet, qui licet solus sit corporaliter coram Deo, anima tamen ejus est in diversis mundi finibus, variis negotiis occupata. Hæc duo, scilicet taciturnitas & solitudo efficaciter mentem hominis elevant ad contemplationem. Unde est illud Threnorum: *Se-* Thren. 3.  
debit solitarius & tacebit, quia  
levavit se super se.



# DE CONTEMPLA- TIONE.

## C A P U T XXXIII.

**C**ONTEMPLATIO vera est, collectio affectionum & omnium virium animæ ad cognoscendum cum delectatione & admiratione mentis aliquid de divina natura, scilicet ejus potentiam, sapientiam, bonitatem, charitatem, nobilitatem, largitatem; tum occulta Dei judicia, sive sacratissimam ejus voluntatem, aut aliquam perfectionem, quæ tendit in Deum. In hac Contemplatione fuerunt Patriarchæ, Prophetæ & Apostoli Sancti. Nam Patriarchis & Prophetis occulta sua Deus per Spiritum Sanctum revelavit, ut Noë de diluvio, Abrahamæ de subversione Sodomorum, Joseph de fame Ægypti, Hieremiæ de transmigratione & captivitate Judæorum, Danieli de statua Nabuchodonosoris, & sic de aliis Prophetis & Patriarchis, quibus alia secreta revelavit, ut Ezechieli diversas visiones. Unde Amos: Non faciet Dominus verbum, nisi secretum suum revelet servis suis  
Pro.

Gen. 6.

Gen. 18.

Gen. 47.

Hierem.

27.

Dan. 4.

Ezech. 1.

Amos 3.



**Prophetis.** Apostolis verò per Unigenitum Filium suum omnem voluntatem suam & omnem perfectionem indicavit, sicut ipse dicit: Omnia quæ *Joan. 15.* audivi à Patre meo, nota feci vobis, nimirum, ut & ipsi posteris suis eadem revelarent, quod & fideliter fecerunt. Nam in omnem terram exivit sonus *Psal. 18.* eorum, & in fines orbis terræ verba eorum. Sed inter alios Apostolos B. Joanni Evangelistæ & B. Paulo occultissima revelavit & indicavit. Inter alia octo beatitudines eis revelavit dicens: Beati pauperes spiritu, quoniam *Matth. 5.* ipsorum est regnum cœlorum. Beati mites, quoniam ipsi possidebunt terram, & cætera sequentia, quæ magnam continent in se perfectionem, perfectamque indicant Dei voluntatem.

Differunt autem Contemplatio, & meditatio & cogitatio. Nam in cogitatione, mentis est evagatio, in meditatione investigatio, in Contemplatione mentis admiratio. Cogitatio est sine labore & sine fructu, meditatio est cum labore & fructu, Contemplatio est sine labore & cum fructu.

Ad Contemplationem Dei inducere nos debent tres gradus, de quibus *Gregorius* dicit *Hom. 17.* Ad Contemplationem necessarij sunt gradus animæ tres. *super* Primus est, ut se anima ad se colligat. *Ezech.*

Secundus, ut videat, qualis est collecta. Tertius, ut super semetipsam surgat, ac se Contemplationi auctoris invisibilis intendendo subjiciat. Sed se nullatenus colligit, nisi prius didicerit, terrenarum atque coelestium imaginum phantasmata ab oculis mentis reducere, quidquid de visu, quidquid de auditu, quidquid de odoratu, quidquid de tactu & gustu corporeo cogitationi ejus occurrerit, respuere atque calcare, quatenus talem se quærat intus, qualis sine istis est. Nam hæc quando cogitat, quasi quasdam umbras corporum introrsus versat: Abigenda sunt ergo omnia manu discretionis ab oculis mentis, quatenus talem se esse anima consideret, qualis sub Deo super corpus creata est.

Ad idem inducere nos debet ineffabilis suavitas, quæ ibi percipitur, admirabilis perfectio, quæ ibi addiscitur, principium omnis beatitudinis, quod ibi reperitur. Fons enim omnis beatitudinis summus Deus ibi cognoscitur, & quod verè cognoscitur, hoc amatur, & quod verè amatur, hoc desideratur, & pro eo obtinendo laboratur, & pro quo studiosè laboratur, hoc tandem acquiritur, cumquè acquisitum fuerit, cum delectatione interminabili possidetur. De hac Contem-

templatone dicit Bernardus: Quæ Bernard.  
 enim anima semel à Domino didicit, ferm. 35.  
 & accepit intrare ad seipsam, & in in- sup. cantica  
 timis suis Dei præsentiam suspirare, & Ioan. 4.  
 quærere faciem ejus semper (spiritus  
 enim est Deus, & qui quærunt eum,  
 oportet eos in spiritu ambulare, & non  
 in carne, ut secundum carnem vivant)  
 talis inquam, anima nescio an vel ip-  
 sam gehennam ad tempus experiri hor-  
 ribilius, pœnaliusve, quàm post spiri-  
 tualis studii hujus gustatam semel sua-  
 vitatem, exire denuò ad illecebras, vel  
 potius ad molestias carnis, sensuum-  
 que inexplabilem repetere curiosita-  
 tem, dicente Ecclesiaste: Non satura- Eccles. 1.  
 tur oculus visu, nec auris auditu im-  
 pletur. Audi enim hominem exper-  
 tum, quæ loquitur. Bonus est (inquit) Tren. 3.  
 Dominus sperantibus in eum, animæ  
 quærenti illum. Ab hoc bono, si quis  
 avertere sanctam illam animam cona-  
 retur, hæc puto haud secus id acciperet,  
 quàm si se de paradiso & ab ipso introi-  
 tu gloriæ conspiceret de urbari. Audi  
 adhuc & alium similem huic: Tibi dixit Psalm. 28.  
 cor meum (ait) exquisivi te facies mea,  
 faciem tuam Domine requiram. Unde d. sal. 72.  
 & rursus dicebat: Mihi autem adhære-  
 re Deo bonum est. Et item loquens Psalm. 114.  
 ad animam suam dicit Convertere  
 anima mea in requiem tuam, quia Do-  
 mi-

minus benefecit tibi. Dico ergò vobis, nil est quod in tantum formidet, quisquis hoc beneficium semel accepit, quàm ne à gratia derelictus, necesse habeat denuò egredi ad carnis consolationes, rursúmque carnalium sensuum sustinere tumultus. In hac Contemplatione fuit S. Augustinus, cum dixit: Mihi autem displicebat, quod agebam in sæculo, & oneri mihi erat valde, non jam inflammantibus cupiditatibus, ut solebant, spe honoris & pecuniæ; Jamenim me illa non delectabant præ dulcedine tua, & decore domus tuæ, quam dilexi.

Iob. 10.

Rom. 7.

Tob. 3.


Psalm. 41.

Gregori  
Hom. 14  
super E-  
zech.

**ARGUMENTUM** veræ Contemplationis habet, quem in miseria hujus mundi vivere tædet cum B. Job dicente: Tædet animam meam vitæ meæ. Et cum B. Paulo exclamante: Infelix ego homo! quis me liberabit de corpore mortis hujus? Talis erat & B. Tobias dicens: Melius est mihi mori, quàm vivere. Talis etiam ad fontes vitæ sitit cum Psalmista decantans: Quem admodum desiderat cervus ad fontes aquarum, ita desiderat anima mea ad te Deus. Unde Gregorius: Contemplativa vita est, charitatem quidem Dei & proximi tota mente retinere, sed ab exteriori actione quiescere, soli desiderio Conditoris inhærere, ut nihil jam ag-

agere libeat, sed calcatis curis omnibus, ad videndam sui Creatoris faciem animus inardescat, ita ut jam noverit carnis corruptibilis pondus cum mœrore portare, totisque desideriis appetere illis hymnidicis Angelorum choris interesse, admisceri cœlestibus civibus, & de æterna in conspectu Dei incorruptione gaudere.

ARGUMENTUM falsæ Contemplationis habet, qui aliquid de Deo, vel aliqua perfectione cognoscit, cui veritas Sacræ Scriptura contradicit, & hoc tamen temere per rationes defendit. Ex hoc fonte olim hæreses processerunt, scilicet Arrii, qui proprium sensum sequens, filium coæternum, consubstantialémque Patri negavit, & Sabellii, qui personas in Trinitate confudit, ponens nominalem tantum differentiam, cum verè differant proprietatibus. Pater enim propriè habet innascibilitatem, Filius propriè nascibilitatem, Spiritus Sanctus processionem.



# DE DISCRETIONE.

## CAPUT XXXIV.

**D**ISCRETIO vera est, prudenter di-

dijudicare inter Creatorem & creaturam, quid sit Creator, & quid creatura, & quantum Creator differat à creatura? Item dijudicare quid sit bonum, quid melius, quid optimum, quid malum, quid pejus, quid pessimum? quantum bonum sit appetendum, quantum malum detestandum? Item, quantam reverentiam debeat homo superiori, quantam clementiam inferiori & compassionem, qualem societatem æquali, qualiter debeat se habere ergà mortuos, qualiter ergà vivos, qualiter ergà prædecessores, qualiter ergà successores, qualiter in amicos, ut nimirum diligantur in Deo, qualiter ergà inimicos, ut diligantur propter Deum, qualiter coram Deo occultè, qualiter coràm hominibus manifestè? quæ refectio carni, quæ spiritui impendenda sit? quibus vestibus induendum? quando comedendum, quando bibendum, quando abstinendum, & quantum, & à quibus cibis? quando vigilandum, quando dormiendum, & quantum & quamdiu? quando orandum, quando flendum, quando aliquod opus faciendum? quomodo se quis gerat in laudando aut reprehendendo alio? quando loquendum, quando tacendum, & quantum & de quibus causis, cum quibus, quo loco, quo  
tem.

tempore? quando accipiendum, quando retinendum, quando largiendum, & quantum & quibus & quo tempore? De omnibus his ordinate & prudenter dijudicare, est vera discretio.

Hæc virtus est Magistra omnium virtutum, statuens omnibus modum & ordinem. Ubi autem discretio non est, ibi charitas non servat ordinem, quid primò, quid postremò diligendum sit, nec modum, quid minùs, quid amplius diligendum sit novit. Ibi humilitas nimis dejicitur, & fit secundum Augustinum, ut ubi nimium servatur humilitas, regendi frangatur auctoritas. Ibi obedientia cæca & stulta fit, cum etiam in malis credit obedientum esse. Ibi etiam largitas nimium se effundit, cum histrionibus sine necessitate datur. Ibi timor in desperationem dejicitur, spes in præsumptionem convertitur. Ibi justitia nimiam severitatem demonstrat, ibi patientia, misericordia, mansuetudo, bonitas, injusta dissimulat. Ibi religio dissolvitur, veritas falsificatur, castitas violatur, maturitas levis efficitur, constantia permutatur. Hæc discretionis virtus ex defectu aliarum virtutum crescit. Cum enim sæpè homo cadit de humilitate in superbiam, vel vanam gloriam, de charitate in invidiam, de pa-

patientia in iram, de mansuetudine in rancorem, de fervore in teporem, de castitate in carnalem concupiscentiam, de amore paupertatis in avaritiam, de pace in turbationem, de unione in discordiam, de obedientia in rebellionem, de maturitate in levitatem, de religione in dissolutionem, de taciturnitate in loquacitatem vel detracti-  
nem, de spirituali amore in carnalem, de spe in præsumptionem, de justo timore in metum humanum vel servi-  
lem, de justitia in severitatem, de mi-  
sericordia in molliem, de constantia in mutabilitatem, de veritate in falsi-  
tatem, tunc primum fit cautior, & ad cavendum sollicitior, & in omnibus discretior redditur.

Ad veram discretionem nos induce-  
re debet & potest, assidua lectio &  
meditatio in scripturis, continua in-  
vestigatio de sanctorum exemplis, fre-  
quens consilium à viris discretis, juxta  
Tob. 4. illud: Consilium semper à Sapiente  
perquire. Unde Dominus ad Pau-  
A&or. 9. lum: Ingredere, inquit, in civitatem  
& ibi dicetur tibi, quid te oporteat fa-  
cere. Similiter Christus Dominus  
Luc. 17. misit leprosos ad superiores dicens:  
Ite ostendite vos Sacerdotibus, vide-  
licet non tantum uni, sed pluribus, ut  
unus



unus eorum minùs discretus sit , alter discretior requiratur.

**ARGUMENTUM** veræ discretionis habet, qui omnia facta sua cum consilio discretorum pertractat, quos si semper ad manum habere non potest, singula opera sua & negotia in conscientia sua coram Deo cum vera discretionem & matura deliberatione discutit, juxta illud: Fili sine consilio nihil facias, & post factum non poenitebis. Nec tamen quis in hoc conscientia suæ semper credat, nisi scripturæ manifestum testimonium habeat, nec scripturam ad sensum suum aliquatenus torqueat, sed sensum suum scripturæ sacræ conformet. Ecel. 32.

**ARGUMENTUM** indiscretionis habet, qui jeuniis, vigiliis, orationibus, disciplinis & lachrymis supra vires vacat & intendit, brevi tempore se destruens, ut pluribus annis in servitio Dei inutilis fiat. Sed heu! pauci sunt homines hujus temporis, qui in hujusmodi rebus excedant.

**ARGUMENTUM** falsæ discretionis habet, qui volens cavere destructionem sui corporis nihil eorum negligit, quæ commoda sunt corpori, dicens Domino: Fortitudinem meam Psal. 18: ad te custodiam, & Spiritus interim sine spirituali cibo in eo deficit & tabescit, qui

qui sine labore nullatenus haberi potest. Unde Augustinus: Dum infirmitatem nostræ carnis timemus, salutem animæ negligimus, quia caro si delicate nutritur, occidit Spiritum. Et secundum eundem Augustinum: Sicut tinea lanam devorat, & ignis lignum, fœnum & stipulam comburit, ita delicata caro animam concremat & consumit. Talis non cogitat, quod tandem caro destruetur, etiamsi omni commodo frueretur. Ita sæculares omnem corpori voluptatem impendentes, non ob hoc magis Deo serviunt, sed frequentius etiam infirmantur. Melius est autem viventem Spiritum gratiâ repletum esse in corpore languido, quam Spiritum languidum vel mortuum esse in corpore sano.



## DE CONGRATULATIONE.

### CAPUT XXXVI.

**C**ONGRATULATIO vera erga Deum est, congaudere Deo in omni beatitudine & perfectione innata ipsi æternaliter, videlicet de

de omni ejus potentia, sapientia, bonitate, & quòd nullius indigeat, sed quòd ipse sibi & omnibus creaturis sufficiat. Item congaudere Deo de ordinatione cœli & terræ, & omnium quæ in eis sunt, & de operibus ejus usque ad finem sæculi, præcipuè autem de operibus Incarnationis ejus & Circumcisionis, Passionis, Resurrectionis, Ascensionis, Spiritûs sancti missionis, & de omnibus ejusdem judicis, manifestis & occultis circa dæmones, circa animas in inferno, in limbo, in Purgatorio, & circa malos homines in mundo. Item congaudere Deo, quidquid demùm laudis & reverentiæ habet ab Angelis & à Sanctis in cœlo, & ab hominibus in terra.

Item vera Congratulatio ergà proximos est, congaudere singulis Angelis de gloria, quam habent in cœlo. Item peccatoribus de ipsorum conversione, justis ob eorum in bono confortationem, & gratiarum conservationem Ecclesiæ de collatis ei Sacramentis & donis Spiritûs Sancti. Præterea congaudere singulis hominibus non solum in terra, sed & in Ecclesia triumphante, videlicet Beatæ MARIÆ Virgini, Patriarchis & Prophetis, Apostolis &c. Tum singulis electis de do-

nis à Deo perceptis & percipiendis singulis congaudere.

Ad veram Congratulationem inducere nos debet maxima utilitas ex ea proveniens. Nam quidquid Deus omnipotens perfectionis, bonitatis & beatitudinis in se naturaliter habet, quidquid gloriæ Angeli & Sancti in cœlo, quidquid gratiæ & virtutis Ecclesia, & in ea fideles habent, hoc totum unicuique per Congratulationem fit proprium.

Ad idem nos inducere debet, quòd Congratulatio Patris, & Filii, & Spiritûs Sancti, origo est omnium creaturarum, & fuit semper, & nunc est principium omnium operum divinorum.

ARGUMENTUM veræ Congratulationis habet, qui per omnia delectatur in omnibus, quæ in Deo sunt, qui ordinatio Ecclesiæ & omnia opera Dei, & judicia & mores divini, & sanctissima exempla Domini nostri JESU Christi, omniumque amicorum ejus ex corde placent, qui & omnia ea verbis commendat & aliis manifestat. Item cui de singulis donis naturalibus, spiritualibus, gratuitis Angelorum & Sanctorum in cœlo, & singulorum hominum in terra generatur gaudium speciale, & ad hæc omnia semper & ubique pro sua virili cooperatur.

AR-

ARGUMENTUM falsæ Congratulationis habet, qui omnem ordinationem divinam in cœlo & in terra, opera quôque justorum & virtutes, & sanctam eorum vitam ore quidem commendat, sed in corde vituperat. Talibus impropere Dominus per Esaiam dicens: Populus hic labiis me honorat, cor autem eorum longè est à me. Tales de corpore Ecclesiæ præcisi sunt, qui bona corporis non participant.

Esai. 29.  
Matt. 23.

DE

# CONFIDENTIA.

## CAPUT XXXVI.

**C**ONFIDENTIA vera & perfecta est, mentis securitas, quòd omnipotens & fidelis Deus nunquam amicos suos derelinquit, juxta illud Ecclesiastici: Scitote, quia nullus speravit in Domino, & confusus est. Quis enim permansit in mandatis ejus, & derelictus est?

Ecd. 22.

Ille veram Confidentiam habet, qui certus est, quòd super omnia bonus Deus suis semper præsens est in tribulationibus, & semper paratus est, ut

Ff 2

cos

eos à tentationibus liberet, & liberatos  
 glorificet. Hoc Deus ipse testatur di-  
 cens: Cum ipso sum in tribulatione,  
 eripiam eum, & glorificabo eum. Et  
 sic fuit cum Daniele in lacu Leonum,  
 sic cum Noë in arca, cum Joseph in  
 cisterna & carcere, cum tribus pueris  
 in camino ignis, eosque omnes beni-  
 gnissime liberavit. Unde Beatus Pe-  
 trus affirmat: Novit Dominus pios  
 eripere de tentationibus. Et in Tobia  
 dicit Sara: Hoc pro certo habet om-  
 nis, qui colit te, quod vita ejus, si in pro-  
 batione fuerit, coronabitur, si autem  
 in tribulatione fuerit, liberabitur, &  
 si in correptione fuerit, ad miseri-  
 cordiam tuam venire licebit. Non  
 enim delectaris in perditionibus no-  
 stris, quia post tempestatem tranquil-  
 lum facis, & post lachrymationem &  
 fletum exultationem infundis.

Ille veram habet Confidentiam, qui  
 omnes preces suas, & omnia desideria  
 sua justa non dubitat exaudiri. Nam  
 Chrysostomus dicit: Si cum hoc stu-  
 dio mentis accesseris & dixeris: Nisi  
 accepero, non recedam, prorsus ac-  
 cipies, si modò talia postulaveris, quæ  
 & illum, qui petitur, dare debeat, &  
 accipere tibi, qui precaris expediat.  
 Hæc virtus valde laudabilis est, magni  
 meriti coram Deo, ad quam hortatur

Apo-

Chrysost.  
 hom. 14.  
 in Matth.

**A**postolus dicens : Nolite amittere Confidentiam vestram, quæ magnam habet remunerationem. Hebr. 10.

Ad veram Confidentiam inducere nos debet, quòd largissimus Deus absque desiderio nostro sæpè majora nobis dedit, ex sua mera & incomprehensibili liberalitate & bonitate, quam auderemus desiderare. Creavit enim nos Deus Pater ad imaginem sanctæ Trinitatis, & sanctissimus Filius ejus JESUS dedit nobis carnem suam in cibum, & sanguinem in potum, quin & animam suam in pretium redemptionis. Quis enim unquam vel semel auderet de hujusmodi petendis & obtinendis cogitare ? Gen. 2.  
Marth. 26

Adeandem Confidentiam nos inducere debet Christi in cruce dispositio. De hac ita docet Bernardus: Quis enim non raperetur ad spem, & ad impetrandi fiduciam, si attenderet in cruce Christi corporis dispositionem ? Vide caput inclinatum ad osculandum, brachia extensa ad amplexandum, manus perforatas ad largiendum, latus apertum ad diligendum, totius corporis extensionem ad se totum impendendum.

**ARGUMENTUM** veræ Confidentia hæbet, quem de peccatis mortalibus conscientia non mordet. Nam

1. Ioan. 3. teste B. Joanne: Si cor nostrum non reprehenderit nos, fiduciam habemus ad Deum, & quidquid petierimus, accipiemus ab eo. Et iterum: Hæc est, inquit, fiducia, quam habemus ad eum: Quia, quodcunque petierimus secundum voluntatem ejus, audit nos. Unde legitur de Susanna: Erat cor ejus fiduciam habens in Domino, quia scilicet se cognovit de objecto crimine innocentem.

- Aliud Argumentum veræ Confidentiaæ habet, qui in bonis operibus continuè se exercet, & præcipue in spirituali eleemosyna, quæ est remittere injurias, & supererogare orationes. Unde dicitur in Tobia: Eleemosyna ab omni peccato, & à morte liberat, & non patietur animam ire in tenebras. Fiducia enim magna erit coram summo Deo eleemosyna omnibus facientibus eam. Tum certa est Christi promissio: Dimittite & dimittemini. Date, & dabitur vobis. Petite, & accipietis, quærite, & invenietis.

- Aliud Argumentum veræ Confidentiaæ habet de remissione peccatorum, qui in juventute & sanitate sua veram pœnitentiam pro peccatis exercet. Nam ut Augustinus docet: Si quis positus in ultima necessitate ægritudinis suæ, voluerit accipere pœnitentiam & accipit,

August.  
Hom. 4.

Luc. 6.  
Matt. 11.

Tob. 4.



pit, & mox reconciliabitur, & hinc vadit, fateor vobis, non illi negamus, quod petit, sed non præsumimus, quia benè hinc exit. Fidelis benè vivens, securus hinc exit. Agens pœnitentiam, & reconciliatus, cùm sanus est, & postea benè vivens, securus hinc exit. Agens pœnitentiam ad ultimum & reconciliatus, si securus hinc exit; ego non sum securus. Nunquid dico, damnabitur? Non dico. Sed dico, etiam liberatur? Non. Vis te de dubio liberare, vis quod incertum est, evadere? Age pœnitentiam dum sanus es. Si enim agis veram pœnitentiam dum sanus es, & invenerit te novissimus dies, curre ut reconcilieris, si sic agis, securus es. Quare securus es? quia egisti pœnitentiam eo tempore, quo & peccare potuisti. Si autem vis agere pœnitentiam ipsam tunc, quando peccare non potes, peccata te dimiserunt, non tu illa. Ergò tene certum, & dimitte incertum. Qui ergò veram volunt obtinere pœnitentiam, oportet, quòd convertant vires suas ad opera spiritualia, juxtà illud Esaïæ: Qui Esa. 40. sperant in Domino, mutabunt fortitudinem, assument pennas sicut aquilæ, current & non laborabunt, ambulabunt & non deficient. Unde qui antè fuerunt fortes ad labores corpo-

rales, postea fortes etiam erunt ad labores spirituales.

**ARGUMENTUM** diffidentiae habet, qui vilipendens gratiam Redemptoris, sciens & volens in peccatis jacet. **Ioh. 9.** Unde in Evangelio legitur: Scimus quia Deus peccatores non exaudit, sed si quis Dei cultor est, voluntatem ejus facit, hunc exaudit. Et Psalmographus de seipso testatur: Iniquitatem si aspexi in corde meo, non exaudiet Dominus. **Psal. 65.** Tum praedicat Esaias: Iniquitates vestrae diviserunt inter vos & Deum vestrum, & peccata vestra absconderunt faciem ejus à vobis, ne exaudiret. **Isa. 59.**

**ARGUMENTUM** falsae Confidentiae habet, qui putat justissimum Deum intantum superari misericordia & pietate, ut tam bonos, quam malos in die judicii salvet, eò quod pro omnibus mortuus est Christus. At aperte scriptum est: Ibunt hi (injusti) in supplicium æternum. Sic & Athanasius affirmat: Qui bona egerunt, ibunt in vitam æternam, qui vero mala, in ignem æternum. **Matt. 25.**

**ARGUMENTUM** falsae Confidentiae habet, qui putat peccatorum primam gratiam promereri posse, quando ipsi placuerit, quum solus Deus det hanc gratiam sine meritis, cui & quando ipsi visum est. Item si quis credit, quod

quòd qui hîc abundat in temporalibus bonis, etiam in futuro abundet gaudiis sempiternis. Contra hoc dicit Psalmista: Videbunt iusti, scilicet divitem in inferno, & super eum videbunt, & dicent: Ecce homo, qui non posuit Deum Adjutorum suum, sed speravit in multitudine divitiarum suarum, & prævaluit in vanitate sua.

Psalm. 71.



# DE CONTEMPTU MUNDI.

## CAPUT XXXVII.

**V**ERUS Contemptus mundi est, abrenunciare rebus temporalibus, pompis sæculi, dignitatibus & prælaturis spiritualibus & sæcularibus, & abstrahere se ab amicis carnalibus, & moribus sæcularibus propter spem beatitudinis æternæ. Ad hoc monet B. Joannes in Canonica sua dicens: Nolite diligere mundum, neque ea, quæ in mundo sunt. Hunc Contemptum habuit B. Augustinus, cui displicebat, quidquid agebatur in sæculo, cumque colloqueretur cum matre sua valde dulciter, displicebat & vilescibat ei mundus cum delectationibus suis. Si-

1. Ioan. 2.

August.  
lib. 9. con.  
cap. 10.

Ff 5

mi-

militer Beata Agnes, Catharina, Cecilia & alia Virgines regnum mundi & omnem ornatum sæculi contempserunt propter amorem Domini nostri Iesu Christi.

Ad Contemptum & odium mundi inducere nos debet, quòd ille tantam infidelitatem exhibet in fine suis dilectoribus. Idem quoque factum est Creatori mundi à mundanis, quem in die Palmarum gloriòse susceperunt, **Math. 21.** exeuntes obviam ei & cantantes: Benedictus, qui venit in nomine Domini Rex Israël, postmodum verò ferià sextâ processerunt clamantes coram Pilato: **Ioan. 18.** Crucifige, crucifige eum. Reus est mortis. Si non esset hic malefactor, non tibi tradidissemus eum. Et cum **Math. 27.** penderet Dominus in cruce, deridebant eum dicentes: Si Filius Dei es, salva te ipsum. Et eundem quem cum palmis, floribus & frondibus antea susceperant, postea virentibus spinis coronaverunt, virgisque & flagellis cæciderunt. Tum, cui vestimenta in via straverant, eundem ante crucem omnibus vestibus spoliaverunt, & demum gloriam prius exhibitam omnino in contumeliam suo Messia mutaverunt.

Ad ejusdem mundi Contemptum & odium nos debet inducere periculum  
ex

ex amore mundi proveniens. Fit enim id, quod Salomon dicit: Ambulans recto itinere, & timens Deum, despici- Prov. 14.  
tur ab eo, qui infamigraditur via. Tum teste beato Jacobo Amicitia hujus mundi inimica est Deo, & qui voluerit Jacob. 4.  
esse amicus hujus sæculi, inimicus Dei constituitur. Præterea mundus odio habuit Dominum Jesum & omnes amicos ejus, sicut ipse Apostolis ad Joan. 15.  
consolationem dixit: Si mundus vos odit, scitote quia me priorem vobis odio habuit.

**ARGUMENTUM** veri Contemptus mundi habet, qui non curat generis nobilitatem, nec quærit carnis voluptatem, nec divitias, nec culmen honoris appetit. Talis fuit Moyses, de quo scribit Apostolus: Fide Moy- Hebr. 11.  
ses grandis factus, negavit se esse Filium filia Pharaonis (Contemptor scilicet nobilitatis) eligens magis affligi cum populo Dei, quam peccati temporalis habere jucunditatem (contemptor scilicet voluptatis) majores æstimans divitias thesauro Ægyptiorum, improprium Christi (spernens scilicet divitias) aspiciebat enim in Remuneratorem.

Aliud Argumentum veri Contemptus mundi habet, qui nec sæculi blanditiis mulcetur, nec minis terretur, nec  
vitu-

vituperio, nec laude humana move-  
tur, nec odio, nec favore hominum  
ad amorem mundi inclinatur. Ita

Philip. 3.

mundum contempsit Apostolus, quan-  
do dixit: Omnia arbitratus sum ut  
stercora, ut Christum lucrifacerem.

ARGUMENTUM falsi Con-  
temptus mundi habet, qui ab amore  
saeculi & illecebris mundi tunc primò  
se abstrahit, quando se prae senectute,  
debilitate, & paupertate in ipsis exer-  
cere non valet. Tunc verò non re-  
linquit ille mundum, sed à mundo re-  
linquitur, sicut heu! quàm plurimi  
sunt, qui tunc peccare desistunt, quan-  
do amplius peccare non possunt.

\*\*\*\*\*

## DE MACERATIONE CARNIS.

### CAPUT XXXVIII.

**M**ACERATIO Carnis vera est,  
cùm quis spontè castigat corpus  
suum jeuniis, vigiliis, orationibus,  
ciliciis, disciplinis, abstinentiâ cibi &  
potus delectabilis, ut in omnibus ca-  
ro spiritui subjiciatur. Hoc fecit Apo-  
stolus sic inquit: Castigo corpus  
meum

meum & in servitutem redigo. Fecit & Judith, quæ pulchra & juvenis erat vidua & dives, postquam manserat cum vi. o suo tribus annis à virginitate sua & sex mensibus, habuitque cilicium super lumbos suos, & jejunavit omnibus diebus præter dies solemnes in Jerusalem.

1. Cor. 9.  
Judith. 8.

Ad amorem Macerationis Carnis inducere nos debet magna Utilitas ex ea proveniens. Nam ex Maceratione carnis, spiritus in negotiis spiritualibus roboratur, juxta illud Apostoli: Cum infirmor (in carne) tunc fortior sum (in spiritu.) <sup>1. Corint.</sup> Contra verò ex molli-<sup>22.</sup> tie carnis vigor spiritus in spiritualibus hebetatur, juxta illud Augustini: Delicata caro animam concremat & consumit, sicut ignis stipulam.

**ARGUMENTUM** veræ Macerationis est, cum carni nulla voluptas, sed sola necessitas impenditur, juxta illud Apostoli dicentis: Debitores sumus non carnis, ut secundum carnem vivamus. Voluptas multò plura & delicatoria exigit, quàm necessitas requirit, sed necessitas paucis & vilibus est contenta. Et subjungit Apostolus <sup>Rom. 8.</sup> malum, quod consequitur voluptatem, dicens: Si secundum carnem vixeritis, moriemini, sed si spiritu facta carnis mortificaveritis, vivetis. Et alibi:  
Ma-

Galat. 5.

Manifesta sunt, inquit, opera carnis, quæ sunt fornicatio, immunditia, impudicitia, luxuria, idolorum servitus, veneficia, inimicitia, contentiones, æmulationes, iræ, rixæ, dissensiones, sectæ, invidia, homicidia, ebrieta-tes, comestiones, & his similia, quæ prædico vobis, sicut prædixi, quoniam qui talia agunt, regnum Dei non consequentur.

Luc. 14.

Aliud argumentum est. Macerata carnis, quando aliquis secundum consilium Jesu Christi odit animam suam in hoc mundo. Nam ipse Dominus dicit: Si quis venit ad me, & non

Gregor.

Hom. 37.

sup. Evang.

odit patrem suum, & matrem, & uxorem, & filios & fratres & sorores, adhuc autem & animam suam, non potest meus esse discipulus. Quod exponens Beatus Gregorius ait: Tunc benè animam nostram odimus, cum ejus carnalibus desideriis non acquiescimus, cum ejus appetitum frangimus, ejus voluptatibus reluctamur. Qui autem animam suam à concupiscentiis non refrenat, in laqueos diaboli se præcipitat, secundum illud Ecclesiastici: Si præstes animæ tuæ concupiscentias ejus, faciet te in gaudium inimicis tuis, sicut improba Dalila tradidit Samsonem fortissimum Philistæis hostibus illudendum.

AR:



**ARGUMENTUM** falsæ Maccrationis habet, qui tantum ventrem & os suum coërcet à cibi & potûs voluptate, & linguam tamen suam non compescit à verbis illicitis, nec visum, auditum, gustum, odoratum & tactum refrenat à delectationibus, neque cor suum à cogitationibus & affectionibus voluptuosis. Parum est enim os & ventrem restringere à cibis, ubi cor & omnes sensus delitiis pascuntur. Unde Chrysostomus: Qui à cibis abstinent, & mala agunt, dæmones imitantur, quibus non esca, sed nequitia semper adest.

\*\*\*\*\*

## DE CONTRITIONE.

### C A P U T XXXIX.

**C**ONTRITIO vera, est dolor pro peccatis voluntariè assumptus pro quantitate & qualitate criminum, una cum proposito confitendi & satisfaciendi, ex gratia gratuita proveniens: Dolor enim naturalis, vel dolor sine gratia nil prodest peccatori. Quantitatem doloris pro peccato debiti exprimit Jeremias, cum dicit: Luctum Jer. 6. unigeniti fac tibi. Hanc contritionem præ-

Joel 2.

cepit Dominus in Joële, dicens: Scindite corda vestra, & non vestimenta vestra. Adquam scissionem spirituales valent spinæ, clavi, virgæ, flagella, crux, lancea, quæ scindebant Corpus Christi Domini nostri. Vera Contritio rara est, unde Gregorius: Sciendum, quod sunt quidam, qui etiam sæculum relinquentes, totum quidem quod habent offerunt, & tamen in bonis, quæ agunt minimè compunguntur. Nec semper credendum est veram contritionem esse, ubi gemitus apparent & lachrymæ. Nam ex timore inferni, vel ex consideratione alicujus damni, vel ex naturali dolore, vel ex naturali compassione sæpè solent talia provenire, cum recordatur aliquis enormitatem scelerum suorum, vel acerrimam Passionem JESU Christi.

Ad veram Contritionem exigitur dolor de omnibus peccatis commissis, & de omnibus bonis omissis, & de omnibus gratiis neglectis, sibi & universitati, & similiter, quæ occasione sui committi, vel omitti, vel negligi per aliquos potuerunt.

Ad veram Contritionem inducere nos potest, si fideliter cogitamus, quid per peccatum amisimus, scilicet Spiritum sanctum unsi cum omnibus donis suis,

suis, omnesque virtutes gratuitas, amicitiam Trinitatis, societatemque celestis curiæ. Item cogitandum, quid acquisivimus per peccatum; æternam scilicet mortem, maledictionem Dei Patris. Nam teste Psalmista. *Maledicti, qui declinant à mandatis tuis.* Tum ad Contritionem excitat consideratum odium Domini nostri JESU Christi, qui odit omnes operantes iniquitatem, & quòd Spiritus sanctus aufert se à cogitationibus etiam, quæ sunt sine intellectu, multoque magis ab operibus malis. Hæc enim pejora sunt & horribiliora, quàm ipsa pœna gehennæ, ut dicit Chrysostomus.

*Psalm. 5.  
Psalm. 118.*

Ad idem nos inducere debet utilitas maxima, proveniens ex vera contritione. Nam minima contritio omnes animæ maculas delet, mortem æternam occidit, benedictionem Dei Patris confert, amicitiam Filii Dei reddit, familiaritatem Spiritus sancti, societatemque civium supernorum restituit. Et quantumcunque sit parva contritio, magis coram Deo satisfacit, quàm maxima eleemosynarum largitio. Hæc omnia sæpè ponderata in statera cordis, inductiva sunt veræ Contritionis.

ARGUMENTUM veræ Contritionis habet, qui in tantum detestatur

Gg

peg

peccati immunditiam, quòd omnem  
pœnam purgatorii libentiùs eligeret,  
quàm, quòd contrà benignissimum  
Deum unquam peccatum aliquod  
commisisset, qui pràterea ad pœnam  
infernalem se potiùs exhiberet, sicut  
Eleazarus, quàm quòd unquam de cæ-  
2. Mach. 6. tero ex proposito aliquod peccatum  
committeret, id quod etiam eligendum  
esse dicit Augustinus. Item, qui pœ-  
nam omnium Martyrum libentissimè  
sustineret, ut per hoc mereri posset,  
ne de cætero aliquod peccatum un-  
quam perpetraret. Et qui demùm  
omnem afflictionem ad infirmo-  
rum & pauperum sustinendam se li-  
benter offert, ut pro offensa Deo  
dignè satisfacere possit.

**ARGUMENTUM** falsæ Contri-  
tionis habet, qui quamvis peccata  
commissa vehementer desleat, tamen  
continuò post dolorem eadem vel alia  
committere non cessat. Contrà hoc  
dicitur in Ecclesiastico: Qui baptiza-  
tur à mortuo, & iterùm tangit mor-  
tuum, quid prodest lotio ejus? Simi-  
liter qui de peccatis pràteritis dolet, &  
de cætero peccata dimittere non pro-  
ponit, videlicet superbiam, invidiam,  
carnalem amicitiam, carnis delectatio-  
nem, injustam possessionem. De hac  
dicit Augustinus: Non dimittitur pec-

Augst.  
Epist. 54.  
ad Maced.

catum, nisi restituatur ablatum. Quare in Ecclesiastico legimus: Unus destruens, & alter ædificans, quid prodest eis nisi labor? Destruit autem, qui de peccatis dolet, ædificat, qui in voluntate peccandi manet. De hac mala ædificatione dicit idem Augustinus: Ex mala voluntate facta est libido, & dum servitur libidini, facta est consuetudo, & dum consuetudini non resistitur, facta est necessitas. Ecc. 34. Y  
Augst. in Conf.



## DE CONFESSIONE.

### CAPUT XL.

**C**ONFESSIO vera est, sincera peccatorum absque velamine coram Sacerdote legitimo manifestatio. Hanc præcipit Dominus, quando leprosis dixit: Iste, ostendite vos Sacerdotibus. Consonat B. Jacobus inquit: Confitemini alterutrum peccata vestra. Tum Joannes Apostolus in Canonica Epistola scribit: Si cor fiteamur peccata nostra, fidelis est justus, ut remittat nobis peccata nostra, & emundet nos ab omni iniquitate.

veram Confessionem exigitur, quod

Gg 2

Thren. 2.

quòd sit pura, integra, discreta, fidelis & perfecta juxta illud Threnorum: Effunde sicut aquam cor tuum ante conspectum Domini Dei tui. Ubi in effusione notatur integritas Confessionis. Non enim ex proposito dicenda sunt guttatim peccata, de quibus nunquam facta est Confessio, sed quidquid potest simul cogitari, id totum coram uno Sacerdote simul debet effundi. Additur, effunde sicut aquam, ad notandum, quòd Confessio & simplex debet esse & pura. Non enim ex timore servili, vel coactione facienda est Confessio, sed purè & simpliciter propter Deum. Effunde, inquit, cor tuum, ubi notatur discretio. Non enim confitenda sunt solum verba & facta, commissiones, omissiones, atque excessus, sed etiam cogitationes immundæ, morosæ affectiones, inspectiones impudicæ, inordinatæ intentiones, mixtæ voluntates, perversa judicia & suspensiones temerariæ. Nam, ut dicit Origenes, in extremo judicii die cogitationes accusabunt animas, vel defendent, non cogitationes quidem, quæ tunc erunt, sed quæ nunc sunt in nobis, quarum quædam notæ relinquentur in corde, velut in cera. Unde Salomon admonet: Revela Domino opera tua & dirigentur cogitationes tuæ.

Prov. 16.

Rur.

Rursus Confessionis fidelitas & perfectio verbis illis notatur, cum dicitur, cor ante conspectum Domini effundendum esse. Siquidem secundum agnitionem Dei omnia confitenda sunt: Ubi enim nos unum peccatum agnoscimus, omnipotens in sapientia divina mille cognoscit.

Ad Confessionem veram inducere nos debet certa remissio peccatorum, & mundatio animæ juxta illud Joannis jam ante citatum: Si confiteamur peccata nostra, fidelis est & justus, ut remittat nobis peccata nostra, & emundet nos ab omni iniquitate. Inducit etiam ad Confessionem, quod ad remissionem & propitiationem confitenti peccatori donandam astringitur Pater, & Filius, & Spiritus Sanctus, secundum illam sententiam: Etsi omnia novit Deus, vocem tuam Confessionis exspectat. Habet enim causam, ut pro te interveniat Christus, habet & causam ignoscendi Pater, quia quid, quid vult Filius, vult & Pater & Spiritus Sanctus.

1. Ioan. 1.

**ARGUMENTUM** veræ Confessionis habet, qui omnia peccata sicut aquam effundit, non ut remaneat color, sicut in effusione lactis, nec pinguedo, nec sapor, ut in effusione olei vel sanguinis, nec odor, ut in effusio-

Psal. 108.

ne vini vel aceti. Color autem quodammodò in confitente remanet, quùm dicitur peccatum, & tamen reticetur occasio, vel provocatio ad peccatum, ut fit in gula vel fornicatione. Pinguedo vel sapor remanet, cùm dicitur peccatum, & reticetur quantitas vel diuturnitas delectationis, in qua penitùs ratio absorbetur, juxta illud: Intravit sicut aqua in interiora ejus, & sicut oleum in ossibus ejus. Rursùs odor confitenti manet, cùm dicitur peccatum, & tacetur infamia, vel malum exemplum & scandalum aliorum. Sed verè confitens manifestat ipsum peccatum, & antecedentia peccatum, & subsequencia.

Aliud argumentum veræ Confessionis est, cùm confitetur quis peccata sua in numero, pondere & mensura. In numero quidem confitendum, id est, vices peccatorum recensendæ sunt, quia vulnus sæpiùs renovatum tardius sanatur. Item in mensura, ut diuturnitatem peccati confitearis, qui enim diutiùs infirmatur, citius moritur. Sed & in pondere, id est, in gravitate crimen confitendum est. Aggravatur enim peccatum ex loco sacro, ut est Ecclesia, Cœmeterium, vel ex sacro tempore, vel ex persona, ut si est



est Clericus, Canonicus, Monialis vel conjugata, cum qua peccatur.

ARGUMENTUM falsæ Confessionis est, cum propter hoc aliquis confitetur, ne infidelis dicatur, vel ut sanctior reputetur, vel ne ipsi Sacra Communio cum confusione negetur. Sic ferè confitebatur Saul, ne à Propheta Samuele coràm populo confunderetur. *1. Reg. 15.*



## DE POENITENTIA.

### CAPUT XLII.

**P**OENITENTIA vera exterior est abstinencia à licitis, cum de illicitis venia postulatur. Sic poenitentes & claustrales à carnibus abstinere, delicatas vestes abjiciunt, jejunia servant, vigiliis insistant, disciplinis se affligunt, silentium tenent, propriam voluntatem frangunt, & à multis delectationibus abstinere, cujusmodi licita eis essent, si nunquam illicita commisissent. Hanc poenitentiam præcepit Dominus JESUS, sicut & B. Joannes Baptista prædicavit, dicens: Poenitentiam agite, appropinquavit enim Regnum cœlorum. *Matth. 4. & 3.*

Gg 4

Ad


Ad veram pœnitentiam nos inducere debet necessitas, quoniam absque ipsa non est salus, testante Domino :  
**Lut. 13.** Nisi pœnitentiam habueritis, omnes similiter peribitis. Et Augustinus affirmat : Peccata sive parva, sive magna sint, impunita esse non possunt.  
**August. in sent. 2<sup>o</sup> O.** Unde Dominus indixit Regi David pœnitentiam pro peccato ejus, quia populum numeraverat, ut nempe vel sustineret septem annis famem super terram, vel tribus mensibus vindictam inimicorum, vel tribus diebus pestilentiam ferret. Elegit autem David sibi & populo communem plagam mortis. Per hoc significatur, quod necessario quilibet pro peccatis suis, vel punietur in inferno, id quod septem anni famis designant, vel in purgatorio, per tres menses hostilis violentiæ significatur, vel ut temporali pœna puniatur, quàm pestilentia trium dierum ostendit. Sicutile est nobis etiam, si sapimus, pœnitentiam levissimam & subito transeuntem eligere Davidis exemplo.

**ARGUMENTUM** veræ Pœnitentiæ est, observatâ debitâ pœnæ contra culpam commensuratione, ut secundum quantitatem culpæ sit quantitas & gravitas pœnæ, utque secundum delectationem culpæ sit diuturni-

ni-

nitas poenæ, & rursùm, ut secundùm  
multiplicitatem culpæ sit multiplicitas  
poenæ. Hoc est, quod Joannes Bapti- Luc. 3.  
sta docet: Facite dignos fructus Pœni- Math. 3.  
tentia. Sicut enim singulæ infirmita-  
tes corporis habent necessario singu-  
las medicinas, & nulla tam efficax est,  
ut sanet omnes ægritudines, ita & sin-  
gulorum Peccatorum genera specia-  
lem habent Pœnitentiam, quâ debeant  
expiari. Non enim directè emenda-  
tur superbia per eleemosynam, rancor  
& invidia per orationem, avaritia  
per jejunium, impudicitia per vigi-  
lias, &c. Sed superbiæ directè satis-  
fit per humilitatem, avaritiæ per ele-  
emosynarum largitionem, impuditiæ  
per carnis macerationem, gulæ per  
jejunium, loquacitati per orationem,  
invidiæ per charitatem, injuriæ proxi-  
mo factæ per remissionem, rapinæ  
& injustæ possessioni per restitutio-  
nem. Si verò quis non potest (sicut  
dicit Chrysostomus) explere omnem  
satisfaciendi ordinem, tunc benignus  
Deus qualemcunque suscipit emenda-  
tionem, tunc pro injustis rebus valet  
jejunium, si non potest restituere. Ita  
si non potest jejunare, valet oratio, &  
si non potest orare præ infirmitate, suf-  
ficit Deo bona voluntas,

ARGUMENTUM falsæ Pœnitentiae est, sicut dicit Innocentius, cùm pœnitens ab Officiò curiali vel negotiali non recedit, quod sine peccato nullatenus agi potest, aut si odium in corde gesserit. Tum si offenso cuilibet non satisfaciat, aut si offensus offendentem non indulgeat, aut si arma contra justitiam gerat. Item falsa est Pœnitentia, quando unum peccatum emendatur, & de alio non curatur.



## DE PERSEVERANTIA.

### CAPUT XLII.

**P**ERSEVERANTIA vera est, in bonis operibus frequens exercitatio, continuum studium ad perfectionem, ac spiritualium gratiarum & virtutum diligentissima usque ad mortem conservatio. Ad hanc perseverantiam invitat nos Dominus in Apocalypsi dicens: Esto fidelis usque ad mortem, & dabo tibi coronam vitæ. Hanc perseverantiam habuit Job, ideoque dixit: Donec deficiam, non recedam ab innocentia mea. Habuit eam &

To-

Apoc. 2.

Iob. 27.

**Tobias**, qui occisorum corpora occultavit in domo sua, & mediis noctibus ea sepelivit. Et licet eum Rex propter hoc spoliari jusserit & occidi, non tamen idcirco pium opus intermisit. Tob. i.

Ad amorem Perseverantiæ inducere nos debet maxima utilitas ex ea proveniens. Nam inde omne opus bonum & omnis virtus coronatur, & tota salus hominis in ea consistit secundum illud Domini nostri Jesu Christi: Qui Matt. 24.  
perseveraverit usque in finem, hic salvus Matt. 10.  
erit. Sine hac perseverantia nulla virtus meretur præmium cœlestē, nullum opus bonum est remunerabile, sine illa demum omnis perfectio in nihilum redigitur. Quid enim profuit Apostolo & traditori Judæ, quod ipsum Dominus de mundo elegerat? Quid ei profuit diuturna familiaritas JESU Christi? quid sancta prædicatio, quam sæpè ab ipso audierat? Quid exempla mirabilia? Quid virtutes, quas in Christo viderat? Quid societas Apostolorum? Quid gratia illi collata ad Evangelium prædicandum, & ad miracula facienda? Nam & Dominus illi sicut & aliis Apostolis dixit: Matt. 10.  
Euntes prædicate, dicentes: Quia appropinquavit regnum cœlorum. Infirmos curate, mortuos suscite, leprosos mundate, dæmones ejicite.

AR.

**ARGUMENTUM** veræ Perseverantiae habet, qui nec amore vitæ, nec timore mortis, nec minis, nec promissis à rectitudine iustitiæ flexi potest.

**Dan. 13.** Hoc pacto Susanna mortem non timens dixit: Si hoc egero, scilicet peccatum, mors mihi est, si autem non egero, non evadam manus vestras. Sed melius est mihi absque opere incidere in manus vestras, quam peccare in conspectu Domini. Sic & **1. Mach. 2.** thathias magna voce dixit. Et si omnes gentes obediant Regi Antiocho, ut discedant unusquisque à servitute legis patrum suorum, & consentiant mandatis ejus, ego & filii mei, fratres mei obediemus legi Patrum nostrorum. Propitiùs sit nobis Deus. Non est nobis utile relinquere legem & iustitiam Dei. Non audiemus verba Regis Antiochi.

**ARGUMENTUM** falsæ Perseverantiae habet, qui de sua sanctitate falso præsumit, quod in peccatum cadere non possit. Ex hoc fonte præsumptionis nascitur animi libertas, ac homo deinde non habet custodiam sui, ut sit ei impossibile in sanctitate perseverare. Nam & si Apostoli essent in mundo, nec haberent custodiam sui, cadere possent, sicut **David**, qui adulterium

rium & homicidium perpetravit, quia  
in custodia oculorum negligens fuit.



B.

ALBERTI CON-  
FESSIO RPO HUIUS OPERIS  
CONCLUSIONE.

**C**ONQUEROR tibi Deus san-  
ctissime! cum omnibus lachrymis  
& guttis sanguineis dilectissimi Filii  
tui, quod adhuc non perveni ad prin-  
cipium alicujus virtutis in ea perfectio-  
ne, sicut hinc scriptum est. Gaudeo  
tamen, quod omnes virtutes perfectius  
habebimus, quam humanus valeat  
apprehendere intellectus. Confiteor  
tibi Domine, quod beatus est in præ-  
senti, & beatior erit in futuro, qui  
has virtutes habet in ea perfectione, si-  
cut hinc scriptæ sunt, licet fortè minùs  
ad salutem sufficiant.

Peto etiam Domine! cum omni de-  
siderio Filii tui, & Spiritûs Sancti, &  
omnium creaturarum, ut des mihi di-  
cretionem inter virtutes gratuitas, &  
naturales, & similitudines virtutum.  
Et

154 *Alberti Magni Ench. de veris virtut.*

Et quicumque legerit hanc materiam,  
vel de ipsa audierit, vel cogitaverit,  
tu omnipotens Deus confer ei saltem  
unicam veram & perfectam virtutem.  
Certus sum, qui habuerit unam à te  
Domine, omnes simul habet, & qui  
crescit in una, simul crescit in omni-  
bus, & qui in una decrescit, in omni-  
bus simul decrescit, & qui unà carue-  
rit, nullam habet, quia omnes  
unitæ sunt in gratia.

O. A. M. D. G.





✻( o )✻



# I N D E X

## Capitum hujus Opu- sculi.

<b>C</b> haritas.	Fol. 1.
Humilitas.	6.
Obedientia.	9.
Patientia.	14.
Paupertas.	17.
Castitas.	21.
Abstinencia.	24.
Prudentia.	29.
Fortitudo.	33.
Iustitia.	36.
Temperantia.	39.
Compassio.	43.
Pax.	46.
Misericordia.	49.
Concordia.	53.
Constantia.	56.
Largitas.	59.
Veritas.	62.
Manusuetudo.	65.
Fides.	67.
Spes.	70.
Timor.	72.
Lætitia.	77.
Tri-	



Tristitia.	80.
Gratitudo.	84.
Zelus animarum.	87.
Libertas.	92.
Religio.	95.
Maturitas.	100.
Simplicitas.	103.
Taciturnitas.	106.
Solitudo.	110.
Contemplatio.	114.
Discretio.	119.
Congratulatio.	124.
Confidentia.	127.
Contemptus mundi.	133.
Maceratio carnis.	136.
Contritio.	139.
Confessio.	143.
Pœnitentia.	147.
Perseverantia.	150.
Conclusio operis.	153.



**B.**  
**ALBERTI**  
**MAGNI**  
**ORD. PRÆD.**

De  
**ADHÆRENDO DEO**  
**LIBELLUS.**

**Omni homini Christiano,**  
**præcipuè tamen Clerico,**  
**Religiosoque apprimè**  
**necessarius.**







# CAPUT I.

De ultima & summa perfectione  
hominis , quantum in hac vita  
possibile est.



COGITAVI mihi aliquid  
ultimatè ( in quantum  
possibile est in hujus  
exilii & peregrinationis  
immoratione ) depin-  
gere , scriptitando de &

super ab omnibus plenâ & possibili  
abstractione , & cum solo Domino  
Deo expeditâ , securâ , & nudâ fir-  
mâque adhæsiōe : præsertim cum ip-  
sius Christianæ perfectionis finis sit  
charitas , quâ Domino Deo adhære-  
tur. Ad quam quidem adhæsiōem  
charitativam omnis homo de necessi-  
tate salutis tenetur , quod sit præcep-  
torum observantiâ , & divinæ volun-  
tatis conformitate , quorum observan-  
tia excludit omne , quod repugnat cha-  
ritatis essentia & habitui ; cujusmodi  
sunt peccata mortalia. Religiosi verò  
adstrinxerunt se etiam ad Evangeli-  
cam perfectionem , atque ad ea , quæ

Joan. 4.

Matth. 6.

supererogationis & consilii sunt, per quæ expeditius ad ultimum finem, qui Deus est, pervenitur, per quorum observantiam excluduntur ea etiam, quæ impediunt actum seu fervorem charitatis, quò minùs possit quis in Dominum Deum ferri; cujusmodi sunt abrenuntiatio omnium rerum, corporis insuper & animæ, professionis duntaxat voto excepto. Quoniam quidem spiritus cùm sit Dominus Deus, & eos qui adorant eum, in spiritu & veritate oportet adorare; id est, cognitione & amore, intellectu & affectu, ab omnibus phantasmatibus nudis. Hinc est illud Matth. 6. *Cùm oraveris, intra in cubiculum tuum, id est, cordis tui intima, & clauso ostio, scilicet sensuum tuorum, & inibi corde puro, & conscientia bonâ, & fide non ficta Patrem tuum in spiritu & veritate in absconso.* Quod tunc congruè fit, cùm homo ab omnibus aliis fuerit exoccupatus & exutus, & totus intra se receptus: ubi universis & singulis exclusis & oblitis, coram Jesu Christo, tacito ore, sola mens desideria sua securè Domino Deo suo fiducialiter pandit, ac per hoc toto cordis & amoris affectu se in eum intissimis medullis omnium virium suarum sincerissimè ac plenissimè diffundit & immergit, dilatat & inflamat, & resolvit in se.

CA-

CAPUT II.

Qualiter quis omnibus aliis spretis  
soli Christo inhæreat & intendat?

**V**ERUMTAMEN quicumque ta-  
lem statum aggredi & ingredi de-  
siderat & satagit, opus est omnino, ut  
velut clausis oculis & sensibus, de nullo  
se penitus implicet aut perturbet, solli-  
citus sit, aut curet; sed cuncta tan-  
quam impertinentia & noxia ac pern-  
ciosa funditus excutiat, deinde se to-  
tum intra se recipiat, nec aliud unquam  
objectum in ibi mente attendat, quam  
solum Jesum Christum vulneratum,  
sicque per eum in eum, id est, per ho-  
minem in Deum, per vulnera humani-  
tatis ad intima divinitatis suæ sedulo &  
obnixè intendat, ibique se, suaque sin-  
gula ac cuncta, indiscussè suæ infa-  
tigabili providentiæ committat expe-  
ditè & securè, juxta illud Petri: *Omnem*

1. Pet. 5.

*solicitudinem projicientes in eum, qui po-  
test omnia. Et iterum; Nihil solliciti  
sitis. Et rursus: Facta cogitatum tuum  
in Dominum, & ipse te enutriet. Et ite-  
rùm: Mihi adhaerere Deo, bonum est.*

Philip. 4.

Psal. 14.

Psal. 74.

Psal. 15.

*Et: Providebam Dominum in conspectu  
meo semper. Et Sponsa in Canticis:*

Cant. 3.

*Inveni, quem diligit anima mea. Quippe*

Sap. 7.

*venerunt mihi omnia bona pariter cum illa.*

*Nempè hic est thesaurus ille cœlestis  
absconditus, nec non margarita pre-*

cloſa, quæ præ omnibus comparata  
 fiducia humili, conatu instantiſſimo,  
 taciturnitate tranquilla, etiam uſque  
 ad corporalis commodi, laudis vel ho-  
 noris jacturam, in fortitudine ſpiritus  
 quaeritur. Alioquin quid proficit Re-  
 ligioſus, ſi totum mundum lucretur,  
 & animæ ſuæ detrimentum patiatur?  
 Aut quid relevat ſtatus, profeſſio-  
 nis ſanctitas, perfectionis habitus,  
 tonsura, & exterioris diſpoſitio con-  
 verſationis ſine vita in ſpiritu humili-  
 tatis & veritatis, ubi Chriſtus habitat  
 per fidem charitate formatam? Hinc  
 eſt illud Lucæ 17. *Regnum Dei intra vos*  
*eſt, quod eſt Chriſtus Jeſus.*

Luc. 17.

### C A P U T III.

Quæ ſit conformitas perfectionis  
 hominis in hac vita.

**P**ORRO quantò plus mens ſollici-  
 ta eſt ad iſta inferiora & humana  
 cogitanda & tractanda, tantò  
 plus à ſuperioribus & cœleſtibus per  
 devotionis intima elongatur, & quan-  
 tò ferventiùs ab inferiorum memoria,  
 affectu & intellectu ad ſuperiora ſen-  
 ſus colligitur, tantò perfectior erit  
 oratio, & purior contemplatio, quia  
 ſimul perfectè non poteſt eſſe utriſque  
 intenta, quæ ſicut lux & tenebræ ſunt  
 diviſa. Quippe, qui Deo adhæret.

ver.



versatur in lumine, qui verò mundo adhæret, in tenebris est. Qua ex re, est hominis in hac vita sublimior perfectio; ita Deo uniri, ut tota anima cum omnibus potentiis suis & viribus in Dominum Deum suum sit collecta, ut unus fiat spiritus cum eo, & nihil meminerit nisi Deum, nihil sentiat, vel intelligat nisi Deum, & omnes affectiones in amoris gaudio unitæ, in sola Conditoris fruitione suaviter quiescant. Imago enim Dei in his tribus potentiis in anima expressa consistit, videlicet, ratione, memoriâ, & voluntate. Et quamdiu illæ ex toto Deo impressæ non sunt, non est anima deiformis juxta primariam animæ creationem. Forma nempe animæ Deus est, cui debet imprimi, sicut cera sigillo, & signatum signo signatur. Hoc autem numquam plene fit, nisi cum ratio perfectè juxta capacitatem suam illuminatur ad cognitionem Dei, qui est summa veritas, & voluntas perfectè afficitur ad amandam summam bonitatem, & memoria plenè absorbetur, ad intuendum & fruendum æterna felicitate, & ad suaviter & delectabiliter in ea quiescendum. Et quia in horum consummata adeptione consistit gloria beatitudinis, quæ perficietur in Patria,

Hh 4

tria,

tria, liquet, quòd istorum perfecta inchoatio est perfectio in hac vita.

#### C A P U T IV.

Qualiter operatio humana debeat esse in solo intellectu, & non in sensibus.

**F**ELIX ergò, qui per absterfionem continuam phantasmatum & imaginum, ac per introversionem & inibi per sursum ductionem mentis in Deum, tandem aliquando obliviscitur phantasmatum quodammodo, ac per hoc consequenter operatur interiùs nudo ac simplici ac puro intellectu & affectu circa objectum simplicissimum Deum. Omnia igitur phantasmata, species, imagines, ac formas rerum omnium citra Deum à mente rejicias, ut in solo nudo intellectu & affectu ac voluntate tuum pendeat exercitium circa Deum intra te. Nempè finis omnium exercitiorum hic est, scilicet intendere & quiescere in Domino Deo intra te per purissimum intellectum, & devotissimum affectum sine phantasmatibus & implicationibus. Huiusmodi autem exercitium non fit in organis carneis, & sensibus exterioribus, sed per quod quis homo est, homo verò quis est intellectu & affectu. Et idcirco, quamdiù homo cum phant.

phantasmatibus & sensibus ludit ; & eis insistit ; videtur nondum exiisse motus & limites bestialitatis suæ, hoc est, illius, quod cum bestiis habet commune. Quia illæ per phantasmata & per tales sensitivas seu sensibiles species cognoscunt & afficiuntur, & non aliter, eò quòd altiore vim animæ non habeant. Secus est de homine, secundum intellectum & affectum & liberum arbitrium, ad Dei imaginem, & similitudinem creato, quibus debet Deo immediate, purè & nudè imprimi, & uniri, firmiterque inhærere. Quamobrem diabolus diligentissimè & maxime conatur impedire illud exercitium, quantum potest, ex quo est quodammodò præambulum & initium vitæ æternæ, invidens super hoc homini. Idcirco nititur semper mentem hominis alienare à Domino Deo, nunc per istas, nunc per illas tentationes seu passiones, nunc sollicitudine superflua & curâ indiscretâ, nuncurbatione, & conversatione dissoluta, curiositatēque irrationabili, nunc per studia librorum subtilium, colloquia aliena, rumores & novitatem, nunc per aspera, nunc per contraria, &c. Quæ tamen etsi nonnunquam levia & tamquam nulla videantur peccata, tamen magna sunt impedimenta hujus  
san-

sancti exercitii & operis. Et ideo, etiam si utilia & necessaria visa fuerint, siue magna siue parva, ut noxia & pernicioſa illico sunt rejicienda penitus, & à ſenſibus propellenda. Summoperè igitur neceſſarium eſt, ut audita, viſa, facta, & dicta, & cætera ſimilia ſine phantaſmatibus, imaginibus & occupationibus recipiantur, nec etiam ex conſequenti vel antea vel tunc ſuper hoc phantaſmata & implicationes formentur & nutriantur. Et ita quando phantaſma non venit ad memoriam & mentem, tunc non impedit hominem, ſive in oratione, meditatione, & pſalmodia, ſive in alia quacumque operatione & exercitatione ſpirituſuali, nec ruſſum iteratò occurreret ei. Et ſic expedite, ſecureque totum, etiam plenè omnia & ſingula committe infallibili & certiffimæ divinx Providentiæ cum ſilentio & quiete, & ipſa pugnabit pro te, & melius, honeſtius, ac dulcius liberabit te & conſolabitur, quàm ſi tu ſemper die noctumque de hoc continuè phantaſiareſ, & vana, vagaque ac captiva mente fatue ſic & ſic, hinc & inde diſcurreres errabundus, nec non mente & corpore deficiens tempus perderes, & vires ſtulte ac irrationabiliter conſumeres. Cuncta ergò & ſingula unde;

decumque & qualitercumque occurrerint ortum habeant, sic accipe cum taciturnitate & tranquillitate æquanimiter, quemadmodum de manu Paternæ, divinæque providentiæ tibi venirent. Nuda igitur te à phantasmatibus omnibus rerum corporearum, juxta tui statûs & professionis exigentiam, ut nuda mente & sincerè inhæreas ei, cui te simpliciter & totaliter devovisti, ut nihil quodammodo possibile sit medii inter animam tuam & ipsum, ut purè, fixèque fluere possis à vulneribus humanitatis in lumen suæ divinitatis.

## C A P U T V.

De cordis puritate, quæ est præ omnibus sectanda.

**S**I igitur recto & securo tramite ac breviter ad finem beatitudinis viæ & patriæ, gratiæ & gloriæ, pervenire desideras & satagis, tunc intenta mente sedulo aspira ad perpetuam cordis munditiam, & puritatem mentis, ac sensuum tranquillitatem, atque cordis affectum recollige, & jugiter desige sursum in Dominum Deum, & inter hæc abstrahere te à familiaribus tuis, & ab omnibus hominibus, in quantum in te est, & negotiis hujusmodi propositum tuum impediuntibus semper

ca.

captans opportunitatem, ubi & quando possis locum, tempus, & modum reperire quietis ac contemplationis, carpens silentii secreta, præsentisque sæculi vitare naufragia, nec non perstreptentis mundi fugere perturbaciones. Qua de re omni tempore puritati, munditiæ, ac quieti cordis principaliter stude, ut videlicet continuè, velut clausis carnalibus sensibus, in te metipsum convertaris, & cordis ostia à formis & phantasmatibus sensibilibus, & imaginationibus terrenorum, quantum possibile est, habeas diligenter serata. Nempè cordis puritas inter omnia exercitia spiritualia quodammodo ( tamquam finalis intentio, ac laborum omnium retributio, quam in hac vita spiritualis quisque & verè religiosus recipere consuevit ) sibi vendicat principatum. Idcirco cor tuum, sensus & affectum, cum omni diligentia, solertia & conatu absolvas ab his omnibus, quæ libertatem ipsius possent impedire, insuper ab omni re mundi possibilitatem habente alligandi & vincendi te. Sicque cunctas dispersiones cordis, & affectiones mentis in unum verum, simplex, & principalissimum bonum recolligere, & intra te tamquam in uno loco collectas habere agoniza, ac per hoc rebus  
di.

divinis, Deoque mente semper inhære-  
re, atque derelicta fragilitate terrena  
cor ad superna in intimis tuis in Jesu  
Christo jugiter transformare conare.  
Quapropter incipis te nudare & puri-  
ficare à phantasmatis & imaginibus,  
& simplicare & tranquillare fiducia-  
liter in Domino Deo cor tuum & men-  
tem tuam, ut haurias & sentias fontem  
divini beneplaciti in omnibus interio-  
ribus tuis, & per bonam voluntatem  
sis Deo unitus in intellectu, sufficit  
tibi hoc pro omni studio & lectione  
Sacrae Scripturae, & ad dilectionem  
Dei & proximi, ut Unctio docet.  
Omni igitur studio, conatu, & labore  
simplicifica cor tuum, ut à phantasmati-  
bus immobilis & tranquillus converta-  
ris, & stes in Domino semper intrà te,  
tamquam si anima tua sit in illo. **NUNCE**  
æternitatis, id est, divinitatis, taliter  
scilicet, ut amore Jesu Christi de cor-  
de puro, conscientia bona, & fide non  
fictate ipsum deseras, & totum te Deo  
in omni tribulatione & eventu totali-  
ter plenè committas, ejusque volun-  
tati & beneplacito parère semper & pa-  
tienter affectes. Quod ut fiat, necesse  
est, ut frequenter ad cor redeas, & in  
eo persistas, & ab omnibus, quantum  
possibile est, te ipsum absolvas, men-  
tis oculum semper in puritate & tran-  
quil-

quillitate custodias, intellectum à phantasmatis & formis rerum infimarum præserve, voluntatis affectum à curis terrenorum penitus absolvas, & summo vero bono amore fervido radicatus inhæreas, memoriam quoque jugiter habeas sursum elevatam, & in ipso eodem vero, summo bono, ac solo essentiali & increato firmiter stabilitam; ita duntaxat, ut tota anima cum omnibus potentiis & viribus suis in Deum recollecta, unus fiat spiritus cum eo, in quo summa perfectio viæ consistere cognoscitur. Hæc verò unitas spiritus & amoris est, quò homo omnibus votis supernæ & æternæ voluntati conformis efficitur, ut sit per gratiam, quod Deus est per naturam. Interea animadvertendum, quòd in eo ipso momento, quò quis suam Dei auxilio potest vincere voluntatem, id est, inordinatum amorem aut zelum à seipso abjicere, sic scilicet, ut Domino Deo de omni sua necessitate audeat planè totaliter confidere, hoc ipso facto in tantum Deo complacet, ut suam ei gratiam largiatur, & per ipsam gratiam veram sentiat charitatem & dilectionem, omnem ambiguitatem & timorem expellentem, in Deoque confidenter sperantem. Itaque nihil beatius esse potest, quàm omnia in



in illo ponere , in quo nullus est defectus. Proinde quamdiu stas in te, & non stas , projice te totum in Deum securè, & suscipiet te , sanabit & salvabit te. Hæc si continuè intrà te veraciter revolveris, plùs tibi ad beatam vitam conferent, quàm omnes divitiæ, deliciæ, honores, insuper & omnis sapientia & scientia hujus sæculi fallacis & corruptibilis Mundi & vitæ, etiamsi in his excelleres omnes, qui unquam fuerunt.

## C A P U T V I.

Quòd adhærere debet homo devotus Deo, nudato intellectu & affectu.

**E**T quia quantò magis te nudaveris à phantasmatibus & implicationibus exterioribus mundanis & sensibilibus, tantò magis anima tua recuperabit vires & interiores sensus suos, ut sapiant ei, quæ sursùm sunt; discce ergò abstinere à phantasmatibus & imaginibus rerum corporalium, quia super omnia placet Deo mens nuda ab hujusmodi formis & speciebus , cujus etiam deliciæ sunt esse cum filiis hominum, videlicet, qui à talibus occupationibus & distractionibus & passionibus tranquillâ, purâ & simplici mente sibi intendunt, vacant & adhærent. Alioquin

quin si in talibus memoria, imaginatio & cogitatio tua sæpè vacat, necesse est, vel rebus novis, vel reliquiis antiquorum deliniri, vel secundum alia objecta variè qualificari. Unde Spiritus sanctus aufert se à cogitationibus, quæ sunt sine intellectu. Verus itaque Iesu Christi amator sic debet esse unitus intellectu per bonam voluntatem divinæ voluntati & bonitati, & nudus ab omnibus phantasmatibus & passionibus, ut non advertat, si derideatur, diligatur, vel quidquid sibi inferatur. Voluntas namque bona omnia complet, super omnia est. Unde si voluntas adsit bona, & Deo in intellectu purè conformis & unita fuerit, non nocet, si caro & sensualitas & exterior homo moveatur ad malum, & torpeat ad bonum, aut etiam si interior homo torpet devotionem affectare, sed tantum fide & bona voluntate adhærere debet Deo in intellectu nudè. Et hoc facit, si omnem imperfectionem & nihilitatem suam animadvertat, & cognoscat bonum suum in solo Creatore consistere, & cum suis potentiis & viribus se, ac cunctas creaturas relinquit, atque ex toto & totum se in Creatorem suum immergit; ita quòd omnes operationes suas dirigit purè ex toto in Dominum Deum suum, nec extra eum quid-

quidquam quærit, in quo percipit invenisse omne bonum, & omnem felicitatem perfectionis. Et sic transformatur quodammodò in Deum, quod nec cogitare, nec intelligere, nec amare, nec memorare potest, nisi Deum pariter & de Deo, creaturas autem alias & seipsum non videt, nisi tantum in Deo, nec diligit nisi solum Deum, nec memoratur de eis vel de se, nisi in Deo. Hæc verò cognitio veritatis semper facit animam humilem, seipsam, non alium judicantem, sed econtrà mundana sapientia facit animam superbam, vanam, turgidam, & vento inflatam. Sit itaque hæc spiritualis & fundamentalis doctrina, quod accedens ad Dei notitiam, servitium & familiaritatem, & si vis Deum veraciter possidere, necesse est, quod cor tuum denudes omni amore sensibili, non tantum cujuscumque personæ, sed etiam cujuscumque creaturæ, ut simplici ac toto corde, secundum omne tuum posse tendas in Dominum Deum tuum Creatorem, liberè, absque omni duplicitate, curâ & sollicitudine, plenâ fiduciâ in sola ejus providentia de omnibus.

## CAPUT VII.

Qualiter cor sit recolligendum  
intra se.

**P**RÆTEREA, sicut dicitur in libro de spiritu & anima cap. 21. ascendere ad Deum, hoc est, intrare in seipsum. Qui enim interius intrans, & intrinsecus penetrans seipsum transcendit, ille veraciter ad Deum ascendit. Ab hujus ergo mundi distractionibus cor nostrum colligamus, & ad interiora gaudia revocemus, ut aliquando in divinæ contemplationis lumine hoc figere valeamus. Nam hæc est vita & requies cordis nostri, cum in Dei amore per desiderium figitur, & ejus consolatione suaviter reficitur. Sed quod in hujus rei experimentalis degustatione multipliciter impedimur, & nequâquam ad ipsum pertingere sufficiamus, ratio in promptu est, quia mens humana sollicitudinibus distracta, non intrat se per memoriam phantasmatis obumbrata, non redit ad se per intellectum concupiscentis illecta, ad seipsam nequâquam revertitur per desiderium suavitatis internæ & lætitiæ spiritualis, ita totaliter in his sensibilibus & præsentibus jacens, non potest ad se tamquam ad imaginem Dei intrare. Oportet ergo, & necesse est,  
ut

ut cum humilitatis reverentia, ac fiducia  
nimiâ mens elevet se supra se & omne  
creatum per abnegationem omnium, &  
ut dicat intra se: Quem ex omnibus, &  
præ omnibus, & super omnia quero,  
diligō, appetō, & desidero, non est  
sensibilis, neque imaginabilis, sed su-  
per omne sensibile & intelligibile, nullo  
unquam sensu est perceptibilis, sed ple-  
no desiderio totus desiderabilis, non  
insuper est figurabilis, sed intimo affe-  
ctu perfectissimè appetibilis, non est  
æstimabilis, sed mundo corde totus  
affectibilis, quia super omnia amabi-  
lis & delectabilis; infinitæque boni-  
tatis & perfectionis. Et tunc fertur in  
mentis caliginem, & altius intra se ele-  
vatur, & profundius ingreditur. Et  
hic modus ascendendi usque ad ænig-  
maticum contuitum sanctissimæ Tri-  
nitatis in Unitate, Unitatis in Trini-  
tate, in Jesu Christo, tantò est ar-  
dentior, & tantò fructuosior, quantò  
affectu proximior. Quippè in spiri-  
tualibus illa sunt superiora, quæ inti-  
miora, quò ad experientias spiritua-  
les. Quapropter nunquam desistas,  
nunquam quiescas, donec futuræ il-  
lius plenitudinis aliquas (ut ita dicam)  
arrhas seu experientias degustes, & do-  
nec divinæ suavitatis dulcedinem per  
quantulascúmque primitias obtineas,

& in odorem ipsius post eam currere non desinas, donec videas Deum Deorum in Sion. In spirituali enim profectu, & cum Dei intra te Unione & adhæresione non quiescas, nec retrocedas, donec assecutus fueris quod intendis. Exemplum hujus accipe in simili ab ascendentibus montem naturalem. Si enim spiritus noster, in his, quæ deorsum transcunt, se per cupidinem immerferit, statim per infinitas distractiones & itinera obliqua rapitur, & à se quodammodò divisus dissipatur, & quasi in tot spargitur, quot ea sunt, quæ per desideria concupiscit. Hinc motus sine stabilitate, cursus sine perventione, labor sine requie. Si verò cor & spiritus noster ab hac inferiorum infinita distractione, quæ deorsum est, per desiderium & amorem se traxerit, & hæc infima deferens paulatim se intrà se in unum immutabile sufficiens bonum colligens, secum esse didicerit, & ei inseparabiliter quodam affectu inhæserit, tantò ampliùs in unum colligitur & fortificatur, quantò magis agnitione & desiderio sursum elevatur, & in ipso vero summo bono intrà se habituatur, donec tandem omninò immutabilis fiat, & ad illam veram vitam, quæ ipse Dominus Deus est, immutabiliter perveniat, ut perpe-

petuò sine omni mutabilitatis & temporis vicissitudine requiescat jam in illo intrinseco, & quieto, ac secreto divinitatis manerio, perfectè collocatus intra se in Christo Jesu, qui est Via ad se Venientibus, Veritas, & Vita.

## C A P U T VIII.

Quomodo in quolibet eventu homo devotus se debeat Deo committere.

**C**REDO jam & arbitror, quòd ex hucusque deductis cognoscas, quòd, quantò magis magisque te nudaveris à phantasmatis, & omnibus rebus mundialibus & creatis, ac per bonam voluntatem intellectu Deo unitus fueris, tantò magis ad statum innocentiae & perfectionis appropinquas. Quò quid melius? Quid vefeliciùs ac jucundiùs? Super omnia ergò valet, ut teneas mentem nudam sine phantasmatis & imaginibus, & à quibuscumque implicationibus, ut nec de mundo, nec de amicis, nec de prosperis, nec de adversis, præsentibus, præteritis, vel futuris, in te nec in aliis, nec etiam nimis de propriis peccatis solliciteris, sed cum quadam puritatis simplicitate te esse cum Deo extrà mundum nudè cogita, ac si anima tua jam esset in æternitate extrà corpus se-

parata, utique non tractaret sæcularia, nec curaret de statu mundi, nec de pace, nec de guerra, nec de sereno, nec de pluvia, & planè nec de aliquo hujus sæculi, sed soli Deo conformiter totaliter intenderet, vacaret, & inhæreret. Sic suo modo vel nunc relinque corpus tuum, & omnia præsentia & futura creata, & defige aciem mentis ac spiritûs tui fixè, secundum omne tuum posse, nudè & expeditè in illud increatum lumen. Et sic ab omnibus phantasmatis & involutionibus ac obnubilationibus depuratus sit spiritus tuus, tamquam angelus corpori alligatus, qui per operationem carnis non impeditur, nec cogitationibus vanis ac vagis implicatur. Fortificet ergò se spiritus contra quascumque tentationes, vexationes, injurias, ut æquanimiter, inconcussè in utraque fortuna perseveret in Deo. Et cum adest turbatio, aut acedia, vel mentis confusio, non propterea insolescas, aut pusillanimis sis, nec propter hoc curras ad orationes vocales, aut alias consolationes, sed hoc solùm, ut resuscites te per voluntatem bonam in intellectu, ut adhæreas Deo mente, velit nolit sensualitas corporis. Devota namque anima sic debet esse cum Deo unita, & suam voluntatem divinæ  
VO-



voluntati tam conformem habere & facere, quòd se cum nulla creatura occupet, seu adhæreat, sicut dum non erat creata, ac si nihil sit præter solum Deum, & ipsam animam. Et sic universa & singula æquanimiter de manu divinæ providentiæ securè & infallibiliter accipiat, sustinens uniformiter in omnibus Dominum in patientia, tranquillitate, & silentio. Qua de re nudare mentem ab omnibus phantasmatibus super omnia valet ad vitam spiritualem, ut sis per bonam voluntatem unitus Deo in intellectu & conformis. Præterea nihil erit medium inter te & Deum, quod sic pater, quia nec res aliqua ab extrâ erit medium, cum per votum voluntariæ paupertatis ablata sit omnis rei possessio usque ad ultimum, & per castitatis votum corpus, & per obedientiam voluntas & ipsa anima, & sic quodammodò nihil relinquitur, quod mediat inter te & Deum. Quòd autem Religiosus sis, probat professio ipsa, status tuus, & nunc habitus tuus, & tonsura, & similia hujusmodi, sed an fictus, an verus Religiosus sis, tu videris. Animadvertite ergò, quàm graviter de generes & pecces in Dominum Deum tuum, & in omnem ejus justitiam, si secus egeris, & creaturæ potius quàm Creatori ipsi voluntate &

amore inhaeris, creaturam praeponens Creatori.

## C A P U T I X.

Contemplatio in Deo, quatenus omnibus aliis exercitiis est praeponenda.

**E**T quia omnia citrà Deum sunt effectus & opus ipsius Creatoris, habentia posse & esse, & quidquid sunt & possunt, limitatum, & ut ex nihilo producta nihilitatibus circumdata, & ex se ad nihilum tendentia, necessario momentis singulis suum existere, conservari, operari, & si quid in eis est, & sic per omnia ab ipso summo opifice Deo recipiunt, tamquam verè ex seipsis sibi & aliis insufficientia, ad cuius operationem sunt, sicut nihil ad aliquid, finitum ad infinitum. Quapropter in solo eo, & circum eum, & propter eum, & in eum sit omnis recta nostra contemplatio, vita, & operatio, qui etiam uno voluntatis nutu posset & sciret in infinitum omnibus modò creatis perfectiora producere. Nulla ergò, sive secundum intellectum, sive secundum affectum contemplatio & amoris fructio utilior, perfectior, & felicio, quàm in ipso Deo Creatore summo & vero bono, à quo, in quo, per quem, & ad quem om-

omnia, sibi & omnibus sufficiens est in infinitum, qui omnium in se continet perfectiones simplicissimè ab æterno, in quo nihil, quod non sit ipse, apud quem, & per quem, omnium instabilium stant causæ, in quo omnium mutabilium immutabiles manent origines, nec non omnium rationabilium, irrationabiliumque, atque temporarium in eo sempiternæ vivunt rationes, qui omnia complet, universa singulæque se toto essentialiter implet, cuique rei intimior est & præsentior per essentiam, quàm res sibi ipsi, in quo omnia simul sunt unita, & in eo sempiternè vivunt. Præterea si ex infirmitate, aut inusitatione intellectûs quis magis tenetur in creaturis contemplari, tunc hæc optima, vera, & fructuosa contemplatio videtur homini mortali possibilis, ut saltem in cunctis suis contemplationibus & meditationibus, sive circa creaturas, sive circa Creatorem fiunt, consurgat delectatio in ipso Creatore Deo uno & trino intra se, ut intra se, ut inardescat, ignis divini amoris, & veræ vitæ in se, & in aliis, ad meritum felicitatis æternæ vitæ. Animadvertenda est etiam in hoc differentia inter contemplationem Catholicorum fidelium, & Philosophorum gentilium, quia contempla-  
tio

tio Philosophorum est propter perfectionem contemplantis, & ideo sistit in intellectu, & ita finis eorum in hoc est cognitio intellectus. Sed contemplatio Sanctorum, quæ est Catholicorum, est propter amorem ipsius, scilicet contemplati Dei, idcirco non sistit in fine ultimo in intellectu per cognitionem, sed transit ad affectum per amorem. Unde Sancti in contemplatione sua habent amorem Dei tamquam principaliter intentum, quia felicius est etiam Dominum JESUM Christum agnoscere, & habere spiritualiter per gratiam, quam sine gratia corporaliter, vel etiam essentialiter. Porro dum anima ab omnibus abstrahitur, & in seipsam reflectitur, contemplationis oculus dilatatur, & se scalam erigit, per quam transeat ad contemplandum Deum. Ex qua contemplatione anima inardescit ad bona coelestia divina, & ad æterna, & omnia temporalia à longè prospicit tamquam nihil sint. Unde quando in Deum procedimus per viam remotiōnis, primò negamus ab eo omnia corporalia & sensibilia & imaginabilia; secundò, etiam intelligibilia, ad ultimum, hoc ipsum esse secundum quod in creaturis remanet. Sic quantum ad statum viæ pertinet, optimè Deo con-

conjugimur, secundum Dionysium.  
 Et hæc est caligo, quam Deus inhabitare dicitur, quam Moyses intravit, ac per hanc ad lucem inaccessibilem. Verum non prius quod spirituale, sed quod animale: ideo consueto ordine procedendum est à labore actionis ad quietem contemplationis, à virtutibus moralibus ad theoricæ & speculativas. Denique, O anima mea! quid occuparis circa plurima supervacue, & semper in his egēs? Intende & ama hoc Unum optimum bonum, in quo omne bonum, & sufficit. Infelix ergo, qui omnia scit præter ipsum & habet, ipsum autem nescit. Et sic hæc omnia & ipsum sciat, non propter hoc, sed propter ipsum beator. Unde Joannis 17. *Hæc est vita æterna, ut cognoscant te &c.* Joan. 17. Et Propheta: *Satiabor, cum apparuerit gloriæ tua.* Psal. 16.

## CAPUT X.

Actualis devotio & sensibilis non tantum curanda est, sicut voluntate Deo adhærere.

**P**RÆTEREA non multum cures actualem devotionem, aut sensibilem dulcedinem, vel lachrymas, sed tantum per bonam voluntatem in intellectu sis mente cum Deo intrà te unitus. Quippe super omnia pla-

cet Deo mens nuda à phantasmatis, id est, imaginibus, speciebus, ac similitudinibus rerum creatarum. Decet namque monachum esse alienum ab omni creatura, ut soli Deo intra se nudè & expeditè intendat, vacet, & adhæreat. Quamobrem abneges te-  
metipsum, ut nudè sequaris Christum Dominum Deum tuum, qui verè pauper, obediens, castus, humiliatus est, & passus, in cujus etiam vita & morte multi scandalizati fuerunt, ut liquet ex decursu Evangelii. Præterea, anima separata à corpore non advertit, quomodo, aut quid agatur de suo corpore derelicto, sive comburatur, sive suspendatur, sive maledicatur, & nihil propter has injurias corpori illatas contristatur, sed solum cogitat illud **NUNC** æternitatis, & illud Unum, quod dixit Dominus in Evangelio necessarium. Sic & tu te habeas ad corpus tuum, quasi jam non sis in corpore, & cogita semper de æternitate animæ tuæ in Deo, & dirige sedulo cogitatum tuum in illud Unum de quo Christus dixit: *Porro vanum est necessarium*, & senties ex hoc magnam gratiam, ad mentis nuditatem & cordis simplificationem acquirendam. Verumtamen istud Unum est tibi præsentissimum, si te nudaveris à phantasmatis, & quibus-

Luc. 10.

buscúmque aliis implicationibus, mox-  
que senties sic esse, videlicet te nuda &  
expedita mente vacare & adhærere  
Deo, & sic eris invictus etiam in om-  
nibus qualitercúmque inferri possunt,  
sicut & sancti Martyres, Patres, & ele-  
cti, beatique omnes, qui, despectis  
omnibus solum cogitabant animæ se-  
curitatem & æternitatem in Deo, & ita  
armati intus, & per bonam volunta-  
tẽ Deo uniti omnia mundi spreve-  
runt, ac si omninò anima jam divisa  
esset à corpore. Ex his ergò perpen-  
de, quantum potest bona voluntas  
cum Deo unita, imò per illam animæ  
impressionem in Deo, ut per ejus à  
carne virtuale & spirituale divisio-  
nem anima quodammodò respiciat à  
longè hominem exteriorem suum tam-  
quam non suum, & sic vilipendit om-  
nia, quæ inferuntur sibi vel carni suæ, ac  
si fierent alteri, vel non homini. Qui  
enim adhæret Deo, unus spiritus est  
cum eo. Numquam ergò audeas om-  
ninò coram Domino Deo tuo intrà te  
aliquid cogitare, vel imaginari, quod  
coram hominibus erubesceres vel au-  
diri, vel videri, propter Dei reveren-  
tiam principalem. Est etiam hoc ju-  
stum, omnem tuum cogitatum & co-  
gitationem ad solum Deum erigere,  
cumque tamquam nihil aliud præter  
ipsum

ipsum sit, sola mentis acie intueri, sicque inhaerendo frui, quod est perfecta inchoatio vitae futuræ.

## CAPUT XI.

Qualiter tentationibus sit resistendum, & tribulationes qualiter sustinendæ?

**P**ROINDE nemo accedens ad Deum vero & integro corde est, quin vexationibus & tentationibus probetur. Idcirco in omnibus tentationibus vel hoc observetur, ut si sentiatur, non consentiatur, & patienter ac æquanimiter cum humilitate & longanimitate portetur. Si verò blasphemix sint & turpissimæ, hoc omnino firmiter teneas, quod nihil melius aut veriùs contra easdem facere potes, quàm omnino huiusmodi phantasias pro nihilo reputare, quamquàm blasphemix nequissimæ & fœdissimæ & horribiles sint, solùm non cura eas, sed pro nihilo reputa & contemne, & tibi non imputa, nec velis tibi super huiusmodi conscientiam formare. Fugiet procul dubio inimicus, si eum sic & suas factiones contempseris. Superbus enim est valdè, non patitur se contemni & sperni. Omnino ergo talia penitus non curare, summum est reme-



medium, sicut de muscis volantibus coram oculis contra voluntatem. Provideat ergò servus JESU Christi, tam facile non importunè fugere à facie Domini, & hinc inde indignari, murmurare, & querulari super unius muscæ vexatione, videlicet levis tentationis, suspicionis, tristitiæ, & detractio- nis, insufficientiæ, & cujuscumque adversitatis, cum solâ manu bonæ voluntatis in Deum erectæ possunt omnia hæc fugari. Nempè per bonam voluntatem habet homo Deum in possessorem, sanctos Angelos custodes in protectores. Insuper & per bonam voluntatem omnis tentatio superatur, sicut musca manu de calvitie capitis fugatur. Pax ergò hominibus bonæ voluntatis. Proinde ergò nec aliquid ditius offertur Deo bona voluntate. Quippè bona voluntas in anima, est origo omnium bonorum, & omnium mater virtutum, quam qui habere incipit, securè habet quidquid ei ad benè vivendum opus est. Si ergò volueris bonum, & non potes, factum Deus compensat. Igitur secundum hoc æterna lex incommutabili stabilitate firmavit, ut in voluntate meritum sit, in beatitudine aut in miseria præmium, atque supplicium. Dilectio enim est magna voluntas Deo serviendi,

di, dulcis affectus Deo placendi, ferventissimum desiderium Deo fruendi. Demum tentari non est peccatum, sed materia exercendæ virtutis, ut homo ad multa bona proficiat tentatione, cum tota vita hominis super terram tentatio censeatur.

## C A P U T XII.

De amore Dei, quàm efficax sit.

**E**NIMVERO omnia supradicta, & quæcûmque salutis necessaria, non melius, nec propinquiùs, nec salubriùs perfici possunt, nisi per amorem, per quem suppleri potest omnis necessarii ad salutem indigentia, & in eo habetur omnis boni abundantia, nec deest summi desiderii præsentia. Quippe solus amor est, quò convertimur ad Deum, transformamur in Deum, adhæremus Deo, unimur Deo, ut simus unus spiritus cum eo, & beatificemur hîc in gratia, & ibi in gloria ab eo, & per eum. Amor enim ipse non quiescit, nisi in amato, quod fit, cum obtinet ipsum possessione plenaria atque pacifica. Nempe amor ipse, qui & charitas, est via Dei ad homines, & via hominis ad Deum, & mansionem Deus habere non potest, ubi charitas non

non est. Si igitur charitatem habemus, Deum habemus, quia Deus charitas est. Proinde nihil amore acutius, nihil subtilius aut penetrabilius, nec quiescit, donec naturaliter totam amabilis penetraverit virtutem & profunditatem ac totalitatem, & unum se vult facere cum amato, & si fieri potest, ut hoc idem ipse sit, quod amatum. Et ita nullum patitur medium inter se & objectum dilectum, quod amat, quod est Deus, sed vehementer tendit in eum, & ideo numquam quiescit, donec omnia transeat, & ad ipsum in ipsum veniat. Est enim amor ipse virtutis unitivæ & transformativæ, transformans amantem in amatum, & econtra, ut sit unum amatorum in altero, & conversò, in quantum intimius potest. Quod liquet primò, quantum ad vires apprehensivas, qualiter amatum sit in amante, videlicet in quantum dulciter & delectabiliter revocatur in apprehensione amantis, & è regione, prout scilicet amans nititur singula, quæ ad amatum pertinent, non superficialiter, sed intrinsecus discernere, & quasi ad interiora ejus ingredi. Sed quantum ad vires appetitivas & affectivas, amatum dicitur in amante, prout videlicet est in affectuosa ejus complacentia, & in jucunda

Cant. 8.

da ejus delectatione interiùs radicata, e conversò amans est in amato, toto desiderio & conformitate secundùm idem velle & nolle, & in eodem gaudere & tristari, tamquàm idem ipse. Trahit enim amor (*quia fortis est ut mors dilectio*) amantem extrà se, & collocat eum in amato. faciens ei intimissimè inhærere. Plùs enim est anima, ubi amat, quàm ubi animat, quia sic est in amato secundùm propriam naturam, rationem, & voluntatem, sed in eo, quod animat, tantùm est secundùm quod est forma, quod etiam brutis convenit. Non est ergò aliud, quod nos ab exterioribus sensibilibus intranos, & exindè in Jesu Christi intima & divina trahit, quàm amor Christi, quàm desiderium dulcedinis Christi, ad sentiendum, percipiendum, & degustandum præsentiam Divinitatis Christi. Non itaque aliud est, quàm amoris vis, quæ etiam animam de terris ad fastigia cœli celsa perducit. Nec ad summam beatitudinem quis pervenire potest, nisi amore & desiderio provocante. Ipse etiam amor est vita animæ, vestis nuptialis, & perfectio ipsius, in quo omnis lex & Prophetæ, juxta Domini edictum pendet. Unde Apostolus ad Romanos: *Plenitudo legis est dilectio.*

*lectio.* Et primâ ad Timotheum: *Finis præcepti est charitas.*

## CAPUT XIII,

Orationis qualitas & utilitas, &  
quomodo cor sit colligendum  
intra se.

**P**RÆTEREA, cùm ad hæc & ad  
quæcúmque alia bona omninò  
simus ex nobis insufficientes, nec  
aliquid de nobis ipsi Domino Deo ( à  
quo solo omne bonum ) exhibere pos-  
sumus, quod non sit prius suum, solò  
unò exceptò, quod superest, quem-  
admodum ipse per se benedictio suo  
ore etiam & exemplo nos instruere di-  
gnatus est, ut videlicet in omni casu &  
eventu ad ipsam orationem recutra-  
mus, sicut rei, miseri, pauperes, men-  
dici, infirmi, inopes, subditi, servi,  
& filii, ac totaliter in nobis ipsis deso-  
lati, humillima mentis prostratione, in  
timore & amore, recollectè & compo-  
sitè, maturo, vero, nudòque affe-  
ctu erubescentiæ, cum magnitudine  
desiderii & ardore, nec non in gemitu  
cordis, & simplicitate & sinceritate  
mentis, supplicemus & exponamus ip-  
si plena cum fiducia undique nobis im-  
minentia pericula, ita duntaxat, ut ex-  
pediè, securè, & nudè nos ei totaliter  
Kk. 2 usque

usque ad ultimum fideliter committamus, & offeramus, tamquam verè & per omnia sui, nihil nobis ipsis reservantes, ut impleatur in nobis illud beati Patris Isaac, qui loquitur de hac ipsa oratione, dicens: Tunc erimus unum in Deo, & Dominus Deus erit in nobis omnia in omnibus & solus, quando illa sua perfecta dilectio, quæ prior ille nos dilexit, in nostri quoque cordis transierit affectum. Quod ita fiet, cum nobis omnis amor, omne desiderium, omne studium, omnis conatus, denique omnis cogitatio nostra, omneque quod videmus, loquimur, quodque speramus, Deus erit, illaque unitas, quæ nunc est Patris cum Filio, & Filii cum Patre, in nostrum fuerit sensum, mentemque transfusa, ut quemadmodum ille nos sincera & pura atque indissolubili charitate diligit, nos quoque ei perpetua & inseparabili dilectione jungamur, ita scilicet eidem copulati, ut quidquid speramus, quidquid intelligimus, quidquid loquimur & oramus, Deus sit. Hæc ergo intentio, hic conatus, & finis spiritualis hominis esse debet, ut imaginem futuræ beatitudinis in hoc corruptibili corpore possidere mereatur, & quodammodo arrham illius cœlestis beatitudinis.

titudinis & conversationis gloriæ inci-  
piat in hoc sæculo prægustare. Hic  
inquam finis totius perfectionis est, ut  
eò usque extenuata mens ab omni si-  
tu carnali ad spiritualia quotidie sub-  
limetur, donec omnis conversatio,  
omnisque voluntas cordis, una & ju-  
gis efficiatur oratio. Cùmque ita  
mens, deposita fæce terrena, ad Deum,  
in quo solo semper defixa debet esse  
intentio spiritualis hominis, respira-  
verit (cui ab illo summo bono vel  
parva separatio mors præsens, ac  
perniciosissimus interitus est creden-  
dus) præmissaque fuerit tranquillita-  
te fundata, vel ab omnium carnalium  
passionum nexibus absoluta, & illi uni-  
summoque bono tenacissima adhæse-  
rit intentione, Apostolicum illud im-  
plebit: *Sine intermissione orate, & in om-* 1. Thess. 5:  
*ni loco, levantes puras manus, sine ira &*  
*disceptatione.* Hac enim puritate (si 1. Tim. 2:  
dici potest) sensu mentis absorpto, ac  
de terreno situ ad spiritualem sive an-  
gelicam similitudinem transformato,  
quidquid in se receperit, quidquid  
tractaverit, quidquid egerit, purissi-  
ma atque sincerissima oratio erit. Hæc  
proinde si continuaveris indisruptè,  
quemadmodum usque ab initio disse-  
ruimus, erit tibi in tua introversione

& recollectione jam facile ac promptum contemplari ac frui, sicut vivere in natura.

## C A P U T XIV.

Conscientiæ attestatio in omni iudicio requirenda est.

**D**EMUM ad spiritualem mentis perfectionem, puritatem, & tranquillitatem in Deo consequendam, non mediocriter ad hoc proficere videtur, ut in omni, quod de nobis dicitur, sentitur, & agitur, semper tacite ad interiora mentis arcana recurramus, & inibi ab omnibus aliis abstracti, & intra nos totaliter recollecti, statuamus nos in cognitionem veritatis ante nos, & utique inveniemus atque videbimus penitus nihil proficere nobis, sed plurimum obesse, si laudati vel honorati ab extrâ fuerimus, & ab intrâ in veritatis cognitione de nobis culpabiles & rei existimus. Et sicut tunc nihil prodest, si quempiam ab extrâ homines laudant, & conscientia ab intrâ accusat, ita è regione nihil obest, si ab extrâ quis contemptus, vituperatus, & persecutus fuerit, ab intrâ tantum innocens, irreprehensibilis, & innoxius existat: imò quàm plurimum  
fu-



super hæc cum patientia, & silentio, & quiete, non immeritò in Domino gratulari habet, siquidem nulla nocebit adversitas, ubi non dominatur iniquitas. Et sicut nullum malum impunitum, ita nullum bonum irremuneratum. Neque cum hypocritis velimus mercedem & præmium expectare, vel recipere ab hominibus, sed solum à Domino Deo, non in præsentì, sed in futuro, non transitorio in tempore, sed in æternitate. Liquet ergò, quòd nec majus aliquid, nec melius, quàm semper in omni tribulatione & eventu ire ad interiora mentis secreta, & ibi invocare ipsum Dominum Jesum Christum, adiutorem in tentationibus & tribulationibus, ac inibi humiliari in confessione peccati, & laudare ipsum Deum & Patrem, corripientem & consolantem, insuper & omnia & singula in se vel in aliis, prospera, sive adversa, æquanimiter accipere, expedite & secure de manu suæ infallibilis providentiæ aut dispositionis ordinatæ. Ex quibus sequitur etiam peccatorum remissio, amaritudinis expressio, collatio dulcedinis & securitatis, infusio gratiæ & misericordiæ, attractio & corroboratio familiaritatis, atque abundans in ipso consolatio, firmaque

adhæſio & unio. Sed nec velimus imitari eos, qui per hypocrifiſim, & more Phariſaico, ſeipſos cariùs & aliter videri, haberi & apparere ab extrâ coram hominibus fatagunt, quàm ab intrâ in veritate de ſe didicerunt, quod quidem extremæ dementiæ eſt, ſic videlicet quærere, appetere aut expetere laudem humanam vel gloriam à ſe vel ab aliis, cùm nihilominùs interiùs repletus ſit illecebris & peccatis graviffimis. Et certè, qui poſt huiusmodi vaniſſima currit, fugient ab eo prædicta bona, & dedecus incurret. Semper ergò præ oculis tuis habeas mala tua, & inidoneitatem tuam, & cognoſce te, ut humiliêris, & tanquam peripſema indigniſſimum, viliſſimum, abjectiſſimumque ab omnibus haberi non refugias propter graviffima peccata & maxima mala tua. Qua de re reputa te inter alios, ut ſcoriam inter aurum, zizaniam inter triticum, paleam inter grana, lupum inter oves, ſathan inter filios Dei. Sed nec velis rêvereri ab aliis, aliis que præferri, imò potiùs toto corde & ſpiritu fuge virus huius peſtilentiæ, venenum laudis, reputationem jaçtantiæ & oſtentationis, ne videlicet juxta Prophetam laudetur *Peccator in deſideriis anima ſua*. Et *Iſaiæ tertio: Qui beatum te dicunt, ipſi*

Pſalm. 9.

Iſaiæ 3.

re decipiunt, & viam gressuum tuorum dissipant. Et Dominus Lucae sexto: *Va,* Luc. 6.  
cum benedixerint vobis homines.

## CAPUT XV.

Contemptus sui, qualiter causetur  
in homine, & quàm utilis sit.

**P**ROINDE quantò quis vilitatis suæ  
Cognitor est, tantò plùs & limpi-  
diùs divinæ Majestatis est Inspector, &  
quantò aliquis propter Deum verita-  
tem, & justitiam sibi ipsi in oculis suis  
est vilior, tantò in oculis Dei est pre-  
tiosior. Quapropter studeamus toto  
desiderii conatu nos vilissimos reputa-  
re, & credere indignos omni benefi-  
cio, nobis displicere, soli Deo place-  
re, ab aliis indignissimi & vilissimi re-  
putari, insuper super tribulationibus,  
afflictionibus, & injuriis non moveri,  
nec super hujusmodi inferentes con-  
turbari, nec cogitationibus contra  
eos involvi, vel indignari, sed æquo  
animo credere velis, te cunctis inju-  
riis, vilipensionibus, flagellis, & de-  
relictionibus esse dignum. Nam re-  
verà, qui verè secundum Deum pœ-  
nitet & luget, ille ab omnibus hono-  
rari ac diligi abhorret, nec subterfugit,  
nec renuit se quodammodò odiri.

Kk 5

ut

concūlcati, despici, usque in finem, ut verè humilietur, & puro corde soli Domino Deo sincerè adhæreat. Verū tamen ad Dominum Deum solum diligendum, & seipsum super omnia abhorrendum, & ab aliis appetere vilipendi, non requiritur labor extrinsecus, nec corporis valetudo, sed potius solitudo corporis, labor cordis, & quies mentis, ut scilicet labore cordis, & affectione mentis intimæ surgat, & corporaliter se ab illis infimis evellat, & sic ad cœlestia & divina surgat & ascendat. Nempe hoc facientes, mutamus nos in Deum, & præcipuè tunc fit, quando ex corde eligimus, sine iudicio, damnatione & contemptu proximi, nos ut peripsa & opprobrium ab omnibus æstimari, imò ab omnibus tanquam lutum foedum abhorrerem, quàm quibuscumque deliciis abundare, vel ab hominibus honorari aut elevari, seu qualicumque corporali & transitoria sospitate vel commodo perfrui, nec aliam præsentis hujus mortalitatis & corporalis vitæ consolationem desiderare, quàm nostras offensiones, culpas, & peccata sine intermissione lugere, deplangere, & plorare, perfectè nos vilipendere & annihilare, & de die in diem ab aliis magisque

gisque viliores haberi, & in omni vilitate indigni in nostris oculis quotidie fieri, ut soli Deo placeamus, eumque solum diligamus, sicque ei adhæreamus, nec circa aliquid velimus affici, nisi solum circa ipsum Dominum Jesum Christum, qui solus jaceat in nostro affectu, nec de ullo sollicitari & curare, nisi de ipso, in cujus ditione & providentia universa & singula currunt & subsistunt. Non ergo tuum erit amodò deliciarì, sed verè toto corde lugere. Quamobrem, si non luges, propter hoc luge, si verò luges, propter hoc magis lamentare, quia doloris causam tibi superinduxisti propter tuas offensiones maximas & peccata infinita. Sicut ergo non sollicitudinem gerit super spiculatorum dispositionem, qui sententiam suscipit condemnatus, sic qui lamentatur, & efficaciter lugeat, neque deliciis, neque iræ, aut gloriæ, vel indignationi, vel hujusmodi aliquandò attendat. Et sicut alia civium, alia sunt damnatorum habitacula, ita lugentium, & habentium ad pœnam obligantia delicta, statio & institutio ab innoxiiis & non obligatis aliena penitus debet esse & remota. Alioquin non esset differentia rei obnoxii & innocentis, in compensatio-  
ne

ne & satisfactionis poena, quæ tamen magna erat in prævaricationis culpa, & liberior esset iniustitia, quàm innocentia. Omnia ergò abneganda, omnia contemnenda, omnia excutienda & vitanda, ut plena fide bonum luctui poenitentiae jaciatur fundamentum. Igitur in veritate Jesum Christum diligens, & post eum lugens, & eum in corde & in corpore portans, in veritate dolorem de suis peccatis & offensionibus habens, in veritate futurum regnum percipere inquirens, nec non in vera fide memoriam tormentorum & judicii æterni possidens, & sui exitus timorem & memoriam firmiter perfecteque reassumens, non ulterius conabitur, nec curabit, nec sollicitas erit de aliquo alio. Propter quod, qui ad beatam impassibilitatem & ad Deum currere festinat, omni die, in qua non maledicitur & contemnitur, se multum damnum arbitretur sustinuisse. Impassibilitas autem est, à vitiis & passionibus libertas, cordis munditia, & virtutum ornatus. Estima igitur te jam mortuum, quem non ambigis de necessitate moriturum. Et postremum argumentum omnium cogitationum, locutionum, operum tuorum, an secundum Deum sint, sit tibi indicium hoc.

hoc, videlicet si his magis humilis, & intrate, & in Deo plus relictus & confortatus fueris. Si autem aliter in te repereris, suspectum tibi sit, ne non sit secundum Deum, nec sibi acceptum, nec tibi proficuum.

## C A P U T XVI.

Providentia Dei, qualiter ad omnia se extendat.

**V**ERUMTAMEN, ut juxta præfata sine impedimento, expedite, secure & nude in Dominum Deum nostrum liberè & tranquille feramur, jungamur & uniamur. eique firmiter adhareamus, æquanimiter in prosperis & adversis, in vita sive in morte, opus est, ut cuncta & singula indiscussæ suæ infallibili providentiæ indubiè committamus & certissime. Nec mirum, cum ipse solus sit, qui omnibus dat esse, posse, & operari, id est, substantiam, virtutem, & operationem, speciem, modum, & ordinem in numero, pondere, & mensura. Præsertim, cum sicut opus artis præsupponit opus naturæ, ita opus naturæ præsupponit opus Dei creantis, conservantis, ordinantis, & administrantis, eo, quod ipse solus sit infinita potentia,

tia, sapientia, bonitas, & essentialis misericordia, iustitia, & veritas, charitasque, immutabilis æternitas & immensitas. Nulla ergò res potest propria virtute subsistere, nec agere, nisi agat in virtute ipsius Dei, scilicet primi moventis, primi principii, qui est causa omnis actionis, & operatur in omni agente. Quippè, quantum ad rationem ordinis pertinet, Deus immediate omnibus providet, & usque ad ultima singularia. Nihil igitur à maximo usque ad minimum sempiternam Dei providentiam effugit, nec declinat etiam, sive in naturalibus, sive in voluntariis, sive in casualibus, sive in fortuitis, nec de se intentis. Sed nec aliquid Deus facere potest, quin sub ordinem suæ providentiæ cadat, sicut non potest facere aliquid, quod ejus operationi non subdatur. Extendit igitur se providentia divina ad omnia & singula, etiam usque ad hominum cogitata. Qua de re Scriptura, juxta illud primæ Petri 5. *Omniem sollicitudinem vestram projicientes in eum, quoniam ipsi cura est de vobis.* Et rursùm Prophetata: *Facta cogitatum tuum in Domino, & ipse te enutriet.* Et Ecclesiastici secundo: *Respicite filii hominum, & scitote, quia nullus speravit in Domino, & confusus est,*

1. Petr. 5.

Psal. 54.

Ecli. 2.



est, permansit in mandatis ejus, & derelictus est. Et Dominus ait: *Nolite solliciti* Matth. 6.

*esse dicentes: Quid manducabimus? Quid-*  
quid ergò, & quantumcúmque ma-  
gnum à Deo sperare possumus, erimus  
sine dubio accepturi, secundùm illud  
Deuteronomii: *Omnem locum, quem cal-* Deut. 11.

*caverit pes vester, vester erit.* Quia  
quantumcúmque desiderare quis po-  
tuerit, tantùm est accepturus, & qua-  
tenùs fiduciæ pedem porrexerit, eate-  
nùs possidebit. Unde Bernardus:

*Auctor omnium Deus tantæ abundat vi-*  
*sceribus pietatis, ut ad quantumcúmque*  
*gratiam fiduciæ sinum extendere poteri-*  
*mus, tantùm erimus sine dubio acceptu-*  
*ri.* Unde Marci 11. *Quacúmque*

*orantes petitis, credite, quia accipietis, &* Marc. 11.  
*evenient vobis.* Porro quantò hæc fi-

ducia in Deum fortior est & instan-  
tior, & quantò in Deo cum humili-  
tate & reverentia se violentiùs erigit,  
tantò securiùs, & abundantius, &  
citiùs, quod sperabat, impetrabit ac  
obtinebit. At verò, si inter hæc

propter multitudinem & magnitudi-  
nem peccatorum fiducia in Deum se  
erigere tependo retardat, animad-  
vertat, qui hujusmodi est, quòd om-  
nia possibilia sunt apud Deum, &  
quod vult, necesse est quòd fiat, &

quòd

2. Cor. 3.

quod non vult , impossibile est ut fiat , & quòd tam facilè est ei , tam innumerabilia peccata , quantumcùmque enormia remittere & delere , sicut unum peccatum. Et sicut peccator non potest , quantum in se est , ab innumerabilibus peccatis surgere , & se ab eis excutere & absolvere , sic nec ab uno peccato. Non enim possumus non solùm facere , sed neq; cogitare bonum à nobis , quasi ex nobis , sed hoc ex Deo est. Attamen utique multò periculosius est , pluribus irretitum esse peccatis , cæteris paribus , quàm uno solo , quia nullum malum impunitum , & cuique peccato mortali debetur infinita pœna ; & hoc de rigore justitiæ , eò quòd quodlibet tale peccatum sit contrà Deum , qui est actu infinitæ reverentiæ , dignitatis , & honorificentiae. Præterea , secundùm Apostolum scit Dominus qui sunt ejus , & impossibile est aliquem illorum perire inter quoscùmque anfractus & fluctus errorum , scandalorum , schismatum , persecutionum , discordiarum , hæresum , tribulationum , adversitatum , atque tentationum qualiumcùmque , eò quòd numerus electorum suorum , & terminus merito-  
rum

rum sit æternaliter & immutabiliter ab eo prævisus, in tantum, ut etiam omnia bona & mala, propria & aliena, prospera & adversa eis coeperentur in bonum, nisi forte in hoc, quod gloriosiores & probatiores appareant in adversis. Secure ergo & expedite cuncta, & singula committamus, plena cum fiducia, divinæ providentiæ, quæ idcirco permittit mala qualiacumque, qualitercumque fieri, & bonum est, & bene fit, ut sinat ea fieri, nec fierent, nisi permetteret ea fieri, nec aliter, nec plus fieri possunt, nisi in quantum permittit, quia scit, potest, & vult ea in melius convertere & disponere. Sicut enim ejus operatione omnia bona fiunt, sic ejus permissione omnia mala, bona fiunt, ut certè ex hoc appareat ejus potentia, sapientia, clementia per reparatorem Christum, misericordia & justitia, virtus gratiæ, & defectus naturæ, pulchritudo universi comparatione oppositorum, laus bonorum, reproborum malitia atque poena. Similiter in peccatore converso contritio, confessio, & poenitentia, mansuetudo Dei, pietas, &

Ll

50 *Alberti Magni de adhaerendo Deo.*

& charitas, lausque ejus, & bonitas. Non tamen eis semper cedit in bonum, qui male agunt, sed ut communiter in periculum magnum, & maximum malum, privationis scilicet gratiae & gloriae, & incurSIONIS culpae & poenae, nonnumquam etiam aeternae, à qua nos custodiat JESUS CHRISTUS. Amen.

O. A. M. D. G.







- tenus omnibus aliis exercitiis est  
præponenda. 24.
- Cap. X. Actualis Devotio & sensibilis  
non tantum curanda est, sicut vo-  
luntate Deo adhærere. 27.
- Cap. XI. Qualiter tentationibus sit  
resistendum, & tribulationes qua-  
liter sustinendæ. 30.
- Cap. XII. De Amore Dei, quàm effi-  
cax sit. 31.
- Cap. XIII. Orationis qualitas & utili-  
tas, & quomodo cor sit recolligen-  
dum intra se. 35.
- Cap. XIV. Conscientiæ attestatio in  
omni iudicio requirenda est. 38.
- Cap. XV. Contemptus sui, qualiter  
causetur in homine, quàm utilis  
sit. 41.
- Cap. XVI. Providentia Dei, qualiter  
ad omnia se extendat. 45.



# Errata notabilia benevolus

Lector sic corrigat.

Pag.	Lin.	Errata.	Correcta.
2	5	sno.	suo.
19	27	suammet.	suummet.
28	4	sno.	suo.
35	4	omplacuit.	complacuit.
52	1	verum falsum.	verum & falsum.
57	10	quæ.	quâ.
69	23	Clementis.	Elementis.
81	3	et.	est.
88	21	Ediscito.	Edicito.
95	14	au.	ad.
140	20	ordinatum.	inordinatum.
144	16	Denorem.	Honorem.
145	1	Imperium.	Impium.
151	13	in infiniti.	infiniti.
153	31	non.	nam.
159	6	hora.	ora.
163	16	hominem.	hominum.
165	25	quarumlibet.	quorumlibet.
173	11	tribui.	tribuit.
195	25	Exercitium.	Exercitum.
203	1	ad.	ab.
239	17	Largitor.	Largitori.
169	30	foriis.	foris.

*Reliquos errores leuiusculos Typographia Discretionè  
benigni Lectoris remittimus corrigendos.*

MAG 200 1820

SECRET

1. The first part of the document is a list of names and addresses, which appears to be a directory or a list of contacts. The names are written in a cursive script, and the addresses are listed below them.

2. The second part of the document is a list of names and addresses, which appears to be a directory or a list of contacts. The names are written in a cursive script, and the addresses are listed below them.

3. The third part of the document is a list of names and addresses, which appears to be a directory or a list of contacts. The names are written in a cursive script, and the addresses are listed below them.

4. The fourth part of the document is a list of names and addresses, which appears to be a directory or a list of contacts. The names are written in a cursive script, and the addresses are listed below them.

5. The fifth part of the document is a list of names and addresses, which appears to be a directory or a list of contacts. The names are written in a cursive script, and the addresses are listed below them.

6. The sixth part of the document is a list of names and addresses, which appears to be a directory or a list of contacts. The names are written in a cursive script, and the addresses are listed below them.

7. The seventh part of the document is a list of names and addresses, which appears to be a directory or a list of contacts. The names are written in a cursive script, and the addresses are listed below them.

8. The eighth part of the document is a list of names and addresses, which appears to be a directory or a list of contacts. The names are written in a cursive script, and the addresses are listed below them.

9. The ninth part of the document is a list of names and addresses, which appears to be a directory or a list of contacts. The names are written in a cursive script, and the addresses are listed below them.

10. The tenth part of the document is a list of names and addresses, which appears to be a directory or a list of contacts. The names are written in a cursive script, and the addresses are listed below them.









LEGATORIA DI LIBRI  
**R. CICCIORICCIO**  
Borgo Vittorio, 26  
ROMA

